




BIBLIOTECA NAZ.
Vittorio Emanuele III

XXV

A

43
NAPOLI

2



XXV

a

43.



IAMBLICHVS

DE MYSTERIIS

ÆGYPTIORVM,

Chaldæorum, As-
syriorum.

*

PROCLUS in Platonicum Alcibiadem de
Anima, atque Demone.

Idem de Sacrificio & Magia.

PORPHYRIUS de Diuinis atq; demonib.

PSELLVS de Demonibus.

MERCVRII Trismegisti Pimander.


Ejusdem Asclepius.



APVD

IOANNEM TORNAESIVM.

CIC. IOC VII.



MARSILIUS FICINVS

*Florentinus Reuerendissimo in Chr. Flo. Pa-
tri D. Ioanni Medici, sanctæ Romanæ
ecclesiæ Cardinali, suppliciter
se commendat.*

*

QUVM epistolam ad te scribere statuis-
sem in Cardinea dignitate nuper tibi
collata gratulaturam, cogitarémque,
cui potissimum eam dārem tibi red-
dendam, qui congratulationem nostram effice-
ret admodum gratiorem, in academiam me su-
bito contuli, sperans in ejus saltem penetralibus
salutatorem nobis aliquem tibi acceptissimum
non defuturum. Illic ergo diuina quadam sorte,
primus occurrit Iamblichus; inter academicos
cognomento Diuinus; & magnus ibi sacerdos.
Cui quidem; Salue, inquam, Iambliche sacerdos
magne. In præsentia (ut vides) Ioanni Medici, no-
uo Christianæ religionis antistiti congratulatu-
rus sum: tu precor, si iusta peto, congratulatio-
nem nostram, alioquin jejunam, diuinis verbis
mysteriisque tuis efficies pleniorē. Annuit ille
precibus, atque hac ad te sententia Ioannes sa-
cerdos magne, venit magnus ille sacerdos. Tu
igitur salutatorem tantum lætus excipe, atque
post salutationem primam, post lectam episto-
lam, quid diuinus ille loquatur, si placet atten-
tius audi. promissit enim, ut sua, tuæque persona
pariter digna diceret, se tibi breuibus, quid Ægy-
ptij, & Assyrij sacerdotes de religione, rebusque
diuinis senserint, expressurum.

a a 2

Arg.

Argumentum in librum Iamblichi.


Porphyrius, qui inter Platonicos propter excellentiam Philosophus appellatur, longam in Aegyptum misit epistolam ad Anebonem sacerdotem, variarum & gravium questionum plenam ad omnes philosophiae partes spectantium, praesertim ad Deum, atque angelos, demonesque, & animas, ad providentiam, ad fatum, vaticinia, magicen, miracula, sacrificia, vota. Porphyrii questionibus respondit Iamblichus ejus auditor. Introducit vero Porphyrio respondentem Abamone Aegyptium sacerdotem pro Anebone discipulo suo, ad quem Porphyrius misit epistolam. Hujus ergo questionis totius, atque responsionis profecto divinae, tanquam in Plotino adhuc nimium occupatus, singula ferme non verba, sed sensa traduxi, ut non mirum putari debeat, sicubi diuulsa videatur oratio, praesertim inter ipsa disputandi principia, ubi levior jactura verborum. Iam deinceps verborum etiam contextus magis perpetuus apparebit. Coactus vero sum interdum in eum aliquod verbum vel continuationis, vel intelligentiae gratia interserere. Velocioris autem editionis etiam in causa fuit Pierleonius vir omnium cupidissimus secretorum. Verum, id quod in primis admiror, hic semper affectare videtur, quae jam possides. Nam diuinitate quadam ingenij Philosophorum arcana, & Graecorum, & barbarorum nondum lecta consequitur.



IAMBlichVS DE MYSTERIIS.



De cognitione diuinorum.



EGYPTII scriptores, putantes omnia inuenta esse à Mercurio, suos libros Mercurio inscribebant. Mercurius præest sapientiæ, & eloquio. Pythagoras, Plato, Democritus, Eudoxus, & multi ad sacerdotes Ægyptios accesserunt. Dogmata hujus libri sunt Assyriorum, & Ægyptiorum. & ex columnis Mercurij. Pythagoras, & Plato didicerunt philosophiam ex columnis Mercurij in Ægypto. Columnæ Mercurij plenæ doctrinis. Ante omnem rationis vsum inest naturaliter insita deorum notio: imo tactus quidam diuinitatis melior, quàm notitia, ex quo incitatur naturalis appetitus boni, & ratiocinatio, atque judicium. Essentialis cognitio diuinorum, quæ anima est perpetua, ac re vera non est cognitio hæc, qua Deo fruimur. In cognitione enim est alteritas, sed contactus quidam essent

2 3

essentialis, & simplex. Non enim possumus attingere vnitatem ipsam, nisi vnitissimo quodam, & vnitare mentis, quæ super animæ, mentisq; proprietatem extat. Vnitas ipsa deorum vnit sibi animas ab æterno per vnitates earum secundum cōtigitatem tam propriam, & efficacem, ut esse continuas videatur. Intellectus diuinus dat esse animæ per intelligere suum essenziale. Ergo esse animæ, est quoddam intelligere, scilicet deum, vnde dependet. Esse nostrum, est deum cognoscere, quia præcipuum esse animæ, est intellectus suus, in quo idem est esse, quod intelligere diuina actu perpetuo. Ab illo autem esse præcipuo deriuantur potentie animæ discurrentes. Post deos ponimus dæmones, heroës, animas puras: hi tres ordines pedissequi sunt deorum. Non possumus solitis humanæ rationis discursionibus attingere deorum pedissequos dæmones, heroës, animos puros. Sed necesse est consurgere ad essentialem intelligentiam, & æternam. Sicut dii semper attinguntur notione innata, sic numina deorum pedissequa, tunc primùm attinguntur, quando anima deposuit modum cognitionis mobilem, qui ad potentiam spectat rationalem, quæ intellectu, intelligentisq; formatur,

matur, quem vocat intellectum adeptum. Nam prima notitia in agente intellectu consistit. Quum cognitio per adæquationem fiat, sequitur ut minima sempiterna, & immobilia attingamus, notione sempiterna, immobili, simplici. Cognitio, qua cognoscimus substantias separatas, est in alia specie, quàm illa, qua cognoscimus alia. Cognitio diuinorum fuit semper in anima per simplicem intuitum, vel contactum. Aliqui putant se assequuturos separata per quendam oppositionis modum, scilicet materialia sunt, mobilia, localia, patibilia, &c. Ergo separata sunt immobilia, &c. Sic utique cognoscitur, quid non sint, quid verò sint, adæquatione cognitionis ad illud, quod animo naturaliter per intellectum inest: acquiritur autem in rationali potentia studio quodam, nec tam comparisonis, & cōjecturæ, quàm separationis, & purificationis officio. Erat & modus disunctionis, scilicet, dij, & diuina, vel sunt temporalia, vel æterna. Non temporalia, ergo & æterna. hic etiam modus suæ mobilitate non congruit immobilibus.

*De proprietatibus vniuscuiusque
superiorum.*

SI qua compositio eōtrā substantiis separatis, & separabilibus inest, non est

ex genere per se indeterminato, & differentia terminante. Illæ enim substantiæ sunt completæ species vndiq; in actu determinato, atq; cōpleto. Si substantiæ separabiles tanquam simplices nō differunt inter se per differentias speciales sub eodem genere, ergo neq; per individuales sub eadem specie discrepant. quælibet igitur est, quasi vnum genus, vel species per se existens. differunt verò se ipsis, & ordine graduum, & quoniam ad primum, aliter referuntur. Intelligentiæ inter se non conueniunt, vel differunt genere, & differentiis vllis: simplicissima enim sunt, sed quatenus vel eadem, vel diuersa ratione referuntur ad primum, & aliæ in prioribus, aliæ in sequentibus perfectionis gradibus dispositæ sunt. Differentiæ rerum inter se in actionibus, passionibusq; resolvendæ vbiq; sunt in iurium differentias, atq; hæ in differentias essentialium, neq; alicubi quiescendum est in sequentibus, sed ad priora proficiscendum. Neq; in substantiis superioribus anima nostra, neque in hac est motio vlla passiuæ, sed totum est actus efficax. Motus animæ, quo ex se mouetur, non diuiditur in motorem, & motum vel mouere, atque moueri, sed est essentialis actus progrediens temporaliter.

ter. Cōpositis & formis, quæ sunt in sub-
jecto, competunt accidentia, formis im-
materialibus non conueniunt: Quicquid
est in formis separabilibus, est esse, & es-
sentiale præcipua quadam, æqualiq; sor-
te. Neque aliquid ibi accidens, aut conse-
quens reperitur. Motus, & actiones, sunt
differentes propter differentias natura-
rum, non è cōuerso. Si dicamus vnum esse
genus separatorum, confundimus theolo-
giam. Substantiæ separabiles non conue-
niunt vno quodam genere, in quo per dif-
ferentias distinguuntur, sed se ipsis, & or-
dine graduum distinguuntur: quatenus
per alios perfectionis gradus referuntur
ad primum. Cōueniunt autem magis in-
ter se quæ per similiorem modum refe-
runtur ad primum, atq; vltimum. Bonum
duplex, quod super essentiam, quod secun-
dum essentiā. Essentia est proprietas Deo-
rum omnium. Ipsum verò bonum super
essentiam, & dicitur causa boni, scilicet es-
sentialis boni principium. proinde secun-
dum gradus essentiæ, gradus Deorum in-
ter se distinguuntur. Animabus rationali-
bus vltimis non inest essentialis bonum,
sicut diis, sed participatio boni secundum
pulchritudinem intellectualem, sed hæc
immobiliter inest.

De ordine superiorum.

A Nimæ nostræ in diuinorū generibus cōputātur. Heroës sunt maiores hominibus, ergo multò grandiores sunt dæmones. Primum diuinorum est ipsum bonum dii; sequentes, vltimū particulares animæ rationales : horū media duo sunt, scilicet heroës prope animas, & dæmones prope deos, sicut inter ignem, ac terrā est aer, & aqua. Heroës etſi potentia, virtute, pulchritudine, magnitudine nobis præſtant, tamē cum anima noſtra, & vita ejus multum cōgruunt. Dæmones ſunt ſuperiores heroibus, & miniſtri deorū tanquā architectorum in opificio mundano. Quæ ſunt in diis ineffabilia, & occulta, dæmones exprimunt, atque pateſciunt. Dæmones, & heroës accommodant inferioribus vniuerſales, ſimplices, immobiles deorū dotes, & cōciliant omnia, atq; harmonici conſenſus, & compaſſionis omnium inuicem ſunt auctores. Traducunt diuina ad nos, & noſtra æqualiter ad diuina perducunt. Præterea gradus in donis ſuperiorū, & in præparatione ſuſcipientiū æquè diſponunt. Diuerſa diuinorum genera differunt inter ſe per triplicem modum proprietatum, ſcilicet quātum ad eſſentias, & virtutes, & actiones pertinet. Proprietas
deor

deorum est vnitas, permanētia in se ipsis, immobilis motionum causa, prouidentia eminens, nihilq; commune habens cum iis, quibus prouideat: atq; hæc proprietas in eis secundum essentiam, & virtutem, actionemq; seruatur. Animarū proprietas est declinatio ad multitudinem, & motum, cōiunctionemq; cū diis, atq; ad accipiendū ab aliis aliquid, & ea motu vitali replēda, & congruendum vbiq; cū omnibus, partim manētib, partim verò fluentibus, & ad omnia in se, & per se ipsam cōtēperanda. hæc verò proprietas in eis secundum essentiam, & virtutē, actionemq; seruatur. Proprietates dæmonū sunt, continere in se dotes deorū, inferiori quidem modo, quā dii, sed sub idea, rationeq; earum continere deteriorum cōditiones, dum scilicet multiplicatur quidē, sed vnitē miscetur quoq; sed impermistē: mouetur denique, sed stabiliter. Heroēs contrā, sub conditione multitudinis, & motus, permistionisq; vnitatē, identitatē, statū, excellentiā habēt. Dæmones, & heroēs sunt proximi extremis. illi quidem diis, hi animabus. Differentiæ dæmonum ad heroēs præcipuē, quoniā heroēs magis aliquādo declināt ad particularia, mobiliaq;, quā dæmones. Duo media, scilicet dæmones,

hero

heroësq; componuntur ex proprietatibus extremorum, scilicet deorum, atque animarum, sed in dæmonibus plus est diuini, in heroibus plus humani.

Quomodo superiorum actiones inter se distinguantur.

Dij tenēt entium summum, animæ infimum. Dij possunt omnia, momento vniti: animæ cōtrā, nec omnia, neq; momento, neque vnitæ Dij faciunt, curantq; omnia non inclinati: animæ cum inclinatione, & conuersione quadam agunt. Dij sunt præcipuæ causæ: animæ ex illorum voluntate perpetuò pendent. Dij vigore celerrimo fines suos intimos vnà cū principiis comprehendunt: animæ ab aliis in alia, ab imperfecto ad perfectum pergūt. Dij cōprehendi nequeunt aliqua mēsurā, vel forma: animæ inclinatione, & habitudine, & nutu detinentur, atq; superātur. Et appetitu deteriorū, familiaritateq; tangūt, & certas inde contrahunt qualitates.

De Intellectu, & Anima.

Intellectus omnium opifex adest semper omnibus diis plenissimè per actū vnum in seipso manentem. Anima est particeps intellectus magis partibilis, multiformisq; ad

ad gubernationem accommodati, ac naturaliter inanimatis prouidet aliàs aliis figuris affecta. Item, diis adest à causis superioribus ordo, ipsa q; pulchritudo, vel causæ vtriusq;: animæ verò adest ordo, intellectualis q; pulchritudo. Itē in diis est mēsurā in omnia potens: anima verò mensuram illā determinat, ac per eā agit in aliqua. Dæmones, & heroēs tanquam medij inter deos, & animas, competentī proportionē quo ad extrema, & seipso pertinet, componuntur ex proprietatibus tam animarū quā deorum, quas in superioribus enarrauimus. Si vis ergo deorū speciem apprehendere, proprietates animæ rationalis vltimæ cogita, & oppositas in perfectione diis attribue. Si speciem dæmonis componere placet, ex vtriusq; cōpone, plus interim diuinitatis attribuēs, si deniq; species herois, verū ex ambobus, plus tamen de animæ conditionibus inferens. Carpit Porphyrium separata per habitudines ad corpora distinguētē, scilicet deos per habitudinem ad corpora ætheria, dæmones ad aëria, animas ad terrena: quia videlicet nō debeant priora & causæ per posteriora effectusq; distinguī. Incorporeæ substantiæ nō sunt in corporibus: sed extrinsecus ea ducunt, dantq; eis aliquid, nō accipiūt:
igitur

igitur nec vnà cum his cōmutantur , neq; ad eorū distributionē distribuuntur. Non enim sunt habitus corporū, vel materiales forme, sed subsistētes, separabilesq; , immo jam separatae, & ante corpora viuunt. Substantia separatae separabilesq; non tales euadunt, quia talem sortem, prouinciamq; elegerint, vel sortitae sint, immo vicissim, qualē anima ante corporis ingressum, vitam, speciemq; in actum in se eduxit, tale corpus sortitur organicum, talemq; consequentē sibi naturā, quae quidē vitae ipsius animae perfectiori subijcitur, anima rationalis, in corpus jam viuum venit, sed imperfectē viuum. Diuina progenerant in se ipsis naturaliter totum opus suum distinctum antè quàm pariant. Penes illa, quae rationē vniuersalis principij habent, inferiora in superioribus, corporea in corporeis, opificia in opificibus producuntur, in eisq; circulariter continentibus diriguntur. Circuitus ergo caelestes ad circuitum caelestiū animarum rediguntur, animae verò mundorū, id est sphaerarum, syderumq; in intellectū suum accedentes cōprehenduntur ab ipso penit^r, atq; in ipso primūm progenerantur. Intellectus particularis in vniuersalem, ac ille in superiora similiter. Quū ergo semper sequentia conuertantur

in

in prima, & superiora tanquã exemplaria ducãt inferiora, certè à superioribus producitur, adestq; inferioribus essẽtia simul, & species, & ompino in meliorib' primo sequẽtia producũtur. Ideoq; ab illis ordo, & mẽsura in sequẽtibus non è cõuerso dependet. non sunt igitur ab his illorũ assignandæ proprietates. essentia igitur incorporea per corporea qualia, quibus cum nihil habet commune, distingui non potest. Principia diuina operibus suis non solũ essentiã tribuunt, sed totam distinctionem ordinemq; formalem. Essentia, quæ adest corporibus non localiter, locis corporeis non distinguitur, & quæ non cohibetur particularibus circumscriptionibus subjectorum, eadem particulariter à mundi partibus minimè continetur. Natura incorporea subitò vbicunque vult, adest, nullo alicubi prohibente.

Omne diuinum & incorporeum vbique.

Multò magis diuinitas quo minus sit, vbique nullo limite coërcetur. Item, quæ apud nos sunt, fieri formariq; nequeunt, nisi vna quædam virtus opifex, & specierũ participatio per omnia diffundatur. Deniq; nisi diuina sint, vbique tollitur sacrificij virtus, quæ in quadam deorum ad homines cõmunionem consistit. *Dij ex hoc*

hoc maximè omnia continent, quòd nusquam continentur. Terrena quoniam facta sunt, & constant munere diuinorum, quoties paratiora ad diuina redduntur, deos subito sortiuntur existenteis hîc etiã ante naturas proprias terrenorum : præterea, quû in quolibet deo potentia sit infinita, & natura indiuidua, incõprehensibilisq; , meritò certis alicubi locis cohiberi non possunt. Item non esset vera inter deos vniuersalis prouidentia vnio, nisi omnes pariter essent vbiq; præsentés. Dicitur etiam, deorum alij quidem aërij, alij verò aquei, non quia ibi solùm sint, sed quia ibi maximè regnât. Sacerdotes deos terrenos, & subterraneos aduocabât; qui certè dicuntur tales, non quia ibi sint solùm, (sunt enim vbique omnes) sed quoniam alij alibi potissimùm operantur. Nam & anima cuiuslibet stellæ est vbiq; , quamuis ibi potius agat. Statuis diuina quædam illustratio capitur.

*De Prouidentia, & quomodo Dû
sint vbique.*

QVando dij varias mundi partes, vrbes, ædes, statuas propriè sortiri dicuntur, intellige essentia, potentiãq; illorû vbiq; in se vigentem, hoc aut illud potissimùm illustrare: atq; sicut lumen in se manens

nens, sine mixtione, diuisioneq; sui diuersa-
passim illuminat, ita dii. Sicut lumen so-
lis idem totū continuū est vbiq; neq; po-
test in partes diuidi, neque alicubi claudi,
neq; à fonte proprio separari, neq; misce-
tur aëri, licet adsit. Quippe quum nihil re-
linquat luminis, calore tamē à calefaciēte
reliēta, ita cuiusq; Dei lumē, totū indiui-
duē, toti mundo penitus adest, licet parti-
cuidā præcipuē vim suā maximē sibi accō-
modatæ cōcedat. interea tamē quodāmo-
do implet omnia, ob potentiā perfectā, &
excessum causalem prorsus immensum.
Vnde perficit omnia, vnitq; cum extre-
mis extrema, per media cōprehendēs in se
omnia, & se ad sic reflectens sibi prorsus
vnitum. Quod quidem munus imitatur &
mundus circulari motu, partiumq; in vnū
connexione, & cōciliatione quadā trans-
ferente elementa vicissim in elemēta, atq;
virtutē superiorum ad inferiora mittente.
Qui manifestā hanc suscipit deorum sta-
tuā vbiq; prorsus vnitam, vereri debet
omnino de diis mūdi causis aliena senti-
re, scilicet esse localiter (vt inā dixerim)
separatos. Si enim nulla est cōmunio mū-
di ad numina quo ad essentiā, vim, actio-
nē spectat, nullaq; cōdistributio, vel con-
fortiū, nulla nimirū nec coextensio, & cō-
b distrib

distributio secundū locum, atq; determinans quātum ad illud pertinet, specie, vel genere cogitata sunt, mutua cōprehensio, & permissio esse potest. Quæ verò se totis omnino differunt, reciproca inter se cōdistributionem, vel mīstionem, vel cōprehensionem nullam prorsus admittunt. Quādo per diuersas mundi plagas fit numinum distributio, intellige alias plagas aliter munera deorū pro sua proprietate suscipere. Quod quidē considerās ars sacrorum operum propriis inuocationibus vtitur, quæ eiusmodi distributioni, proprietatiq; numina cōsentaneæ videantur. Quælibet mundi pars accipit aliquid à quolibet Deo: quilibet enim Deus cuilibet parti mūdi totus adest. Sed partes aliter hinc accipiunt, Æther quidē ætheria, Aër autem aëria suscipit ratione. Certis nanq; materiis, inuocationibusq; munera deorum naturaliter attrahuntur.

Quod omne diuinum sit à passionibus alienum.

NUmina nobis superiora nihil habent in se passibile: atq; hanc (vt ita dicā) impassibilitatem nō habent acquisita virtute, sed natura: neq; etiā anima, quæ est vltima diuinorum, passibile quicquam habet:

bet: animam dico à corporibus purā, quæ neq; etiā tangitur perturbatione voluptatis ejus, quæ est reitutio in naturā. Quū sit vita supernaturalis ingenita, neq; dolore quopiā dissoluēte, quum sit extra omne corpus, naturamq; circa corpus diuisam, & harmoniā descendentem in corpus ab harmonia animæ principali, neq; etiā passionibus sensum præcedentibus eget. Nō enim corpore continetur, neq; per instrumenta exteriora corpora percipere cogitur. Iam verò quū sit indiuidua, & vniformis essentia secūdum se incorporea permanēs, cum corpore nihil cōmunicans, nimirum passiones diuisionis, vel alterationis, vel mutationis alicujus nullas admittit.

Loquitur de anima separata à corpore.

Anima neq; etiam, dum adest corpori, patitur: vel ipsa quicquam, vel rationes seminales, quas ipsa corpori tradit, Species enim sunt simplices, vniformesq; nullā turbationē, vel exicū, à seipīs suscipiētes. Passiones, qualescunq; sūt, in animali, nō sunt in anima, qualiscunq; sit, sed in corpore, quod sub anima certam possidet qualitātē, qua & patiatur, & agat. Nulla est in anima passio, vel peremptoria, vel turbatoria: Atq; hanc impassibilitātē anima non solū acquirit electiōe, sed possidet

der ipsa natura admodū superiore corporibus. Dæmones, & heroës sunt impassibiles, atq; sempiterni. Semper enim sequuntur deos in mūdi ordine cōseruando. vbi verò passio est, ordo perpetuus nō seruetur. Porphyrius suspicabatur dæmones mundi rectores aliquo modo esse passibiles per ea, quæ adhibeantur illis in sacris. Iamblichus negat, quia vbi est ordo perpetuus, nō est passio, quā essentia incorporea per sempiterna nequit accipere. Forte verò concederet dæmones infimos, malosq; & gubernatione priuatos tangi passionibus effectiuis, nō quidē in anima, sed in corpore tali per animę præsentiā constituto. Sicut natura ex occultis rationibus manifesta facit, ita Sacerdos adhibet manifesta, vt occulta significet. Sacerdos operatur sæpe multa, quibus aliquid simile, propriumq; diuinis efficiat, qua quidē cognitione aliquid diuinitus attrahat. Interea operatur & multa, per quæ purificet animā, ac mala nobis auertat. Dæmones, qui sunt nobis præstantiores, nullā naturalem vtilitatem à nobis accipiūt. aut enim nō indigēt, aut ipsimet sibi abundē vbiq; suppeditant. Nullam verò ex rebus corporalibus mutationē aliquando patiūtur. Insunt nobis perturbationū principia quædam,

dā, quæ si violentius à principio, & subito
cohibetur, tandē aciores erumpūt instar
flāmæ cōpressę. risusq; cohibiti. sunt ergo
remissiùs corrigenda. Heraclitus sacrificia
medicamenta nominat, quia purgent ani-
mam à morbis in hac generatione cōcre-
tis. Porphyrius suspicabatur non modò
dæmones, sed etiam deos aliqua passione
tangi, quoniam inuocationibus mouean-
tur. Voluntas boni in Deo, diisq; qui sunt
bonitates, excellentior est, ideoq; liberior
quàm vita nostra electiua circa bonum.
Itaq; dii nō quia inuocantur, mouētur ad
bonū hominibus adhibendum, sed sponte
nos ad bonū prouocant, nobisq; inuocan-
do conuersi occurrunt vltro, ostenduntq;
aliquid, atq; largiuntur. Putant quidē ho-
mines se esse liberos ad petendū. Esto er-
go, dii liberiores ad dandum. Diij propter
liberā voluntatē boni, actionemq; peren-
nem, atq; perfectā omnibus benefaciunt,
quū primum ad illos sunt inuocando cō-
uersi. Anima in supplicationibus ad con-
templationē perueniēs diuinorum, vitam
priorē obnoxia passionibus transmutat in
vitam passionis expertē, dum subit actio-
nē vitamq; decorū. Quomodo igitur sup-
plicationes nostræ passionibus deos tan-
gūt, quū & animas antè passiuas reddant

à passionibus liberat? Supplicationes animi influxui deorum aptum efficiunt, qui & vltro faciliè peruenit propter diuinam amicitiam omnia connectentem.

De ira Deorum.

Quando à benefica cura deorum quasi à lumine solis nos diuertimus, in tenebris statim sumus, diciturq; Deus nobis iratus. Placare igitur deorum iram, est ad illos supplicando redire. Placatio, ejusmodi non affert passionem deo, immo & animi à prioribus liberat passionibus. Dij, dæmonesq; diuini suppliciter adorati, cultiq;, mala multa repellunt, quæ alioqui naturaliter evenirent.

De necessitate & libertate Deorum.

Necessè est deos ita se habere, vt sunt, non necessitate extrinsecus illata, sed naturali sibi, optimaq; sibi: ideoq; maxime voluntaria, quam & nollent vnquam optione proposita aliter se habere. Porphyrius, multiq; philosophi dicunt deos quidem esse intellectus puros, dæmones autem intellectus, vel participationes intellectus, aliquos animales. sed Iamblichus non ita rectè poni dæmonum proprietatem objicit. nam & animæ intelle-
ctus

etus sunt animales, & intellectus ipsius participationes quædam, neque rursus deorum proprietatem rectè poni, nam puris intellectibus dii præsent.

De differentia Deorum ad Demones

apud Græcos, atq; deuotissimos.

Dij non secundum rationem intellectus ipsius, sed vnitatis, & bonitatis, & intelligibilis objecti ritè definiuntur.

Porphyrus suspicatur intellectus pueros, separatosq; habitudinem ad sensibilia non habere, neque preces audire. Principalis cultus, separatis substantiis tamè est adhibendus. in hoc utique cultu excitatur animæ summum, summisq; conjungitur. supremi in vno omnia nostra comprehendunt, atque cognoscunt, actionesq; orationum religiosarum in seipsis comprehendunt. neque à se discedunt, sed in se stantes orantium intentioni prorsus intersunt; supplicare verò humillimè cōuenit. agnoscere enim vilitatem nostram, si superis conferamur, efficit vt maximè supplicemus, cōuertamurq; ad illos omnino, & assidua consuetudine similes euadamus. Apprimè verò conferunt orationes missæ diuinitus, quibus diuina vis inest: hæc cōtra Porphyrium opinantem colendos nobis esse propriè mundanos deos, quia

sentiant. Item supplicationes diuinarum mentium puritati minimè cōuenire. Iamblichus conuenire putat propter sensum intimum, qui supplicationibus inest, præsertim quæ sunt datæ diuinitus. Intellectus puri sine sensu sensibilia noscunt.

Iterum de Supplicationibus.

PORPHYRIUS ait, materialia quædam in supplicationibus adhiberi, ideo adhiberi diis tantū illis, qui sint animalia. Respondit Iamblichus, in iis materialibus ultra corporeas qualitates latere etiam rationes, & species, & mēsuras incorporeas, atq; diuinas, per quas quæ adhibētur sunt congrua diis. Profectò quicquid admouetur quomocunque cōsentaneum, & simile diis, mox dii adsunt, conjunguntur, exhibentq; munera, precesq; exaudiunt. Parua quædam congruitas rerum nostrarum ad deos nobis sufficit, vt aliud ab illis hauriamus. Illi enim ad hoc semper promptissimi sunt propter bonitatem naturalem, mirabilemq; potentiam. Causa verò præpotens agit in materiam, vel exiliter præparatā. Porphyrius ex eo distinguit dæmones à diis, quòd illi sunt incorporei, hi verò corporei. Iamblichus ait, per hæc substātiās, & proprietates eorum discerni non posse.

*De differentia inter deos, & demones,
atque de celestibus.*

Dij cælestes dici incorporei possunt, quoniam ad suam excellentiorem actionem, & vitæ felicitatem nihil à corporibus impeditenti contingit. Sed quatenus dij ad ipsum vnum tendunt, corpora sponte contendunt eodem. neq; continent animas, sed excellentissimè continentur. Cæleste corpus rebus est incorporeis cognatissimum, propter naturam simplicē, indiuisam, cōstantem, & actionem vnā, id est circuitum, & vitam sibi cōgenitam, atque lucem. Non fit in cælo compositio ex anima, & corpore, in tertiam naturam vnā, sed prorsus ad naturam animæ trahitur, atq; est quasi visibilis quædam anima, fortè cælum est lumen ipsum sine materia, & sine dimensione. Dimensio enim ibi propter amplam præsentiam ejus apparet. Vnde cælum est anima cæli se ipsam accommodans oculis, rebusq; caducis, atque circulus ille est circuitus animæ. lumen est intellectus ejusdem. Sicut in infimo corporum forma fit materialis, sic in summo materia fit formalis: & corpus animale non anima corporalis, si qua modò est in cælo materia. Sicut summus aër fit igneus, ita cælestis ignis

b s sic

fit animalis. Anima illa intellectualis euadit, intellectus boniformis efficitur. Cælestia animalia dici incorporea possunt. Omnes cælestes boni sunt, atq; benefici, suspicientes tantū ipsum bonū, & hoc intuitu agentes æterno. Virtutes inæstimabiles cōperræ sunt, tum in animalibus cælestibus, tū in earū corporibus insitæ, tum per defluxus in omnia sine impedimento vsque ad infima descendentes, cōmunicatæ tam diuiduis quàm in speciebus, immutabiles vbique, quāuis in materia mutabili regētes generationē perpetuo quodā ordine, semperq; beneficæ. perinde fluxū cæli in materiā discordiis plenā resultat aliquid nobis dissonū. Téporalia téporaliter æterna capiūt. Corpora incorporea corporaliter. Materialia hæc immaterialia cælorū vires mutabiliter, & inordinatè suscipiūt. Quæ sunt in mundo diuino, figurata non sunt, quāuis vt figurata recipiantur in cælo: sic cælestia nō sunt mala, quamuis hîc suscipiantur, vt mala. Vires cælestiū omnes inde bonæ descēdūt, in hac aut cōtrariorū permistione mutātur: ideoq; qualitas, quæ nocet in terris, alia jã est præter illā, quæ cælitus hucusq; peruenerat. Primò quod datur, aliud quidē est in datore, aliud aut extra, etiāsi in seipso permaneat. præterea

terea est & minus. Secūdo, dū in subiecto viliori suscipiūtur, fit & vilius. Tertiò, propter naturā suscipiētis diuersā suscipitur modo diuerso. Quartò, qualitatibus inter se differētibus quæ à subiecto eodem pariter capiuntur. Quintò, patiente subiecto paritur. Sextò, ex omnibus subiecto comprehensis aliud quiddam postremò resultat. Influxus cælestes immateriales extendunt. Saturni quidem vis contentiua est, Martis verò motrix. Illa verò per accidēs frequenter obest, quando materia frigidiore suscipitur, hæc autē quando feruentiore. Itē illa nocet, quando recipitur, per modū congelationis accipitur. hæc quando per æstum, quod quidem fit pro dispositione materiæ, id est, quando videlicet materia illa neq; satis calida est, atque est interea densior. hæc autem per se est calidior, atq; subtilior. Lux, colorq; solis quamuis offendere languidum videantur, necessaria tamen sunt ad vitam. similiter omnes cælestium influxus veniunt salutare quamuis subiecti, vel peruersitas peruersè recipiat, vel debilitas facile tolerare nō possit efficaciam superiorum. Omnes motus conferunt, & vniuerso, & necessariis partibus vniuersi, quamuis interim inter particulas minimas sub hoc motu

motu vel alia lædatur ab alia, vel tales particulæ nõ faciliè motum vniuersi sustineant. Sicut in chorea, dum singuli harmonicè saltant, congruuntq; gestibus inter se, & toti choro digitus, & pes premitur, & offenditur. Et si quid debile incederit, pessundatur.

De vicinitate cælestium corporum ad species incorporeas:

Dij cælestes principium suum habentes in mundo intelligibili, dum ideas sui cõtemplantur, in eo mouent cælos hoc ipso actu intelligentiæ, voluntatisq; efficaci admodum, & perpetuo. Ideoq; sine labore regunt, quod ex ordine semper constante euidenter apparet. Ita verò affectis diis separatis conjuncti sunt potius quàm corporibus. Regimen circa cælos non potest deos ab intelligentiæ intentione distrahere, quàm eò potentiùs, faciliusq; regant, quò illic attentius specularur: ex hoc enim procedit & illud, idè quoque nostris accideret animalibus, si causam suam cõtẽplarentur, vnde est, & vegetadi facultas.

Confirmatio superiorum.

Mens diuina per ideas suas deorum cælestium animas procreat, atq; per eas cælestia corpora, & vtraque sibi conjuncta perpetuò retinet. Dij mundani,
qui

qui & intellectuales species nominantur, inter se vniti sunt, tum quia cuncti idem exemplar, in quo sunt species intelligibiles contuētur, tum quia exemplar illud in quolibet deo immūdano viget vbique totum. Non spatium, non subiecta diuersa prohibent, quin qualibet essentia incorporea vbique sibi inuicē insint. Dij mūdani in se inuicem sunt, suisq; ideis, tū quia sunt ab vno, & referuntur ad vnum, tum quia diuina vnitas vbique præualens vnit eos, tum quia procedunt inter se, & conuertuntur, mutuoq; accipiunt. In compositis naturalibus vnitas aduentitia est dependens à superioribus, & à multitudine vincitur. In formis separabilibus vnitas superat multitudinem, & in diis adeo superat, vt illorū esse sit vnitas quædam: dico autē quædam, quia primum principiū est ipsa simpliciter vnitas. Quū igitur vnitas in diis inserinfocus ita præualeat, meritò à prioribus exuberat in sequentes: ita vt hi in illorum vnitate consistant, qua vnitate quasi omnibus cōmuni cuncti sunt vnum, actu quodam, sicut corpora inter se potentia quadam materiali sunt vnum. Dij cælestes inuisibilibus diis penitus sunt uniti, tum quia cælestes animæ sunt extracorpora, tū quia dij superiores, id est idæ-

vntas

vnitatem infinitam habent, prout omnes sunt in quolibet, per quam vnitatem sibi & inter se deos sequentes vniunt. Quum enim omnes dij definiatur per vnitatem, vna cōmunis vnitas dilatatur in omnes, per quam sunt vnum actu cūctorum vno ad vnum prorsus objectum, & principiū, atque finem, in eodem omnes puncto simul, atque momento.

De Prouidentia, & de Dijs, atq; Dæmonibus.

DEorum prouidentia vniuersalis est, dæmonum verò particularis. Deus primus dat omnibus omnia, dij sequentes omnibus aliqua largiuntur. Dæmones, atq; animæ aliquibus solum, & aliqua tantum. Sunt dij inuisibiles, sunt & in cælo visibiles, sunt & dæmones: dij quidem in cælo conspicui in ipsa vnione ad deos occultos existunt, dæmones autē longè ab illis distant, velut à contēplatoribus puris ipsi in agēdo propensius occupati. Ideo & à diis cōspicuis lōgè distant. Item essentia vtrorūq; deorum, & potentia, prouidentiaq; vniuersalis est per omnia tendens: dæmonum verò natura prouidentia particularis circa res quasdā, atq; prouincias. Item dij corpora sua adeò supereminet, & corpora adeò his obsequuntur, vt à corporibus separati dicantur. Dæmones verò contra-

ria

ria ratione magis affecti sunt, & copulati corporibus. Itē dij sunt architecti, dæmones verò ministri. dæmones, quòd occulti sunt sensibus, dij rationi quoq; humanæ. quòd si fortè aliquando dij appareant, circa terrā adhuc dæmonib' aëris erūt præstantiores. Mutatio enim loci, vel officij naturā nō mutat diuinam. Deniq; dij à potentiis fluentibus in generationem liberi sunt, dæmones verò nequaquam. Confutat quæ ex historia Porphyrius adduxerat, scilicet fieri multa ad deos quasi passibiles essent. Quia lex sacrorum jubet à passionibus esse inter sacrificia liberum, quæ quidem lex est data diuinitus etiam à primo patre mundi, à quo & omnia symbola in sacrificiis significantia aliquid occultissimū. Deniq; quæ in sacris ritè fiunt, habēt causam diuinā adeò à passione remotam, vt nec ratio eam possit attingere. Vulgus rationē ceremoniarum diuinitus institutarum attingere nequit, verūtamen assignare conatur. ex suis igitur passionibus assignando, diis passiones attribuit. Vulgus erga potentes vitur gestibus venerationis, & donis vitur ad deos eisdē. Sed erga homines id agit, tum passionibus suis, tum propter passiones majoris. putat autē & similes passiones diis inesse, quæ

quæ hominibus potentibus insunt, atque propter similes passionēs in subditis, adoratoribusq; diis talia exhiberi. Sed reuera cæremoniæ diuinitus institutæ nō passionē aguntur vlla, sed admiratione potius, & veneratione, & constante prorsus intelligentia, gaudioq; persimili.

Quo differant Dæmones, Heroës, Animæ.

SVnt in diis vires generatiuæ, opificesq;, sunt & viuificæ, quæ & in prioribus sublimiùs continentur. Primæ latius diffunduntur quàm secundæ. Secundæ per primas definiuntur: dæmones post longum earum processum exordiuntur, vbi jam ad partitionē plurimā deriuantur, heroës definiuntur per secundas, id est, viuificas, antè quàm deueniāt ad postremum. Nam in postremo earū exordiuntur animæ: officium ergo dæmonū est opificium circa naturas mūdanas, vsque ad singula trāsfigere simul, atque perficere, & animas ligare corporibus. Heroum verò est viuificare, ratiocinariq;, & animas custodire, easq; à corporibus soluere. Dæmonum officium latius est quàm heroum: illi circa vniuersum magis, hi circa animas potius operantur. Nō dicimus animas fieri, sed accipere à dæmonibus, heroibusq; non nihil, & ex se multa insuper adhibere, exordiriq; suū

offic

officium circa diuinorum finē : non quia diuina non vltimū agant , sed quoniam animæ in vltimis diuinorum officiis ad-
 sciscuntur. Item anima ex se tam varias viuendi formas promere potest, vt pro earū congruitate singulas habitet mundi plagas. Potest & congregi quibus vult, iterumq; regredi in seipsam, & tā diis quā inferioribus se coniungere, quatenus rationes diuinorum sicut inferior promit: etsi sæpe per demones, heroasq; iungatur diis, potest tamē per sua quædā media ab illis differentia se coniungere diis. Anima nonnunquā conciliat se diuinis per alias harmonias essentia, actionumq; suarum, quā sint illæ, per quas demones superioris se coniungunt. Etsi anima non seruet vitæ tenorem adeò similem, tamen sæpe benefica voluntate Deorum illuminata demones supergreditur ad vitam angelicam potius quā animalem. Anima quāuis videatur omnes rationes, & totas in se species exhibere, tamen determinata semper est secundum aliquid vnum, id est, vnā speciem. Atque interim ex causis præcedentibus aliās aliis seipsum coordinat ipsa se mouens.

Quando alia numina aliter appareant, atque agant.

C.

Omnes

OMnes superi inuocati veniunt in cōspectum, sed alij sub aliis formis, viribusq; occurrunt. Animæ quoq; stellarum nouis quibūsdam modis aspectū mouent. Deorum visa occurrūt vniformia, simplicissimaq;, archangelorū aliquantò minus vniformia vel simplicia. Angelorū quoq; minus, dæmonum varia jam, principatūū magis varia, sed ordine varietatis miro, herōū his quasi similia, principatūū varia admodū, ordinata parū. Animarū scilicet particularum omniformia. Quū enim diuersi sunt superi naturis, actionibusq;, & modo suo appareant singulis, meritò diuersi diuersis modis occurrūt. Dij in aspectum veniunt admodū insalutares, archangeli horribiles simul & mansueti: mitiores angeli: dæmones metuendi: herōēs verendi minus: principatus stupendi: principes noxij & infesti: animæ similes herōibus, quamuis inferiores. Deorū imagines apparent penitus immutabiles, magnitudine, forma, figura, actione: archangelorū, & angelorū gradatim minus immutabiles, sed prope Deos: dæmonum mutabiles quidē magnitudine, atq; forma, his enim aliās aliter apparēt, sed eadem agnoscuntur: principatūū immutabiles: herōū ferme sicut dæmonū: principū multiformiter
varian

variantur: animarum mutabiliores longè
quàm demonum. Dij apparent cum quie-
te quadam, & ordine: archàngeli cum eif-
dem, sed his adhibent efficaciam: angeli eif-
dem scilicet quieti, & ordini adhibent mo-
tū ordinatum, & moderatū: demones cum
turbatione ordinē transgrediente: princi-
patus cū stabilitate, cōstantiaq; in seipsis:
heroës cū motu atque festinantia: princi-
pes cū tumultu: animę ferme sicut heroës,
sed minori cū stabilitate, & ordine. Deo-
rum pulchritudo occurrit inæstimabilis,
incōparabilis, admiranda, supra modū de-
lectans: archangelorū, angelorumq; con-
similis, sed gradatim inæqualis. Dæmo-
num & heroum spiritus per se apparentes
pulchritudinē in speciebus determinatis
habent, sed illi secundū rationes essentiaę,
hi secundū fortitudinis actū. principatū
pulchritudo principalis est, & natua: prin-
cipum ficta, adornata, elaborata. Animarū
pulchritudo in rationibus consistit deter-
minatis quidē, sed diuisis magis quàm in
herouū forma, sub una tamen specie cōpre-
hensis. Deorum actiones, effectusq; velo-
ciores sunt quàm intelligentia deprehen-
dere possit. sed interea penitus stabiles.
Archàngelorum celeritas mista est, quodā-
modo efficacibus actionibus: angelorum

cum motu, neq; pariter habēt, vt vnā cum dicto perficiant. Dæmonum actiones celeriores apparēt, quā sint effectu, & veritate. Heroēs magnificē quidem incedūt ad actionem, tardius tamen quā dæmones peragūt: principatus cum auctoritate, & imperio veniunt ad agendū. principum conatus plurimam, quidem habet emphasim, sed defuit ab effectu. animarū actiones mobiliiores sunt, quā heroū, sed debiliores. Deorū apparentium magnitudo totum cælum occupare videtur. Quā incedentē nec terra putatur sustinere posse. Archangelis apparentibus partes mundi quādā commouētur, & lumē præcedit in se diuisum: ipsi verò pro magnitudine dominationis suæ magnitudinē lucis, & figuræ præferunt. Angelica forma, & lux, & minor est, & diuisa magis: dæmonum magnitudo, formaq; diuisa magis & minor: heroica rursus angustior, aspectusq; magnanimus: principatus prægrandes, & vasti: principes inflati superbiq;, & insolentes apparent. animarū effigies inæquales, heroibusq; minores. Denique quilibet pro magnitudine potētiæ suæ, & imperij latitudine magnitudinem formæ, lucisq; præfert. Deorum spectacula prælucida nobis occurrunt, fulgentiaq; ad summū, & splen-

& splendore dearticulata mirificè, & lucidiora quàm sint re vera: archangelorum vera, perfectaque: angelorū effigies speciem eandē seruant, præterquam quòd à notitiæ plenitudine agnitionis discretionē deficiunt: demonum exilia: & quasi caduca: heroum exilia: principatuum perspicua: principum obscura, sed vtraque imperiosa: animarum vmbrosa. Deorum imagines quamplurimo splendore coruscant: archangelorum quoque præfulgidæ: fulgidæ insuper angelorum: demones turbidus ignis apparent: heroes mistum lumen ex pluribus habent: principatus quidem purius, principes autē ex dissimilibus contrariisque confusum ostendunt: animæ ignem reddunt plenum ex multis generationis admistionibus, atque diuisum. Deorū imagines occurrunt tanquam ignis indiuiduus, ineffabilisq; , implens vniuersum mundi profundum: archangelorum ignis etiā indiuisus, habens circa se, vel ante, vel retro quamplurimam multitudinem: angelorum diuisus ignis, sed in ideis absolutissimis: demonum magis quoque diuisus, sed angustius circumscriptus facile exprimendus, & apud illos, qui superiora viderunt, facile cōtemnendus: heroicus ignis habet, quod horum

consimilia, sed nō æqualia, principatuum
 ignis apprime lucidus: principum aliquid
 habet opaci: animarum valde diuisus, &
 multiformis, atq; ex multis mundi natu-
 ris admistus. Deorum ignis omnino sta-
 bilis est aspectu, archangelorum stabili-
 tatis particeps: angelorum stabiliter mo-
 uetur: dæmonum instabilis: heroum pro-
 perantior: principatuum quietus aduenit:
 principum verò tumultuosus: animarum
 ignis multis moribus transmutatur. Dij
 animas perfectissimè purgant: archangeli
 sursum reuocant: angeli tantum soluunt
 à materiæ vinculis: dæmones ad naturam
 trahunt: heroës ad curam sensibiliū ope-
 rum deducunt: principatus quidem præ-
 fidentiam mundanorum, principes verò
 materialium studium exhibent: animæ,
 quum apparent, contendunt, trahuntq; in
 generationē. Quicquid purum, firmumq;
 est in imagine nobis occurrente, superio-
 ribus attribuito generibus. Iam verò præ-
 fulgidum ejus, quòdve in seipso firmiter
 permaneat diis attribue: quod verò ful-
 get, atque permanet quidem, sed quasi in
 alio, archangelis: quod in alio permanens,
 angelis. Item quod mobile est, & vaga-
 bundum, & alienis plenum naturis, ubiq;
 inferioribus ordinaibus attribuito. Dæmo-
 nes

nes mistos in se habēt mundi vapores, ferūturq; instabiliter prater vel juxta mundi motum : heroibus generatiuæ spirituiū compositiones admiscuntur, circa quas & ipsi commouentur. Principatus eodē modo permanent, mundanum quod habent ostēdentes: principes materialibus liquoribus pleni sunt, animæ superfluis maculis, & alienis spiritibus sunt repletæ, quibuscum quoties apparent, vnumquodque horum generum se ostendit. Dij materiam repente cōsumunt : archangeli paulatim, angeli soluunt ab ea, & ad sublimia reuocant, dæmones diligenter exornant eam, heroēs coaptant ad eam competentibus vbiq; mēsuris eam strenuē commodēq; curantes : principatus adstant ei supereminentes, & hoc pacto se ipsos ostendunt: principes impletos se penitus materiā monstrant: animæ puræ quidem seorsum à materia veniunt: impuræ verò materiā inuolutas se nobis ostendunt. Exhibent insuper alij nobis alia. Dij præsentant corpori sanitatem, virtutem animæ, menti synceritatem, omnia nostra impropria principia reuocant, quod in nobis est frigidum, letiferumq; delent, calorem fouent, efficaciorēq; reddunt ad vitam: faciūt quoq; vt omnia animæ, mentiq; con-

gruant, & mensurentur eisdē, harmoniaq; intelligibili lumē effundunt: quōdve non est corpus, ostendunt tanquā corpus ipsis animæ oculis per corporis oculos. Archangeli eadem agunt, sed non adeò sufficientia, vel permanētia, vel extra proportionem nostram: angeli bona etiā magis particularia diuisè distribuūt, effectumq; agunt, valde ab intimo eorum vigore deficientem: dæmones præsentia sua corpus grauant, morbis affigunt, aliter puniunt, animas quoq; ad naturā trahunt, & à corporibus, cognatoq; eorū sensu non discedunt: atq; eos, qui ad ignem cælestem, diuinūmve cōtendunt, circa locum inferiorem detinent, nec à fati vinculis soluunt: Heroēs alia dæmonibus similia faciunt, proprium verò id habent, quòd ad opera quædam generosa, magnaq; nos suscitāt: principatus apparentes bona largiuntur mundana, resq; vitæ hujus omnes suppeditant: principes materialia, terrenaq; bona: animæ quū apparēt, si animæ sunt puræ in ordine angelico constitutæ, sursum reuocant, salutem animo præbent, ipemq; sacram, sacraq; dona, quæ sperantur: animæ impuræ, ad generationem derorquēt, spem frustrantur ejus fructus auferentes, passionibusq; intuentes implent. animam

corp

corpori copulantibus. Ordinem quoque, quem vnusquisq; obtinet, in apparēdo designat: Dij ostendunt Deos, vel angelos circa se adstantes: archāgeli angelos præferunt, vel præcurrētes, vel circumstantes, vel sequentes, siue aliam quādam turbam angelorum quasi stipatorum circumualantium: angeli opera ordini suo congrua præferunt. Boni dæmones opificia sua, & bona, quæ tribuunt, in conspectum adducunt: dæmones vltiores ostendunt suppliciorum species. dæmones aij quomodo-
cunq; prauī occurrunt circundari feris lethiferis, voracibusq;: principatus, prouincias mundi quasdam secum demonstrant: principes, conditionē materiæ ordine carentem, errantemq; secum afferunt in cōspectum. Anima quidē tota in nulla particularium specie detenta ignem ostendit sine certa specie circa mundū totum, quo animæ mundanæ natura significatur indiuisa, & vna, & nulli addicta speciei. Anima purificata igneam ostendit figuram, ignem purum, & lumen micans, simulq; stabile, & ipsa vnā cum duce sublimi sequitur. bona voluntate gaudens, atq; ita in operibus suis ordinem, quem obtinet, patefaciens. anima verò, quæ deorsum labitur, occurrit trahens secum signa vinculo-
c s color

culorum, atque pœnarum, materialiumq;
spirituum compositione se grauata ostendit, turbationibusq; materiæ dissimilibus occupatam. seq; subdentem imperio dæmonum generationi fauentium. Singuli quum apparent, ostendunt prouincias, sorteq;, quas sortiti inhabitant, aërij quidem ignem aërium, terreni verò terrenū, atque nigrum, cælestes autē ignem splendidiorē, atque in his tribus terminis omnes distributi sunt eorum ordines. Dij demōstrant omnium ordinum principia in se, quū apparent. Angeli declarant se ab archangelis dependere: dæmones heroēsq; patefaciunt se superioribus ministrare, quamuis aliter hi quàm illi: principatus, principesq; præfecturā ostendunt. Illi circa mundū, hi circa materiā animæ declarant se superiorum postrema tenere: vnde vnà cum seipsis primi quidem prima loca designant, secundi secūda, tertij tertia, cæteri q; deinceps eodem ordine. Dij tenuitate luminis tanta effulgent, vt corporis oculi non possint capere, atq; perinde afficiantur, vt pisces ab aqua turbida, pinguiq; tracti in aërem tenuissimū: qui enim diuinum spectant ignem, non potentes ignis diuini respirare subtilitatē, quū primum spectare videntur, virtute deficiunt, atque innato

innato spiritu, prorsus intercluduntur. Archangeli quoque splendorem emittunt, subtiliorem purioremque quam tolerari queat, non tamen adeo intolerabilem, sicut dii. Angeli occurrentes tolerabilem perficiunt aeris missionem, ut sacerdotes eam attingere possint. Dæmones, quum apparent, nihil totus aer compatitur, nec eis circumfusus aer fit subtilior, neque præcurrit lumen, in quod eorum species emicat, aerem anticipans: neque circa illos circumlucet aer undique: heroibus apparentibus plagæ quædam terræ commouentur, sonitusque circumsonant, totus verò aer non fit subtilior, neque adeo ineptus sacerdotibus, ut sustinere non possint. Sub principatibus circumcurrit eos visorum circumuolutio plurimorum difficilis toleratu, & volumen ejusmodi circa eos est mundanum: circa principes verò terrenum: neque tamen supermundana subtilitas, neque supremorum elementorum. Animis apparentibus, aer apparens magis conatus est eis, earumque descriptionem suscipit coaptatus eis. Affectiones inuocantium animorum occurrentibus diis excedentem reportant perfectionem, actionemque, & amorē diuinum, incredibilemque lætitiā: archangelis contemplationem intellectualem summopere puram, immuta-

muta

mutabilemq; potentiam: angelis rationalem cognitionē, virtutemq; in ordine positam: ad summū dæmonibus appetitū generationis, atq; heroibus talia quædam, & insuper studia civilis gubernationis: principatibus, vel principibus motus mundanos, vel materiales agunt animo naturæ. operumq; fatalium expletionē animis, appetitus, generationis, & studia corporum curandorū. Deorum apparitio veritatem, potestatem, actiones ad summum corroborat, & bona præbet amplissima, archangelorū similia, sed particularia magis, & cognitionem. potentiamq; non simpliciter, sed ad hoc, & ibi, & tunc, & hoc pacto, angelorum etiam determinata magis: dæmonū non animæ bona, sed corporis, corporea q; , quādo mūdānus ordo concedit: heroum dona Reip. mūdane, siue terrene: principatū mundana: & omnia vitæ cōmoda principū, inferiora, id est magis materialium copiam: animarum quæ ad humanam vitam cōferunt familiari prorsus occurſu. Porphyrius narrauit opinionem dicentē communem hoc est diis, angelis, dæmonibus, omnibus deniq; superis. quū apparēt, ostentare se, & jactare miracula, & imaginariam similitudinem ex se producere. Iamblichus vtrāq; confutat. Deus,
angel

angelus, dæmon bonus, docet hominem, quum apparent, quæ qualisve re vera sit eorū essentia, nihil ultra, vel citra veritatē loquentēs. Sicut enim lumen naturaliter, & assiduè solē sequitur, sic veritas Deum, ejusq; pedissequos, præsertim quū perfecti, pleniq; sint, neq; egent, neque possunt sibi ultra quàm sint, arrogare. Quando in theurgia, id est deifica, & sacerdotia facultate delinquitur, tunc non bona quidem numina, quæ oprantur, sed deteriora, malaq; nobis occurrunt sub prætexu bonorum: mali enim spiritus in similitudinem bonorū se sæpe transformāt, jactabundiq; veniunt, & supra quàm sunt, sibi arrogāt. Nempe ubi initium primum adulteratum suboritur, mēdacium plurimū ex perversitate procedit. Oportet sacerdotes apparitiones spirituum regula ordinis totius examinare, & meminisse arrogantiam iactabundā non esse vlllo modo propriā veris spiritibus, atq; bonis. Et cauere ne à ritu sacrorū aberretur vnquā. At si in errore apparitionis quzdam repente insolentes aduentent, non decet ex earum cōditione communem, omnemq; numinum naturam, cōditionemq; perpēdere. Quæ enim multis seculis, & operoso labore in sacris cōprobata sunt, nefas est ex nonnullis repente

pente incidētibz temere iudicādo mutare. Et si falsi spiritus mentiuntur, boni tamen circa ignem veridici sunt, atq; legitimi. In omni siquidem genere principalia primū à seipsis exordiantur, sibiq; ipsis præbent, quod cæteris exhibent. idq; sit in essentia, vita, motu. similiter superi veritatem omnibus exhibentes, primò de seipsis vera prædicant, ipsamq; eorum essentiam præcipuè contemplationibus patefaciunt. Ideoq; ignem per se, propriaq; forma spectandum sacerdotibus rite demonstrant. Non enim est caloris frigefacere, vel luminis obtenebrare, atq; occultare, vel vilius per essentiā aliquid faciētis, aliquādo cōtraria facere. Phantasma, id est simulacrum missum ab aliquo sine natura ejus, sed solum per modum idoli specularis, vanè trahit animum intuentis, fallitq;, dum simulat se esse aliquid, de cujus natura nihil habet. Est igitur causa falsitatis, quod nullo modo competit alicui essentiæ veræ. Ideo neq; diis, sed hi, eorumq; sectatores, non exiles, inanesq;, sed naturales, & veras sui reuelēt imagines, non quidē speculæres (vt dixi) vanas: cur enim eas mitterent? non vt demonstrent essentiam suam, atque potentiam. nam illæ ab hac ex tota natura deficiunt, non etiam ad intuetium
vili

utilitatem. Quæ enim utilitas est ex mendacio simul, atq; deceptione? Non deniq; ob hoc mittunt, quia natura eorum sit ita ex se idolū mittere, nempe essentia firma in seipsa cōsistens, & ita reliquis essentiæ, veritatisq; causa nullo modo in aliud mittit imitamen sui vllum fallax, & deceptorium, quod simul & se esse aliquid, de cuius natura nihil habeat. Neq; igitur dij, neq; sequaces eorum vel transformāt naturam suā in aliqua simulacra, neq; hæc in aliud ex se producant, sed veras sui formas in veris animæ moribus illustrant, atque demonstrant. Nota huic simile illud, quod in patria mens beata diuinā essentiam videt non per imaginem ab ea creatā prorsus deficientem, sed per eādem essentiam, sicut is, qui lumen videt per lumen in lumine: non sicut qui calorem per lumen, vel qui corpus speculo. Substantiæ separatæ, non habent vllum sibi commune genus. Item dij, angeli, dæmones boni non apparent phantastico modo, sed proprio prorsus, & vero. Spiritus verò mali phantastico, fallaciq; , neq; decet ex cōditione, qua hi apparent nobis, reputare modum, quo boni sua præsentia formant animam. Porphyrius ait, cognitionem quidem diuinorum esse rem sacram, ignorantiam

verò

verò profanam. hæc Iamblichus comprobat : quia quū dii per intelligentiam agāt entia, meritò nos per intelligentiā entium placere diis, atq; probari, sed operationē religiosam anteponit intelligentiæ: tanquam quæ sola sit efficax ad. acquiēdam animæ cum Deo deificam vnitatē. Tanta est virtus sacrorum rite Deo factorum, ut etiam si hæc ignores, pietatem obserues, non minorem habeant efficaciam. Non enim intelligentia conjungit sacrificatores Deo, alioquin philosophi vnionem deificam reportarent.

De virtute Sacramentorum.

Observantia decens præceptorū, operumq; diuinorū, quæ omnē excedunt intelligentiam, atque symbolorum, sacramentorumq; potestas mira solis nota numinibus, præstat nobis deificā vnionem. Quādo operamur in sacris, nō cōficimus per intelligentiā sacramento, alioquin & actio eorū intellectualis foret, & daretur à nobis: contra verò & nobis nō intelligētibz hæc propriū opus peragūt, & deorū potestas, quò hæc referūtur, ineffabiles ex se ipsa proprias agnoscit imagines non à nostris intelligentiis excitata. Vniuersales enim causæ à particularibus effectibus

non

non mouentur: vnde nec ab intelligentiis nostris diuina principaliter mouentur ad operandum, sed intelligentias, & affectionem optimam, puritatemq; præcedere necessarium est, tanquã concausas quasdam. Quę verò principaliter diuinam prouocāt voluntatem, ipsa sunt sacramenta diuina: atq; ita diuina à seipsis incitantur, neq; ab ullo subdito principiũ actionis accipiunt. Ne putes igitur totam in nobis auctoritatem esse efficacis rationis in sacramentis, neq; in veritate intelligentiæ nostræ. verum eorũ opus absolui, vel hæc ex nostra deceptione mentiri. Nam nec etiã si nouerimus, quę genus quodlibet propriè cōsequuntur, subito consequimur ipsam eorũ in opere veritatem. Absque cognitione quidem nunquam aduenit efficax vnitas ad diuina, neque tamẽ idem est omnino. Quapropter neque diuina puritas per rectam cognitionem efficitur, sicut corporis puritas per sanitatem. sed super cognitionẽ vnita est, & purificata puritas. id est per potestatem cognitione superiorẽ. Neq; igitur aliud quicquam in nobis humanũ ad diuinarum actionũ finem aliquid confert. Cōclude sententiã Iamblichi, Aegyptiorum, Assyriorum, sicut in agricultura, medicina, arte imaginum, coitu huma-

no homo materiam opportunè coaptat. causa verò superior, vniuersalisq; adhibet formā: sic in sacrificio, quando sunt symbola, atq; synthemata, id est signacula, & sacramenta, sacerdos adhibet materialia quædam, quo ordine decus instituit. Deus autem vim efficacē imprimit sacramētis.

Vaticinium quid, & unde.

Vaticiniū ipsum nec ab arte, nec à natura, nec à naturalibus, vel animalibus rationibus motibúsve efficitur: neq; sit villo modo, sed vtrinq; sempiternum est missum ad nos vsq; diuinitus, totaq; potestas præsaga refertur ad deos: & omnis hujus auctoritas consistit in eis, atq; inde traditur, diuinisq; operibus, signisve perficitur. spectacula quidem habet diuina, & contemplationes vera sciētia præditas. Cetera verò cuncta, velut instrumenta subji-ciuntur, missio diuinitus præsagij dono. quæcūq; ad animā pertinent, aut corpus, vel in totius natura sunt, siue naturis: loca verò & talia quædā ad vaticinium exiguntur vice materiæ. Non decet vaticiniū deducere sine causa, scilicet à quibusdā nullam in se habentibus præsciētiā, sed à diis continentibus in se terminos totius sciētiæ rerum. Contemplari decet vaticiniū.

nium distributum circa totum mundū, & circa omnes diuisas in mundo naturas: sic utiq; causa vaticinij præcipua est, & communissima, possidensq; in se ipsa quæcūq; sui participatibus exhibet, præcipuè præbēs veritatem qua opus est vaticinio, & in primis essentiā, causamq; eorū, quæ fiunt, obtinens in se ipsa, à quibus necessario procedit, perpetua prælagij consequutio. Porphyrius ait, quādo dormimus, aliquādo præsentire futura, absq; vlla præsentis status animaduersione, etiam si in ecstasi minimè concitemur. Volens arbitror non tam externo influxu tūc diuinitus influente, quā ex ipsa natura animæ, mentisq; prælagire: Iamblichus ait somnia, quæ humanis proueniūt. causis, siue per naturam nostrā, siue per affectus, & cogitationes, & actus, raro admodū & obscure nitiū, & sæpius casu quodam attingere verum.

De somnijs.

Somnia quandoq; incitantur in nobis. ab innatis intelligentiis, rationibusve, vel ab imaginationibus, curisq; diurnis, quæ aliquando verum assequuntur, plurimum verò falluntur, atque hæc humanis principiis oriuntur, dormientibusq; contingunt vigiliæ nihil habentibus. Somnia verò missa diuinitus non ita contingunt,

du 22 sed

sed veniunt, vel inter vigiliã, atq; somnũ,
vel inter somnum, atque vigiliam, vel in
ipsa vigilia. Tunc breues audiũtur voces,
quid agendum sit admonētes, & aliquan-
do spiritus quidam non corpulentus, nō
tractabilis, se iacentibus circumfundit: qui
tamen non perspicitur, sed alio quodam
sensu, & animaduersione, quæ in consen-
su percipitur, impetu quodam ingrediēs,
& se vndiq; circumfundens absque conta-
ctu, atq; mirificè passiones animi, corpo-
risq; expellit, aliquando verò lumē synce-
rum, quietumq; fulget, sub quo visus clau-
ditur anima patēs. Sed alij sensus interim
peruigiles sunt, persentiuntq; quando dii
in lumine se ostendunt, & quæ illi loquũ-
tur, arguuntq;, continuata animaduersione
percipiunt. perfectius verò id totum
discernitur, quando visus quoq; perspicit:
atque intellectus corroboratus, quæ sunt
assequitur, & qui spectant similiter com-
mouentur. Tanta, tamq; differentia qualia
diximus, non sunt humana. cōtingunt ve-
rò quando somnus noster est grauedo
quædam capitis, vel inclinatio, & occu-
patio visus, vel medium quiddam inter
vigiliam, atq; somnũ, vel excitatio subita,
vel ipsa vigilia. Quæ omnia diuina sunt
ad deos suscipiendos idonea, diuinitúsq;
mittunt:

mittunt: atqui talia quædā præcedūt, quasi apparitionis diuinę partes. Somnia humanis causis procedentia defectus patiuntur duos. Nam & in ipso somno omnino dormiētibus accidūt, & nos tūc nō distinctē, vel plenē animaduertimus, aut quę occurrūt, aut statū ibi nostrū. Quādo verò diuinitus mittuntur somnia, neq; re vera dormimus, & assequimur, animaduertimusq; clariūs quā consueuerimus vigilantes: ideoq; in eiusmodi somniis maximē ponitur vaticiniū. Anima duplicē habet vitam, vnā quidem simul cum corpore, alteram verò ab omni corpore separabilem. Quando vigilamus, vtimur plurimū vita, quę communis est cum corpore, præterquā si quando penitus separamur ab eo, propterea quòd vel intelligam⁹, vel puris rationib⁹ cogitemus: sed in dormiēdo penitus solui possumus, velut à vinculis adhibitis animo, atq; vita à generatione separata tunc vtī. Quando quodāmodo dormiētibus animus à corpore soluitur, tunc illa vitę species secūdum seipsā permanens separabilis, separataq; , siue intellectualis, siue etiam sit diuina, protinus expergiscitur in nobis, agitq; quēadmodum sua fert natura. Quoniam verò & intellectus entia cōtemplatur, & anima ge-

nerabilium rationes in se complectitur, meritò secundùm causam comprehendēte futura in præcedētibz sui rationibus ordinata prænoscit. Dictum est de præfagiis animæ redeuntis in se in statu simili somno. In se, inquam, id est in rationes seminales, & intellectuales: sed hætenus sub forma quadam propria præsentis vitæ, id est sub forma particularis actionis huius, & vitæ: sed si mox explicet vniuersam rationum cogitationumq; formā, secundùm quam vixit aliquando, tunc reportabit præfagia pertinentia magis ad vniuersalem mundanarum rerum conditionem, sub qua & particularia passim conspiciere poterit. Si rursum per formam vniuersalē ejusmodi suam ipsi deorū mentibus copuletur, videbit insuper, quæ ad mundum spectant superiorem, & quæ ad hunc, item per illa tanquam præcipuas causas intelliget absolutius, in quo statu non solū cogitatio erit perfectā, sed imaginatio quoque habebit imaginamenta sincera de rebus corporeis, atq; diuinis. Quoniā verò sunt in anima rationes generabilium penes potentiam ejus, tum effectiuā, tum etiam cognitiuā, atq; hæ rationes dependent à rationibus, quæ sunt in diis, ideo anima his conjuncta, rationes in se susci-

tat in actum, saltem cognitionis amplif-
simum, & sub diuinæ prouidentię modo,
per quem & per quas reputat præterita,
futurāq; , & temporalia omnia, eorumq;
actiones, & passionēs, passionumq; reme-
dia, & curationes morborum, vitiorumq;
animi, & statuta legum, & artes generi
hominum necessarias: sic in Æsculapij
templo accipiuntur somnia, quibus mor-
bi curantur, ipsaq; ars medēdi somniis est
comparata diuinis. Exercitus Alexandri
morbis mox deperiturus euasit discriminē
remediis adhibitis in somno à Dionysio
deo. Lyfander res Aphutim urbē obfede-
rat, & in somno iussus ab Animone, soluit
obsidionem. Multa quotidie similia sunt
supra orationem, rationemq; humanam.

De inspiratione diuina quæ fit in vigilia.

POrphyrius duas diuinas afflationes
tetigit: vnā, quæ cōmuniter dicitur
in somno fieri: alterā, quæ in vigilia, vbi
afflati, & perciti præfagiunt, ita vigilātes,
vt etiam vtantur sensibus. Neq; tamen in-
terim sunt humanæ rationis compotes.
Iamblichus ait animos verē præfagiētes,
afflatosq; , & quum dormire videntur, non
dormire, & quū vigilare, non propriē vi-
gilare, neq; more hominum sensibus vtī.
Animi diuinitus afflati, percitiq; , subje-
cerunt

cerunt vitam suam penitus afflanti deo. Ideo siue vt vehiculum, siue vt instrumentum se subiecerint, priorem vitæ modum deposuere, atque vel vitam propriam in vitam diuinam cōmutauere, vel vitam suam penitus ad deum agunt. Ideo neque vtuntur sensibus, neque ita vigilant, vt qui vigiles habēt sensus, neque ipsi prælagent, vel mouentur humano quodam impetu, atque more, neque spūm statū animaduertunt, neq; vllam edunt cognitionē, actionēque propriam, sed totum illic agitur sub forma, actionēque diuina.

Miracula multa sunt à Prophetis.

QUOD autem afflanti diuinitus non viuunt, tunc ipsa animalis vita patet, quia multi eorum, admoto igne, nō videntur, ignem videlicet repellente deo iustus afflante: vel si videntur, non perferunt, neque pungentia percipiunt, vel radentia, vel vlla tormenta. Item quòd actiones eorum non sint humanæ, cōstat, quoniam per inuia vadunt, p̄rque ignem feruntur intacti, & flumina transeunt mirabiliter, quod & ipsa sacerdos agit in Caraballis. per hæc patet illos non viuere vitam humanam, nec animale sensibus, imperuq; vtētem, sed diuinam, quasi anima eorum otietur, & deus ibi sit pro anima, moueatq;

atq; tanquam excellentior anima. Variæ sunt diuinitus inspiratorum species, tum pro varietate deorum, qui alij aliter inspirant, tum pro differentia modorū inspirationibus: hi modi sunt tales. Aut enim deus ipse nos occupat, aut nos ei nos addicimus, toti q; illius efficimur, aut communem agimus ad deum actionem: item vel ultimæ diuinæ potentiæ euadimus cōpotes, vel mediæ, vel supremæ. Item aliquando nuda est dei præsentia, aliquando ultra præsentiam fit communio. interdum ultra hanc conficitur vnio, rursus inspirationis vel anima sola fit compos, vel etiam corpus subinde fit quodāmodo particeps, vel etiam commune animal ex æquo fit compos. Secundum horum diuersitatem, differentia sunt inspiratorum signa, & effectus, & opera. Secundum prædictam inspirationum, inspirationisve diuersitatem, inspirati alij mouentur vel toto corpore, vel quibusdam membris: vel contrà quiescunt. Item choreas, cantilenasq; concinnas agunt, aut contrà. rursus corpus eorum vel excrefcere videtur in altum, vel in amplum, vel per sublimia ferri, atque contrà. Item voces edunt, vel æquales, perpetuasve, vel inæquales, & silentio interruptas. Et tum remittunt tonos,

d

s

tum

tum intendunt.

*Inspiratus vacat ab actione propria, ac
deum habet pro anima.*

MAximum verò afflacionis diuinæ signum est, quòd ille, qui numen deducit, insinuatq; , prospicit spiritum descendentem, & quāvis sit & qualis, atque ab eo mysticè docetur, & regitur. Quinetiam qui numen suscipit, ante suscepcionem aspicit quandam ignis speciem. Interdum verò hæc conspicitur, & presentibus, siue adueniente, siue recedente deo. Quo ex signo in his rebus periti verissimè discernunt, quæ sit potestas numinis, quis ordo, & de quibus vera loquatur, & quæ perficiat: sed qui absque ejusmodi spectaculis clam spiritus introducēt, velut in tenebris latitantes concutiunt. Neq; quid agant intelligunt, nisi exigua quædam, id est signa nonnulla in ipso afflati corpore. Quū igitur ignis diuini præstantia, & luminis species quædam, ineffabilis extrinsecus incubet occupato, impleatq; ipsum totum, & penitus dominetur, & circum undique in se complectatur, adeò ut nec ullam queat actionē peragere propriam, quisnam sensus, perceptiove, & animaduersio propria potest adesse animo diuinum ignem suscipienti? vel humana motio,

tio,

tio, passio, peruersio phantasie, & aliena-
 tio, qualem aliqui suspicantur? Porphy-
 rius afflationem diuinam definit ira. Mo-
 tio mentis vnà cum inspiratione dæmo-
 nica. Iamblichus ait, in animo afflato di-
 uinitus, neque mentem, cogitationemve
 humanam ferri, si re vera continetur à
 deo. Neque dæmenum, sed deorum fit in-
 spiratio, neque rursus definiri debet exi-
 tus, & alienatio. hæc enim lapsus signifi-
 cant in deterius, sed potius dici debet re-
 ductio, restitutioq; in melius. Est igitur
 afflatio nihil aliud quàm totos à Deo ani-
 mos occupari, atque contineri. Hinc, verò
 posterius sequitur ecstasis, id est exitus,
 vel alienatio quædã tanquã consequens ad
 afflationem accidens. Plato in Phædro di-
 cit antiquos vaticinium nominauisse ma-
 niam, id est furorẽ, quoniã soli diuino fu-
 rore correpti, verè vaticinantur. posterie-
 res autem adjuncto t, nominasse mātiam.
 Itẽ Sacerdotes, Sibyllas, Prophetas quan-
 diu prudẽtes sunt, vel paulũ admodum,
 & obscurè prælagire, vel nihil: quando
 verò rapiuntur deo, verè vaticinari. vnde
 præuidisse apud multas gentes pericula
 diuinitus imminetia, admonuisse popu-
 los, & per sacrificia diuinã Nemeseĩ pla-
 cauisse. item ait prælagium arte factũ ap-
 pellari

pellari putationem coniecturalem, nec vilius esse momenti, si cum diuina inspiratione, & vaticinio comparatur. Iamblichus ait, diuinum afflatum, vaticiniumq; non esse in mente, vel anima, siue vt qualitas in subiecto, siue vt actio in agente, sed totum esse actum ipsius dei ex deo simpliciter dependentem. Actum dico à deo peractum in mente, vel anima simpliciter, vt instrumētis ab omni proprio motu vacatibus: atque ita vera præsagia dari. at si quis motus ex corpore, vel anima, vel qualitas talis interim inferatur, vel præcedat, confundi visa, neque vera vaticinia fore, neque legitimā esse ibi diuinam afflationem, vbi aliquid miscetur humanum. Tres generatim opiniones erant de afflatu, vaticinioq; diuino: prima, causam eius referebat ad animam, secunda ad corpus, tertia ad compositum. Prima ponit ipsum in eo statu, in quo anima rota est redacta in diuinum suum, vel in mentem, aut quando eius actio facta est vehementior, siue amplior, aut quando cogitatio facta est acuta, motuq; velocissima, aut quum mens incaluerit. Secunda ponit illius causam in corpore, quādo certam habet complexionem, scilicet vel melācholicam, vel temperatam, siue qualitatem
quar

quandam elemētalem, siue præterea specialem, siue certū spiritum. Tertia causam eius ait certam proportionem, qua corpus, & anima inuicem sunt cōpacta. Iamblichus ait, ipsum non esse opus animæ, vel corporis, vel compositi, nec causam in eis habere. Nam afflatus ille fatidicus agit tum in prædicendo, tum in efficiendo, super omnem humanæ naturæ consuetudinem. Non potest autem homo, vel aliquid hominis ultra terminos suos ad diuinos progredi terminos. Neq; possunt præstantiora à deterioribus generari. causa igitur huius est duntaxat ipsa diuinitas, quando scilicet à diis descendunt in nos lumina, spiritusq; traduntur ab eis, adestq; nobis dominatio. potestasq; illinc absoluta comprehendens omnia, quæ sunt in nobis, & exterminās penitus propriam nobis animaduersionem, & motionem, proferensq; sermones, per hominem quidem, sed non cum ipsa cogitatione hominis, imò pronuncians ipsa per os furentis extra se positi. Dum videlicet quæcunque sunt in nobis seruiunt tota numini, ceduntq; soli dominanti actioni diuinæ. Porphyrius ait Musicā passiones inferre animo, iteq; sedare: & alios sonos aliis animis, & moribus cōuenire. Itē cōplexiones affect

affectionesq; corporis permutare, furorē mouere, cohibere furorē. Iamblichus ista cōcedit, sed negat hęc esse causas afflatus, diuini: quoniam sunt humana, partim naturalia, partim artificiosa, nec quiequam in se diuinum habent. Quod videtur suspicari Porphyrius, dicens aliquos afflari, quū audiunt tibias, vel cymbala, aut tympana, alios verò quū alias melodias. Variis deorum ordinibus respōdent in mundo variæ motionum species, certæq; certis. ex his verò variæ profluunt melodiæ, quæ congruunt similiter per suos, quæq; motus certis ordine diis principiis motionum. hi, quum vbiq; sint, & sua potissimum suis impartiant melodiis sibi præcipuè congruentibus adsunt præcipuè, nostrisq; spiritibus. per eas affectis se insinuantes occupant hominem, suaq; mox essentia & potestate penitus implent. cuius afflationis causa est, nō tam passio hominis excitata per musicam, quàm ipsa addeum musicæ congruentia, cui naturaliter deus adest. Quæ ad visum veniunt, nimis imaginaria sunt, & intelligibilia potius referunt. Quæ ad sensum infra auditum, materialia nimis. quæ ad auditum, media, & animæ congruunt, spirituiq; insinuata cum motu, affectu, significatione: **vehe-**

vehementer afficiūt animā quidem hinc,
& inde corpus, vnde totus homo, secundū
proprietates melodiārū, euadit suscepta-
culum huius numinis, aut illius: & qui af-
flati sunt aliter, aliterq; se habent in mo-
tu, & quiete, aliisq; habitibus, pro diuersi-
tate numinum, quibus afflantur princi-
palius quā pro differentia musicæ. Cef-
savit enim jam hic affectus soni, quando
deus agit. Anima in mundo intelligibili
audiuit harmoniam diuinā, cuius hic re-
miniscitur, quando audit melodias habē-
tes diuinæ vestigium: reminiscēs verò ad
eam vehementer afficitur, si est è numero
animarum, quæ ipsam harmoniæ ideam
præcipuè contēplatae sunt in patria. Ejus-
modi verò affectu facta familiaris deo,
jam afflatur singulari quadam præsentia
dei, vnde mirabilia facit. huius ergo affla-
tionis, miraculiq; causa est non passio ex
sonis illata, non animæ natura ex harmo-
nia composita, sed similitudo ad deum,
dei q; præsentia. Multò quoque minus di-
cendum est, afflationem in eo consistere,
quod per musicam & afflationem ipsam
superflua quædam in anima, corporeq;
concreta purgentur. Varietatis jus non est
ex certa complexione. deorum enim do-
na non variè spirātur secundū corpoream
varietatem

varietatem. Munus enim diuinum impabile est, & super naturę vim datur per propriam dei actionē: neque aqua, neque aër, aut corporeum aliud præbet vaticinium, sed sacra, quę fiunt circa hæc, imò mentis purificatio vna, cum purificatione vehiculi, intentioq; in deū suscipit vim diuinam vbique, semperq; prōptissimā. Quū afflatus animus & dicat, & agat supra, & cōtra naturę morē, causa afflationis eiusmodi non est naturalis, vel ex corpore nostro, vel qualitate loci, vel dispositione cælesti nascente homine, vel operante, sed ex dei præsentia ista fiunt, vnde & varix afflatorum species non sequuntur naturales varietates in nobis, sed differentes species, tum numinum afflantium, tum modorum, quibus diuinę præsentię participes sumus. Quòd igitur homines afflati diuinitus alij conquiescant, alij concitentur, alij montes & deserta petant, aliterq; alij se habeant, non procedit ex differentiis naturalium in nobis causarum, vel locorum, vel musicarū, quas nuper audiuerint, audiantve, sed ex variis deorum proprietatibus, quibus afflati reguntur, atq; ex variis afflandi modis. Porphyrius tria è multis in medium adducit oracula, vnum Colophonium, vbi aqua bibita vaticin

ticinium veniebat: alterum Delphicū, vbi sedens ad os antri vaticinabatur: tertium Branchidicum, vbi hauriētes vaporem ex aqua prophetabant. Vnumquodq; secundū naturæ suæ modum agit circa se effectus, & opera. Ideo spiritus ipsi, qui à diis pendentes suscitant homines, atq; concitant, in hoc ipso opere excedūt omnē naturalem, humanumq; motū. atq; hæc ipsa eorum actio nulla conditione similis est consuetis actionibus homini notis. Erat in Colophone subterraneus locus, in quo fons erat. Sacerdos igitur statutis noctibus sacrificabat, postea gustabat aquā, tandem vaticinabatur ibi factus præsentibus inuisibilis. Videri potest alicui spiritus diuinus transisse per aquam in sacerdotem. Neq; tamen est ita. ipsum nanq; diuinum non ita secundū distantiam, diuisionemq; transcurrit per ea, quæ participant, sed extrinsecus cōprehendit, penitusq; illustrat, & implet aquam virtute quadam ad vaticinium conferente, scilicet purgatoria. ita quòd quando sacerdos bibit, ipsa purificat luminoso spiritum nobis insitum, & accommodat ipsum deo: qua purificatione, accommodationeq; deum capere possumus. Sed extat præterea alia dei præsentia præter virtutē infusam aquæ, ac prior,

& desuper, circum, & intus illustrans, quæ à nullo abest, modò propter cōgruitatem contingere possit. Adest itaq; subitò, virtur propheta vt instrumento, qui interim neq; sui juris est, neq; animaduertit quæ loquitur, sed & vbi sit ignorat, vnde & post responsum vix seipsum recipit, quin etiam ante potum aquæ, diem noctemq; cibis abstinet, & ad sacra quædam se reuocat inaccessibilia vulgo. Itaque propter sequestrationem à rebus humanis, syncerum se reddit, aptumq; ad deum suscipiendum. Ex quibus colligitur, duobus modis hîc ad deum hominē præparari. vno per purgatoriam aquam factam à deo. talem, quæ purificat spiritum: altero per sobrietatē, solitudinem, separationem mentis à corpore, intentionemq; ad deum. Sibylla in Delphis duobus modis suscipiebat deum, vel per spiritū quendam tenuem, igneūque, qui erumpebat alicui ex ore antri cuiusdam: vel sedens in adyto super sedem æneam, habentem tres, aut quatuor pedes, & deo dicatam, & vtrobiq; exponebat se spiritui diuino, vnde radio diuini ignis illustrabatur. itaque aliquando ignis plurimus simul totus ex antro euolans, vndiq; circumfunditur ei, repletq; splendore diuino. Aliquando, dum inhaeret sedi sacrae

deo.

deo, per quam accommodatur deo, conpra-
tur stabili vaticinio dei. vtrobiq; verò per
hæc Sibylla fit tota dei, vnde subito deus
adest, sed interim separatus, existens alter
præter ignem & spiritum, sedemq; pro-
prium, & omnem ejus loci apparatus, vel
artificiofum, vel naturalē. Fœmina quin-
etiam in Brancis fatidica, vel sedet in axe,
vel manu tenet virgam ab aliquo deo da-
tam, vel pedes, aut limbum tingit in aquā,
vel ex aqua quadā vaporem haurit, & his
modis impletur splendore diuino, deūm-
que nacta vaticinatur. Nam ex his omni-
bus fit accommodata deo, quem extrinse-
cus accipit. Quòd autem ex nulla virtute
corporea vel animali propria, vel loco-
rum, instrumentorūve vaticinium fiat,
sed ex præsentia dei venientis extrinse-
cus, patet ex eo, quòd ipsa sacerdos, antè
quàm det oracula, multa rite peragit sacri-
ficia, obseruat sanctimoniam, lauatur, tri-
duum prorsus abstinet cibo, habitat in se-
cessu, jamq; incipit paulatim illuminari,
mirificeq; gaudere. Per quæ patet prouo-
cari deum extrinsecus, vt adueniat, & for-
insecus aduenire. & prius quàm sacerdos
ad locum aquæ veniat, quodam modo in-
spirari, & in ipso loco, dum spiritus quidā
ex aqua euolat fontis, constat aliud quid-

dam præter hæc esse deum separatum ab his omnibus, causamq; loci, & fontis ejusmodi, totiusq; vaticinij. Virtus, quæ inspirat nobis vaticinium, est absoluta à locis & temporibus: alioquin non posset omnia simul loca, temporaq; exprimere. Si enim inseparabiliter inhæreat naturæ locorum, materiæumve, vel procedat secundum motum determinatum numero, non poterit, quæ ubique, semperve sunt, nec ipsa ubique, & semper æquè prænoscere. Si autem ab his fuerit absoluta, tanquā præstantioribus, quæ tempore fiunt, vel continentur loco, omnibus, ubicūq; sint aquæ, adest, & iis, quæ tempore fiunt, vndiq; simul adest, atq; in vno simul comprehendit omnium veritatē, propter essentiam ejus separatā prorsus & omnia superantem. Vis diuina vaticinij origo est, ubique tota & semper tota. Ea vis non est à corpore, neq; ab animo corpori addicto, sed absolutis, id est angelis, deoq;, qui sunt ubiq;, vel saltē vis ipsa est, ubicunq; est aliquis angelorū, qui sunt ubique: ipsaq; ab omnibus separata corporeis, præsens omnibus, nō comprehensa loco vel corpore, vel anima, quæ in aliqua specie particulariū sit addicta. sed hæc ipsa fatidica deorum potestas, & separata est ab omnibus, & ideo tota simul
ubiq;

vbique adest subito participare potentibus, illustrans forinsecus, & omnia replens, perque omnia elementa discurrens: nec relinquens animal aliquod, vel naturam, cui pro capacitate sua non imprimat ex se aliquid conferens ad præsagium: ipsa verò propterea implere se omnibus æquè potest, quòd pariter est ab omnibus absoluta. Porphyrius præter vaticinia publicè celebrata cõmemorat aliquod priuatum, eorum scilicet, qui profitentur per certos characteres se spiritus attracturos ad vaticiniũ, quod Iamblichus reprobatur, quia, quũ totam religionem, sanctimoniamque negligant, solis confisi characteribus, nequeunt ipsam alicujus dei, bonique numinis præsentiam adipisci. qua solent vera vaticinia dari. sed in eo falluntur, quòd per characteres quidem diis congruos, & intentionem animi, reportant imaginariam quandã à superis apparitionem exiguam, & obscuram. & quoniam interim sanctimoniam negligunt, veniunt sub malorum dæmonum potestatem, qui mentiuntur, & fallunt, & quātulumcumque indiciorum, apparitionumque à diis contigerit, peruertunt, atque confundunt. Sed qui veram deorum præsentiam sortiuntur, præsagium reportant verum & immutabile, quod à

malis spiritibus deturbari non possit. Sicut enim veniente sole tenebræ ejus præsentiam sustinere non possunt, sed subito subterfugiunt, nihil solem impediētes: sic vndiq; refulgente potestate deorum, quæ replet omnia bonis, perturbatio omnis, quæ solet à spiritibus malis accidere, nullum habet locum, sed repēte disperditur. Bonis enim numinibus omnino præsentibus, mali spiritus euanescent, neq; mouere se valent, neq; splendorē obfuscare diuinum. Damnat eos, qui omnem contemplationē, sanctimoniamq; religiosam negligunt, solis cōfisi characteribus, qui sperant se inclusuros substantiam ipsam aliqujus deī, quo præsentē vaticinētur. Horū quoq; confidentiam Porphyrius improbat. Qui etiam narrat præter hos, esse alios, in quibus phantasia aliquando concitatur, quando certa quædam adhibuerint, etsi alioquin in aliis mentes compostes sunt, dum sint phantasia furētes in sacris. Quando scilicet vel in tenebris latuerint, vel certa pocula biberint, vel cantibus, vel constructionibus quibusdam vsi sint. Tunc ergo furentes imaginantur occulta, futuraq; alij quidem in aqua videntes, alij in muro, alij sub dio, id est sereno aëre, alij in sole, alij in stellis aliis. Lumen hoc

hoc diuinum venit in phātasiam propriè,
ac si quid extra videmus, mirabile fit, per
visum phātasie pedissequum. Dij vel præ-
sentia tantū sine medio mouent animum
quoties volunt paratum, scilicet vel lumē
aliquod ex se fundunt in ætherium ani-
mæ vehiculum, quo imaginationes mo-
uentur in phantasia, quales ipsi volunt, &
vtrouque diuinitas nusquam includitur.
Quum adhibetur prædicta vaticinio con-
grua, attentio quidem animi, & cogitatio
animaduertit, quæ fiunt, quando diuinum
lumen nō attingit propriè ad hæc, scilicet
ad rationales potentias, sed interim ima-
ginatio furit alienata, quia supra morem
humanum desuper incitatur. Tenent ali-
quando in tenebris hominē diuinandum.
Nihil enim in eis obstitit venturo lumini.
Aliquando tenent in lumine quādo eum
præparant, vt maior sit ad lumen diui-
num similitudo, & tunc accipitur illud in
lumine solis, vel lunæ, vel serenæ noctis,
vel in aqua propter diaphanon parata, vel
in pariete sacris characteribus præpara-
to. hic enim propter soliditatem, quod di-
uinitus semel accipitur, diutius retine-
tur. Admouēt præterea quædam cognata
diis insinuandis, & exhibent diuinaturo
potiones, & compositiones quasdam, &

cantilenas, vel excantationes conuenientes ad præparandum susceptaculum, & ad commodandam præsentiam, apparentiamq; deorum scilicet, quod lumen eorū occultum alicubi pateat sensui, sed semper pro voluntate deorū, siue deducatur ex æthere, siue aëre, vel sole, vel luna, vel alia sphaera cælesti. Quatenus placet diis, qui liberi dant, & ut præcipui auctores, & mouent imaginationem, & per eam quādoq; sensum in objectis accommodatis, & aliquando eam per sensum, imagines magicæ factæ ex materia solida, diutius virtutē seruant. Superi dant dona paratis, nō solum naturaliter, sed per intellectum & liberā voluntatem ipsorum deorum. dii dant futurorum ostenta in extis, auibusq; & stellarum nouis prodigiis, ex quibus humana sagacitas coniicit euentus per proportionem signorum aduētus, ut ex casu auis casum viri, ex defectu membrorum in extis defectioni, exigue cadente dejectionē eorum. Diij imprimunt futurorum signa in rebus ministerio naturæ vniuersalis, & naturarum vel obsequio dæmonum seruientium diis, & dominantium elementis, animalibusq; similibusq; cunctis, quæ agunt facile pro voluntate deorum. Et si symbolicè declarant in signis voluntatem dei,

dei,

dei, & futuros euentus, ut inquit Heraclitus, repræsentant interim opificij modum. sicut enim per imagines firmas faciunt res, & euentus præsignant, sic & per noua ostenta, & qualiacunque signa, & interim acuunt ex eadē causa, & occasione sagacitatē nostrā. Viscera in ostentis transmutantur contra naturam in animalibus ab anima eorū, & à dæmone eis præsidente, & à motu aëris, motuq; cæli, præter naturam & pro voluntate deorum ad homines admonendos. Quod autē diuinitus fiat, patet, quia sæpe non inueniuntur in animalibus principalia quædam membra ad vitam necessaria, quæ repente miraculo auferuntur, quū necesse sit ea paulo ante non defuisse. In auguriis captandis aues miraculosæ mouentur ab anima sua, & dæmone præside, motuq; aëris, atq; cæli: à quo cælo descendit virtus per totū aërem conformans, & commouēs illum ad deorum sententiam, pro signis efficiendis. Sententiam dico ab initio præsignatam, atq; decretam: sic aues sæpe se ipsas præcipitant, vel allidunt, vel aliter se necant, dum ad significandum cōferunt, quod non sponte faciunt, sed tractæ diuinitus. Flammæ quædam stellarum instar factæ diuinitus, aliquando pro signis futurorum in aëre

e 5

facil

facillimæ fiunt , ad nutû deorû cælestium
 accenso illic aëre summo, qui ductu, for-
 matuq; facillimus est, præsertim à diis, ar-
 que in ignē descendūt interim in hūc aë-
 rem corporum cælestiū influxus quidam,
 cōducentes ad creandas, mouendasq; stel-
 las ejusmodi, similes cælestibus luce, vir-
 tute, motu. Mundanum animal est adeò se-
 cum vnitum, vt membra ejus compati-
 tur inuicem, commoueanturq; etiam quæ
 remota inter se videntur, quasi sint proxi-
 ma, tanquam ejusdem animalis membra.
 Atq; hæc vnio, & compassio confert diis
 ad exhibēda signa hominibus, primò per
 cælum, subinde per aërem. Dij nō imme-
 diatè, sed per media instrumenta scilicet
 dæmones, animas, natûras, & omnia hinc
 dependentia faciunt hominibus signa,
 exordiētes secundum principium vnum:
 & inde diffundentes deinceps motionem
 ab ipsis descendentem, quocunq; volunt
 ipsi. Ideoq; sine habitudine, & coordina-
 tione eorum ad generabilia, regunt ejus-
 modi singula: & sicut in opificio, & pro-
 uidentia, ita in exhibendis signis non de-
 flectitur eorum intellectus ad nostra, sed,
 dum ille in se permanet, signa omnia, va-
 ziciniumq; cōuertit ad se, eaq; animaduer-
 tit à se ipso procedere. Yates omnes con-
 fitent

ſtentur, per deos, vel dæmones vaticiniū
nanciſci, quia nequeāt futura videre, niſi
qui ſint cauſæ, & domini futurorum, per
quos & alij videant. Porphyrius admira-
tur, quòd dij adeò inferuiant hominibus,
vt vates aliqui etiam per farinam vatici-
nentur. Reſpondet Iamblichus, deos non
obſequio id præſtare ſuo, ſed exceſſu po-
teſtatis & bonitatis. & cauſa omnia in ſe
continente, dum in ſeiſſis manent abſq;
cōuerſione ad ſubdita, eis pro gradu præ-
parationis dona & ſigna largiri, ſicut ſol
diaphanis, oculisq; lumen, atq; hoc calo-
rem. Quia videmus homines ſubjecta cu-
rare conuerſione quadam ad opera, & diſ-
tractione ad diuerſa, & diſtrahi à ſeiſſis,
& laborare, ideo ſimiliter ſuſpicamur pro-
uidere deos, qui cōtra, quatenus ad ſe con-
uertuntur, vnamq; ſui formam, quæ eſt
inferiorum cauſa, eatenus agūt, monēt, re-
gunt omnia, non diſtracti per diuerſa, ſed
ab vno principio, nutuq; ſimplici vibra-
tes cuncta, ſucceſſione quadam inde pen-
dencia: neq; ipſi ad ſubjecta ſectiūtur, ſed
ſtatu, & pleniffimè ſua reddunt ſibi cūcta
ſimilia. Deus diuerſos ſuppeditat vaticinij
modos, nō quidem diſtractus ipſe, ſed in-
diuiduo nutu, formaq; ſimplici ſuggerit
omnes, & diuerſis temporibus ſuggerit
diuer

diuerfos, non ipse per tempora varius, sed æterno, eodemq; mētis, & voluntatis ictu omnes inspirat, quamuis hi tēporibus variis explicentur, neq; in ostentis continentur, distrahiturve, sed in vna sui forma complectens omnia signa, ex ea exprimit in se ipso consistens, dum vno voluntatis actu omnia tradit. Tanta est exuberantia providentiæ ad ostēdenda nobis signa, ut etiā in calculis, virgis, lignis, lapidibus, frumento, farina, indicia præbeat futurorum, vbi mirabiliter inanimatis animam, immobilibus motum, ratione carentibus intelligētiā quandam præstare videtur, quasi hæc cognoscere videantur, vbi nobis futura portendunt. Et sicut deus sæpe per fatuos homines loquitur sapientiam, declarans nō hominē ibi loqui, sed deum: sic per vilissima quæq; portendit futura, his ipse admodum supereminens, & per omnia nostrū instruēs intellectum. Deus per infima quæq; cognitione carentia patet facit quædam cognitione superiora, vbi testatur se longè supereminere naturam: Qui dum diuersa porrigit signa, nō coërcetur in eis, neque per illa distrahitur, sed stans in vna, indiuiduāq; sui forma cōprehendit illic omnia signa, & illinc vnico, simpliciq; nutu explicat omnia, præbetq; nobis

nobis argumenta passim præteritorum, præsentium, futurorum.

Non fit in sacris opus alicujus efficacia nisi per potentiam, immo & præsentiam numinis alicujus.

IN religione non potest fieri opus ullum alicujus mirabilis efficaciæ, nisi adsit illic superiorum aliquis spectator operis, & impletor. Opera quidem absoluta ducunt dii, media angeli, tertia dæmones. Natura quidē humana nec rationem quidē, orationemve de diis suscipere potest sine diis, nedū diuina opera facere valeat sine illis. Est enim imbecillis, & hebes usque adeo, ut nullum nullitatis suæ remedium habeat, nisi quandam diuini luminis portionem desuper accedentem. sine qua nihil à nobis sit diuinum. Sicut falluntur, qui confidunt ex inanimatis animam, & ex amentibus facere mentem: ita qui ex rebus non diuinis diuina facere, & sine diis propria deorum opera, qualia sunt vaticinia, & miracula, & similia, ut apparitiones, & expiationes.

Numina invocata nobis adsunt, non coacta, sed volentia.

Confessum est efficacia religionis opera perfici præsentia deorum, angelorum,

lorum, dæmonū. Porphyrius quidē suspi-
 catur numina ad hæc trahi quadam inuo-
 cationis necessitate. Iamblichus negat
 necessitatem inferri vel ab homine, vel à
 mundo numinibus, quæ, quū sint imma-
 terialia, non suscipiunt ordinem aduenti-
 tium aliunde. Item inuocatio, & operatio
 sacra, admouet quidem sacerdotes ad nu-
 mina assimilatione, & familiaritate qua-
 dam non violentia sacerdotibus illata, ne-
 dum numinibus inferatur. Deus, omnisq;
 chorus numinum deo conjunctus est, su-
 pra omnem necessitatem extrinsecus ve-
 nientem. Vaticinium perficitur, dum sa-
 cerdos operatur sacra. neque tunc passio
 cadit in sacerdotem, vel in diuinantem,
 quando diuinitus inspirantur. multo mi-
 nus in numina, quæ non illabūtur in ani-
 mos, nisi vacuos passione. Neque dicen-
 dum est, fatidicum animum esse instru-
 mentum medium, & efficax diuinorum,
 sacerdotem verò inuocantem esse velut
 causam efficacem operum diuinorum.
 Immo deus est omnia, potest omnia, im-
 plet omnia semetipso. humana verò natu-
 ra nullam in his efficaciam habet. est enim
 ad diuinitatem ludus. deridemus eos, qui
 dicūt deum sorte quadā aliquibus adesse
 potentia figuræ celestis in genesi. Non
 enim

enim decet ingentos, & vniuersales causas mancipari alicui per generationem, ejusve periodum, & per causas alienas. Quidam, quum & nollent curis onerare deum, & non perciperet modum aliquem opificij, prouidentiaq; , præter eum, qui sollicitudine fit humana, negauerunt deos facere, atque prouidere. similiter negarent deos interesse vaticiniis, & miraculis, qui non viderent modum excellentem, quo dii adsunt sine labore, & mutatione sui, modus autem per hæc omnia diis proprius eisdem duntaxat est notus.

Porphyrius ait opera diuina, qualia sunt vaticinia, & miracula, esse aliquando passionem quasdam animæ ex paruis scintillis excitatas, & animam sua virtute posse hæc imaginari, loqui, facere. Iamblichus dicit, opus diuinum neque fortuito fieri, quum sit ordinatum, neq; ab homine longè inferiore. Oportere enim diuinum opus à diuinitate fieri. omnia igitur opera diuinitati similia non ab humana, sed diuina pullulare natura.

Opera miraculorum, & prophetia, non sunt aliqua virtute stellarum, corporis, animæ, sed mera, & libera potestate dei.

Anima

A Nima humana & vna specie comprehensa est, & à caduco corpore nimiū obumbrata. Ideò nullā habet ad diuinum opus potentiam efficacem. siquando verò videmur tale aliquid quodāmodo posse, solum id agimus illustratione diuinā de super influere, per quam & actionis diuinæ videmur esse participes, si opera diuina fierent ab anima ipsa natura animæ, & virtute propria, anima virtutis & prudentiæ compos, vel etiam omnis anima talia faceret. Nunc verò nec omnis anima facit, & quæ perfecta viderur anima, ad diuina adhuc est imperfecta. Non igitur anima, sed diuinitas ipsa causa est operum diuinorum. Alioquin non esset nobis ad hæc religio necessaria, sed abiq; deorum cultu compotes essemus operum diuinorum, si hæc ipsa animæ fierent potestate. Denique, si anima sua potestate diuina perageret, vel omnis anima faceret, vel quæ haberet virtutē, & perfectionē animæ, propriam scilicet scientiam, artem, prudentiam, mores, qui per prudentiā acquiruntur. nunc autem non tales hæc faciūt, sed concitari quidam potius & abstracti. Tria proposuerat Porphyrius de diuinis operibus. Primum, ad hæc animam esse causam instrumentalem: secundū, animam
quand

quãdoq; esse causam principalẽ: tertium, animam posse ita esse ex æquo concausam, vt ex ea, spirituq; diuino, tertia quãdam species substantiæ, vel subsistẽtiæ fiat. Iamblichus dicit, Quando vnum aliquid fit ex pluribus, illa plura & esse cognata, & mutabilia, ex eo, quod sunt, in aliud sic commisceri in vnum quintũ quatuor elementa, & animas plures in vnam rotam, forte vegetalem, sensualem, motiuã, in nobis concedere intellectualem, & in ejus actũ redigi, vel fortè ex illis omnibus harmoniam vitalẽ in corpore resultare, vel fortè animas in patria conspirare in vnam ideam omnium animarum, diuinitas verò velut à cunctis exempta non coit in vnũ. Tertiũ, quũ anima præsertim è suo statu jam lapsa, & quia diuinitas velut longè diuersa non cadit in misturam: & quoniã immutabilis, non cõmutatur in aliud cõmune duobus. Prius quidem dictum fuerat scintillis exiguis suscitari in anima species diuinas: esto: sed hæ non traducerentur ad species simpliciter diuinas, si corporales, & naturales essent. nunc denique, vbi dicitur animam cũ diuinitate in vnum tertium congregi, æquatur anima deo, & cõceditur, deũ ibi ita mutari accipereq; ab anima, sicut mutari animam, &

f. alq.

aliquid à deo suscipere : quod est absurdum, præsertim quia hinc admittitur, quòd dij elementorum instar coibunt in effectibus suis in vnam formã tẽporaliter factam, & ex sempiternis, & in re temporali continebuntur. Quando dicitur ex anima, & deo, vel ex diis inuicẽ vnum aliquid fieri temporale, quærimus vtrum præter congradientia resultet aliquid necne : si non resultat, tunc non fiet vera vnio, neq; verẽ vnum: sicut neq; in artificio sola arte pendente si resultat res, sempiternẽ è suo statu cadent, vt fiat aliquid temporale : nisi enim mutentur, tertiu non resultat. omnino verò absurdum est, hoc ipsum, quod generatione quadam fit temporali, ponere sempiternum. neque tamen decet ponere temporale, ne sempiterna seruiant temporali : nec decet ponere, hoc esse solubile, vtrunque factum ex sempiternis. & tamen per nouam generationem videtur esse solubile. Illa igitur opinio est absurda. Porphyrius ait, animam quandoque generare potestatem, essentiamq; dæmoniãam imaginantem futura, per motiones ejusmodi. Generare, inquam, dum cõducit in vnum materias quasdam habẽtes in se vires ejusmodi, præcipuẽ verò materias acceptas ex animantibus. Iamblichus

chus negat generari dæmones, & corrumpi. Negat enim ab anima ex viribus corporeis generari dæmones, corporibus, animaq; superiores. Negat & actiones animæ particularis, clausæq; in corpore procedere in essentias, in se extra animam subsistētes. Negat vires corporū, materiæ prorsus addictas, solui ab eis ad dæmones generandos. Præterea quærit, quænam sit potestas, quæ vires materiales à materiis soluit, rursusq; conflat in vnū ad dæmonem generandū, vbi videtur potestas hæc esse demonica, atq; ita existere, dæmonem etiam antè quàm generetur. Non potest ex rebus carētib; anima, vaticinioq; generari anima, præsertim fatidica. Nequit essentia vlla, substantiaq; constitui, ex motionibus animæ, viribusq; corporeis, quæ nec substantiæ sunt, neque essentia. Item, nullum eorum, quæ per generationem seminantur, majus aliquid habet, quàm quod ei traditur à causa principaliter generante. Quis ergo, nec corpus, nec anima per se habeat vaticinium, nō potest anima ex suis motibus, atque corporibus vaticinantem dæmonem procreare. Diceret forsitan aliquis, non generari à nobis dæmones, sed eos animantibus ordine præsi-

f 2

dere,

dere. Itaque quando materiæ ex animalibus huic dæmoni commendatis, opportunè adhibentur huc, dæmonē quasi compatiētem ad talia ferri. Iamblichus ait, dæmones, qui vsque adeo compatiuntur, vera vaticinari non posse. Verum nanque vaticinium non esse naturæ passibilis, & aliquo corpore loco, tempore clausa, sed ab his omnibus absolutæ, ut queat quocunque in loco vel tempore facta, pariter, simpliciterq; prospicere.

De Somnijs diuinis, & humanis.

Porphyrus ait, præfagia somniorum partim esse ex nobis, partim ab extrinseco. Iamblichus ait, solū extrinsecus aduenire: quia sæpe studemus, agimusq; nonnulla ad hoc præfagium aucupandū, neq; tamen datur, & sæpe id non querentibus datur. Quod si somnialis effectus esset ex nostra natura, a bitrioq; humano, nobis ad hoc prouidentibus eueniret. Mittitur autem à diis pro eorum arbitrio, scilicet quando, & quomodo volunt benignitate quadam demonstrare futurum. Idem declarat Orphicus hymnus. Porphyrius ait, vaticinij causam, esse quādam animi passionem. Iamblichus negat, directos passionem esse suapte natura instabilem.

bilem, inordinatamq; , atq; perturbatam. Vaticinium verò esse debere stabile prorsus, & ordinatum, ideoq; non posse in passione versari. Item quando anima prudens est, & constans, agitq; secundum vires ejus præstantiores. scilicet intellectuales, rationalesq; , futura non prospicit. Quomodo igitur hæc assequetur, quando patitur secundum inordinatos motus, atq; perturbatos? Item passio nihil habet proprium ad entium veritatisq; contemplationem, sed affert impedimentum. Præterea si res ipsæ in mundo essent passionibus constitutæ, passio similitudine quadã has attingeret. Quñ verò rationibus, speciebusq; cõstitutæ sint, & agantur, certè alia quædam prænotio est ab omnib⁹ passionibus aliena, rursus passio præsentia tantum sentit. Quum igitur vaticinium futurum etiam assequatur, non versatur in passione. Porphyrius ait, vaticinium esse passionem quandã phantasiæ subortam, vel ex cogitationibus nostris, vel instinctu corporalis in nobis naturæ, vel similiter incidẽtem, ut & phreneticis cõtingit vaticinari. Ad hoc autem adhibet signa, quòd in statu vaticinij agit quidem imaginatio vehementer, sensus autem interim occupantur, & cohibentur. Item, quòd suffu-

migationes adhibentur diuinaturo, videlicet ad phantasiā afficiendam. Item inuocationes, ad eandem affectionem incitandam. Item quod non omnes, sed iuuenes, simplicesq; ad hoc idonei sunt.

Iamblichus ait, occupationem sensuum esse signum, quod phantasma tunc nullum est humanum. Vapores adhiberi ad efficiendam cum deo congruitatem, non ad afficiendam spectantis animam. Inuocationes non excitare, vel cogitationes, vel corporeas passiones in nobis. Nam nobis incognitæ sunt, soli deo, qui inuocatur, cognitæ: solos simplices esse expositos diuino spiritui extrinsecus venienti. Quod Porphyrius ait, vaticinium esse passionem phantasiæ talem, qualis accidit melancholicis, & desipientibus sæpe fatidicis, abutitur diuino vaticinij munere, dum alienationem diuinitus factā in melius cōparat alienationi à morbis, ebrietate, rabie in deterius accidenti alienatio animi ex passionibus nostris accidens, infra humanum statū dejicit animū, sed à Deo facta, attollit hominem super hominem, deoq; conjungit. Illa reddit instabilem, & in materiā prorsus immergit: hæc constantem, ordinisq; cōpotem, & à materia soluit. Nullo modo dicendum, afflationem diuin

diuinā habere aliquid simile cum alienatione facta ab humorib⁹, ebrietate, rabie. nam hæc à deo supra quàm cogitari possit, distantia sunt. Tantundem ergo distat insania ejusmodi ab inspiratione diuina: nihil igitur habent simile, vel commune. Alienatio à causis facta corporeis, est animi deprauatio ex debilitate contingens. Facta verò diuinitus, est salus animæ contingens ex plenitudine potestatis. In illa quidem, dum animo suas operationes aggredditur, eas edit peruersas, atq; turbulentas. in hac autem, dum secundum propriam vitam, intelligentiamq; vacat, superiori se exponit vtendam. Denique, quanto distant diuina ab infimis naturalibus, tanto illorum actiones effectusq; ab effectibus naturalium. Alienatio itaque inducta diuinitus nihil habet simile cum ea, quæ sit humanitus. Quū igitur illam cogitas, separa prorsus ab illa omnes hujus defect⁹, accidentia omnia. Quinetiam quando sobrietatem, vigilantiamque sacram acceptam diuinitus meditaris, noli cum sobrietate hominum comparare. Et vtrobique ab imaginationibus diuinitus adhibitis animo remoue, quicquid vllō modo simile est imaginationibus vllis, quas humores, similesq; causæ suscitant. Item

ambiguum hominis statum inter sobriū
animum, alienatumq; mediū, ne similem
putes statui animi sacri, vno intuitu spe-
ctantis deum, nec certissimos intuitus di-
uinorum similes esse credas imaginatio-
nibus arte venefica suscitatis. Nā quæ fa-
scinati imaginamur, præter imaginamen-
ta nullam habent actionis & essentiaē ve-
ritatem. Eiusmodi nanq; magicæ finis est,
non facere simpliciter aliquid, sed vsq; ad
apparendum imaginamenta porrigere.
Non est putādum diuinū vatem incidere
in veritatem casu, sicut infani solent ali-
quando: nec etiam passione quadam natu-
rali, sicut & animalia solent pati sæpe à
partibus, viribusq; quibusdā mundi futu-
rum aliquid inchoantibus, & jam in aëre
quodammodo facientibus prius quàm in
terra. Atq; ita patiēdo nonnunquam fu-
turas persentiunt terræ concussiones, atq;
procellas, præsertim animalia, quæ vel fa-
cilè patiuntur, vel acutè persentiunt. Præ-
notio enim vel casu vel eiusmodi passio-
ne proueniens, rara fit, inordinata, non
continuata, prorsus obscura. Vaticinium
verò diuinum vniuersi ordinem cōtinua-
ta, & firma, connexaq; conspicit ratione.
Siqua nobis innata sit facultas ad futurum
percipiendū, nō est propterea vaticinium:

hæc

hæc enim nec semper, sed aliquando veridica est, nec in omnibus, sed quibusdam. vaticinium verò & semper, & in omnibus est veridicum. Item prænotio arte facta ex signis aucupatur futurum nō omnino fidelibus, quia nō semper sibi conjunctum habent euentum, sed diuina prouidentia factum effectus à causis conspicit, intuitu firmo, præsentiq; & prorsus continuato, connectēs omnia mutabilia, temporaliaq; & inter se distantia, futura anticipans, vt præsentia. Dicit aliquis, posse prænunciari futurum, ex quatuor donis simul junctis, scilicet ex certa hominis natura, & ex arte huic adhibita, & ex cōmuni rerum inter se cōpassione tanquā animalis ejusdem partium, atq; ex ea corporum dispositione, qua alia aliis indicia subministrēt: sed re vera quando his concurrentibus indicia manifestè percipiuntur, habet & hæc perceptio aliquid simile vaticinio, & vniuersum vestigia vaticinij habet vbiq; sed non vbiq; clara. Tametsi sicut imago ipsius boni in omnibus deum præfert, sic in cunctis est vestigium aliquod vaticinij. Neq; tamē vaticinij species vna diuina, immista, definienda est per simulacra ejus in generationem demissa, & multo minùs per imaginamenta delirantium

f s tium

tium. hæc enim omnia fallacia sunt. Vaticinium ipsum definiendum est, per vnam rationem, ordinemq; vnū. & vnam speciem diuinā, vnamq; intelligibilem, & immutabilem veritatem: contra verò omnis perceptio mutabilis inde segreganda, velut indefinita, & deis, diuinisq; nullo modo conueniens: quando fit à nobis aliquod opus nobis naturale, certè ad hoc sunt ab initio tributa semina, & præparamenta ab ipsa natura, quæ est operis ejusmodi causa. Nulla ergo sunt data præparamenta, seminaq; à natura vel communi, vel humana ad vaticinium illud, quod est supra naturam, consuetudinemq; humanam. natura enim & intelligentia caret, nec est præcipuus auctor eorum, quæ fiunt, præsertim quatenus in nobis est natura, sed vaticinium plus quàm intellectuale est, & causas attingit euentuum, & vno, subitoq; intuitu complectitur ordinem vniuersi opus ejusmodi: dei proprium est agentis hoc in nobis, nobis tunc à propria actione vacantibus. Præfagium, si quod nobis incidit, instinctu naturæ vel arte peragitur: potest utiq; in nostra natura præparationē, aptitudinemq; habere: sed hoc præfagiū valde angustum est, & obscurum, & magis minusve suscipit: vaticiniū verò diuinum

amplif

amplissimum est, & certum, & vnum, stabilemque, id est summum ubique gradum possidet, ideo nequit fuisse nobis inditum à natura. Porphyrius conjectabat affectionem quandam nostræ naturæ vel corporalem, vel animale ad vaticinium conferre præcipue, ex eo quod qui aduocabant in hominem vaticinium, gestabant lapillos quosdam, atque herbas, ligabantque nodos sacros, iterumque ligata soluebant. mutabant quoque proposita in eis, qui talia ab illis acceperant, & ex malis meliora reddebant. Sed Iamblichus observationes, effectusque ejusmodi retorquet in conjecturam, quod inspiratio vaticinij forinsecus, desuperque proveniat. talia enim certis numinibus consentanea, quum adhibetur nobis, ad eorum inspirationem suscipiendam, nos accommodant. Porphyrius ait, non esse contemnendam artem, quæ ex certis vaporibus ad ignem sub opportunis stellarum influxibus facit deorum idola in aëre protinus apparentia similia quodammodo diis, & habentia similem aliquam efficaciam. Iamblichus ait, hæc idola parvipendi à sacerdotibus, qui veras deorum species peruiderunt: neque posse excellens aliquod bonum reperiri in eo, quod pullulat ex materia, formisque in ea, formarumque ejusmodi virib

viribus, & arte simul humana. Nam quod fit ab homine, est deteri⁹ homine: & quod fit ita, ut idolum, est adumbratio quædam apparēs potius quàm existens, ac dum fit, protinus euanescens: neq; fit arte opificia, quæ veras essentias fabricat, sed imitatoria potius, quæ essentiarum reddit imagines. Profectò deus mundi opifex non per cælestes motus, non per particularem materiam, nō per potentias ita diuisas fabricat omnia, sed intelligentiis, voluptatibusq; & immaterialibus speciebus, ac per animam sempiternam supermundanam, simulatq; mundanā mūdōs efficit. Factor quidē ejusmodi idolorum dicitur per stellas efficere, nō tamē eo modo per ipsas efficit stellas, quo fortē videtur: quum enim innumeræ sint in diis cælestibus vires, omnium infima est potentia naturalis. In ipsa potentia deorum cælestium naturali sunt rationes, tum seminales, id est formarum generatiuæ, tum aliæ quædā immobiles seminalibus præcedētes ibidē, id est coordinatiuæ formarū: utrarumq; igitur rationum auctoritas generationem vniuersam præcedit. Post eas sunt in corporibus cælestibus qualitates, vires, motus, atque ex eis defluxus dominantes sub rationibus toti rerum mūdānarum exordinationi;

nationi: infima verò potestas cælestium, quas dixi, viriū generationē terrenorum ducit. Multæ artes, vt medicina, gymnastica, agricultura, quæcunq; videlicet in operatione sua communicant, cum operatione naturæ vtuntur qualitatibus, viribusq; per defluxus cælestes ad inferiora trajectis, atqui & idoloficus ipse trahit à cælestibus defluxibus portionē aliquam gentilem, quamuis exiguam, atq; debile. Non enim vtitur ipsis cælorum motibus, aut viribus ipsis, quæ illis insunt, aut viribus quæ naturaliter fundantur circa cælestes motus: nec potest eas attingere, sed occupatur circa vires quasdam, quæ ab illorum natura ad vltimum defluerunt, prolapsæ ad infimum mundi locum. Vtitur quidem is arte quadam, sed non pia, atque deifica. hæ quidem infimæ cælestium vires conspirantes, circa materiā quādam particulare possunt eam transmutare, trāsfigurare, trāsformare alias aliter. Iā verò, & trāspositionem ab aliis in alia suscipiunt potentiarum earum, quæ particularibus insunt. Quando aliquis eiusmodi fabricat idola ex multis materiis, & sub cælestibus influxibus, tunc varietas illinc quidem cælestium actionum, hinc verò potentiarum materialium cōgregata, facit quidem ali-

quid.

quid, sed actio hæc longè degenerat, non solum ab opificio diuino, sed etiam ab effectione naturali. Natura enim & vno simul tenore, & actione simplici proprium peragit opus. Hæc igitur idolorum fabrica, est artificiosa commistio circa defluxum cælestium vltimum, & circa illa, quæ ad postremum à cælesti natura mouentur, atq; recedunt. Homo, quum sit melior, & ex melioribus procreatus, non debet idolis fabricandis incumbere, quæ non sunt animata, sed ostentamento quodam viræ sunt inflata. nec intima, veraque, sed externa, fictaque harmonia continentur, prorsus ad breue mansura, nec habent verum aliquid, & legitimum, quum sint arte solum humana conficta solum verò, quod simplex & vniforme est actionis, vel compositionis in eis præualet. Ideoq; valde deficiunt quoniam ex qualitatibus longè diuersis, contrariisq; congesta sunt, neque potentiam aliquam perfectam habent, quoniam ejusmodi defluxuū multitudo è multis captatur, & in aduentitium aliquid commiscetur exile penitus & infirmum: nec stabilitatem vllam habent hæc idola, imò velocius quàm quæ apparent in speculis, euanescent. Quando enim admouetur suffumigatio vaporibus exhalantibus, protinus

protinus componuntur: at quū per totum
aërem fumus, vaporq; se fundit, subito dis-
soluuntur. Prodigiorum ejusmodi fabrica
idolaris est omnino contemplatore veri-
tatis indigna. qui enim hæc machinatur,
siue eorum vilitatem agnoscens, delecta-
tur tamen, similis illis euadit, siue colat, vt
deos, peccati reus est factu, dictuq; nefan-
di: nec lux vlla in animam diuina subruti-
lat, circa tenebrosa idolorum phantasma-
ta occupatam. Porphyrius ait, idolorum
factores in fabrica obseruare cælestium
cursum, dicentes, quo potissimum cæle-
stium corrente, & cū quo, vel quibus con-
currente vaticinia vera proueniēt, aut fal-
sa: item quæ ibi sunt, vtrum significatiua
sint, effectiuaue, vel contrā significationis
efficaciæ vacua. Quamuis ex materiis ele-
ctis idola construant observatione syde-
rum, nihil tamen hæc inde habent in se
diuinum. nam materiæ, quæ hîc mouen-
tur cælitus, in generatione sunt postre-
mæ, atque ad vltimos è cælo defluxus
compatiuntur. Quæ enim tam facîle per-
mutentur ejusmodi phantasmata, vt ad
minimum nutum vel inertia sint, vel
contrā scilicet fatidica, siue significati-
ua, siue effectiua, certè passio tam faci-
lis, & mutabilitas adeò velox declarat, ea
diui

diuinæ potentiz nihil habere. Non sunt in materiis vllæ potentiz, quæ sint elementa dæmonum: neque hi possunt ex particularibus corporibus generari, imò ab eis hæc generantur, atque custodiuntur. Neq; potest homo suis machinis formas ipsas dæmonum procreare, imò nos secundum corpus à dæmonibus formati sumus. Non est putandum ex elementorum coitū confluere aliquam multitudinem, siue compositionem in se propriam dæmonibus vim habentem. Nam ipse dæmon simpliciter, vniformiterq; , & in se consistens, in vnū diuersa congregat elementa, atque ex eis composita generat, & quicquid inest perseuerantiæ, ipse largitur: neque decet idola dæmones appellare. Nam & aliud est idolorū auctor, aliud dæmon magnus dux dæmonum: ipsaq; substantia dæmonum diuersa est à phantasmatis idolorum, quibus & ru Porphyri confiteris, neq; deum, neq; dæmonem aliquem deorsum trahi. Igitur hæc idolorum fabrica, quum dei, dæmonisq; sit expers, neque vaticiniū, neq; sacrum opus aliquod affert.

*Chaldaeorum mysteria de Sacerdotio, Deo,
Dæmonibus bonis, & malis.*

Porp.

POrphyrius commemorat opinionem dicendum omnia vaticinia nobis à dæmonibus malis infundi, quorum natura sit subdola, omniformisq; atq; versatilis, qui deos, & sublimes dæmones, & animas defunctorum simulent, & hac fallacia nobis occurrētes præfagia præbeant. Horum opinionem Porphyrius, etsi non probat, commemorat tamē de hac quoq; Ægyptium consulens. Iamblichus hoc quoq; damnat inter sacra commemorare profana, atq; subinde narrat mysteria, quæ audiuit Ægyptius à prophetis Chaldæorum talia. Dij vera bona dant bonis per sacrificia expiatis, quibuscum & versantur, suoq; commercio prauitatem, passionemq; ab eis lōgè propulsant, suoq; splendore tenebrosos inde spiritus arcent. Mali enim spiritus intrante deorū lumine, velut sole tanquam tenebræ subterfugiunt, neq; turbare vlteriùs pium sacrificatorem possunt, omni prauitate, & peruersitate, passioneq; liberum. Qui verò perniciosi sunt, & interim contra ritus, ordinemq; sacrorum sacra insolenter inuadunt, hi sanè propter actionis infirmitatem, potentiaq; defectum, deos assequi nequeunt. Sed propter inquinamenta quædam, tum à diis arcentur, tum dæmonibus malis

accommodantur, quorum flatu prorsus implentur pessimo, pessimiq; illinc euadunt, profani scilicet, atq; dissoluti pariter & iniqui, desiderio dissimili diis, atq; in omnibus simillimi demonibus improbis, quibuscum versantur assidue. Hi igitur passionibus, & prauitate pleni, per ipsam cognationem malos ad se trahunt spiritus, quibus mox occupati, ad omnem iniquitatem inde iterum incitantur, vbi alter alterum ad hoc ipsum vicissim adiuuat, & corroborat. sicut circulus aliquis principium cum fine coaptans, reddensq; æqualem eodem pacto vicissitudinem. hucusque Chaldæi. Quando profani contra ritus tractant sacra, frustratur euentus. nam & pro diis aliis alij celebrantur, & pro bonis spiritibus insinuantur mali. horum ergo errata non debent, vbi de legitimis sacris agitur, commemorari, neq; quæ accidunt illis pro lege putari. sicut sacrilegium diuino cultui contrarium est, ita malis demonibus intemperantiæ auctoribus, fallacibusq; occupati contrarij sunt legitimis sacerdotibus, à quibus procul abest spiritus omnis iniquus, & prauitas, atque passio: adest verò bonorum præsentia numinum, atque desuper ab igne diuino veritate replentur. His ergo mali spiritus impedi-

menti

menti nihil afferunt ad animæ bona. nec inde suggeritur superbix fumus, vel adulationis mollis, neq; subfumigatione falluntur, neq; vi vlla turbantur. Sed hæc omnia mala, tunc boni præsentia numinis, velut fulguris ictu, percussa, disperduntur statim, & evanescunt. Talibus ergo veridicum provenit vaticinium, cum quo nulla ex parte aliud est conferendum, cui ritè studendum est, ea, qua diximus, sanctimonia. Hac enim ratione duntaxat acquiritur & in vaticinando veritas inconcussa, & in anima virtus penitus absoluta, quibus sanè duobus sacerdos ad ignem ascendit intelligibilem. quod tanquam finis omni præfagio, sacrificioq; debet esse propositum. Temere nimium, ô Porphyri, ubi de diuino agitur vaticinio, opinionem eorum commemorandam existimasti, qui omne præfagium arbitrantur à malo dæmone tribui. hi namq; in tenebris ab initio, semperq; versari, nec verum à falso discernere possunt, neque principia, quibus hæc adueniunt, intelligere.

*Inuocationes, & imperia hominum
aduersus spiritus.*

Porphyrius dubitat, quare spiritus
tum suppliciter inuocamus. tanquam
g 2 nobis

nobis superiores, tum quasi cogimus imperando tanquam inferiores. Iamblichus ita distinguit: Dij quidem, & omnes nostra natura superiores plenitudine bonitatis, & voluntate bonorum, & benignitate quadam dignis animis conuenientia tribuunt: deligunt religiosos tanquam genituras suas, & alumnos, atq; discipulos, & laborantium miserentur. Sunt præterea media quædã genera numinũ, qui ephori, præfidesq; sunt discretionis, atq; iudicij, consulunt, quæ facere deceat, quæ declinare. ad iusta quidem adiuuant, reuocant ab iniustis: & sæpe in homines iniquos injurias, quas inferre conantur, iustè retorquent, vt quæ agere moliebantur, patiantur ipsi. Est rursum aliud genus spirituum nobis circumstantium indiscretum, & inconsideratum, quod vnã numero potentiam est sortitum, propter ipsam à singulis vniuersi partibus distributionẽ. vnde vnum vni tantũ operi est addictum. Sicut enim gladius solũ diuidit, nec aliud afficit, sic spirituum in mundo distributorum propter ipsam partibilem naturæ necessitatem, hic quidem solũ diuidit, ille verò solũ colligit, quæ fiunt atq; generantur. quidã igitur occulti spiritus, alius aliam sortiti potentiam, illud tantũ singuli, ad:
quod:

quod ordinati sunt, peragunt. Siquis igitur accipiens illa, quæ ordine distributo ad totum conferunt, deflexerit aliorsum, & aliquid quasi præuaricando transegerit, hoc ipsum, quod fit, sequitur, nec ipsius malè vtētis est damnum. sed redeamus ad quæstionem. Vt ad quæstionem respondeam, iussa, & imperia violenta diriguntur ad spiritus, nec vtentes propria ratione, nec iudicij, discretionisq; principium possidentes. Quum enim cogitatio nostra habeat ratiocinandi naturam, atq; discernendi, qua res conditione se habent, multas quoq; in se vitæ potentias complectatur, spiritibus imperare solet, non vtentibus ratione, & ad vnam duntaxat actionem determinatis. Inuocat eos igitur tanquam superiores, quoniam ab vniuerso mundo nos continente, quæ ad tota cōferunt, trahere conatur circa quædam, quæ in particularibus, diuiduisq; continētur. Imperat rursum tanquā inferioribus, quia natura nostra intellectualis præstantior est, quàm intellectu carens, etsi illa latior in mundo habeat actionem. Item duplex est in sacerdote figura, siue prætexta, vna quidem humana, altera verò diuina, quam ex sacramentis induit, in quibus latet diuina potestas, sursum ad diuinitatem

animū eleuās, deoq; conjungens: ideoq; figuram diuinam adhibens animo, quam indutus potest sub prætextu dei, tanquam superior ejusmodi spiritibus imperare. tametsi tanquam homo rogare solet inuocans eos eatenus superiores, quatenus ab vniuerso inuocat potestates. Sed ita verius soluimus quæstionē: Communio quædam consentientis beneuolentiæ, & complexio indissolubilis vnitatis omnem facrorum expeditionē continet, vt hæc effectio sit diuina, & excedens omnem expeditionis humanæ modum: ideoq; hunc omnē illinc auferre debemus. Non igitur sacerdos numerum accersit, velut abiens: nec mandat aliquid segregato perficiendum, quod homines inter se solent: imo vna quædam, eademq; cōmuniter diuini ignis actio spōte sua per se prompta, præsensq; ex se agens refulget, agitq; eodem modo per omnia simul, tum quæ deinceps inde tradunt aliis, tum quæ possunt accipere inde nō nihil. Diuina igitur opera, quæ in sacris explētur, non per contrarietate huius ad illud, vt generabilia: non per differentiam vocantis, mouentisve aduocātur, atq; motum trāsiguntur, sicut humana solent, sed identitate, vnione, cōsensione, id totum expletur: & sublata discrepantia,

pantia, hoc ipsum quod agit, & cuius virtute agitur, est cōmune vbiq; aliquid, atq; simplex. Porphyrius quærit, cur nam superi sæpe jubeant suos cultores esse justos: aliquādo tamen obsecrati inferre injuriā, inferant. Respondet Iamblichus, nō inferre injurias, sed justa supplicia. ac si fortē injusta, non esse deos, sed demones improbos. Dij non partem quandam hujus vitæ tantum, sed totam: nec hanc solam, sed vniuersam ab æuo in æuum conspiciunt animæ vitam, atq; ita pro meritis in antecedente vita contractis, sæpe puniunt in sequenti, siue rogati punire, siue nō rogati. Interea nos, qui nihil videmus ultra præsens, opinamur aduersa nonnunquam nobis cōtingere præter meritum, dum tamē sæpe in hac vita patimur, quæ in alia jam intulimus, & quæ nunc facimus, aliquādo patiemur. Præterea multa nos latent hominum peccata, quæ deos minimè latent. Item nos justitiā definimus, vt suū quisq; officiū faciat, secundum præsentis patriæ leges. Dij verò definiunt eam latius admodum spectantes, videlicet ad totum ordinem vniuersi, atq; spectātes eam præcipuè rationem, quā animæ diis conducāt, iudicium inde peragūt. Tantaq; diuersitas est inter iudicium diuinum de ipso jure, atq;

nostrum, vt ad illud attingere non possimus. Iam verò & ipsi dij, quid iustum sit, aliter perpendunt ad vnam spectâtes animam, aliter ad totâ animarum cognationem. Si enim ejusdem naturæ communio existens inter animas, tum in corpore viuentes, tum extra corpus positas, complexionem quandam eandem, atq; communem cunâtis efficit ad totâ mundi vitam, ordinemq; mundanum, necessariû est expeditionem iudicij à totis exigere: scilicet ab ordine vniuersali, & à necessitudine animarû inter se requireretur: præsertim vbi scelerû magnitudo ab vna anima commissorum excédit supplicium consequens ex peccatis. Dij ergo nunquam oblâcrati inferunt supplicia, nisi iusta. Quû enim secundum essentiam bonum habeant, mali, iniusti; causa esse non possunt. Verûm si quis fortè cõuicerit ex imprecationibus ad superos factis, aduersa quædam aliquibus iniuste cõtingere, alias quasdam præter deos, bonaq; numina causas inquirere compellemur: quas si fortè non inuenerimus, non tamen ob hoc suspicari aliquid debemus de diis indignum diuina natura, eaq; scientia certa, quæ de bonitate deorum nostris intelligentiis est innata, in qua proculdubio Græci omnes, barbariq; consen-

consentiunt. Proinde quū malorum species diuersæ sunt, atq; dissidentes, non in vnam, sed in diuersas referendæ sunt causas. Si verum est, quod de idolis dicebamus, improbisq; dæmonibus, hinc sanè exoritur multiplex origo malorū. Simulant enim deorum præsentia, dæmonumq; bonorum: ideoq; cultorem suum iubent esse justum, vt ipsi videantur boni, sicut & dij. quoniam verò natura sunt mali, rogati mala inferre, libenter inferūt, atq; nobis ad injusta conducunt. Hi sunt omnino, qui & in oraculis mentiuntur, & fallunt, & turpia consulunt, atq; peragunt. Dij verò, boniq; dæmones, neq; fallunt vnquam, neq; conferunt ad iniqua. Est insuper malorum natura dæmonum sibi inconstans, instabilis, secumq; dissidens, aliàs alia suadens. superiorum verò natura, sibi constat assidue, eundemq; seruat semper in actione tenorem. Corporeæ mūdi partes non sunt virtute vacuæ, sed quanto majores, pulchriores, perfectiores sunt, quàm nostra corpora, tanto vires, actionesq; majores habent. Igitur vnaquæque earum vires seorsum differentes habet, & actiones diuersas edit. Item habitudine quadam inuicem multò plura conficere possunt. Quinetiam à totis mundi

partibus descendit in particulas quædam actio multiformis : descenditq; facillimè, propter potentiârû similitudinem, quatenus videlicet sequentes gradatim potentia antecedentibus correspondent : præsertim vbi patiens insuper ad agens accommodatur. Corporis ergo necessitatibus contingūt ex totis in particulas quædam mala & perniciofa quædam totis quidem salutaria, & harmonia vniuersi consona, quamuis interea noxia partibus, vel quia totorum actiones sustinere non possunt, vel propter commistionem inferius accedentem, imbecillitatemq; infimis naturalem, vel quia partes partibus cõmensuratae non sunt. Proinde præter ipsum mundi corpus multa potest ipsa mundi natura. Nam & similium concordia, & discordia dissimiliû non pauca facit. quin etiam multorum coitus in vnum totius animal, & potentiae vigentes in mundo quocunque sint, & quales aliud quidem in totis, aliud in partibus agunt ob ipsam partium debilitatem ad vltimum distributam, atque diuisam. Amicitia totius, & amor, atque contentio, & similia in ipsis quidem totis actiones sunt, in particulis passioness. Item quæ in intellectu diuino species sunt, rationesq; puræ, in vniuersi natura.

natura materialē quandā participant indigentia: in singulis tandem infirmitatē & quæ in totis sunt vnita, in particularibus dissident. Corruptuntur insuper particulæ quædā, vt tota secundum naturā constituta seruetur: conteruntur & partes quædā, atq; premuntur, totis interea sic inde nascentibus passionis expertibus. Quando veneficus aliquis imprecationibus suis deducit desuper in quempiam calamitatē, vtendo videlicet ad hoc naturalibus quibusdā, corporeisq; potentiis: vniversi traditio quidē actionis ejusmodi venit desuper absq; electione, atq; prauitate, tametsi interim maleficus hac ipsa vtens, traditionem deflectit ad cōtraria prorsus, atq; mala: & ipsa quidem traditio, actioq; supernè descendens compassione quadam propter similitudinem sub contrariorum passionibus commouetur. Maleficus autē electione trahit præter justum, quod traditum est ad mala. jam verò ipsa traditio secundum vnā harmoniam mundi conficit, vt quæ distātissima sunt, tamen cooperentur. si quis interim id deprehēdens ducere molitur iniquè partes sortēsve, quasdā totius in partes alias, ita lædens ejusmodi damni non est causa vniuersum, sed abusus humanus transgrediens ordinē vniuersi, legitimum

gitimaq; peruerrens. Non igitur dii mala nobis inferunt, sed naturæ corporaq; diuinis dependentia. Atqui & hæc non ut malos, sed ut bonos defluxus, mūdoq; salutare ad ima demittunt, qui verò suscipiūt propria mistione, peruersitateq; transformant adeò, ut aliter quidem data recipiatur condicione contraria. Post hæc interrogas, cur natura superi non exaudiant inuocantem, nisi castum? ipsi verò interim obsecrati illicitos concubitus adjuuent: neq; pudeat cultores suos ad turpes libidines incitare. Quando causis occultis incitamus ad coitū non legitimū scilicet, apud leges humanas fortē legitimū, hoc est apud mūdanas leges, quando videlicet inde nascitur hominibus necessarius. Iam verò instinctus ad venerē in mūdo quidē ad amicitiam rēdit, & harmoniā: in partibus autē fit vehementior, propterea quòd hæc ob complexionem suā facile nimium, & mutuò, & toti compatiantur: denique quod cælitus descendit ad bonū, hīc sæpe transfertur ad malum. Mundus est vnum animal, in quo partes, quāuis loco distantes, tamē propter naturam vnā inuicem ad se feruntur. Atqui vis ipsa conciliatrix mūdi, & causa communis omniū mistionis, trahit quidem partes ad se inuicem
suapte

suapte natura. potest ejusmodi tractus & appetitus arte quadam præter ordinē augeri. Vis quidē ipsa concilians infusa cunctis bona est, & causa ubiq; implexionis, communionis, harmoniæ, amoris mutui, vnionisq; mundanæ, quæ sunt, fiuntq; imperio continētis: in partibus autē propter earum distantiam, & inuicem, & à totis, atq; ob naturā debilem & egenam, compassione mutuum congressum conficit, unde acrior appetitus plurimus est ingentus. Ars itaque deprehendens hanc vim coaguli passim in natura dispersam, contrahit eam vndiq;, colligitq; simul, derivatq; in vnum. Atq; ita appetitum necessariæ vnionis naturaliter moderatū, reddit suis machinis effrenatū, dum & materiam admonet genituræ præcipuè conferentem, & vires vndique naturales inter se differentes, cōmiscet in vnum: quarum committione pro arbitrio regit, & conficit congressus ad geniturā. Proinde, quum sint in herbis, atq; lapidibus vires, & dissolutiæ, & rursus congregatiæ, sintq; multò majores in rebus, naturisq; majoribus, potest vtiq; ad coitum nixus intendi ejusmodi rebus adhibitis, atque ab his ipsis sine artis opera amor accendi, tractusq; fieri. Cōpertū habemus demones impro-

improbos, in generatione, rebusq; terrenis, humanisq; posse quamplurimum. Ideoq; nihil mirū videri debet, ardorē ad illicitū coitū in nobis frequēter ab eis accēdi. possunt & ad idē conferre vires quædam animæ, tum in hoc corpore viuentis, habentisq; vim mirabilem attrahendi, tū etiam hinc absolutæ, sed adhuc in spiritu turbido, humidoq; inuolutæ, & hoc circa loca generationis adhuc oberrātis, ideoq; talia committentis. Nemo itaq; vel deos, vel dæmones eorū pedissequos amoris, & coitus non legitimi causas esse dicat, sed vel naturales instinctus apud nos deprauatos, vel veneficā insuper artē, vel malos dæmones, vel animas nondum puras.

De Sacrificijs vnde vim habeant, & quid conferant.

QUæritur qua ratione sacrificia & superis cōueniant, & hominibus cōferant, & in mundo quid agant. Porphyrius ait, non solū Prophetas, sed hypophetas, id est omnes sacerdotes, qui vaticinium tradunt ab aliis acceptum, debere animalibus abstinere, ne dii vaporibus illinc exhalantibus contaminentur. huic verò sententiæ contrarium est commune dictum, deos videlicet animalium nidoribus maxime

mè demulceri velut esca, capique. Iamblichus vtrunq; damnat, scilicet deos nidoribus carniū vel infici, vel irretiri, atq; infescari. Anima mundi, cælestesque ex eo, quòd corporibus suis adsint, neq; passionibus inde suscipiunt, neq; ab intelligentiis distrahūtur: animæ verò particulares patiuntur vtrinq;. aberraret verò nimium, qui defectus similes animabus superioribus attribueret. non enim est vniuersaliū, atq; particulariū, vel principiorū, atq; effectuiū æqua conditio. Vesci quidem corporibus quondam conjunctis animæ onus procul dubio, inquinamentumq; nobis infert, & proeliuitatem animæ, per quam voluptatibus lique scat, atq; succumbat, multosq; alios in anima morbos procreat, sed vapor exhalans ab animalibus, & suffumigatio sacra ritè peracta diis, mundanisq; & vniuersalibus causis nihil officit. Non enim ipsa cōtinet, ordinatq; superos ad se ipsam, sed cōtinetur ab eis, atq; ad vniuersum coordinatur pariter, atq; deos: ideoq; ita potest illorū imperio superis coaptari, harmoniceq; congruere. abstinent igitur animalibus religiosi: non tamen quia dii vaporibus animalium fœdari possint. potestas nanq; deorum, prius quàm materiale aliquid eam attingat, ipsa quoque
hinc

diuinæ potentia nihil habere. Non sunt in materiis ullæ potentia, quæ sint elementa dæmonum : neque hi possunt ex particularibus corporibus generari, imò ab eis hæc generantur, atque custodiuntur. Neq; potest homo suis machinis formas ipsas dæmonum procreare, imò nos secundum corpus à dæmonibus formati sumus. Non est putandum ex elementorum coitū confluere aliquam multitudinem, siue compositionem in se propriam dæmonibus vim habentem. Nam ipse dæmon simpliciter, vniformiterq; , & in se consistens, in vnū diuersa congregat elementa, atque ex eis composita generat, & quicquid inest perseverantiæ, ipse largitur : neque decet idola dæmones appellare. Nam & aliud est idolorū auctor, aliud dæmon magnus dux dæmonum : ipsaq; substantia dæmonum diuersa est à phantasmatis idolorum, quibus & tu Porphyri confiteris, neq; deum, neq; dæmonem aliquem deorsum trahi. Igitur hæc idolorum fabrica, quum dei, dæmonisq; sit expers, neque varicinium, neq; sacrum opus aliquod affert.

*Chaldaeorum mysteria de Sacerdotio, Deo,
Dæmonibus bonis, & malis.*

Porp.

Porphyrus commemorat opinionem dicentium omnia vaticinia nobis à dæmonibus malis infundi, quorum natura sit subdola, omniformisq; atq; versatilis, qui deos, & sublimes dæmones, & animas defunctorum simulent, & hac fallacia nobis occurrentes præfagia præbeant. Horum opinionem Porphyrius, etsi non probat, commemorat tamē de hac quoq; Ægyptium consulens. Iamblichus hoc quoq; damnat inter sacra commemorare profana, atq; subinde narrat mysteria, quæ audiuit Ægyptius à prophetis Chaldaeorum talia. Dij vera bona dant bonis per sacrificia expiatis, quibuscum & versantur, suoq; commercio prauitatem, passionemq; ab eis longè propulsant, suoq; splendore tenebrosos inde spiritus arcent. Mali enim spiritus intrante deorum lumine, velut sole tanquam tenebræ subterfugiunt, neq; turbare ulterius pium sacrificatorem possunt, omni prauitate, & peruersitate, passioneq; liberum. Qui verò perniciosi sunt, & interim contra ritus, ordinemq; sacrorum sacra insolenter inuadunt, hi sane propter actionis infirmitatem, potentiaq; defectum, deos assequi nequeunt. Sed propter inquinamenta quædam, tum à diis arcentur, tum dæmonibus malis

accommodantur , quorum flatu prorsus implentur pessimo , pessimiq; illinc eadunt, profani scilicet, atq; dissoluti pariter & iniqui , desiderio dissimili diis , atq; in omnibus simillimi demonibus improbis, quibuscum versantur assidue. Hi igitur passionibus , & prauitate pleni, per ipsam cognationem malos ad se trahunt spiritus, quibus mox occupati , ad omnem iniquitatem inde iterum incitantur, vbi alter alterum ad hoc ipsum vicissim adiuuat , & corroborat. sicut circulus aliquis principium cum fine coaptans, reddensq; æqualem eodem pacto vicissitudinem. hucusque Chaldæi. Quando profani contra ritus tractant sacra, frustratur eventus. nam & pro diis alijs alij celebrantur, & pro bonis spiritibus insinuantur mali. horum ergo errata non debent, vbi de legitimis sacris agitur, commemorari , neq; quæ accidunt illis pro lege putari. sicut sacrilegium diuino cultui contrarium est, ita malis demonibus intemperantiæ auctoribus, fallacibusq; occupati contrarij sunt legitimis sacerdotibus, à quibus procul abest spiritus omnis iniquus , & prauitas, atque passio: adest verò bonorum præsentia numinum, atque desuper ab igne diuino veritate replentur. His ergo mali spiritus impedi-

menti

menti nihil afferunt ad animæ bona. nec inde suggeritur superbix fumus, vel adulationis mollis, neq; subfumigatione falluntur, neq; vi vlla turbantur. Sed hæc omnia mala, tunc boni præsentia numinis, velut fulguris ictu, percussa, disperduntur statim, & euanescent. Talibus ergo veridicum prouenit vaticinium, cum quo nulla ex parte aliud est conferendum, cui ritè studendum est, ea, qua diximus, sanctimonia. Hac enim ratione duntaxat acquiritur & in vaticinando veritas inconcussa, & in anima virtus penitus absoluta, quibus sanè duobus sacerdos ad ignem ascendit intelligibilem. quod tanquam finis omni prælagio, sacrificioq; debet esse propositum. Temere nimium, ô Porphyri, vbi de diuino agitur vaticinio, opinionem eorum commemorandam existimasti, qui omne prælagium arbitrantur à malo dæmone tribui. hi nanq; in tenebris ab initio, semperq; versari, nec verum à falso discernere possunt, neque principia, quibus hæc adueniunt, intelligere.

*Inuocationes, & imperia hominum
aduersus spiritus.*

PORPHYRIUS dubitat, quare spiritus
tum suppliciter inuocamus, tanquam
g 2 nobis •

nobis superiores,rum quasi cogimus imperando tanquam inferiores. Iamblichus ita distinguit : Dij quidem, & omnes nostra natura superiores plenitudine bonitatis, & voluntate bonorum, & benignitate quadam dignis animis conuenientia tribuunt:deligunt religiosos tanquam genituras suas,& alumnos,atq; discipulos, & laborantium miserentur. Sunt præterea media quædã genera numinũ,qui ephori, præfidesq; sunt discretionis, atq; iudicij, consulunt,quæ facere deceat,quæ declinare. ad iusta quidem adjuuant,reuocant ab iniustis:& sæpe in homines iniquos injurias, quas inferre conantur, iustè retorquent,vt quæ agere moliebantur,patiantur ipsi.Est rursum aliud genus spirituum nobis circumstantium indiscretum, & inconsideratum, quod vnã numero potentiam est sortitum, propter ipsam à singulis vniversi partibus distributionẽ. vnde vnum vni tantũ operi est addictum. Sicut enim gladius solũ diuidit, nec aliud afficit,sic ipirituum in mundo distributorum propter ipsam partibilem naturæ necessitatem,hic quidem solũ diuidit,ille verò solũ colligit,quæ sunt atq; generantur. quidã igitur occulti spiritus, alius aliã sortiti potentiam,illud tantũ singuli,ad quod

quod ordinati sunt, peragunt. Siquis igitur accipiens illa, quæ ordine distributo ad totum conferunt, deflexerit aliorsum, & aliquid quasi præuaricando transegerit, hoc ipsum, quod fit, sequitur, nec ipsius malè utētis est damnum. sed redeamus ad quæstionem. Vt ad quæstionem respondeam, iussa, & imperia violenta diriguntur ad spiritus, nec utentes propria ratione, nec iudicij, discretionisq; principium possidentes. Quum enim cogitatio nostra habeat ratiocinandi naturam, atq; discernendi, qua res conditione se habent, multas quoq; in se viræ potentias complectatur, spiritibus imperare solet, non utentibus ratione, & ad vnam duntaxat actionem determinatis. Inuocat eos igitur tanquam superiores, quoniam ab vniuerso mundo nos continente, quæ ad tota cōferunt, trahere conatur circa quædam, quæ in particularibus, diuiduisq; continetur. Imperat rursus tanquā inferioribus, quia natura nostra intellectualis præstantior est, quàm intellectu carens, etsi illa latior in mundo habeat actionem. Item duplex est in sacerdote figura, siue prætexta, vna quidem humana, altera verò diuina, quam ex sacramentis induit, in quibus latet diuina potestas, sursum ad diuinitatem

animū eleuās, deoq; coniungens: ideoq;
figuram diuinam adhibens animo, quam
indutus potest sub prætextu dei, tanquam
superior ejusmodi spiritibus imperare. ta-
meti tanquam homo rogare solet inuo-
cans eos eatenus superiores, quatenus ab
vniuerso inuocat potestates. Sed ita ve-
rius soluimus quæstionē: Communio quæ-
dam consentientis beneuolentiæ, & com-
plexio indissolubilis vnitatis omnem sa-
cerorum expeditionē continet, vt hæc effe-
ctio sit diuina, & excedens omnem expe-
ditionis humanæ modum: ideoq; hunc
omnē illinc auferre debemus. Non igitur
sacerdos numerum accersit, velut abiens:
nec mandat aliquid segregato perficien-
dum, quod homines inter se solent: imo
vna quædam, eademq; cōmuniter diuini
ignis actio spōte sua per se prompta, præ-
fensq; ex se agens refulget, agitq; eodem
modo per omnia simul, tum quæ dein-
ceps inde tradunt aliis, tum quæ possunt
accipere inde nō nihil. Diuina igitur ope-
ra, quæ in sacris explētur, non per contra-
rietatē huius ad illud, vt generabilia: non
per differentiam vocantis, mouentisve ad-
uocātur, atq; motum trāfiguntur, sicut hu-
mana solent, sed identitate, vnione, cōsen-
sione, id totum expletur: & sublata discre-
pantia,

rantia, hoc ipsum quod agit, & ejus vir-
 tute agitur. est cōmune vbiq; aliquid, atq;
 simplex. Porphyrius quærit, cur nam supe-
 ri sæpe jubeant suos cultores esse justos:
 aliquādo tamen obsecrati inferre injuriā,
 inferant. Respondet Iamblichus, nō infer-
 re injurias, sed justa supplicia. ac si fortē
 injusta, non esse deos, sed demones impro-
 bos. Dij non partem quandam hujus vitæ
 tantum, sed totam: nec hanc solam, sed vni-
 versam ab ævo in ævum conspiciunt ani-
 mæ vitam, atq; ita pro meritis in antecede-
 nte vita contractis, sæpe puniunt in se-
 quenti, siue rogati punire, siue nō rogati.
 Interea nos, qui nihil videmus ultra præ-
 sens, opinamur aduersa nonnunquam no-
 bis cōtingere præter meritum, dum tamē
 sæpe in hac vita patimur, quæ in alia jam
 intulimus, & quæ nunc facimus, aliquādo
 patiemur. Præterea multa nos latent ho-
 minum peccata, quæ deos minimè latent.
 Item nos justitiā definimus, ut suū quisq;
 officiū faciat, secundum præsentis patriæ
 leges. Dij verò definiunt eam latius admo-
 dum spectantes, videlicet ad totum ordi-
 nem vniuersi, atq; spectātes eam præcipuè
 rationem, quā animæ diis conducāt, judi-
 cium inde peragūt. Tantaq; diuersitas est
 inter iudicium diuinum de ipso jure, atq;

nostrum, vt ad illud attingere non possimus. Iam verò & ipsi dij, quid iustum sit, aliter perpendunt ad vnam spectâtes animam, aliter ad totâ animarum cognationem. Si enim ejusdem naturæ communio existens inter animas, tum in corpore viuentes, tum extra corpus positas, complexionem quandam eandem, atq; communem cunctis efficit ad totâ mundi vitam, ordinemq; mundanum, necessariû est expeditionem iudicij à totis exigere: scilicet ab ordine vniuersali, & à necessitudine animarû inter se requireretur: præsertim vbi scelerû magnitudo ab vna anima commissorum excedit supplicium consequens ex peccatis. Dij ergo nunquam oblectati inferunt supplicia, nisi iusta. Quû enim secundum essentiam bonum habeant, mali, iniusti; causa esse non possunt. Verûm si quis fortè cõuicerit ex imprecationibus ad superos factis, aduersa quædam aliquibus iniuste cõtingere, alias quasdam præter deos, bonaq; numina causas inquirere compellemur: quas si fortè non inuenerimus, non tamen ob hoc suspicari aliquid debemus de diis indignum diuina natura, eaq; scientia certa, quæ de bonitate deorum nostris intelligentiis est innata, in qua proculdubio Græci omnes, barbariq; consen-

consentiunt. Proinde quū malorum species diuersæ sint, atq; dissidentes, non in vnam, sed in diuersas referendæ sunt causas. Si verum est, quod de idolis dicebamus, improbisq; dæmonibus, hinc sanè exoritur multiplex origo malorū. Simulant enim deorum præsentia, dæmonumq; bonorum: ideoq; cultorem suum iubent esse justum, vt ipsi videantur boni, sicut & dij. quoniam verò natura sunt mali, rogati mala inferre, libenter inferūt, atq; nobis ad injusta conducunt. Hi sunt omnino, qui & in oraculis mentiuntur, & fallunt, & turpia consulunt, atq; peragunt. Dij verò, boniq; dæmones, neq; fallunt vnquam, neq; conferunt ad iniqua. Est insuper malorum natura dæmonum sibi inet inconstans, instabilis, secumq; dissidens, aliàs alia suadens. superiorum verò natura, sibi constat assiduè, eundemq; seruat semper in actione tenorem. Corporeæ mūdi partes non sunt virtute vacuæ, sed quanto majores, pulchriores, perfectiores sunt, quàm nostra corpora, tanto vires, actionesq; majores habent. Igitur vnaquæque earum vires seorsum differentes habet, & actiones diuersas edit. Item habitudine quadam inuicem multò plura conficere possunt. Quinetiam à totis mundi

partibus descendit in particulas quædam actio multiformis : descenditq; facillimè, propter potentiârû similitudinem, quatenus videlicet sequentes gradatim potentia antecedentibus correspondent : præsertim vbi patiens insuper ad agens accommodatur. Corporis ergo necessitatibus contingūt ex totis in particulas quasdam mala & pernicioſa quædam totis quidem salutaria, & harmonia vniuersi consona, quamuis interea noxia partibus, vel quia totorum actiones sustinere non possunt, vel propter commistionem inferius accedentem, imbecillitatemq; infimis naturalem, vel quia partes partibus cõmensuratae non sunt. Proinde præter ipsum mundi corpus multa potest ipsa mundi natura. Nam & similium concordia, & discordia dissimiliũ non pauca facit, quin etiam multorum coitus in vnum totius animal, & potentiae vigentes in mundo quotcunque sint, & quales aliud quidem in totis, aliud in partibus agunt ob ipsam partium debilitatem ad vltimum distributam, atque diuisam. Amicitia totius, & amor, atque contentio, & similia in ipsis quidem totis actiones sunt, in particulis passionēs. Item quæ in intellectu diuino species sunt, rationesq; puræ, in vniuersi natura

natura materialē quandā participant indigentia: in singulis tandem infirmitatē & quæ in totis sunt vnita, in particulis dissident. Corruptuntur insuper particulæ quædā, vt tota secundum naturā constituta seruetur: conteruntur & partes quædā, atq; premuntur, totis interea sic inde nascentibus passionis expertibus. Quando veneficus aliquis imprecationibus suis deducit desuper in quempiam calamitatē, vtrendo videlicet ad hoc naturalibus quibusdā, corporeisq; potentiis: vniversi traditio quidē actionis ejusmodi venit desuper absq; electione, atq; prauitate, tamen interim maleficus hac ipsa vtens, traditionem deflectit ad cōtraria prorsus, atq; mala: & ipsa quidem traditio, actioq; supernè descendens compassione quadam propter similitudinem sub contrariorum passionibus commouetur. Maleficus autē electione trahit præter justum, quod traditum est ad mala. jam verò ipsa traditio secundum vnā harmoniam mundi conficit, vt quæ distātissima sunt, tamen cooperentur. si quis interim id deprehēdens ducere molitur iniquè partes sortēsve, quasdā totius in partes alias, ita lædens ejusmodi damni non est causa vniuersum, sed abusus humanus transgrediens ordinē vniuersi, legitim

gitimaq; peruerrens. Non igitur dij mala nobis inferunt, sed naturæ corporaq; diuinitus dependentia. Atqui & hæc non vt malos, sed vt bonos defluxus, mūdoq; salutare ad ima demittunt, qui verò suscipiūt propria mistione, peruersitateq; tñsformant adeò, vt aliter quidem data recipiatur condicione contraria. Post hæc interrogas, cur natura superi non exaudiant inuocantem, nisi castum? ipsi verò interim obsecrati illicitos concubitus adjuuent: neq; pudeat cultores suos ad turpes libidines incitare. Quando causis occultis inciramus ad coitū non legitimū scilicet, apud leges humanas fortē legitimū, hoc est apud mūdanas leges, quando videlicet inde nascitur hominibus necessarius. Iam verò instinctus ad venerē in mūdo quidē ad amicitiam rēdit, & harmoniā: in partibus autē fit vehementior, propterea quòd hæ ob complexionem suā facile nimium, & mutuò, & toti compatiantur: denique quod cælitus descendit ad bonū, hīc sæpe transfertur ad malum. Mundus est vnum animal, in quo partes, quāuis loco distantes, tamē propter naturam vnā inuicem ad se feruntur. Atqui vis ipsa conciliatrix mūdi, & causa communis omniū mistionis, trahit quidem partes ad se inuicem
suapte

suapte natura. potest ejusmodi tractus & appetitus arte quadam præter ordinē augeri. Vis quidē ipsa concilians infusa cunctis bona est, & causa ubiq; implexionis, communionis, harmoniæ, amoris mutui, vnionisq; mundanæ, quæ sunt, fiuntq; imperio continētis: in partibus autē propter earum distantiam, & inuicem, & à totis, atq; ob naturā debilem & egenam, compassione mutuum congressum conficit, unde acrior appetitus plurimus est ingentus. Ars itaque deprehendens hanc vim coaguli passim in natura dispersam, contrahit eam vndiq;, colligitq; simul, derivatq; in vnum. Atq; ita appetitum necessariæ vnionis naturaliter moderatū, reddit suis machinis effrænatū, dum & materiam admonet genituræ præcipuè conferentem, & vires vndique naturales inter se differentes, cōmiscet in vnum: quarum committione pro arbitrio regit, & conficit congressus ad geniturā. Proinde, quum sint in herbis, atq; lapidibus vires, & dissolutiæ, & rursus congregatiæ, sintq; multò majores in rebus, naturisq; majoribus, potest vtiq; ad coitum nixus intendi ejusmodi rebus adhibitis, atque ab his ipsis sine artis opera amor accendi, tractusq; fieri. Cōpertū habemus demones impro-

mè demulceri velut esca, capisque. Iamblichus vtrunq; damnat, scilicet deos nidoribus carniū vel infici, vel irretiri, atq; inescari. Anima mundi, cælestesque ex eo, quòd corporibus suis adsint, neq; passionibus inde suscipiunt, neq; ab intelligentiis distrahūtur: animæ verò particulares patiuntur vtrinq;. aberraret verò nimium, qui defectus similes animabus superioribus attribueret. non enim est vniuersaliū, atq; particulariū, vel principiorū, atq; effectūū æqua conditio. Vesci quidem corporibus quondam conjunctis animæ onus procul dubio, inquinamentumq; nobis infert, & proeliuitatem animæ, per quam voluptatibus lique scat, atq; succumbat, multosq; alios in anima morbos procreat, sed vapor exhalans ab animalibus, & suffumigatio sacra ritè peracta diis, mundanisq; & vniuersalibus causis nihil officit. Non enim ipsa cōtinet, ordinatq; superos ad se ipsam, sed cōtinetur ab eis, atq; ad vniuersum coordinatur pariter, atq; deos: ideoq; ita potest illorū imperio superis coaptari, harmoniceq; congruere. abstinent igitur animalibus religiosi: non tamen quia dii vaporibus animalium fœdari possint. potestas nanq; deorum, prius quàm materiale aliquid eam attingat, ipsa quoque
hinc

sine tactu discutit, nec solū hæc absq; propinquitate sua corporalia, prius quā sibi propinquent disperdit, & delet, sed nec ipsa caelestia corpora materiale aliquid elementū in se suscipiūt, nec peregrinum aliquid intromittunt, nec amittunt proprium, quin etiam vapores terrenorū vix ad quinque stadia progressi refluunt, nec immateriale, volubileq; corpus inficiunt, aut alunt. Quod nullam in se potentiam ad mutationem habet, nec in se, neq; sibi contrarium habet quicquā, neq; fertur à medio vel ad medium, sed vel quiescere debet, vel reuolui. corpora igitur infra Lunam, quū sint ex discrepātibus potentiis, moribusq; composita, & transmutabilia sint, omnino & sursum, deorsūmve ferantur, nihil habent commune cum cælo, nec naturam, nec potestatem, nec actionem: nec ergo vapor ex eis, nec aliud attingit cælum ab eis omnino secretum, & meritò ingenita permutationē ex generabilibus nullam capiunt. Nunquid ergo natura deorum à vaporibus ejusmodi scēdari potest, quæ vapores materiales, vno (ut ita dicam) actu propulsat? Talia ergo non superis noxia sunt, sed nobis. hæc enim diuidua, materialiaq; & cognata nobis, aliquid erga similia commune habent in
passio.

passione, vel actione, sed aduersus celestia, diuināq; in alio genere essentiaē posita, diuersisq; naturis, viribusq; prædita, & excedentia prorsus, agere quicquam, & communicare non possunt.

Quæ ratio sacrificiorum; quæ utilitas.

Porphyrus offerri sacrificia diis hæc ratione putat, vt eos veneremur ejusmodi donis, vt majores sæpe solemus: atq; etiam, vt pro bonis acceptis diuinitus ita gratiā referamus, pro bonis bona red-dentes. Iamblichus causam ejusmodi ductam inquit ex communi hominū ad homines consuetudine, neq; conuenire naturæ deorum mores humanos supra modum exuperanti. Maximam verò sacrificiorum efficaciam tales modi, declarationesq; sacrificiorum non omnino demonstrant, efficaciam inquā, sine qua non liberamur à peste, fame, penuria, nec impetramus oportunos imbres, immo & per quā purificationē quoq; „ perfectionemq; consequimur, animorū, & ab hac generationis prouincia libertatem. Itaq; aliquis ex assignatione tua nō multum approbabit hos modos, quasi tu dignā causam ad effectus eorum assignaueris. Ac si fortè probauerit, accipiet profectò secundo eos

h loco

loco quasi consequentes, & modo secundo coaptatos, primis, antiquissimisq; operū ejusmodi causis. desideramus itaq; rationem, ob quam sacrificia efficaciam ad res efficiendas habeant, & unde coaptentur diis præcipuis eorum, quæ sunt, causis, atq; principiis. Dicit aliquis, quia mundus sit animal vnum, habeatq; vnā, eandemq; vbiq; vitam, ideo communionē ipsam viriū cōsimilium, vel etiam distantiam dissimilium, aut certē aptitudinem quandam agentis ad patiens commouere similia, aptaq; eodem modo, dum videlicet discurret secundum cōpassionē vnā etiam à remotissimo ad remotissimum, tanquam hæc quoq; sint proxima. Nam inter hæc quoq; ipsa vitæ communio est æqualis assignatio ejusmodi, verum quidem dicit, & quod ad sacrificia necessario sequitur, non tamen verus sacrificiorum modus ita monstratur. Ipsa nanque deorum essentia, nec in natura, nec in necessitatibus naturalibus posita est, ob quam obligationem ex passionibus naturalibus coëxcitetur, vel per totam naturam extensis potentiis commoueat. sed extra hæc secundum seipsam determinata est, nullum ad hæc cōmune habēs vel in essentia, vel potētia, vel actione simul & passione..
addunt

addunt ad superiorē assignationem aliqui quandā in rebus inferioribus congruentiam superis. Ideoq; ad sacrificiorū efficaciam conferentiam, velut in Crocodilo hexagonarius numerus cum solē cōgruat, in Cane rursus, & Cynocephalo rationes physicæ quædam, & vires rationes communes sint ad Lunam: itemq; in aliis materiales quædam species, sicut in sacris animalibus, colores, figuræ, formæ, cuiuspiā conueniant superiorum, vel membrorum aliquod animalis, ut cor galli, & alia quædam similiter naturalia sacrificiis adhibita operum sint causæ mirabilium. Ex superiori causarū assignatione, non assignatur causa diuina, quæ supernaturalis est omnino: nec naturalibus motibus cōmouetur, sed assignatur naturalis quædā potentia in materia, & corporibus comprehensa, ideoq; corporeis motibus, rebusq; materialibus cōexcitatur, rursusq; sedatur, naturaliter inquā, atq; hæc simul, quæ sunt circa naturam. Siquid verò tale ad sacrificia cōsequitur, id quidem præcedentibus causis coaptatur, velut cōcausa, sine qua non eueniat opus. Præstat itaq; dicere mirificos sacrificiorū effectus, tanquam à causa procedere ab amicitia quadam, & accommodatione, & habitudine concilian-

te opifices ad opificia:& genitores ad genita. Quando igitur præcedente, atq; ducente hoc communi principio accipimus aliquod animal, vel aliter animatum, natumque è terra, quod effectoris voluntatè proposituq; syncerè, & exactè conseruet, tunc per tale quiddam propriè mouemus causam opificiã huic immistæ præfectam. quū verò multæ sint causæ tales, & aliæ quidē absq; medio familiariter præsent, sicut dæmonia, aliæ verò his superiores sint ordinatæ, sicut diuinæ per ordinem causæ, atq; his omnibus vna quædã antiquissima præsit causa, certè in sacrificio perfectò, omnes per ordinē causæ cōmouentur. Secūdum verò ordinē, quem vnaquæq; sortita sunt, cognata quadam conditione sacrificio familiariter accommodantur, & (vt ita dicam) appropriantur. Sinautem sacrificiū sit imperfectum, vsq; ad aliquē gradū ascendit, sed non transcendit vltius; vnde multi existimant sacrificia fieri dæmonibus bonis: multi & potētis deorū vltimis: alij mūdānis, vel terrenis dæmonum potestatibus, vel deorū: partem quidē re vera sacrificiorum explicantes, ignorantes tamen totam eorum potentiam, omniaq; bona ad omne diuinum se penitus dilatātia: nos autē omnia
admit

admittimus, simulatq; comprehendimus naturalia quidē, & quæ tanquam in vno animali secundum aptitudinem, vel cōpassionem, vel repassionem inuicē commouentur, accipimus, velut simpliciter subiecta, & consequentia seruientiaq; causę efficaciz in sacrificiis apparentis. Dæmonia verò, diuinasq; circa terram, mundumq; potentias acceptamus, tãquam proximos ordinis nostro præfectos. potissimas verò efficaciam sacrificiorum causa competere iudicamus perfectissimis, opificiisq; potestatibus. Quoniam verò summæ illæ opificiz potestates in se omnes ordine causas complectuntur, ideo vnà cum his commoueri simul vno quodam ictu cunctas efficientes causas arbitramur. Quoniam in sacrificio perfecto commouentur vnà cū causis summis, opificiisq; causarum ordine consequentes, tunc ex cunctis cōmunis vtilitas prouenit in generationem totam: aliquando quidem per ciuitates, populósque, gentésque omnigenas, vel maiores his, vel minores circumscriptiones: aliquando verò per domos vel hominem vnumquemque bona contingunt, abundè benefica voluntate superis largientibus, non passione distributionem suam exhibentibus, sed impas-

sibili mente judicantibus esse dandum secundum proprietatem, familiaritatemq; atq; cognationem: vna quadam interim amicitia, quæ continet omnia, hanc colligationem per ineffabilem cõunionem quandam conficiente. Hæc utiq; veriora sunt, magisq; deorum essentiam, potentiamq; participant, quàm quæ tu suspicaris, scilicet nidoribus animalium in sacrificio superos potissimum inescari. Siquo enim corpore dæmones inuoluuntur, quod quidã sacrificiis nutriti putant, illud certè immutabile est, & impassibile, lucidumq; nec indigum, adeò vt nihil effluat inde, nihilq; necessarium sit influere. Atqui etsi fortè fuerit necessarium, quidnã necesse est per sacrificia id influere, quũ mundus, & aer in ipso indeficientem ex terrenis exhalationem habeat vndiq; circumfusam? Iam verò si corpora dæmonum effluant, sacrificia tamen non æqua portione restituent, nec quantitatem inter excessum defectumq; dæmonibus naturalem, proportionemq; similẽ conseruabunt: deniq; quũ mudi faber animalibus omnibus terrenis atq; marinis abundans, paratũque tribuerit nutrimentum, nunquid superiores homine nutrimento deseruit? & quũ viucentibus aliis statuerit alimenta quotidiana

* diana eorundē opera copiosè parari, cur
dæmonibus solis aduentitium voluit ali-
mentum ab hominibus adhiberi? Atqui, si
fortè nos nutritionem ejusmodi negligamus,
exuritura sunt, & peritura corpora
superorum. Proinde si nos dæmones nutri-
remus, etiam generaremus eos, & superio-
res essemus. contra verò se res habet.
nam ipsi nos nutriunt, & superiora passim
inferiora, sic cælestia terrestria nutriunt.
Anima quidem ab intellectu perficitur,
atq; alitur, perficitq; naturā. præterea ob-
latio sacrificiorum per ignem materiam
cōsumit, eamq; sibi prorsus assimilatur, non
se materiæ præstat similem, reducitq; ad
diuinum, atq; cælestem, immaterialemq;
ignem, nec vllō modo deorsum ad mate-
riam, generationemq; declinat. Si enim
exhalationem vaporum à sacrificiis fore
oporteret, nutrimentum materiale oportebat
& materiam integrā remanere. Sic
enim abundantior illinc accepturis pro-
ueniret influxus: nunc verò materia to-
ta comburitur, atque consumitur, & in
ipsam ignis puritatem, subtilitatemq; pe-
nitus permutatur. quod quidem contra-
rium ejus, quod dicebas ipse, significat.
Superi nāq; sunt passionis expertes, quan-
doquidē placet eis per ignem discuti ma-
teriam

teriam, atq; consumi, nosq; reddunt à passionibus alienos : & quæcunq; sunt in nobis, diis similia faciunt : quemadmodum ignis dura omnia , & opaca , corporibus subtilibus , lucidisq; similia reddit, nosq; sursum eleuat per sacrificia , eorumq; ad ignem consumptionē ad deorum ignem, sicut & ignis ad ignem eleuat , reducitq; grauiam simul & dura ad diuina sursum, atq; cælestia. Vehiculum corporale dæmonibus subministrans, neque à materia, neq; ab elementis , neq; ab aliquo corpore noto nobis existit. Non potest igitur ab elementalī essentia tanquam alienissima fieri dæmonibus nutrimentum. sed quemadmodum dii igne fulmineo materiam diuidunt, ac separāt à materia, quæcunque sunt immaterialia quidē per essentiam, sed alligata materiæ, atq; ex passibilibus impassibilia reddunt : sic & noster ignis, actionē diuini ignis imitans , quicquid materiale reperit , in sacrificio destruit , & admota purificat , & à vinculis materiæ soluit, ac propter naturæ puritatem ad deorum communionem idonea facit. Atq; nos eodem pacto à vinculis generationis absoluit, diisq; assimilar, & facit ad deorū amicitia aptos, nostramq; naturā materiale, ad immateriale attol-

lit

lit naturam. Hæc quidem cōmunis sacrificiorum ratio satis, vt arbitror, facit ingeniosis, potentibus ex norma communi, vnicuiq; sacrificio propria sagaciter indagare. veruntamen tardioribus quoq; ingeniis indulgentes, propria quædā his addemus, clariora in medium adducentes. principium verò ad hæc omnium optimū est, quod contextum sacrificiorum declarat, deorum ordini consequenter annexum. Deos alios quidē materiales, alios immateriales ponimus. Materiales, qui materiā in se comprehendunt, atq; cōornant: Imateriales autem omnino, qui à materia penitus segregati sunt. secūdum igitur sacerdotiam artem incipere sacrificia decet à diis materialibus: nō enim aliter ad immateriales deos patet ascēsus. hi igitur cōmunionem quandā ad materiam habent, quatenus ei præsident, atq; incubāt. iidem quoq;, quæ fiunt circa materiam dominātur, vt diuisioni, percussioni reperiēti, mutationi, generationi, corruptioni, corporibus materialib⁹ omnibus. Si quis igitur hos ritè vult colere, nimirum pro natura eorū, atq; principatu cultum adhibere debet, materialibus inquā materialē: sic enim ad eos totos, per tota nos toti in familiaritatē propriam perducemur, cognatio

tionemq; ipsis in cultu congruam adhibebimus. Corpora igitur vita priuata, & animalium cædes destructu corporum, mutatioq; multiformis, atque corruptio, & omnino projectio materiæ præcedētis materialibus diis congruit, non quidem ipsis propter seipsoꝝ, sed propter materiam, cui præsumt. Et si enim ab hac maximè separati sint, simul tamen huic adsunt: ac si materiam in potestate immateriali continent, attamen vnà cum hac existunt. Iam verò gubernata gubernatoribus non sunt aliena: similiter exornatoribus exornata. Quin etiam vtentibus, quæ subministrāt, tanquam instrumenta, facile proportionibus coaptatur. quapropter immaterialibꝯ quidem diis, materiā in sacrificiis adhibere est alienum: materialibus autem omnibus est admodum consentaneum. Operæ pretium est ad hæc insuper geminum vitæ nostræ habitum cogitare. Aliquando quidem animus toti nos efficimur positi, extra corpus, & eleuati mente, vnà cum ceteris immaterialibus diis per sublimia nos attollimus: aliquando verò terreno corpore colligamur, sumusq; corporei, materia videlicet cōprehensi. Similiter duplex erit cultus diuini ratio, vnā quidē erit simplex incorporea ab omni generatione synce-
ra,

ra, synceris competens animalibus: altera verò plena corporibus, & actione prorsus materiali cōueniens animalibus nondum puris, necdum ab omni generatione purgatis. Sacrificiorum ergo species duæ sunt, purissima quidem sacrificia hominum sunt summopere purgatorum. quod quidem rarò conuenit vni, vel admodum paucissimis, vt inquit Heraclitus. sacrificia verò materialia, & quæ in mutatione versantur, animalibus adhuc occupatis corpore competunt. ciuitatibus ergo nõdũ purgatis genitali sorte, contubernioq; corporeo nisi eiusmodi sacrificia dederis, ab vtrisq; pariter aberrabis ab immaterialibus simul atque materialibus bonis. Illa quidem nõ possunt accipere, his autẽ proprium, consentaneumq; nõ offerunt. Accedit ad hæc quòd vnusquisq; qua ratione est, non qua non est, agere debet essentiaẽ curam. Non oportet igitur hanc præuari- cari propriam colentis mensurã, atq; natura. complexione quoq; propriè coaptatam inter curãtes homines, potentiasq; curatas electurã iudico conuenientẽ sibi culturę modum. Nã complexio eiusmodi immaterialiter tẽperata immaterialẽ eligit, quatenus ipsa videlicet potentiis purẽ incorporeis ad ipsa purẽ incorporea copu-
latur.

satur. Complexio illiusmodi corporaliter coaptata corporibus, eligit culturam similem ad assentias corporibus præfidentes. Sape pro necessario corporis usu vouemus, operamurq; aliquid erga deos gubernatores corporis, dæmonesq; bonos, dum videlicet studemus purgare corpus à maculis quibusdam, sordibusq; veteribus, vel morbis absoluerè, sanitatēq; adhibere, vel grauedinē torporemq; remouere, & leuitatē, efficaciamq; adhibere, vel aliud quiddam bonū corpori comparare. Tunc igitur nō intellectuāli quadā, & incorporea ratione, corp^o rite tractabimus. Non enim ita natum est, ut his modis curari queat, sed quū cognata sibi nanciscitur, tūc corporibus curatur corpus, atque purgatur. erit igitur & sacrificiū ritus ad usum eiusmodi necessariū corporalis, atque ita superflua corporis expurgabit, supplebitq; pro necessitate, quæ defunt, & quæcunq; distributa sunt, ad proportionem, ordinemq; reducet. Sacrificamus sæpe poscentes à superis aliqua ad vitam humanam accommodata, scilicet, quæ vel vitui necessaria sunt, vel ad illa pertinent, quæ gratia corporis affectamus. Quidnā tunc continget nobis à diis ipsis, qui ab omni humana generatione sunt penit⁹ se-
grega

gregati, quod ad penuriam, sterilitatē mve fugādam, vel copiam adducendam nobis cōferat, vel ad alia necessaria vitæ conducat? Nihil sanē. Qui enim sunt ab omnibus absoluti, ejusmodi dona non tractant. Si quis verò dicat deos illos immateriales omnino immateriales in se comprehendere deos, horumq; donā secūdum vnam causam primam in se cōplecti, dicet vtiq; copiam quandam ita diuini muneris illinc inferiūs descendentem. Verū quōd illi hęc tractātes proximē humanā vitā actionesq; peragant, nulli dicere cōcedendum est. Ejusmodi enim rerum, quæ hīc sunt, dispensatio diuisa est, atq; particularis, & cū quadā ad hęc cōuersione peragitur: neque omnino est à corporibus segregata, neq; purā, synceramq; gubernationē, præfecturamq; admittere potest. Modus igitur sacrificandi pro rebus ejusmodi congruus est, qui cū corporibus habet, & generatione commercium, non qui est à materia, & corpore penitus separatus. Qui enim purus est, omnino talia supergreditur, neq; ad hęc proportionē habet. Qui verò corporibus, horūq; viribus vtitur, est rebus ejusmodi omniū cognatissimus, potēs prospera quædam vitæ suppeditare, & aduersa nobis imminētia deuotare, ac
sempe

temperiem cōparare humano generi moderatā. Plurima hominum turba naturæ subicitur vniuersali, eaq; viribus naturalibus gubernatur, atq; inferiùs ad naturæ opera vergit, completq; dispensationē facti, & fatalium operum suscipit ordinē, rationemq; practicam circa naturalia solum exercet. Paucissimis supernaturali mentis potentia freti à natura discedunt, atque ad separatū, immistumq; se conferunt intellectum, vnde naturalibus potentiis superiores euadant. Nonnulli verò medium tenēt inter purum intellectum, atq; naturā: & horum alij quidem vicissim sequuntur vtrunq;, alij mistam ex illis vtrisq; vitam agunt, alij soluuntur quidem à deterioribus, & ad potiora se transferunt. Qui ergo natura gubernantur vniuersali, & ipsi vitam degunt naturæ proprię mancipatam, potentiisq; naturæ fruuntur, cultum exercebunt naturę conuenientē, corporibusq; natura motis congruum, eligentes ad hoc loca, qualitates, aëris materiam, materiæ vires, corpora, corporum qualitates, & habitus, motus conuenientes, mutationesq; eorum quę in generatione versantur, atq; similia cum in cæteris cultus diuini partibus, cum in ritu sacrificandi. Qui verò sola mente viuunt, vinculis naturæ soluti, intellectu

intellectualem, corporumq; expertem cultu
ræ normam in omni religionis parte me
ditabuntur. Qui mediam vitam degūt in
ter intellectū, atq; naturā, mediam quoq;
sequeuntur religionē, atq; pro vitæ mediæ
differentiis differentes sectabuntur colen
di per media modos. Aut enim tractabunt
vtrunq; vicissim, aut ab altero ad alterum
declinabunt: aut deteriora tangent, vt per
ea consequantur & potiora, existimantes
non aliter sublimiora se consequi posse.
In genere essentiarū, potestatumq; diuina
rum, aliæ quidem subiectam sibi animam
habent, atq; naturam, subministratē vi
delicet eorum opificiis, quatenus ipsæ vo
lunt: alię verò ab anima, & natura sunt pe
nitius separatæ, non inquam ab anima tā
tūm mūdāna prorsus, atq; genitali, verūm
etiā ab anima diuina, ejusq; natura. Aliæ
deniq; medium tenēr, cōmunionēq; inter
extrema cōciliant, vel secundū vñum in
dissolubile vinculum, vel secundū exu
berantem majorum traditionē, vel secun
dū minorum susceptionem nō impedi
tam, vel secundū colligatam amborum
consensionē. Quando deos colimus ani
mæ, naturæq; dominantes, non alienum
est, & naturales his vires offerre, & cor
pora, quæ natura reguntur, diis ejusmodi
consec

consecrare. omnia enim naturæ opera & obtemperant eis, & ad deorū dispensationem aliquid conferunt. Sed quando deos longè secretos, & in sua vnitatem collectos cupimus venerari, honoribus à materia penitus absolutis eos venerari debemus: intellectualia enim his dona debentur, incorporea vita, virtus perfecta, sapientia cōsummata, eorumq; officia. Mediis autē diis, mediiorūq; bonorū ducibus, sicut diximus, media competunt. Ab alio igitur principio exordientes, scilicet à mundo, diis mundanis, distributione, quatuor in mundo elementorum à cōmuni sortitione secundū mensuras elementorum facta, à circūferentia circa centra in ordine reuoluta, ad veritatē sacrificiorū facilem habemus accessum. Si enim nos in mūdo sumus, & vt partes continemur in eo, primumq; generamur ab eo, atq; à totis potentiis ejus perficimur, & ex quatuor ejus cōponimur elementis, ac portionē quandam vitæ: naturæq; ab eo nacti tenemus, profectò non debemus in cultu diuino mūdum, mundanosq; ordines prætermittere. Ponamus igitur circa quamlibet mundi partē esse quidem corpus aliquod, vt videmus, inesse præterea vires corporibus incorporeas ordine distributas, sacro

crorum itaq; lex similia similibus ritè distribuit, & à summis ad ima per media tota progreditur, corpora quidem corporeis adhibēs, incorporeis incorporea, propria videlicet vnicuiq; reddens. Veruntamen si quis religiosus supermundanum numen assequitur, rarissimè verò id accidit, hic utiq; solus seorsum à corporibus & materia positus nimirum, & talem prosequitur cultum, supermundana potentia, diis supermundanis vnitus. Quod autem vni vix tandè in sacerdotij sine contingit, non expedit pro communi lege omnibus & in principio, & in medio religionis statuere. hi nanq; corporeum quocunq; modo cultum agunt. Quilibet igitur peritus in sacerdotio, cōfitebitur, oportere cultum superis, nec ex parte, nec imperfectū, sed cōuenientem, & integrum adhibere. Quoniam igitur antè quàm adsint dii, descendantq; ad terram, omnes præsubjacentes illis potentia mouentur, & ut præcursores, pompæq; præcedūt nimirum, qui non distribuit omnibus, quod cuiq; congruit, nec vnumquenk; proprio quodam honore prosequitur, ipsam deorum præsentia non assequitur. Qui verò omnia numina sibi propicia reddit, grata offerens vnicuique, donaque simillima, hunc sanè non
frust

frustratur euentus. sed diuinum chorū integra, plenaq; praesentia suscipit. Quū igitur hac ita se habeant, non oportet ritum religionis esse simplicē, ex paucisq; compositum, sed multiformē, & ex omni harmonia constantem, ex cunctis vbiq; mundanis (vt diximus) constitutum. Si enim simplex aliquid, & vnius duntaxat ordinis esset, id ipsum, quod in sacerdotio aduocatur, & ad nos mouetur, simplex vtiq; modus sacrificandi sufficeret. At verò nullis notum est, quāra virium multitudo suscitari solet, quando descendunt dii, atque mouentur, nisi sacerdotibus illis, qui opere ipso id experti jam fuerint. Soli igitur hi cognoscunt, quā potissimū sit perfecta plenitudo colendi, & quā paucis praetermissis, quantum nos frustretur euentus. Quemadmodū in harmonia si vna chorda frangatur, tota subito dissonat, sic vno praetermisso numine, sine ritu communis, ipsa religio finem non habet operatū, dum hoc vno deficiente, sacrum opus structuram suā, integritatemq; nō habet. Quādo diuināe potestates palam ad sensum descendunt, manifestum nobis provenit damnum, si quē ex superis praetermittimus non honoratum. Similiter quando clam veniunt in opere sacro, periculosum est, si
hunc.

hunc quidē honores, aliū verò pro sua dignitate, & ordine nō honores. Qui enim aliquē proprio fraudat honore, totū confundit religionis opus, dum vnā, totamq; dispositionem dissipat. neq; ut aliquis putaret, tunc opus suscipiēdi tantū est imperfectū, sed totius structura perit. Quid verò? nōne ipsa sanctimoniarū summitas, ad summum ipsum totius numinū multitudinis principiū, vnumq; recurrit, atq; in eo diuinas omnes simul essentias dominationesq; colit? Proculdubio. Verū ejusmodi summitas serò admodum aduenit, & quā paucissimis: atq; optimè nobiscū agi purandum est, si talibus in vitæ calce contigerit. Disputatio verò præsens non ejusmodi viro leges ponit. hic enim est lege superior, sed lege aliqua indigentibus, has sacrarū leges in præsentia sancit: numinū multitudo est, quasi mundus aliquis, habēs multos ordines in vnum ordinem conspirātes. Similiter sacrificia debent habere numerorum ordinē pariter in vnum ordinē conspirantem, ita ut singuli numinibus ritè respondeāt. Similiter quæ circa nos sunt, & in nobis multiplicia sunt, neq; debent ex aliqua parte tantū, sed ex cunctis cōgruē diuinis nostrarum rerum causis respondere, atq; ita ad supremos ascendere.

dere duces. Religiosa igitur obseruantia circa nos & in nobis agit varia. Aut enim quasi propagando perficit, aut amputat, aut emundat, aut expertia ordinis ordinat, aut segregat longius ab errore mortali. Cuncta deniq; totis supernis familiaritate cōciliat. Atqui quādo vtrinq; congrēdiuntur in vnum, illinc quidem diuinæ causæ, hinc autē ex æquo præparationes humanæ, tunc absoluta religio peragit omnia, & ingenita ex sacrificiis bona reportat. Profectò exuberantia potestatis in causis vniuersi summis, id habet, vt quēadmodū in cæteris inferiora superat, ita & in hoc admodū superet, videlicet in ipsa præsentia amplitudine, vt maximæ omniū causæ, maximè omniū omnibus sint præsentēs, adeò vt eadē ipsa causæ vniuscuiusq; potestas seorsum ab impedimēto vbiq; tota, semperq; sit præsens. hac igitur ratione ipsa omniū prima vltimis quoq; subrutilant, immaterialiaq; principia immaterialiter materialibus adsunt. Nemo miretur, si quā materiā esse dicimus purā, atq; diuinā. nā ipsa quoq; materia, quū ab opifice, patreq; omniū facta sit, meritò perfectionē sui quādam acquisisse potest aptam ad deos suscipiendos. Quinetiā nihil prohibet superiora lumen suum ad inferiora diffund

diffundere: neq; igitur materiam permittunt expertem fore superiorum. Quapropter quâcumq; materiæ perfectum, & purum est, atq; deiforme, ad deorū susceptionem non est ineptū. Nam quū oportuerit etiam terrena nullo modo diuinæ communionis expertia fore, ipsa quoque terra diuinam quandam portionem in se sortemve suscepit ad capiēdos deos sufficientem. Hæc igitur sacrorum sapientia contemplata, atq; ita secundum cōgruentiam, cōpetentia vnicuiq; deorum susceptracula diligēter inueniens, sæpe cōponit in vnū lapides, herbas, animalia, aromata, aliāq; similia. sacra, & perfecta, & deiformia: atque subinde ab his omnibus susceptraculū purū, integrumq; fabricat. Neq; enim fas est omnē materiā detestari, sed solam, quæ à diis fuerit aliena. Propriam verò ad illos decet eligere, utpote quæ cōsentire possit, atq; conferre ad deorum edificia, statuarum fundamenta, sacrificiorum opera. Neq; enim aliter terrenis locis, & hominibus hīc habitantibus possessio, portiove vlla ex diuinis contingere potest, nisi tale quiddam prius iactum fuerit fundamentum. Arcanis sermonibus credendum est testātibus ex deis per beata spectacula quādam traditam fuisse

materiam. hæc igitur illis ipsis tradēti est cognata. Talis ergo materiæ sacrificium deos excitat, v. se demonstrent, atque ad comprehensionem eos protinus aduocat, & præsentēs capit, & perfectè demonstrat. Eadem aliquis perdiscere potest etiam ab ipsa, quæ secundum loca distributio diuinitus est effecta, atque ab ipsa præfectura, quæ per res singulas est diuisa: quæcunq; secundum diuersos ordines, siue maiores, siue minores, passim sortes ejusmodi nacta fuit. Constat enim deis locorum quorundam rectoribus, sacrificium ex eisdem rebus, quæ nascuntur ibidem, fore admodum consentaneū, & gubernatoribus gubernata, & quæ ad ea pertinent, placitura. effectoribus & grata semper sunt opera sua potissimum: & qui primò aliqua procreant, talia rursus habent in primis accepta. siue igitur animalia quædā, siue plātæ, siue alia, quæ visa superis dispensantur, simul & præfecturā sub eis nacta sunt, & cōmunionem nobis conciliant cum superis indiuiduā. Horum ergo nonnulla, quatenus conseruantur, atq; tenentur, augent, tenentium ad deos familiarem proprietatem, quocunq; videlicet ex eo, quòd integra maneant, vim cōmunionis inter homines, deosq; conseruāt. Talia sunt quædam

dam apud Ægyptios animalia, & vbique
sacer homo. quædam verò mactata, com-
bustaq; familiaritatem efficiūt clariorem,
quotcunq; videlicet resolutionem in pri-
morum elementorū principium, efficiunt
cognatiorem causis superiorum, atq; pro-
ritu sacrationem. Vbique enim quo magis
proprietas, familiaritasque perficitur, eo
perfectiora bona ad nos inde descendunt.
Neq; sunt hæc hominum duntaxat inuen-
ta, nec humanis moribus auctoritatē na-
cta sunt, sed deus ipse ritē inter sacra voca-
tus auctor est ejusmodi legum, circa quē
dij, angeliq; permulti versantur, sub quo
per quolibet in terra gentes, numen ali-
quod sortitū est præfecturā, cōmunemq;
prouinciam: proprium quoq; inde tribu-
tum est templo vnicuiq; numen. Item sa-
crorum, quæ operamur ad deos, deus ali-
quis spectator est, atque gubernator: quæ
ad angelos, angelus: quæ ad dæmones,
dæmon: atque in aliis eodem pacto secun-
dum proprium genus perfectus cognatā
sortitus est præfecturam. Quoniam igitur
sub numinib⁹ speculatoribus, auctori-
busq; sacrorū sacrificia pertractamus, ve-
reri debemus diuinæ sanctimonix leges,
sacrificiaq; legitima, & propterea in his
sperare, quod sub numinū, deorumq; prin-

cipatu sacrificamus:& interea cauere sum-
mopere, nequid vel indignū superis offe-
ramus, vel alienum. Deniq; summatim id
admonemus, vt singula, quæ in nobis, &
circa nos sunt, circūspiciamus diligēter,
& quæ in mundo: item deos angelos, dæ-
mones, gentibus distributos. Et hac vni-
cuiq; ratione amicū sacrificiū simili-
ter offeramus. hac enim ratione duntaxat
digna vnoquoque numine sanctimonia,
religioq; seruatur. Votum, siue adoratio,
& oratio omne sacrificiorum opus perfici-
cit, & in primis ad totam confert religio-
nem, & sacrā, indissolubilemq; animabus
ad deos conflat cōmunionem. Hujus ve-
rò tres sunt species: Prima cōgregat, atq;
contactum, noticiamq; nobis ad diuinita-
tem præstat: Secunda, communionem ad
diuinum deuincit consentientē, atq; dona
nobis prouocat diuinitus quoq; demissa,
etiā antè quàm loquamur, intelligamusq;
omne nostrum opus perficientia: Tertia
conficit ineffabilem vnitatem, atq; in diis
auctoritatem totā collocat, animamq; no-
stram in eis perfectè ponit, atq; cōfirmat.
Iam verò in tribus his terminis, quibus
diuina omnia mēsurantur, amicitiam no-
bis ad deos harmoniæ conflat, sacramq;
& diis vtilitatem triplicē nobis affert. Vna
quidem

Quidem ad illustrationem pertinet, alia ad communem operum executionē, alia ad perfectam ex igne diuino plenitudinem. Item adoratio, ejusq; virtus aliquando sacrificia ipsa præcedit, aliquādo in mediis inseritur sacrificiis, aliquādo finem complet sacrificandi. Opus verò in sacris nullum absq; adorationis supplicationibus efficitur vnquam. Adoratio deniq; diutissime frequentata nostrum nutrit & perficit intellectum: animam ad suscipienda diuina admodum efficit ampliorē, diuina hominibus patefacit: ad splēdores diuini luminis capiendos assuefacit: paulatim perficit, quæ nobis insunt ad numina contingenda, quousq; ad summum nos vsq; perducatur. Atqui & mores nostræ cogitationis humanos retrahit paulatim, moresq; diuinos infert, persuasionē quoq; & communionem, & amicitiam procreat procul ab intermissione perpetuā: diuinum rursus amorem auget, quòdve in anima diuinum est, accendit, & eleuat, expurgat quicquid animo est contrarium, & aduersum: atq; ab ipso spiritu ætherio, splendidoq;, qui est animæ circumfusus excutit, quātumcunq; vergit ad genituram. spem quinetiam præstat bonam, & fidem perficit circa lumen. Deniq; (vt summatim dicam)

cam) homines frequenter orantes, adorationis virtus familiares deorum collocutores efficit, atq; discipulos. Quum adoratio talis sit, talemq; connexionem cum sacrificiis habeat, patet sacrificiorum finem opificij contactus esse participem. Quandoquidem per opera diis accommodatur. Itaq; & bonum ipsius tantum est, quantum à causis opificiis mittitur ad genus humanum, atq; inde rursus apparet virtus adorationis reductiua, perfectiua, impletiva, & qua ratione sit efficax, & vnionis effectrix, atq; à diis commune vinculum habeat; & quomodo adoratio, sacrificiumq; mutuo se confirmant, potentiamq; inuicem conferant admirabiles religionis effectus. hinc rursus apparet sacerdotiam disciplinam, operationemq; habere in partibus suis conspirationem non minorem, quam in membris habeat. animal neque posse partem ejus aliquam absque cunctis suum opus absolueret.

De sacrificijs animalium.

Porphyrus ambigit, quare oporteat lege sacrorum, eum, qui diuina sit inspecturus, exanime corpus eo tēpore non attingere: veruntamen per corpora animalium mortuorum sæpius diuinorū inuocationes, consecutionesq; peragantur.

Iamb

Iamblichus ita soluit. vates jubet diuinorum spectatorem exanime corpus, quod sacratum non fuerit, non attingere: permittunt verò, quod consecratur, attingere. Præterea vetant humana corpora, quæ jam deseruit anima, ne intuitu quidē tangere. Vitæ nanq; diuinæ vestigium quoddam vel simulacrum, vel demonstratio in corpore per mortem extinguitur: cæterorum verò animalium corpora mortua tangere religio nulla vetat. quoniam nec in vita diuiniore communicauerunt. Præterea, quatenus ad immateriales deos cōfurgimus, expedit tale corpus non attingisse: quatenus verò ad materiales studeamus accedere, tangere frequenter expedit. nam per animalia deos ejusmodi aduocare solemus: qui videlicet talibus præfideant animalibus, præsertim, qui proximè, & quasi cognata quadam conditione gubernent. Item hominibus quidem in materia comprehēsis corpora vita priuata, maculam quandam inferunt, videlicet non viuens viuenti, & sordidum puro, & priuatum habenti habitum: & mortuum habenti potentiā moriendi, propter communem quādam inter hæc habitudinem. sed dæmoni incorporeo penitus, atque impassibili, talia corpora nihil obstant,
nam

Nam caduca maximè supereminet.

De vaticinijs per animalia.

QVando vaticinium agitur per corpora sacrorum animalium, ut alturum, non est putandum deos ad hæc accedere, videlicet vniuersales prouisoires ad curam diuisam particularem, materialē, proportionalem, circa animalia singula. Sed dæmones, & hos quidem valde diuisos, & singulos singulis speciebus animalium distributos proximam curam animalium, præfecturamq; sortitos. hi nanque principatum nacti sunt, haud prorsus sufficientem, expertemq; materiæ. Ideoq; congruè instrumenta ejusmodi attingere solent. Ad hoc igitur, ut ejusmodi per animalia vaticinium à dæmonibus consequamur, parare his oportet sedem talem, per quam possint inter homines obseruari, nobisq; vti: sedem verò hanc esse oportet incorpoream, ut incorporei dæmones per hanc nobis adsint. erit igitur hæc animalium animalium à corpore jam absoluta. Quatenus enim quodammodo & ipsa separata est à corpore, conuenit cum dæmonibus, conuenit & nobiscum propter quandam vitæ cognitionem. Igitur tanquam mædia præsidi ejus dæmoni subministrat ad præsagium homini suggerend

rendum, & ad mandata dæmonis declaranda, & cum dæmone nos conciliat. Anima verò hæc ejusmodi vaticiniis utens, nō solum vaticinium audit accipitve, sed etiā non parum ex se ipsa confert ad executionem ejus ad opera pertinentem. Hęc enim commouetur, & cooperatur, & simul præuidet per quādam compatiētem necessitatem. Sed ejusmodi vaticinium à diuino, veroq; longissimè distat, atque de rebus exiguis, breuibusq; habetur. Quæ in natura diuisa posita sunt, & quocunq; circa generationem jam simul feruntur, atq; moriōnes ex se ipsis exhibent potentibus eas accipere, & passiones multifariam inferunt iis, quæ naturaliter ad compatiendum sunt exposita. per compassionem igitur præfagium ejusmodi prouenit. Non potest autem per passionē præcognitio perfecta cōtingere. Quod enim immundæ immutabile, purum est, id præcipuè futurum assequi cōsuevit: quod verò cum materiali, passibiliq; & tenebroso commercium habet, obruitur ignorantia. hanc ergo artificiosam præfagij machinam neque legitimi vaticinij nomine dignam esse censemus, neq; seridè pertractandam, neque utenti, quasi sit veridicus, esse credendum.

Quom

*Quomodo obsecratores demonibus
minabantur.*

NArrat Porphyrius sacerdotes consue-
uisse violentis quibusdā minis aduer-
sum superos vri : veluti, Nisi vos ita fece-
ritis, vel contrā, si feceritis aliquid, cælos
confringā, vel occulta Isidis patefaciā, vel
arcanum in abyſſo reconditū diuulgabo;
aut ſiſtam barim, id eſt nauem quandam
apud Ægyptios ſacrā, aut membra Oſiri-
dis Typhoni diſpergam, cæteraq; ſimilia.
Iamblichus ſubdit execratores nō cōſue-
uiſſe dirigere minitationes ejuſmodi, vt
Porphyrius opinatur, ad Solem & Lunā,
cæterāve cæleſtia, ſed eſſe in mundo ge-
nus aliquod poteſtatum valde diuiſum, &
in diſcretum in conſideratumq; quod acci-
pit quidē ab alio rationem, ſine ſermonē,
exauditq; ſed propria intelligētia nequa-
quā: neq; verū à falſo, neq; poſſibile diſcer-
at ab impoſſibili. Hoc itaq; genus mini-
tationibus laceſſitū, protinus irritatum, &
ſtuper, vt pote quod & ipſum naturaliter
dictis vehemētioribus agitur, & alia du-
cit, trahitq; per ſtupidā quandam, & inſta-
bilē phantaſiā. Præterea ſacerdos ſæpe nō
humana virtute, ſed diuina ſacramento-
rum ineffabilem poteſtate mundanis nu-
minibus imperat, atq; minitatur. ipſe tunc
in.

in superiorū deorum ordine cōstitutus, & ideo grandioribus propria natura mādat-
 is vitur, atq; minis: neq; tamen tanquam
 facturū, quæ tunc asseuerat, sed declarans
 quantā nactus fuerit potestatem propter
 ipsam ad deos vnionem comparatā, vide-
 licet ex notitia, possessione q; ineffabilium
 symbolorum, siue signaculorū, quæ dici-
 mus sacramenta. Item dæmones per pro-
 uincias, partesq; diuisi, & partes mundi
 custodientes, singuli commendatarū sibi
 partium tantam habent curā, vt nec ver-
 bum quidem illius ordini, dispensationiq;
 contrariū valeant tolerare, perpetuam vi-
 delicet, immutabilem q; mundanorū per-
 seuerantiā obnixè custodiētes. Ordinem
 verò eiusmodi suum ideo immutabilem
 susceperunt, quoniā ordo deorū immobi-
 lis permanet in eisdem. In quo igitur esse
 habēt dæmones vel ætherij, vel circa ter-
 ram distributi, hoc ipsum, nec minitatio-
 nibus inuadi vnquā audire possunt. pro-
 inde dæmones ineffabilium, arcanorumq;
 mysteriorū custodiā studiosè procurant.
 tanta videlicet obseruātia, propterea quod
 intelligunt ordinē, dispensationemq; vni-
 uersi præcipuè in eiusmodi mysterijs con-
 tineri. quatenus videlicet allegorice per
 hæc verba numina designantur, ordinesq;
 mund:

mundani. hanc enim ob causam mundi partes in ordine permanent, quòd beneficio potestas Osiridis sincera permanet, & intacta, neq; cōtrario tumultu, & errore miscetur. Permanet insuper ipsa omniū vita pura semper & incorrupta quatenus viuificæ, formosæq; rationes, quæ in Iside reconditæ sunt, consistunt ibidem, dum inde mundus agitur, nec ipsæ in corpus hoc descendunt oculis manifestum. atqui & omnia permanent immobilia, & simul sempiterna generationis videlicet successionē, quoniā nullum solis cursum vnquā sistere potest; perseverant insuper integra, quoniam quæ in abyssō, id est profundo sunt abscondita, nunquam aperiuntur. in quibus ergo salutē habēt omnia simul, & vniuersum, videlicet in eo, quòd & quæ naturaliter sunt occulta, vt sunt occulta seruentur, & maneāt, & secretissima deorum essentia nūquam sortem contrariam subeat, nec oppositis misceatur: hoc inquā circūterranei dæmones, nec ad vocē vsque, auditumq; sustinent aliter affici, verbisq; profanari. atque propterea aduersus dæmones eiusmodi verborū vsus habet aliquam potestatem. de his autem nullus alicubi minitatur: nec ad illos sunt obsecrationes eiusmodi constitutæ. quapropter

Chal

Chaldæi sacerdotes, apud quos dijudicatus, decretusq; est pur⁹ ipse ad solos deos sermo, nunquam minis vtuntur. Ægyptij verò, qui cum diuinis sacramentis dæmonicos sermones admiscant, ad minas ejusmodi aliquando se conuertunt.

Expositio symbolorum Ægyptiæ theologiae.

IMitantes Ægyptij ipsam vniuersi naturam fabricamq; deorum, ipsi quoque mysticarum, reconditarumq; notionum imagines quasdam in symbolis cōficiendis ostendunt: quemadmodū & natura rationes occultas in apparētibus formis, quasi symbolis exprimit, & dii veritatē idearum per manifestas imagines explicāt. Quum ergo perspiciāt superiora omnia inferiorum similitudine delectari, atque insuper optēt à superioribus bonitate repleri, quatenus pro viribus imitentur, meritò & ipsi convenientē superis modum agendi pro viribus offerunt, quando occulta mysteria symbolis inserūt manifestis: in quibus interpretandis dimitte voces, accipe sensus. Quando igitur lutum in sacris nominant, aut inducunt, hoc intellige mundi corpus, atq; materiā, genitalemq; virtutē huic insertam, & quasi pariter agitaram,

k. atq;

atq; fluentem, aut etiam causam principalem, & quasi loco fundamenti præpositâ elementorum, elementaliumq; virtutum. Quâ hoc igitur tale sit, deus ipse generationis, totiusq; naturæ virium omnium, quæ insitæ sunt elementis, causa utpote, qui hæc superemineat omnia immaterialis ipse, indiuisus, immobilis, & ingenuus, totusq; ex seipso, & in seipso rotus. hæc omnia perspicuus antecedit, & ducit in se cuncta complectens; atq; ex eo, quod cōplectitur omnia, ac de suo mundanis tribuit omnibus, ex ipsis eluxit. Quoniã verò supereminet omnia, effulget, ut segregatus à mūdānis omnibus secum ipse solus per sublime procedens. Confirmat & hoc, quod subinde sequitur symbolū, ubi deus inducitur sedens super loton aquaticā, scilicet arborē, ubi significatur, deum principatu suo mundanum superexcedere lutum, nec attingere gubernādo, sed principatum gerere intellectualem penitus, & empyreum. Omnia enim in loto rotunda sunt tum poma, tum folia: ex quo significatur circularis actio mentis per eadē videlicet, & eodē pacto se habens. Deus igitur ipse super hanc insuper actionē in seipso consistit, superans ejusmodi principatum sanctus & venerandus, & in seipso penit

penitus conquiescens, quod quidē ex actu
sedendi significatur. Proinde, vbi deum
introducunt navis gubernatorem, princi-
patum significant, mundi gubernatorem.
sicut enim gubernator à naui, & guber-
naculo segregatus vno quodam, faciliq;
momento mouet vndiq;, & regit, dirigitq;
hauem, ita deus ipse mundum desuper, vi-
delicet à primis naturæ principiis præci-
puas motionum causas exhibēs. Quoniā
verò partes cæli omnes, animaliaq; cæ-
lestia, & totus vniuersi motus, ipsumq;
tempus, secundum quod mūdus ipse mo-
uetur, cuncta deniq;, quæ continentur in
totis, virēs à sole descendentes accipiunt,
alias quidē commistas in ipsis, alias autem
commitionē exuperantes: ideo has quoq;
symbolicus significandi modus adducit,
verbis quidem solem designās secundum
animalia cælestia figurari, formasq; vi-
cissim commutare per oras. Interea verò
demonstrans immutabilem ejus, simulq;
totam per totum mundum traditionē, sed
quoniā quæ suspiciunt, alia quidem alibi
circa impartibilē feruntur dei traditionē,
atq; ipsa pro diuersitate naturarū, motio-
numq; suarū, multiformes accipiūt à sole
potēcias, propterea symbolica traditio
vult per donorū multitudinē vnū ingre-

di deum, atq; per potentias multiformes
vnam dei adesse potentiam. Quapropter
inquit ipsum vnū, eundemq; cōsistere: vi-
ces verò formarū, transfigurationesq; in
suscipiētibus asserit resultare: quapropter
illum secundū animalia, & ad oras cōmu-
tari ait, quasi circa deum mutationes ejus-
modi varientur secundū diuersa susce-
ptacula dei ejusmodi votis vtuntur. Ægy-
ptij non solum in ipsis deorum propriis
visionibus, sed in precibus etiam leuiori-
bus, quæ ejusmodi sensum habent, atque
per talem symbolicam, mysticamq; cultu-
ram ad deos supplicandos accedunt.

De nominibus diuinis.

Porphyrus quærit; cur sacerdotes
vtantur nominibus quibusdam nihil
significantibus. Iamblichus respondet, o-
mnia ejusmodi nomina significare aliquid
apud deos: quamuis in quibusdam signifi-
cato nobis sint ignota: esse tamen nota
quædā, quorum interpretationē diuinius
accepimus, omnino verò modum in eis si-
gnificandi ineffabile esse. neq; secundū
imaginationes humanas, sed secundū in-
tellectum qui in nobis est diuinus, vel po-
tius simpliciore, præstantioreq; modo se-
cundū intellectū diis vnitum. Auferendum
igitur à diuinis nominibus omnes exco-
gitar:

gitationes, & rationales discursus, atq; assimulationes naturales vocis ipsius cōgenitas, ad res positas in natura. & quemadmodū character symbolicus diuinæ similitudinis in se intellectualis est atq; diuinus, ita hunc ipsum in omnibus supponere, accipereq; debemus. quod autē hic nobis sit, hoc ipsum in eo est maximè venerandum. præstantius enim est, quàm ut in nostram notitiam diuidatur. jam verò in quibus diuinorū nominibus resolutionē tuam diuinitus acceperimus, in his totam habemus essentiæ, potentiæq; , & ordinis diuini notitiam ipso nomine comprehensam, atq; etiam mysticam, & ineffabilem, simulq; totam deorum imaginem in anima custodiamus, animamq; per hæc ad deos attollimus, eleuatamq; illis pro viribus copulamus. Proinde quæritur, cur nam inter nomina diuinorum barbara cæteris antepōnimus, quia videlicet sacram gēitium, velut Ægyptiorum, Assyriorumq; totū dij sermonem approbauerunt tanquam sacris maximè congruentē, propterea & communes dictiones, modosq; loquendi arbitramur cognatæ ad deos dictioni, orationiq; adhibēdum præsertim, quia antiquior, primusq; extitit mod⁹ iste loquendi. atqui & quoniā prima nomina

diuinitus acceperūt, dum ea cum propria lingua mīscerent tanquam cum familiarī, consentaneaꝫ illis voce contemperantes, ita nobis seruanda perpetuò tradiderunt. nosꝫ ita ipsam traditionis regulam ritè deinceps cōseruare debemus. Siquid enim aliud diis conuenit, sempiternū ipsum, & immutabile diis est præ cæteris cognatissimum. Inter hæc Porphyrius ait illū, qui vocem audit nominū diuinorū, ad significata respicere, ideoꝫ sufficere notionem ipsam eandem ubiq; manentē, qualiscūq; sit dictio. Respondet Iamblichus hunc in modum, nō est autem id tale, quale tu putas: si enim nomina ex hominū pacto, cōuentoꝫ posita essent, nihil interesset alia pro aliis commutare. Sin autē naturæ rerum accommodata fuerunt, quæ huic maximè congruunt, hæc & diis maximè sunt amica. ex his perspicuè patet sacrarū gentium vocem rationaliter cæteris esse præpositam. Neq; enim prorsus eandem mentem seruant nomina in aliā linguā interpretata: sed sunt gentibus singulis propria quædā, quæ gentibus aliis per vocē significari non possint. Accedit ad hæc, quòd si significationū proprietates per aliā linguam interpretari possimus, non tamen eandem conseruant permutata potētiam.

Habent

Habent insuper nomina barbara multam
emphasim, id est insinuationis, demonstra-
tionisq; efficaciam, habent & concisam
breuitatem. Minimum verò ambiguitatis,
& varietatis, multitudinisq; verborum. pro-
pter hæc omnia superis maximè cōgruūt.
Depone igitur suspiciones à veritate ca-
dentes, quibus suspicaris Ægyptiam ibi
cōferre linguam duntaxat, vbi Ægyptius
est, vel vñs Ægyptia lingua, qui tunc in-
uocatus. Potius autē existimato, quoniam
primi omnium Ægyptij præsentia, parti-
cipationemq; deorum sortiti sunt, ideo deos
inuocantē potissimum approbare, quando
Ægyptio ritu vocantur: neq; verò dicen-
dum est barbara hæc obscura, diuinorum
nomina esse quædam præstigiatorum, fa-
scinatorumq; machinamenta: quo enim
pacto, quæ maximè conjuncta sunt diis,
nos quoque jungunt, & quasi æquales
cum superis vires habent, phantastica fi-
gmēta erunt, sine quibus nullum in sacris
opus efficitur? Sed neq; prætegmina, inuo-
lucraq; ejusmodi per nostras passionēs ef-
ficiuntur, ex fama diuino tributas. Non
enim exordientes ab iis, quæ ipsi patimur,
imò verò ab ipsis deorum propriis com-
petentes illis secundum naturam attribui-
mus dictiones, neq; contrarias de diuino

agimus notiones; contrà videlicet quàm
ipsum re vera se habeat, sed prout natura
se habet: & quemadmodum veritatem de
ipso consecuti sunt primi, qui leges nobis
de religionis sanctimonia tradiderunt, sic
perseueramus in eis: si quid enim aliud in
sacris legibus, atque ritibus deo placet, fir-
mitas ipsa maximè placet, & præcipuè cō-
gruit. Oportet igitur ritus adorationis an-
tiquos tanquam sacros conseruare semper
intractos, neque demere quicquam, neque
aliud quid addere: ferme nāq; & hoc cau-
sa nuper extitit, vt omnia & nomina, &
vota debilitata iam sint, propterea quod
propter ipsam præuaricationem, & inno-
uandi cupiditatē permutata sunt semper,
& permutari non desinunt. Græci nanque
naturā rerum nouarum studiosi sunt, ac
præcipites vsquequaq; feruntur, instar na-
uis sabburra carentis, nullam habentes sta-
bilitatem: neq; conseruāt quod ab aliis ac-
ceperunt: sed & hoc citò dimittunt, & o-
mnia propter instabilitatē, nouāq; inuen-
tionis elocutionem transformare solent.
barbari verò sicut moribus graues, firmiq;
sunt, sic & in eisdem sermonibus firmiter
perseuerant: ob quam sanè stabilitatem, &
ipsi diis sunt amici, & orationes offerunt
illis acceptas, quas nulli vlla vnquam ra-
tione

tione fas est permutare.

Opinio Aegyptiorum de deo, atque dñs.

QUÆrit subinde Porphyrius quidnam primam Ægyptij causam esse velint. Vtrum intellectum an superintellectum. Item vtrum vnum aliquid solum, an vnâ cum aliò quodâ siue aliis. Rursus, vtrum incorporeum sit, aut forsitâ corporale. Præterea, nū sit idē cum opifice mundi, an opifice sit superius: & nunquid ex vno, an ex pluribus cuncta profluxerint: omnemq; nunquid velint primum fundamentū esse materiam prorsus informem, an corpora qualia. ipsamq; materiam nunquid ingenerabilē, aut genitam. adhæc Iamblichus ita respondit: Ego verò causam in primis tibi dicā, ob quam sacri, & antiqui Ægyptiorum scriptores de his varia senserint, & insuper hujus seculi sapiētes nō eadem de his ratione loquantur. Quū enim multæ in vniuerso sint essentiæ, ac multifariâ inter se differant, meritò earum, & multa earum tradita sunt principia habentia ordines differentes, & ab aliis sacerdotibus alia principia quidem tota vniuersaliâve, vt narrat Seleucus. Mercurius ipse tradit viginti millibus voluminibus, vel, sicut Meneteus recenset, tradidit voluminibus triginta millibus, itemq; sex millibus & quin-

quingentis atque vigintiquinque, & in eis perfectè omnia demonstravit: propria verò particularium essentiarum principia alij antiquorum alia passim introduxerunt. Oportet igitur de his omnibus veritatem breuiter declarare, atq; primum quod primo quæstisti. Primus deus ante ens, & solus, pater est primi dei, quæ gignit manens in unitate sua solitaria, atq; id est superintelligibile. estq; exemplar ipsius, quod dicitur, sui pater, sui filius, vni pater, & deus verè bonus. Ille enim maior & primus, & fons omnium, & radix eorum, quæ prima intelliguntur, & intelligunt, scilicet idearum. Ab hoc utique vno deus per se sufficiens seipsum explicauit. Ideoq; dicitur per se sufficiens sui pater, per se princeps. Est enim hic principium, deus deorum. unitas ex vno super essentiam, essentiae principium. ab eo enim essentia. propterea pater essentiae nominatur. Ipse enim est superenter ens intelligibilium principium. hæc sunt principia omnium antiquissima. Quæ Mercurius præponit diis ætheriis, empyreis, cælestibus, componens de empyreis libros centum, totidemq; de ætheriis, mille de cælestibus. Secundum verò alium ordinem præponit deum Emeph diis cælestibus tãquam ducem,

cem, quē ait intellectum esse seipsum intelligentem, atq; in se intelligentias convertentem. huic vnum impartibile antepōnit, quod appellat primum exemplar, aut expressionem, aut effigiem, quod Icthon appellat. In quo est primum intelligens, & intelligibile primum, quod solo silentio colitur: prater hos autem rerum apparentium opificio, alij duces præsunt. Nam opifex intellectus, qui & veritatis est dominus, atq; sapientia, quatenus in generationem progrediens occultam latentium rationum potentiam traducit in lucem, Amū Ægyptiaca lingua vocatur. Quatenus autē sine mendacio peragit omnia, & artificiosē simul cum veritate, Phtha nuncupatur. Græci verò hunc Vulcanum nomināt, artificiosum duntaxat considerantes. Quantum verò effector est bonorum, appellatur Osiris, aliasq; denominationes habet propter potentias, actionesq; differentes. Est & principatus alius apud illos super elementa tota in generatione posita, virtutesq; eorum, quarum quatuor quidē masculinæ, quatuor fœmininæ, quē principatum Soli tribuunt. Item alius principatus super naturam omnem, quæ in generatione versatur Lunæ tributis. Marfilius. Potes in his ordinem consentientem

tem Proculo ita disponere. Primum est ipsum vnum super ens super intelligibile totum. Secundum vnum ens, siue vnitas, entis, in quo vnitas sua suo enti præponitur. potest & intellectus intelligibilis appellari, & sui pater. Tertiū est intellectus intelligibilis, intellectualisq; simul, & vnitus intellectus, & expressio, prima Icthon. Quartum intellectus intellectualis jam explicatus cælestium dux deorum Emeph. Quintum intellectus opifex proximus dux opificum mundanorum, qui sunt dij cælestes, empirei q; & ætherij hic forsan intellectus est animæ mundi, qui nominatur Amun, Phtha, Vulcanus, Osiris. Iamblichus diuidentes verò cælum in partes duas, vel quatuor, vel duodecim, vel sex atq; triginta, vel harum duplas, vel aliter quomocūq;, principatus his quoque perficiunt aut pauciores, aut plures. Rursus ducem vnū his anteponunt, atque ita Ægyptiorum tractatus de principiis desuper ad postrema progrediens ab vno descendit in multitudinem. ab vno videlicet gubernatam à deo vbique indefinita natura sub quodam termino definito sit imperiosè comprehensa, præcipuè verò ab excelsa omnium causa vnitatem. Materiam verò produxit deus materialitate: videlicet

delicet ab essentialitate subderiuata, quā opifex vitalem assumens, simplices, impatibilesq; sphaeras effecit. Ipsius verò postremum accepit ad generabilia, & corruptibilia corpora facienda. His ita discretis, facile solvuntur dubia, quæ in libris Ægyptiis, quos legisti, concepisse dicis. Qui enim sub Mercurij titulo circumferuntur, opiniones Mercuriales continent. etsi sæpe Philosophorum Græcorum stylo loquuntur, sunt enim ex lingua Ægyptia in Græcam translati à viris philosophiæ non imperitis. Optarem verò, ut quicunq; mundanarum rerum causas primas attingunt, vltima quoq; principia declararent. Item quicunq; planetas, zodiacum, decanos, horoscopus, stellas, potentes duces tractant, ut particulares principiorum distributiones traderent. Proinde dogmata, quæ in Salaminiciis sunt, breuissimam partem Mercurialium ordinationū continent. item quæ de stellarum apparitionibus, vel latebris, aut Lunæ augmento, vel decremento tractantur, in postremis penes Ægyptios assignationem causarum habent. Profectò Ægyptij non omnia esse naturalia putant, sed vitam & intellectualem, & animaleſm à natura discernunt. non in mundo solum, sed etiam in hominibus,

bus, atque cum intellectum, & rationē secundum seipsos existētes præfecerint. Sic quæcunq; fiunt, fieri arbitrātur, atq; eorū, quæ in generatione versantur, primū præcipuūve patrē esse opificē asserunt. Cognoscunt quoque vitalem potentiam, & quæ in cælo est, & quæ super cælum extat. Item purum intellectum collocant super mundum, & vnum impartibilem in toto mundo, & alterum per omnes circulos distributum. Iam verò hæc nō oratione, rationeq; nuda speculari solent, sed admonent insuper, atque docent, ad excelsiora, communioraq;, & superiora fato naturam nostram progredi ad ipsum deum, opificemq; mundi. quatenus neque materiam ferat secū, neq; aliud quicquam præter opportuni temporis obseruātiā, idq; sacrorum opera nos consequi docent, atq; simul efficiunt. tradidit hanc quoq; viam nobis ipse Mercurius. Sed interpretatus est eam propheta Bitis Ammoni regi inuentā in adytis templi in vrbe Sayn, Ægypti, literisq; sacris insculptam: præbuit quoque nobis Dei nomen discurrens per vniuersum. sunt & alij multi ordines de eisdem. Quapropter non rectē mihi videris Ægyptiorum omnia ad naturales dūtaxat reducere causas. sunt enim apud illos

los plura, atque essentiis pluribus. sunt & potestates supermundanæ, quas & religiosa principia sanctimoniâ coluerunt.

*De libero arbitrio, & quomodo
soluamur à fato.*

Post hæc ait Porphyrius, plures Ægyptiorum ipsum quoque arbitrium nostrum motui stellarum supposuisse. Respōdet Iamblichus ex Mercurialibus sententiis hunc in modum : duas homo animas habet, ut Mercuriales literæ docent. vna quidem est ab intelligibili primo, atque ipsius opificis potentiæ particeps: altera verò ex circuitu cælestium nobis indita, in quam & anima speculatrix diuinorum irrepit. Anima igitur à mūdis in nos descendens, mundorum quoq; circuitus sequitur. quæ verò ab intelligibili veniens intelligibiliter adest geneficum circuitū supereminet: atq; per eam & à fato solui-mur, & ad intelligibiles deos ascendimus: & religionem habemus ad æterna tendētem. non igitur putandum est, de quo tu dubitabas, omnia insolubilibus necessitatis vinculis, quod fatum nominant, colligari. habet enim anima principium in se proprium, quo ad intelligibile sese conferrat, & discedat quidem ab iis, quæ gignuntur. ad ipsum verò ens accedat, atque diuinum.

num. Neq; rursus diis applicuimus fatum, quos tanquam soluētes à fato in templis, sacrisq; & statuis veneramur. Ipsi quidem dii fatum solunt, naturæ verò ab eis vltimæ descendentes, atq; generationi corporiq; mundi jam implicitæ fatum peragunt. Meritò igitur omnē diis sanctimoniam adhibemus, vt ipsi quidem soli per intellectualem persuasionem dominantes necessitati mala nobis à fato imminencia soluant. Nō enim totum in natura fati ligatum est, sed est & aliud principium animæ, & natura, & generatione præstantius, per quod & diis possumus copulari, & finē danum ordinē superare, atq; sempiternam vitā, supercælestiumq; deorum actionem participare. per hoc igitur nos ipsos à fato eximere possumus. Quando enim præstantiora eorum, quæ nobis insunt, agunt, & ad præstantiora sui ipsius anima reuocatur, tunc ab illis, quæ eam in generatione deuinciunt, penitus segregatur, à deterioribusq; descendit, atque alteram pro altera vitam commutat, seq; ipsam in alium interferit ordinem, dum priorem omnino deserit ordinem. Quid ergo? nunquid possibile est per deos circuncurrentes à fato seipsum soluere? atq; eosdem interim existimare duces, auctoresq; fatorum.

rum, vinculisq; insolubilibus vitas penitus alligātes. fortè verò nihil prohibet, ita fieri. Quū enim dij essentias, potentiasq; multas in se cōplectantur, quidnā prohibet illis inesse & alias nobis inestimabiles differētias, atq; cōtrariedades? lam verò & hoc licet dicere, in vnoquoq; deorū etiam apparentium inesse intelligibilia quēdam essentię principia, per quę animabus à generatione mundorū fuga cōtingat, atq; libertas. Si quis autem duos deorū ordines non admittat ad solutionis officiū, scilicet mūdānos simul, atq; supermundānos, saltem per supermundānos fiet quādoq; solutio. Verūm hæc in tractatu deorum diligentius declarantur. Quinam dij potissimum sint ad supera reductores, & quādo reuocent, quibūsve potentiis & qua ratione fatū soluant, & per quos præcipuè redditus sacrorum operatione peractos, & quis ordo mundanę naturę, & quē pacto intellectualis actio cōsummata huic ordini dominetur. quamobrē quod tu ex Homeri versibus adduxisti, scilicet deos esse flexibiles, dictu nefas esse censemus. legibus nāq; sinceris, intellectualibusq; jamdiu definita sunt sancta religionis opera, atq; ordine, potentiaq; maiore, deteriora soluuntur. & quatenus nos in fortē tradu-

I

cimus

cimur meliorē, eatenus à deterioribus fit discessus: nec propterea contingit aliquid præter regulam ab initio constitutā, adeo-
ut dij flectantur propter sacrificium, cul-
tumq; posterius actū, sed à primo descen-
su deus animas ea cōditione demisit, ut ad
eum iterum reuertātur. Neq; inter se repu-
gnāt adscēsus animarū, atq; descēsus. sicut
enim in vniuerso intellectuāli vnā cū es-
sentia generatio. immo & hoc totum re-
ctē cōnectitur, sic & in animarum disposi-
tione vnā cum earū circa generationē cu-
ra solutio quoq; à generatione consentit.

De suo cuiq; dæmone.

QUærebat post hæc multa Porphy-
rius de suo cuiq; dæmone. respondet
ad hæc Iamblichus ita: Duplex est tracta-
tus de dæmone unicuique proprio. Alter
quidem sacer, siue deificus: alter artificio-
sus. ille dæmonem à supernis causis inuo-
cat: hic à circuitibus, qui in generatione
versantur. Ille quidē exploratione vniuscui-
usq; genituræ nō vritur: hic talia diligen-
ter explorat. Ille vniuersalius super natu-
ram: hic particularius secundum naturam
dæmonem colit, & curat. Quū igitur hæc
ita se habeāt, absurdè tu mihi videris cul-
turam perfectiorem ad humanam admo-
dum transtulisse, & in hac duntaxat quæ-

stiones

stiones tuas exercuisse. Propterea vbi naturali tantum via quæris, colisve dæmonem, videris & ejusmodi vitæ exiguâ quâdam particulam accepisse. Consueuerunt enim qui circa naturâ artificiosè perquirunt, & operantur, ordinatè vocare dæmonem à decanis, id est facientibus. Atq; ab influxuū dispensatoribus imaginibus cæli, stellisq; , Soleq; , & Luna, item à polis, totisq; elementis, atque mundo. Tu verò non rectè breuissimam horū partem seligens, scilicet ipsum genitalis figuræ dominum, de hoc duntaxat quæstiones inducis, & hac in parte hoc vno supposito perscrutaris, quonam pacto dominus ipse figuræ dæmonem tribuat. Atq; secundum quam, & qualem vitam, vel potentiam, vel influxū ab illo nobis influat. vbi prorsus in genituræ exploratione moraris perscrutans, vtrum subsistat dæmon, necne: & vtrum figuræ dominus inueniri possit, aut fortè non possit. Afferis deniq; hunc fore beatum, qui inuēta generationis suæ figura, fatalia sic effugerit, ita videlicet suum dæmonem conspiciatus. mihi verò videntur hæc inter se dissentire, & à veritate deficere. Si enim ab ipsa generationis figura dæmon nobis est attributus, atque inde cognouimus eum, quonam pacto

fatalia fugiemus per notitiam dæmonis fato nobis addicti? atqui, etsi necessaria à nobis per dæmonem expellimus, vt affirmas, quando vlteriùs sunt hæc vnà cum dæmone nobis destinata per fatum.

De iudicijs astrologorum, & dæmone.

Porphyrus dicit si quis cognosceret figurā natiuitatis, dominumq; figuræ, inueniret dæmonem suum, & per ipsum solueretur à fato natiuitatis: sed subdit, impossibile esse scire illam, & hunc inuenire: & regulas astronomiæ, & astrologiæ esse incomprehensibiles, & incertas, teste etiam Cheremone. Iamblichus dicit, dæmonem neq; cognosci, neq; dari ab illa figura, & dæmonio ejus. alioquin nō solueret nos à fato natiuitatis: sed dari ab antiquiori principio, & altiori, scilicet à diis superioribus, & quū primū anima inclinatur ad sensibilia ante conceptionem, & solui nos à fato non tam per dæmonem, quā per cultum superioris numinis. Nō solum verò illa Porphyrij dicta à seipsis, sed etiam à veritate dissentiunt. Nō enim ab ipsa propria generationis figura omnino vnicuiq; tributus est dæmon, sed est & antiquius hoc initium. Item si hinc duntaxat dæmon agnosceretur, non foret propterea felix, qui geneficum cognosceret
dæmon

dæmonē. Et quisnam hunc ducē accipiat ad effugienda fatalia? Si ad hæc explenda est ipse tributus, omnino verò præcipuas prætermittis de essentia, & de ordine dæmonis quæstiones, vltimas verò tãgis, vnde descendat. Inquis præterea innumera- biles circumferri astrologiæ regulas, dubi- tationesq; de genesi, vnde appareat scien- tiam de his haberi nō posse. Ego verò cen- seo primū quidem haberi posse per di- uinum vaticinium veritatē certissimā cir- ca stellas: nec nos omnino regularum di- numeratione, nec artificiosis prædicatio- nibus indigere: & insuper addo, te nō pe- nitus impossibilem inde nouitiā demon- strare quantū ad mathematicam sciētiam pertinet, quòd diuersæ inter illos feruntur opiniones, quòdve Cheremon, & quiuis alius cōtradicit. Sic enim & in omni scien- tia simul & arte propter dissidentes opi- niones dicere nullā esse scientiam cogere- mur. sed profectò vbique non solum falsa inter se dissidēt, sed & à veris falsa dissen- tiunt, vt vbique præter falsa veritas inueni- ri possit. Porphyrius dicit regulas etiam astronomiæ cōprehendi nō posse, nedum astrologiæ, & multas esse illis dissensio- nes, & à multis impugnari. Respondet Iamblichus, diuinū vaticiniū potest doce-

re naturam, & effectū astrorum sine arte. Astronomia, & aliæ artes quondam à diis datæ longo tēpore humanis opinionibus confunduntur, exiguumq; diuinitatis, & veritatis deniq; retinēt. in astronomia est aliquid veri, quamuis exiguū, quod patet per effectus stellarum inter se ex mēsurā proueniētes in cælo, sicut prædictū est de eclipsi Solis & Lunæ, & aspectibus planetarū. Regulæ mensurarū, magnitudinum, distātiarū, progressionum, cometarū, atq; similium diu apud Chaldæos, & apud nos obseruatæ testātur astronomiæ scientiam esse verā. Porphyrius dicit, dominū figuræ, vel dōminos, si plures sint, deprehendi non posse etiā iudicio astronomorum, & astrologorum, sed inde proprium dæmonē esse querēdum. Iamblichus dicit, astrologos dare regulas, alios scilicet quinque, alios pauciores, alios plures ad inueniendos, vel discernendos dominos figurarum. Non dicit inquā, haberi regulas, & inueniri, atq; discerni, sed ita putari, & tradi ab illis cōtra dicta Porphyrij. Quidnā prohibet figuræ dominum, atq; dæmonem per astrologiā quidem difficilē inueniri, facillimē verò per diuinum vaticinium, atq; sacrificia? Neq; putandum est dæmonē à solo figuræ domino tribui. sunt enim plura
hoc

hoc ejus, & antiquiora principia. neq; humanis artibus, sed diuinis proprium dæmonē possumus inuenire. proprius cuiq; dæmon nō à particulari quadam cæli, elementorūve dispositione distribuitur, sed à tota mundi dispositione, quando descendit anima regnante, ipsiq; dæmonem certum accommodante executorem vitæ, quā elegerit anima: hic eam conciliat corpori, vitam corpori cōmunicatam curat, vitam animæ propriam dirigit, cogitationi assidue principia exhibet: nosq; agimus talia, qualia hic adducit in mentem, eatenusq; nos gubernat, quo ad sacris perfecti dominum pro dæmone commutemus. Tunc dæmon deo cedēs, vel vacat ab opere, vel conducit ad idem. fors alicujus propria tribuitur animæ, dum descendit ex toto mundi corpore, & vita prout tunc se habet ad illam, & illa fors certo dæmone ducitur, & impletur. Ergo est impossibile judicare certos euentus, quum omnium causarum concursum comprehendere nequeamus, nisi per inspirationem diuinam id assequamur.

Unde proprius demon veniat, quidve agat,

et utrum sit vnicus.

Proprius dæmon non à parte quadam cæli elementorūve tribuitur, im-

mo verò à toto mundo, & à multiformi in eo vita, & à multiformibus corporibus, per quę transit anima descendens in generationem, secernitur propriè, atq; decernitur, fors in nobis quædam propria nostris secundum præfecturâ propriâ distributa. hic vtrique dæmon erat in exemplari antè quàm in generationem animæ laberetur. Quę quum primū anima ducē accepit, adstat ipse dæmon expletor subinde vitarū. hic animā, vt dixi, descendente alligat corpori, cōmune ejus animal ipse curat: vitā animæ propriā dirigit: & quodcūq; ratiocinamur, exhibet ratiocinandi principia: agimusq; talia, qualia is adducit in mentem, gubernatq; nos quousq; sacris operibus expiati, deum subeamus pro dæmone duce. cui posthac dæmon ita cedit, vt vel vacet eo præse, vel conducat ad idem. Quærebas deinde, vtrū plures adsint vnicuique dæmones, alij alia gubernantes in homine. Respondemus ad hæc, dæmonē, non alicui parti nostrū præesse duntaxat, sed toti simul adesse, totū ducere, quemadmodū à totis, quæ in mundo sunt, ordinibus, est attributus. Cōjectabas plures pro numero nostrarū partiū dæmones nobis adesse. Præterea quod etiā in ipso corpore diuersi sint dæmones, alius sanitatē, alius pulchr

pulchritudinē, alij quādam in his habitudinē cūrēt: vnusq; his æquē præsit in corpore. Sic & putabas aliū dæmonē corpus, alium animā, alium mentē regere. Præstat verò ejusmodi conjecturā ad hoc ipsū vti, videlicet, quòd corpus, & anima, & intellectus eodē dæmone gubernentur. Noli igitur ita diuidere, vt alius sit corporis dæmon, alius animæ, alius intellectus. absurdum est enim animal quidē esse vnū, dæmonium verò animali præfectum multiforme putare. Nā quæ principatū tenent, vbiq; simpliciora sunt subditis Est insuper & absurdus, si multi dæmones dominantes velut dæmonij partes, non conuati in vnum sint, sed inter se diuisi. Introducis autē & in ipsis cōtrarieratē, tanquā dominantium dæmonū alteri boni sint, alteri verò mali. Quū tamen nusquā mali spiritus sortem habeant præfecturæ, nec pari vel auctoritate, vel numero exaduerso bonorum distributi sint. Post hæc suspicaris dæmonem proprium esse quandā animæ partē, videlicet intellectū, eumq; hominē esse *ὁ δαίμων*, id est felicē, qui sapientem habeat intellectum. quod si ita sit, nō erit ampliùs alius ordo præstantior homine præfectus homini. sed inter diuisas animæ partes superior inferiorib; dominabitur.

humana debilitate aliquid de dominationibus dæmonicis ratiocinari solēt, & parvis nihilipēdendisq; atq; diuisis ingentia, & magnipēdenda, & perfecto perpendūt.

De felicitate.

Suspicas, ne fortè alia quædā ad beatitudinem præter diuinum cultum. uia lateat, & quænam ista potissimùm sit interrogas. Sed profectò si in diis bonorum omnium essentia, perfectioq; continetur, ac prima potestas: primumq; bonorum illic est principium, meritò soli nos sacerdotes, & qui similiter superis se dediderint, atq; legitimè vnionem ad illos fuerint consecuti bonorum omnium principium, atq; finem studiosè prosequimur. in hoc utiq; statu & veritatis contēplatio adest, & intellectualis scientiæ cōsummatio. Atq; vnà cum deorum cognitione cōuersio quoq; ad nos ipsos, nostriq; agnitio comitatur. Frustra verò suspicaris, ne fortè religiosus ex opinionibus humanis fauoribusq; dependeat. Quidnam otij esse potest animo diis dedito ad humanas laudes auscultandas?

Religionem esse veram.

Sed neq; quod sequitur rectè dubitas, ne fortè religiosus ipse fallat, vbi ais animā magna sæpe ex contingenti cōfingere.

gere. Quodnam in rebus verè existētibz
figmentorum initium esse potest? Nōne
potentia phantastica in nobis est illa, quæ
idola fingit, atq; transformat, atq; quādo
vita intellectualis perfectè agit, phanta-
sia nulla suboritur? nōne penes deos ve-
ritas ipsa secundum essentiam vnà cū illis
existit? Nōne multò magis & illa, quæ
secundum consonantiam in rebus intelli-
gibilibus est fundata? Frustra igitur talia
& abs te, & ab aliis diulgātur. Quinetiā
vbi tu, & alij religiosos calumniamini,
tanquam prestigiatores, atq; vanos, & ja-
ctabundos, longius à veritate disceditis.
sicut enim cæteris artibus, sic & in reli-
gione sunt, qui eam falsò profiteantur.
Quæ professio longius quàm aliud quic-
quam à religione discedit. Malū enim bo-
no magis quàm non bono cōtrarium est.

*De præfagio naturali artificioso, atq;
de diuino.*

SIqua nobis aptitudo naturaliter inest
ad futuri præfagiū, quemadmodū ani-
malibus terræmotuum, procellarumq; &
frigorū naturalis inest præcognitio, non
videtur ejusmodi prænotio habere ali-
quid venerandum. Nam secundum sensus
acumen, vel compassionem, vel aliā quan-
dam

bus, atque cum intellectum, & rationē secundū seipſos exiſtētes præfecerint. Sic quæcunq; ſunt, fieri arbitrātur, atq; eorū, quæ in generatione verſantur, primū præcipuūve patrē eſſe opificē aſſerunt. Cognoscunt quoque vitalem potentiam, & quæ in cælo eſt, & quæ ſuper cælum extat. Item purum intellectum collocant ſuper mundum, & vnum impartibilem in toto mundo, & alterum per omnes circulos diſtributum. Iam verò hæc nō oratione, rationeq; nuda ſpeculari ſolent, ſed admonent inſuper, atque docent, ad excelſiora, communioraq; & ſuperiora fato naturam noſtram progredi ad ipſum deum, opificemq; mundi. quatenus neque materiam ferat ſecū, neq; aliud quicquam præter opportuni temporis obſeruātiā, idq; ſacrorū opera nos conſequi docent, atq; ſimul efficiunt. tradidit hanc quoq; viam nobis ipſe Mercurius. Sed interpretatus eſt eam propheta Bitis Ammoni regi inuentā in adytis templi in vrbe Sayn, Ægypti, literiſq; ſacris inſculptam: præbuit quoque nobis Dei nomen diſcurrenſ per vniuerſum. ſunt & alij multi ordines de eiſdem. Quapropter non rectē mihi videris Ægyptiorū omnia ad naturales dūtaxat reducere cauſas. ſunt enim apud il-

los

los plura, atque essentiis pluribus. sunt & potestates supermundanæ, quas & religiosa principia sanctimoniâ coluerunt.

*De libero arbitrio, & quomodo
soluamur à fato.*

Post hæc ait Porphyrius, plures Ægyptiorum ipsum quoque arbitrium nostrum motui stellarum supposuisse. Respōdet Iamblichus ex Mercurialibus sententiis hunc in modum : duas homo animas habet, ut Mercuriales literæ docent. vna quidem est ab intelligibili primo, atque ipsius opificis potentiæ particeps: altera verò ex circuitu cælestium nobis indita, in quam & anima speculatrix diuinorum irrepit. Anima igitur à mūdis in nos descendens, mundorum quoq; circuitus sequitur. quæ verò ab intelligibili veniens intelligibiliter adest geneficum circuitū supereminet : atq; per eam & à fato solui-mur, & ad intelligibiles deos ascendimus: & religionem habemus ad æterna tendētem. non igitur putandum est, de quo tu dubitabas, omnia insolubilibus necessitatis vinculis, quod fatum nominant, colligari. habet enim anima principium in se proprium, quo ad intelligibile sese conferrat, & discedat quidem ab iis, quæ gignuntur. ad ipsum verò ens accedat, atque diuinum.

num.

num. Neq; rursus diis applicuimus fatum, quos tanquam soluētes à fato in templis, sacrisq; & statuis veneramur. Ipsi quidem dii fatum solvunt; naturæ verò ab eis vltimæ descendentes, atq; generationi corporiq; mundi jam implicitæ fatum peragunt. Meritò igitur omnē diis sanctimoniam adhibemus, vt ipsi quidem soli per intellectualem persuasionem dominantes necessitati mala nobis à fato imminencia soluant. Nō enim totum in natura fati ligatum est, sed est & aliud principium animæ, & natura, & generatione præstantius, per quod & diis possumus copulari, & finē danum ordinē superare, atq; sempiternam vitā, supercælestiumq; deorum actionem participare. per hoc igitur nos ipsos à fato eximere possumus. Quando enim præstantiora eorum, quæ nobis insunt, agunt, & ad præstantiora sui ipsius anima reuocatur, tunc ab illis, quæ eam in generatione deuinciunt, penitus segregatur, à deterioribusq; descendit, atque alteram pro altera vitam commutat, seq; ipsam in alium interserit ordinem, dum priorem omnino deserit ordinem. Quid ergo? nunquid possibile est per deos circuncurrentes à fato seipsum soluere? atq; eosdem interim existimare duces, auctoresq; fatorum.

rum, vinculisq; insolubilibus vitas penitus alligātes. fortè verò nihil prohibet, ita fieri. Quū enim dij essentias, potentiasq; multas in se cōplectantur, quidnā prohibet illis inesse & alias nobis inestimabiles differēcias, atq; cōtrarietates? Iam verò & hoc licet dicere, in vnoquoq; deorū etiam apparentium inesse intelligibilia quēdam essentię principia, per quę animabus à generatione mundorū fuga cōtingat, atq; libertas. Si quis autem duos deorū ordines non admittat ad solutionis officiū, scilicet mūdānos simul, atq; supermundānos, saltem per supermundānos fiet quādoq; solutio. Verūm hæc in tractatu deorum diligentius declarantur. Quinam dij potissimum sint ad supera reductores, & quādo reuocent, quibūsve potentiis & qua ratione fatū soluant, & per quos præcipuè reditus sacrorum operatione peractos, & quis ordo mundanę naturę, & quō pacto intellectualis actio cōsummata huic ordini dominetur. quamobrē quod tu ex Homeri versibus adduxisti, scilicet deos esse flexibiles, dictu nefas esse censemus. legibus nāq; sinceris, intellectualibusq; jamdiu definita sunt sancta religionis opera, atq; ordine, potentiaq; majore, deteriora soluantur. & quatenus nos in fortē tradu-

I cimus

cimur meliorē, eatenus à deterioribus fit discessus: nec propterea contingit aliquid præter regulam ab initio constitutā, adeò ut dij flectantur propter sacrificium, cultumq; posteriùs actū, sed à primo descensu deus animas ea cōditione demisit, ut ad eum iterum reuertātur. Neq; inter se repugnāt adscēsus animarū, atq; descēsus. sicut enim in vniuerso intellectuāli vnā cū essentia generatio. immo & hoc totum rectè cōnectitur, sic & in animarum dispositione vnā cum earū circa generationē cura solutio quoq; à generatione consentit.

De suo cuiq; dæmone.

QUærebat post hæc multa Porphyrius de suo cuiq; dæmone. respondet ad hæc Iamblichus ita: Duplex est tractatus de dæmone vnicuique proprio. Alter quidem sacer, siue deificus: alter artificiosus. ille dæmonem à supernis causis inuocat: hic à circuitibus, qui in generatione versantur. Ille quidē exploratione vniuscuiusq; genituræ nō vititur: hic talia diligenter explorat. Ille vniuersaliùs super naturam: hic particulariùs secundum naturam dæmonem colit, & curat. Quū igitur hæc ita se habeāt, absurdè tu mihi videris culturam perfectiorem ad humanam admodum transtulisse, & in hac duntaxat quæstiones

stiones tuas exercuisse. Propterea vbi naturali tantum via quæris, colisve dæmonem, videris & ejusmodi vitæ exiguā quādam particulam accepisse. Consueverunt enim qui circa naturā artificiosè perquirunt, & operantur, ordinatè vocare dæmonem à decanis, id est facientibus. Atq; ab influxuū dispensatoribus imaginibus cæli, stellisq; , Soleq; , & Luna, item à polis, totisq; elementis, atque mundo. Tu verò non rectè breuissimam horū partem seligens, scilicet ipsum genitalis figuræ dominum, de hoc duntaxat quæstiones inducis, & hac in parte hoc vno supposito perscrutaris, quonam pacto dominus ipse figuræ dæmonem tribuat. Atq; secundū quam, & qualem vitam, vel potentiam, vel influxū ab illo nobis influat. vbi prorsus in genituræ exploratione moraris perscrutans, vtrum subsistat dæmon, necne: & vtrum figuræ dominus inueniri possit, aut fortè non possit. Afferis deniq; hunc fore beatum, qui inuēta generationis suæ figura, fatalia sic effugerit, ita videlicet suum dæmonem conspiciatus. mihi verò videntur hæc inter se dissentire, & à veritate deficere. Si enim ab ipsa generationis figura dæmon nobis est attributus, atque inde cognouimus eum, quonam pacto

fatalia fugiemus per notitiam dæmonis fato nobis addicti? atqui, etsi necessaria à nobis per dæmonem expellimus, vt affirmas, quando vlteriùs sunt hæc vnà cum dæmone nobis destinata per fatum.

De iudicijs astrologorum, & dæmone.

Porphyrus dicit si quis cognosceret figurā natiuitatis, dominumq; figuræ, inueniret dæmonem suum, & per ipsum solueretur à fato natiuitatis: sed subdit, impossibile esse scire illam, & hunc inuenire: & regulas astronomiæ, & astrologiæ esse incomprehensibiles, & incertas, teste etiam Cheremone. Iamblichus dicit, dæmonem neq; cognosci, neq; dari ab illa figura, & dæmonio ejus. alioquin nō solueret nos à fato natiuitatis: sed dari ab antiquiori principio, & altiori, scilicet à diis superioribus, & quū primū anima inclinatur ad sensibilia ante conceptionem, & solui nos à fato non tam per dæmonem, quā per cultum superioris numinis. Nō solum verò illa Porphyrij dicta à seipsis, sed etiam à veritate dissentiunt. Nō enim ab ipsa propria generationis figura omnino vnicuiq; tributus est dæmon, sed est & antiquius hoc initium. Item si hinc duntaxat dæmon agnosceretur, non foret propterea felix, qui geneficum cognosceret dæmon

dæmonē. Et quisnam hunc ducē accipiat ad effugienda fatalia? Si ad hæc explenda est ipse tributus, omnino verò præcipuas prætermittis de essentia, & de ordine dæmonis quæstiones, vltimas verò tãgis, vnde descendat. Inquis præterea innumerabiles circumferri astrologiæ regulas, dubitationesq; de genesi, vnde appareat scientiam de his haberi nō posse. Ego verò censeo primū quidem haberi posse per diuinum vaticinium veritatē certissimā circa stellas: nec nos omnino regularum dinumeratione, nec artificiosis prædicationibus indigere: & insuper addo, te nō penitus impossibilem inde notitiā demonstrare quantū ad mathematicam sciētiam pertinet, quòd diuersæ inter illos feruntur opiniones, quòdve Cheremon, & quiuis alius cōtradicit. Sic enim & in omni scientia simul & arte propter dissidentes opiniones dicere nullā esse scientiam cogemur. sed profectò vbique non solum falsa inter se dissidēt, sed & à veris falsa dissentiunt, vt vbiq; præter falsa veritas inueniri possit. Porphyrius dicit regulas etiam astronomiæ cōprehendi nō posse, nedum astrologiæ, & multas esse illis dissensiones, & à multis impugnari. Respondet Iamblichus, diuinū vaticiniū potest doce-

re naturam, & effectū astrorum sine arte. Astronomia, & aliæ artes quondam à diis datæ longo tēpore humanis opinionibus confunduntur, exiguumq; diuinitatis, & veritatis deniq; retinēt. in astronomia est aliquid veri, quamuis exiguū, quod patet per effectus stellarum inter se ex mēsurā proueniētes in cælo, sicut prædictū est de eclipsi Solis & Lunæ, & aspectibus planetarū. Regulæ mensurarū, magnitudinum, distātiarū, progressionum, cometarū, atq; similium diu apud Chaldæos, & apud nos obseruatæ testātur astronomiæ scientiam esse verā. Porphyrius dicit, dominū figuræ, vel dōminos, si plures sint, deprehendi non posse etiā iudicio astronomorum, & astrologorum, sed inde proprium dæmonē esse quērēdum. Iamblichus dicit, astrologos dare regulas, alios scilicet quinque, alios pauciores, alios plures ad inueniendos, vel discernendos dominos figurarum. Non dicit inquā, haberi regulas, & inueniri, atq; discerni, sed ita putari, & tradi ab illis cōtra dictā Porphyrij. Quidnā prohibet figuræ dominum, atq; dæmonem per astrologiā quidem difficilē inueniri, facillimē verò per diuinum vaticinium, atq; sacrificia? Neq; putandum est dæmonē à solo figuræ domino tribui. sunt enim plura
hoc

hoc ejus, & antiquiora principia. neq; humanis artibus, sed diuinis proprium dæmonē possumus inuenire. proprius cuiq; dæmon nō à particulari quadam cæli, elementorūve dispositione distribuitur, sed à tota mundi dispositione, quando descendit anima regnante, ipsiq; dæmonem certum accommodante executorem vitæ, quā elegerit anima: hic eam conciliat corpori, vitam corpori cōmunicatam curat, vitam animæ propriam dirigit, cogitationi assidue principia exhibet: nosq; agimus talia, qualia hic adducit in mentem, eatenusq; nos gubernat, quo ad sacris perfecti dominum pro dæmone commutemus. Tunc dæmon deo cedēs, vel vacat ab opere, vel conducit ad idem. fors alicujus propria tribuitur animæ, dum descendit ex toto mundi corpore, & vita prout tunc se habet ad illam, & illa fors certo dæmone ducitur, & impletur. Ergo est impossibile judicare certos euentus, quum omnium causarum concursus comprehendere nequeamus, nisi per inspirationem diuinam id assequamur.

Unde proprius demon veniat, quidve agat,

et utrum sit vnicus.

Proprius dæmon non à parte quadam cæli elementorūve tribuitur, im-

mo verò à toto mundo, & à multiformi in eo vita, & à multiformibus corporibus, per quę transit anima descendens in generationem, scernitur propriè, atq; decernitur, fors in nobis quædam propria nostris secundum præfecturâ propriâ distributa. hic utique dæmon erat in exemplari antè quàm in generationem animæ laberetur. Quę quum primū anima ducē accepit, adstat ipse dæmon expletor subinde vitarū. hic animā, vt dixi, descendente alligat corpori, cōmune ejus animal ipse curat: vitā animæ propriā dirigit: & quodcūq; ratiocinamur, exhibet ratiocinandi principia: agimusq; talia, qualia is adducit in mentem, gubernatq; nos quousq; sacris operibus expiati, deum subeamus pro dæmone duce. cui posthac dæmon ita cedit, vt vel vacet eo præsentē, vel conducat ad idem. Quærebas deinde, utrū plures adsint vnicuique dæmones, alij alia gubernantes in homine. Respondemus ad hæc, dæmonē, non alicui parti nostrū præesse duntaxat, sed toti simul adesse, totū ducere, quemadmodū à totis, quæ in mundo sunt, ordinibus, est attributus. Cōjectabas plures pro numero nostrarū partiū dæmones nobis adesse. Præterea quod etiā in ipso corpore diuersi sint dæmones, alius sanitatē, alius pulchr

pulchritudinē, alij quādam in his habitu-
dinē cūrēt: vnusq; his aequē præsīt in cor-
pore. Sic & putabas aliū dæmonē corpus,
aliū animā, aliū mentē regere. Præstat
verò ejusmodi conjectura ad hoc ipsū vñ,
videlicet, quòd corpus, & anima, & intelle-
ctus eodē dæmone gubernentur. Noli igitur
ita diuidere, vt alius sit corporis dæ-
mon, alius animæ, alius intellectus. absur-
dum est enim animal quidē esse vnū, dæ-
monium verò animali præfectum multi-
forme putare. Nā quæ principatū tenent,
vbique simpliciora sunt subditis. Est insuper
& absurdus, si multi dæmones dominan-
tes velut dæmonij partes, non conuati in
vnum sint, sed inter se diuisi. Introducis
autē & in ipsis cōtrarieratē, tanquā domi-
nantium dæmonū alteri boni sint, alteri
verò mali. Quū tamen nusquā mali spiri-
tus sortem habeant præfecturæ, nec pari
vel auctoritate, vel numero exaduerso bo-
norum distributi sint. Post hæc suspicaris
dæmonem proprium esse quandā animæ
partē, videlicet intellectū, eumq; hominē
esse *διδάμωνα*, id est felicē, qui sapientem
habeat intellectum. quod si ita sit, nō erit
amplius alius ordo præstantior homine
præfectus homini. sed inter diuisas animæ
partes superior inferiorib⁹ dominabitur.

vbi tamē cunētę cognatę sunt, nulla verò
 vt absoluta subditis dominatur. Inducis
 post hęc dæmonis cultū tanquā ad plura
 factū, partim quidem tanquā ad duos dæ-
 mones, partim etiā velut ad tres, nefas ve-
 rò est causas nobis præsidentes partiti, nec
 ad vnum redigere præfecturā, quippe quū
 vnitas in omnibus dominetur. Iam verò
 & qui dæmonium secundū corpus, cor-
 porisq; dispensationē diuidit, is principa-
 tum ejus in partē ejusdē redigit angustis-
 simā. Quapropter religiosum cultū circa
 dæmonium, ita diuisum cōsiderare nō de-
 cet, quū opinio ipsa, in qua fundatur, debi-
 litate vacillet. Vnus igitur est secundū
 vnumquēq; nostrum dæmon proprius gu-
 bernator: dæmonē verò cōmunē penitus,
 & eundē cunctorū hominū existimare nō
 decet, videlicet rursū cōmunē quidē in
 se ipso, propria verò cōditione vnicuiq; co-
 pulatum. Ipsa enim secundū speciē vnā-
 quanq; diuisio, materięq; alteritas ipsam
 rerum secundū se incorporearum com-
 munitatem, identitatemq; non suscipit.

Inuocatio demonis.

QUæris deinde, quare communi qua-
 dam apud omnes inuocatione ad-
 vocare dæmonem soleamus, quoniam vi-
 delicet per deum dominum vnum dæmo-
 num

num agitur inuocatio, qui & à principio suum cuiq; dæmonem definiuit, & in sacrificiis secundum propriam voluntatem suum cuiq; monstrat. Semper enim in sacrarum operationum ordine per superiora numina inferiora vocantur. Quare & in dæmonibus vnus quidam dux eorum, qui circa generationem obtinet principatū, dæmonem suū, ad vnumquenq; demittit. Postquam igitur adest vnicuiq; suus, tunc & congruū sibi cultū pādit, nomenq; suū, modumq; inuocationis suæ proprium patefacit, atq; hic cōueniens est ordo dæmonū. Alius enim ordo inuocantibus est cognatus, alius ab antiquioribus causis procedit, alius conspirationē in eis cōficit ad idem communiter conferentem. Noli igitur diuinas inuocationes humanis similes arbitrari, & ineffabiles effabilibus comparare, & eas, quæ omnem terminū, omnemq; indeterminatū modū superant, humanis imperiis, mādatisq; cōferre, siue definita sint hæc, siue prorsus indefinita. Quæ enim apud nos sunt, cum toto genere cōmune nihil habēt. atq; cum his, quæ secundum totum ordinem nos excedunt, totamq; essentiam nostrā, naturamq; exuperant. Iam hinc verò maximè errores hominibus ingentes accidunt. Quando ex
huma

humana debilitare aliquid de dominationibus dæmonicis ratiocinari solēt, & parvis nihilipēdendisq; atq; diuisis ingentia, & magnipēdenda, & perfectō perpendūt.

De felicitate.

Suspicas, ne fortē alia quādā ad beatitudinem præter diuinum cultum, via lateat, & quānam ista potissimū sit interrogas. Sed perfectō si in diis bonorum omnium essentia, perfectioq; continetur, ac prima potestas: primumq; bonorum illic est principium, meritō soli nos sacerdotes, & qui similiter superis se dediderint, atq; legitimē vnionem ad illos fuerint consecuti bonorum omnium principium, atq; finem studiosē prosequimur. in hoc utiq; statu & veritatis contēplatio adest, & intellectualis scientiæ cōsummatio. Atq; vnā cum deorum cognitione cōuersio quoq; ad nos ipsos, nostriq; agnitio comitatur. Frustra verō suspicaris, ne fortē religiosus ex opinionibus humanis fauoribusq; dependeat. Quidnam otij esse potest animo diis dedito ad humanas laudes auscultandas?

Religionem esse veram.

Sed neq; quod sequitur rectē dubitas, ne fortē religiosus ipse fallat, vbi ais animā magna sæpe ex contingenti cōfingere.

gere. Quodnam in rebus verè existētibus
figmentorum initium esse potest? Nōne
potentia phantastica in nobis est illa, quæ
idola fingit, atq; transformat, atq; quādo
vita intellectualis perfectè agit, phanta-
sia nulla suboritur? nōne penes deos ve-
ritas ipsa secundum essentiam vnà cū illis
existit? Nōne multò magis & illa, quæ
secundum consonantiam in rebus intelli-
gibilibus est fundata? Frustra igitur talia
& abs te, & ab aliis diuulgātur. Quinetiā
vbi tu, & alij religiosos calumniāmini,
tanquam præstigiatores, atq; vanos, & jā-
ctabundos, longiùs à veritate disceditis.
sicut enim cæteris artibus, sic & in reli-
gione sunt, qui eam falsò profiteantur.
Quæ professio longiùs quàm aliud quic-
quam à religione discedit. Malū enim bo-
no magis quàm non bono cōtrarium est.

*De præfagio naturali artificioso, atq;
de diuino.*

SIqua nobis aptitudo naturaliter insit
ad futuri præfagiū, quemadmodū ani-
malibus terræmotuum, procellarumq; &
frigorum naturalis inest præcognitio, non
videtur ejusmodi prænotio habere ali-
quid venerandum. Nam secundum sensus
acumen, vel compassionem, vel aliā quan-
dam

dam commotionē virium naturalium, ejusmodi præfagiū naturale consequitur, neq; sursum si quis secundū rationis discursum, vel observationē signorū effectus aliquos præcedentiū, sicut à contractione pulsus, atq; rigore medici febrē præuidere solēt, videtur ejusmodi præsentia esse admodū honoranda: humana nanque, & suspecta, corporeaq; cōditione progreditur. Solum igitur diuinitus adueniens vaticinium, reuera nobis diuinam exhibet vitam, dum & præuisionem, & diuinas intelligentias possidet, nosq; reddit re vera diuinos, ac bonum legitimū nobis affert. beatissima enim deorū intelligentia bonis omnibus abūdē repletur. suspicaberis ne fortē prophete diuinitus inspirati præuideant quæ futura, neq; tamen propterea sint felices. nam & præuidere possunt, neq; tamē scire futuris uti, sed contrā dicendū, omnem videlicet prænotationem diuinitus inspiratam esse bonis, & bonitate refertam, ordinisq; compotem, atq; decori, atq; vtilitatem nobis afferre: dii namq; vnā cum præfagio, facultatem quoq; ad cauenda, declinandaq; incōmoda nobis naturaliter imminētia suggerunt. Et quando virtutem oporteat exercere, ad idq; conferat igno-
ratio futurorum, occulunt ipsi futura, vt
anim

animus inde sit melior: quando verò ad hoc nihil interest, expedit autem animus præsentire, ad hoc videlicet, ut salui ad sublimia reuertantur, tunc in mediis animarū essentiis vaticiniū penitus inserunt.

Via ad felicitatem.

Quærebās deinde, quæ sit ad felicitatem via, quæve in re sit ipsa felicitas. hoc igitur audi. Contēplabilis ipse in se intellectus homo, erat quondā deorum contemplationi conjunctus. deinde verò alterā ingressus est animam, circa humanam formæ speciem coaptatā, siue contēperatā: atq; propterea in ipso necessitatis, fatiq; vinculo est alligatus. Considerare itaq; decet, qua præcipuè ratione ab ejusmodi vinculis solui possit. est autem solutio nulla, præter ipsam deorū cognitionē. Idea nāq; felicitatis, est ipsum cognoscere bonum. Quemadmodum est & idea malorum, ipsa quidē bonorum obliuio, & fallacia circa malū, notiā quidē illa vñā cum diuino cōgreditur. obliuio verò hæc, atq; deceptio inseparabilis est. à caduco. Itē illa intelligibilium essentias per sacras sanctimonix vias rite meretur. hæc autē à principis cadens, atque repulsa, se ipsam projicit. ad corporalē ideā dimetiendam.

Illa

Illa rursum est sui parentis agnitio, hæc verò discessus, vnà cum obliuione ab ipso deo patre super sancto, seq; ipso sufficiēte, longè remotus. Illa veram conseruat vitā, reuocans hanc ad patrem. hæc hominem principem genituræ vsque ad id deducit, quod permanet quidem nunquam, perpetuq; influxu versatur. hæc utiq; prima sit tibi ad felicitatem via, intellectualem habens vnionis diuinæ penes animas plenitudinem. Sacra verò, atq; deifica felicitatis traditio appellatur quidem porta ad ipsum omnium opificem deum, aut locus, aut aula boni. Potestatem verò possidet primam quidem castam, & sobriam animæ sanctimoniam, valde vtiliorem, sobria corporis castitate. Deinde cogitationis accommodationem ad ipsam participationem, visionemq; boni, simulq; ad contrariorum expulsionē. Tertiò rursum vnionem exhibet ad deos bonorum omnium largitores. Postquam verò singulatim, atque propriè, tum mundi partibus, tum diuinis potestatibus per partes mundi diffusis, animam copulauerit, tunc opifici toti copulat animam, præbetque vndique cum ipso consensum, atque eam extra omnem materiam ponit, cum sola iam sempiterna vniuersi ratione conjunctam.

Etiam. verbi gratia, in ipsa opificis potestate per se genita, per se mobili, & omnia sustinente prorsus, & eleuante, intellectualiq; , & omnia passiter exornante: item ad veritatem intelligibile reuocante, rursusq; per se perfecta, perficienteq; , atque effectrice, ceterisq; dei viribus opificis gradatim pro cuiusq; proprietate coaptat adeò, vt in actionibus earum, intelligentiisq; , & opificiis facultatibus, expiatus animus, atq; sacer perfectè firmetur. Atq; tum demum in toto opifice deo collocat animam.

*Conclusio Religionis, felicitatisq;
apud Aegyptios.*

ATque hic apud Aegyptios religio-
sæ, sacræq; eleuationis, est finis:
ipsum verò bonum aliud quidem diui-
num putant, ipsum scilicet præintellectū
deum: aliud autem humanum, vnionem
videlicet ad ipsum dominum, quemad-
modum Bytis propheta ex libris Mercu-
rialibus explicauit. Non igitur pars hæc
apud Aegyptios prætermissa est, vt tu
suspicaris, sed quemadmodum spectat ad
sanctimoniam, rite nobis est tradita. Neq;
rursus de rebus exiguis sacerdotes diui-
nam intelligentiam interpellant, sed de
m. iis.

iis, quæ ad purgationem, solutionem, salutem animæ pertinent, neque difficilia meditantur, eademq; hominibus inutilia. immo res animæ omnium vtilissimas, neque subdolo, & seductore quodam dæmone obfuscati sacerdotes hallucinantur, qui in omnibus fallacem, dæmonicamq; naturam prorsus excedunt, arque ad intelligibilem, diuinamq; conscendunt. his itaq; pertractatis, obsecro deos, vt mihi, tibiq; veram intelligentiarum custodiam, obseruantiamq; exhibeant, nullo tempore defuturam, atque in sempiternam æternitatem æternorum præbeant veritatem, perfectiorumq; circa deos intelligentiarum compotes nos efficiant, in quibus beatissimus bonorum finis nobis est propositus, & amicitie, concordieq; inter nos mutue, auctoritas omnis, atq; firmamentum.

E X C

EXCERPTA MAR- SILII FICINI EX

GRÆCIS PROCLI

*Commentarijs in Alci-
biadem Platonis
primum.*

P Rincipium dialogorū Plato-
nicorum, totiusq; philoso-
phiæ præcipuum, atque fir-
missimum, arbitrantur na-
turæ nostræ cognitionem.
hac enim rectè cognita, bonum quoque
nobis consentaneum, malumve dissidens
absolutius nosse poterimus. Sic utiq; na-
tura compatiuntur, ut quemadmodum
inter se rerū essentia differunt, sic & pro-
priæ rerum perfectiones. Ut igitur quæ sit
naturæ nostræ perfectio, & quomodo cō-
paretur, inueniamus (essentiā nāq; nostrā
in primis debemus agnoscere: quod qui-
dem & in Alcibiade propositum est. & in
tota doctrina Platonis est finis) quando
rerum consideramus essentias, perseru-
tandum est, utrum essentia rei sit ex earū
numero, quæ indiuiduæ sunt: vel earum
genere, quæ circa corpora diuiduntur: vel
earum, quæ in medio collocantur. Item,
utrum essentia sit æterna, an per omne tem-
pus

m 2 pus

pus existens, an in aliqua temporis parte fiat. Rursum, utrū sit simplex, & ante compositionē existens, aut cōposita quidē sit, sed insolubilibus vinculis sit composita: aut possit vicissim in ea, ex quibus componitur, quandoq; resolui. atqui si ita vnumquodq; consideremus, deinde poterimus ejus quoq; bonum, quale sit, facilius judicare. Cōstat enim essentiaē prorsus indiuisibilis, aeternū esse bonum, diuisibilis verò bonū quoq; in tempore, motuq; versari. mediae denique secundū substantiaē ipsius mēsuras perfectio quoq; perpenditur. ejusmodi nanque perfectio tempore quidē indiget, sed tempore primo, quod sanē in corporeos circuitus possit aptē metiri. Ignoramus quidē nos ipsos, quoniā obliuione genetica occupati sumus, atq; in rationaliū specierū vitæ perturbatione perculsi. existimamus autem interea cognoscere multa, quæ ignoramus, quoniā rerū rationes essentiaē nostræ innatas habemus. Tres sunt conuersionis species. quicquid enim cōuertitur, vel ad aliquid vertitur se deterius, dum à perfectione propria labitur: vel confurgit ad melius, propter propriaē vitæ vigorē, actionemq; naturalem: vel reflectitur ad seipsum propter cognitionem sibi cōsortem, mediāq; spec.

speciem mortis. Cōuersio quidem erga deterius, passio quādam est animæ alas abjicientis, & in obliuione jam positæ, sui ipsius simul atq; aliorum. Conuersio verò & ad se, & ad melius non solis cōpetit animabus, sed ipsi quoq; diuinis, quēadmodum Parmenides ipse nos docet. Plato significat in proœmio præter cætera animū veritatis studiosum cogitationes rebus cognoscendis consortes edere. Neq; mutabilium immutabilē, neq; necessariorū, stabiliumq; ambiguam, atq; nutantē. Sed quemadmodū Socratē in Rep. docuit, notitia quidem simplici, vniformi, intellectuali intellectualia omnia conjugatē cognoscere, notitia verò sciētifica, atque cogitativa, specierum euolutione, atq; compositione rationes rerum medias contēplari. Tercia rursus à veritate potentia sensuali per instrumenta cognobilia propria cōtingente sensibilia judicare imaginari tādē potentia imagines sensibiliū apprehendere. Iā verò Timæus cognitiones proportionē quādam ad cognoscenda distinguens, jubet nos entia quidē intelligentia, rationēq; judicare, opinione verò, sensuq; illa, quæ entia quidē nō sunt, sed sunt iugiter, atq; pereunt. atq; eorum, quæ verē sunt rationes ratas, & incōiunctas existere, res

verò in generatione fluentium imaginarias, atq; contingentes. vbiq; enim rationes sei monesq; imitantur illa, quæ explicant. Atqui Socrates in Cratylo ait circa res sempiternas, nomina naturâ rei magis attingere : circa verò mutabiles nomina quoq; sæpe mutari, & magis in positione versari. Aliorum vbiq; deorum aliæ proprietates existunt. nã aliæ quidē sunt opifices vniuersorū, atq; speciei entium. omnia usq; substantificæ : aliæ verò propagantes vitā, ac varios vitæ vigores generantes : alię autē rerū ordinē seruāt in cōmutabilē, connexionemq; custodiunt insolubilem. Aliæ deniq; aliā sortitæ potentiam, omnia sua quadā beneficentia seruant. Similiter & omnis amatorius ordo causa conuersionis est rebus omnibus ad diuinam pulchritudinem, atq; formā, reducens quidē sequētia ad illam omnia, eiq; coniungens, & conjuncta confirmans, atq; mox inde sequentia replens, diuiniq; luminis procedentes inde dotes per omnia radians. Hanc igitur ob causam in Symposio traditur, amorē magnū existere dæmonem, quippe quū amor primus omniū ejusmodi mediij vim in seipso demonstret, sitq; medius inter ipsum appetibile, atq; appetēs, & causa cōuersionis sequentiū in priora.

ra. vniuersa igitur amatoria cohors in vestibulo causæ pulchritudinis constituta ad illam omnia conuocat, mediumq; processum facit inter amabile, atque illa, quæ reuocantur amore. Quapropter totius dæmonici ordinis in se declarat exemplar, hanc in diuinis medietatem obtinens, quâ dæmones inter diuina tenēt, atq; mortalia. Quū igitur omnis amatoria cohors hāc inter deos proprietatem habeat, summitatē ejus quidem vnicam, & occultam excogitamus primæ & intelligibili pulchritudini copulatam, penes supremos deos: medium verò processum ejus penes supermundanos deos, intellectuali conditione fulgentem: tertium verò progressum ejus circa mundum multifariam distributum, multosq; ordines, atque vires ex se producentem, atque ejusmodi munera partibus mundi diuersis distribuentem. Post enim vnicum, primumq; amoris principium, atq; post tripartitam substantiam inde perfectam, varia jam turba refulget amorum, vnde chori angelorum implentur amore: turbæ quinetiam dæmonum hoc plenæ deo sectantur deos ad intelligibilem pulchritudinem reuocatos. Exercitus heroum vnā cum dæmonibus, & angelis circa pulchritudinem debacchantur.

Omnia deniq; suscitantur, reuiuiscunt, reuiuiscunt, incalescunt, circa pulchritudinis ipsius influxum. Iam verò animæ hominum inspiratione ejusmodi tactæ, & naturaliter cognatæ deo, circa pulchrū mouentur assidue, atque in generationis prouinciam delabuntur ad beneficium animis imperfectioribus exhibendum, & ad prouidendum iis, quæ salute indigere videntur. Dij quidem ipsi, deorumq; pedissequi, in habitu proprio permanentes, sequentibus benefaciunt, & ad se cōuertunt: hominum verò animæ deorsum lapsæ, generationemq; tāgentes beneficam deorū prouidentiam pro viribus præferunt. Quemadmodum igitur aliæ animæ secundum aliū cōstitutæ deum, syncerè prouinciis caducis præsunt, animabusq; hīc oberrantibus, atq; aliæ quidē imperfectioribus profunt per vaticinium, aliæ per expiationes, atq; sacrificia, aliæ per opem medendi diuinā: sic & animæ, quæ vitā amatoriam elegerūt. mouentur quidem à deo pulchrorum præside ad curā animorū ingeniosorum. à pulchritudine verò sensibus apparente ad diuinam pulchritudinem rediguntur, secumq; ipsis conuocant & amatos. animæ verò, quæ ob perversam educationem à superno munere decidunt, alioquin am-

mar

amatoriam naturæ naturam, simulacris pulchritudinis insidentes, propter veræ pulchritudinis ignorantiam, corporeas formas admirantur & amant, passionem propriam ignorantes. Sicut enim apud Plotinum defluxus mentis facit astutiam, atque sapientiæ portio lapsa creat sophisticam, sic munus amoris in peruersum incidens susceptaculum, vitam efficit intemperatam, atque tyrannicam.

Causa superior agit in opere prius, posteriusq; quàm inferior, & vnà cum illa, atque est presentior operi.

QUÆ perfectiora sunt vbique, & quæ rationem exemplaris habent, actiones prorsus imaginum comprehendunt, adeò vt deteriora nulli vsquam adsint, cui perfectiora quoque non multò prius aliquid ex se tradiderint. Quinetiam per omnes rerum ordines ipsum vnum alia comprehendit, atque ante illa, & post illa, & vnà cum illis agit.

Mali demones etiam in sacris occurrunt, & fallunt sub pretextu bonorum.

CONSPERTUM habemus in expiationibus, atq; sacris, vbique ex deterioribus aliquid induere perfectionis imaginem, per quam animas nondum perfectas alliciat ad seipsum, à superioribusq; diuertat.

m 5 Quem

Quemadmodum igitur in cōtemplatione
 physica impedimētum est vita sophistica
 procliuitasq; ad illam trahens infirmio-
 rem ab ipsa entiū cōtemplatione ad ima-
 ginationē caducis familiarem, sic in ama-
 toria eleuatione turba popularium ama-
 torum impedimentū est simulans amato-
 rem verū, & animā junioris à bonis cæle-
 stibus in terrena, & tenebrosa detorquēs:
 similiter in sanctissimis quibusque expia-
 tionibus, atq; sacris, antè quàm ipse deus
 adsit, palàm occurrunt dæmonum quo-
 rundam impetus terrenorū, aspectus noui
 quoq; eos, qui expiantur, perficiunturq;
 deturbantes, & à synceris bonis ad mate-
 riam deflecentes. Quamobrē dij iubent,
 ne prius in illos aspicias, quàm sacrorum
 potestate præstrinxeris oculos. sic enim
 aiunt diuina eloquia: Non expedit tibi il-
 los aspicere prius quàm corpus expiaue-
 ris, atq; sacraueris. quoniam illi mulcētes
 animas à sacrificiis vbique defleunt. Si-
 cut igitur in sacris, tum primū apparet
 diuinum, quando totum hoc dæmonium
 trahens animas in materiā expulerimus:
 sic & diuinus amator post repulsam popu-
 larium amatorum occurrit amato. Item,
 sicut bonus cuiusq; dæmon vnumquemq;
 custodit à pueritia, actionesq; omnes ejus
 explo

explorat, & verba, & ante parentes prouidet, & post parentes adest tanquam totius vitæ gubernator assiduus, atque post obitum dux est nobis ad iudices, eodem modo ad Alcibiadem se Socrates habet denique, sicut bonus dæmon nobis plurimum occultus adest clam nobis prouidēs, & silentio consulens, & ineffabiliter nos emendans, ita Socrates Alcibiadi.

Intellectus in nobis semper agit illuminando, neq; tamen semper animaduertimus.

Intellectus ipse quidem circa nos semper agit, semperq; præbet intelligentiæ lumen. atq; etiā prius quàm in conditionem labamur irrationalem. Et quando in passionibus vitam degimus, & passionibus quandoq; sedatis, non semper animaduertimus: sed quando à quamplurimo generationis tumultu purgati sumus, atq; tranquille viuimus (tunc enim intellectus nobis effulget) tunc quasi nobiscum loquitur, tunc suam nobis communicat vocem antea silentio præsens.

De bono damone, & de terrenis, materialibusq; demonibus. Item quomodo unusquisque nostrum consideretur dupliciter, scilicet & vt simpliciter anima, & vt anima vtiens corpore.

Socra

Socrates quidem ad Alcibiadem se habet, ut bonus dæmon: amatores cæteri, ut materiales, terreniq; dæmones, qui propellendi sunt, ut animus bono dæmoni sit magis expositus. Considerare potest dupliciter Alcibiadem, & ut simpliciter animam, & ut animam utentem corpore. Non enim idem est utrunque, quemadmodum nec ipse per se homo, & jam gubernator hominis, nec homo simpliciter, atque auriga. Omnino autem, quod est imparticipabile ab eo quod est participabile, differt. Atq; id, quod secundum seipsum existit, ab eo differt, quod cum alio quopiam simul jam censetur. Et deniq; quod exemplum est ab eo discrepat, quod coordinationē ad aliud est sortitum. Quoniam igitur Alcibiades dupliciter intelligitur, & ut simpliciter anima, & ut anima utens corpore, qua quidem ratione est simpliciter anima quædam, Socrates ad eum mētis vicem gerit, qua verò ratione est anima utēs corpore, Socrates boni dæmonis partes agit. Atque idem ipse & dæmon est, ut ad hominem, & intellectus ad animam. Iam verò & quando medietatem dæmonicam reputamus, inter deos eā & homines collocamus. Quando verò intellectum, in summo quidem animam ex ipso suspendimus,

dimus, & corpus ex anima. habes profecto diuisionem alteram in Symposio, ubi traditur dæmonum inter deos hominesq; existere medium. habes alteram in Timæo dicente, animum inter intellectum atque corpus medium obtinere. Idem igitur est & intellectus, & dæmon ad animam quidem intellectus, ad animam verò humanam dæmon esse censetur.

Quomodo amor deus nec primus est, nec ultimus: & quomodo in diuinis est bonum, sapiens, pulchrum: item, fides, veritas, amor.

A Morem domini neque in primis entium, neque in ultimis collocare debemus. Non in primis, quoniam ipsum amabile superius est amore. non in ultimis, quoniam amans particeps est amoris. Oportet igitur amorem inter amabile, amantemq; constituere, & ipso quidē pulchro posteriorē, cæteris verò, quæcunq; amant, priorem asseuerare. Vbinam igitur exitit ab initio? Quo pacto per vniuersa procedit, & quibuscum prodiit vnitatibus?

Quæ igitur tres sint in diis intelligibilibus, occultisq; substantiæ, & prima quidem ob signata sit bono, ipsum videlicet bonum ex se intelligens, ubi, sicut sacra eloquia tradunt, vnitatis est paterna: secunda verò per sapiens designetur, ubi prima
viget.

viget intelligentia: tertia per pulchrum definitur, ubi intelligibile est pulcherrimum, ut Timæus ait. nimirum & tres secundum has intelligibiles causas unitates existunt, secundum causam quidē uniformiter in intelligibilibus consistens, effulgentes verò primum in ipso ineffabili deorū ordine, scilicet fides, veritas, amor. Fides quidem omnia firmat in bono: Veritas autem omnem in entibus cognitionem explicat: Amor deniq; conuertit omnia, congregatq; in ipsius pulchri naturam. ejusmodi sanè trinitas hinc per omnes deorū progreditur ordines, omnibusq; ad ipsum intelligibile irradiat unionem. Aliter autem per alios ordines se declarat, vires ubiq; suas deorum proprietatibus complicans. Alibi quidem est ineffabiliter, incogniteq; & vnicè: alibi continentiae connexionisq; ratione: alibi tanquam perficiens, atq; formans. hinc rursus intellectualiter atq; paternè, ibi motiue, viuificeq; prorsus & effectiue: illic tanquam imperans, & assimilans. ibi absolute penitus atq; sincere, illic multiplicatè jam atque diuisim. Amor ergo supernè ab intelligibilibus vsq; ad mundana, descendit ad diuinam pulchritudinem omnia conuocans. Procedit & per omnia veritas,

tas, illustrans cognitionibus omnia. procedit fides per vniuersum in bono singularum omnia sistens. hinc diuina eloquia, omnia tradunt tribus his gubernari, in eisq; consistere. Quamobrem diis sacrificantes iubent deo per trinitatem eiusmodi se conjungere. Ipsa quidem intelligibilia propter inestimabilem vnitatem medio non indigent amatorio. Vbi verò & vnitas entium est, atque discretorum discretio, ibi extat & amor. colligator enim est, & conciliator eorum, quæ sunt post ipsum, & quæ super ipsum. Conuersor sequentium in priora, imperfectorum reductor, atque perfector.

Providentia percurrit per singula vsq; ad minutima, & interim nullis addicta.

QVi diligentiores sunt in rerum rationibus assignandis, duo hæc elementa potissima diuinæ, dæmonicæq; providentiæ tradunt. Primum per omnia de super providentiam ad vltimū vsq; procedere, ac ne minimum quidē sui expers alicubi prætermittere. Secundū nihil omnino eam ex gubernatis accipere, nec eorum natura repleti, nec eis alicubi commisceri. Non enim ex eo, quod omnia seruet, atq; disponat, admiscetur, propterea guber

gubernatis. nam diuinum, atq; dæmonum naturam habet passionibus animarū particularium nō subiectā. Neq; tamen, dum separatim sequentia supereminet, propter ea ex deterioribus aliquid inordinatum, incultumq; relinquit. Imò verò ob hanc ipsam causam omnia decenter exornat, atq; à dispensatis absoluitur. Est enim benefica pariter, atq; sincera, exornatrix omnium, atq; ab excultis interim expedita, per omnia currens. præsertim quia cohibita nusquā. Viri quinetiam diuini inferioribus diligentissimè prouident simulatq; tranquillè. Quid ergo de diis ipsis, bonisque dæmonibus est dicendum? Nōne præsentibus omnibus liberi sunt ab omnibus? Implētes seipsis omnia nullis alicubi permiscuntur? discurrentes per vniuersum, nusquam vitam propriam addixerunt. Nōne confitebimur deos suas proles amare? Quemadmodum poëtæ fingunt, Iouem amare puellam, ipsamq; Venerem. Nempe quoniam amor ejusmodi prouisor est, & seruator, perfectorq;, & contemptor rerum diuinitus amatarum. Interea & beneficus, & sincerus, immixtusq; habitudine nulla ad res affectus externas. Dicamabo, vndenam diuinis interdum hominum animabus amatorium ejusmodi priuilegium

priuilegium obtigisset, nisi prius diis ipsis
 inesset? Quicquid enim bonū, & salutare
 cōpetit animabus, causam à diis definitā
 habet. Quamobrem & virtutū omnium,
 corporaliumq; bonorum, velut sanitatis,
 roboris, iustitiæ, temperantię, exemplariā
 Plato probat præcedere penes deū. Quan-
 rò itaq; magis amatorij muneris causam
 principalē apud deos esse fatebimur, quip-
 pe quā amatorius hic affectus (vt Socra-
 tes in Phædro ait) diuino quodam munere
 sit tributus? Dij igitur deos amant: an-
 tiquiores quidem minores, sed prouidentię
 munere, minorē vicissim maiores diligūt
 quodam, videlicet, conuersionis officio.
 Perficere quidē deteriora, & inferioribus
 prouidere, animabus quoq;, qua ratione
 sunt animæ, cōpetit. nam & ob hoc ipsum
 descendunt, propter rerum generabilium
 prouidentiam, curamq; mortalium. Ita ve-
 rò prouidere, vt prouider gubernatis, nec
 misceatur, nec velut addictus afficiatur,
 nec inde recipiat quicquam, deorum pro-
 prium est, dæmonumq; bonorum: & quo-
 ties cōtingit animabus humanis, diuina,
 vel dæmonica largitate contingit. Solent
 sacerdotes in sanctissimis sacrificiis, vel
 per verba, vel per ea quæ oculis ostendun-
 tur, in admirationē, stuporemq; præsentem

n. adhuc

adducere stupor enim deo animam exponere consuevit. Socrates nunquam amatoriam vitam usque adeo rectam peregrisset, nisi afflatu quodam dæmonis elegisset eam, & tenuisset electam.

- *Amor est medius inter amabile, & amantem: est magnus demon omnia ligans, & quæcunq; appetunt, ipse medius primo copulat appetibili.*

SAcra igitur eloquia hunc amorem domini indicunt omnia colligantem, omnibus insidentem. hic sanè, si connectit omnia, copulat & nos dæmonum præfecturis. Hunc Diotima magnum dæmonem appellauit, quoniam medium implet ubique inter illa, quæ appetunt, & quæ appetuntur. Ipsum quidem, quod est amandum, gradum sibi vendicat primum. amans autem gradum tertium ab amato. Amor denique usurpat inter utrumque medium congregans atque colligans inuicem appetens, atq; appetendum, & implens meliore deterius. Iam verò apud intelligibiles deos, atque reconditos, primæ, secretæq; pulchritudini, intelligibilem intellectum vnit per vitam quandam intelligentia meliorem. Itaq; Græcorum ipse theologus cæcum illum appellat amorem. In illis autem, quæ extra intelligibilia sunt, nondum.

nondum illustrat indissolubilem, cunctis ab ipso perfectis. vinculū enim vnio quædam est, sed vnā cum discretione per multa. Quapropter eloquia sacra huius amoris ignem appellare copulatorem solent: ab intelligibili nanq; intellectu procedēs sequentia cuncta inuicem, illiq; deuincit. Conciliat igitur intelligibili quidem pulchritudini deos omnes, diis verò dæmones, nos autem dæmonibus, diisq; coniungit. In diis quidem subsistit primò, in dæmonibus verò secundò, in animabus autem particularibus per processum quendam tertium à principis existentem. In diis rursum super essentiam: omne nanq; deorum genus est ejusmodi. In dæmonibus autem per essentiam. in animabus deniq; per illustrationis effectum. Atqui videtur hic trinus ordo, trinæ intellectus potentie similis. Etenim intellectus alius quidem imparticipabilis extat ab omnibus particularibus generibus absolutus. Alius verò participatus, cujus & deorum animæ tanquam melioris participes sunt. Alius autem ab hoc infunditur animabus, qui sanè est ipsarum perfectio animarum. Hæc autem tria de intellectu Timæus ipse significat. Intellectu igitur imparticipabili amorem diis infusum

congruum intelligito. absolutus nanque est & ille ab omnibus, quę suscipiūt eum, & illuminantur ab ipso. Intellectui verò participato amorem dæmonicum comparato. Essentialis enim est & ipse, seq; ipso perfectus tanquam præparticipatus intellectus, & proximè insidens animabus, intellectui deniq; secundum habitum accepto. Tertium amorē illustratione animabus infusum reddere debes. Nec injuria vniuersæ intellectuali differentię conjugatum cōsideramus amorem: intellectu enim intelligibili primam habet, occultamq; substantiam. Si enim prodiit inde, & ibi per causam est fundatus: atqui mihi videtur & Plato hunc deū apud Orpheum inuenisse, eundem & amorē, & magnum dæmonem illic appellatum, atq; ipse hoc hymno videtur fuisse contentus. Merito igitur Diotima magnum Dæmonem appellat amorem. Et Socrates, vbi de amore disputat, disputat etiam de dæmonibus.

Primò de demonibus communiter: secundo de demonibus familiaribus: tertio de demone Socratis.

Dicendum est deinceps primò quidem communiter de dæmonibus: deinde de illis, qui nos sortiti gubernant: tertio de dæmone Socratis. Dæmones igitur à
prima

prima viuifica idea sortiti substantiam, atque inde velut ex fonte fluentes, essentiam nacti sunt animalem, & hanc quidem magis intellectualem, illi, qui maiorem habent, perfectioremq; substantiam; minus verò intellectualem, potiusq; rationalem, qui media possident. Tertij verò, & dæmonici ordinis postrema tenentes, variam, magisq; rationalem habent, materialemq; naturam. Ejusmodi igitur substantia constituti ad diuisionem deorum pariter diuiduntur, vtpote qui ad deos ministrorum vice funguntur. Aliter enim respondent, seruiuntq; diis penitus absolutis, ante mundum cuncta exordientibus, atque ducentibus: aliter verò mundanis, qui mundi partibus proximè præsunt, qui & secundum duodecim deos supercælestes distribuuntur. Hi autem secundum omnes mundanorum deorum proprietates distributi sunt. omnis enim mundanus deus ordini alicui dæmonum imperat, cui propinquo suam impartit potentiam. Deus nanque opifex vim largitur opificem. deus inconuertibilis incontaminabilem exhibet facultatem: perfectior autem similiter perfectioriam: atqui circa vnumquenque deum innumerabilis est dæmonum multitudo, eademq; cum

diis ducibus cognomenta reportat. gratulantur sanè quando Apollines, Mercurij, Ioues nominantur, quippe quum propriorum deorum proprietatē in seipsis exprimant. Proinde mortalia per hos dæmones diuinos nanciscuntur influxus : atque ita plantæ, & animalia fabricantur: hæc quidem horum, illa verò illorum deorū imagines præferentia. His quidem è proximo dæmones ducum suorum muhera largiuntur, eminentius verò dij desuper demonibus præsidentes, quamobrem postrema primis in passione cōsentiunt. Primorum enim notæ sunt, in postremis: & postremorum in primis causæ comprehenduntur. Media sanè dæmonum genera implent omnia, simulq; connectunt, communionemq; ipsi omnium continent, dum deorum quidem participes sunt, à caducis autem participati. Siquis itaq; dixerit deum vniuersi fabrum, contra totius ordinis in dæmonibus firmāuisse, à veritate nō aberrabit. Quandoquidem & Diotima hunc eis attribuit ordinem, connectentem videlicet diuina simulatque mortalia, deriuantem liquores supernè fluentes, in deos sequentia omnia referentem, denique vniuersa complentem secundum medietatis ipsius connexionem.

Confu

Confutat opiniones duas, primam dicentem non esse alios demonas præter animas nostras à corpore solidiore solutas, secundâ Ameliy putantis demonas esse deos aliquos aberrantes.

NON igitur admittemus eos, qui dæmones aiunt esse nostras animas, hac vita jam functas, in aliamq; trāslatas. Non enim decet dæmonem per habitudinem quandam consideratum in idem conferre, atq; ipsum essentia dæmonem, neq; medietatem mundanorum omniū sempiternam ex vita quadam constituere multifariam permutante seipsam. Stat enim semper eodem pacto custodia ipsa dæmonica continuans vniuersa. Anima verò non ita suum retinet ordinem, vt ait Socrates in Republica: aliis nanq; temporibus vitas alias eligit. Nec illos iterum comprobabimus, qui deorum aliquos esse demonas arbitrantur, ceu erraticos deos, vt putat Amelius. Sed Platonē ipsum sectabimur, deos quidem dicētem dominos vniuersi, greges verò diis dæmonum subigentem: & vbiq; rationem Diotimæ comprobabimus, medium dæmonibus ordinem inter deos, mortalesq; tribuentem.

De demonibus familiaribus. Item numerat quinque genera demonum, diuersaq; eorum officia.

QUum igitur dæmones in medio sint, ut diximus, cōstituti, primi quidem, atque summi inter eos diuini sunt dæmones, dii q; frequenter apparent ob excellentem ad deos similitudinem. Nempe in vnoquoq; ordine primum, superioris ordinis formam præfert. Etenim intellectus ex se tanquam deus occurrit, & animarum antiquissima intellectualis existit, ideoq; dæmonum quoq; supremum genus, vtpote diis proximum, vniforme est, atq; diuinum. Secundi verò post hos sunt dæmones intellectuali proprietate jam præditi, ascensionibusq; , & descensionibus præidentes, atq; omnino decorum effectiōnem declarantes omnibus, atq; tradētes. Tertij verò sunt dæmones, qui animarum diuinarum effectiōnes distribuūt in sequentia, complentq; vinculum suscipientium, inde defluxus ad illas. Quarti vniuersalium naturarum vires efficaces in generabilia transmittunt, particularibusq; naturis inspirant vitam, ordinemq; & rationes, & vniuersam mortalium effecturam. Quinti corporei quodammodo sunt, corporumque extrema deuinciunt. Quo enim pacto corpora sempiterna cōuenient cum caducis? quo modò efficiētia cum effectibus, nisi ejusmodi medio collig

colligante? Natura enim ejusmodi media bonis corporeis dominatur, omnibusq; copiis naturalibus prouidet. Plerique verò ex eorum numero versantur circa materiam, viresq; à cælesti materia desuper in materiam descendentes continent, atq; contextunt, eamq; subinde custodiunt, & varietatem, picturamq; formarum in hac ipsa conseruant.

Officia demonum quinque: demones primi animas dñs proprijs copulant.

QUū igitur multi, multiformesq; sint, vt ait Diotima, dæmones, summi quidem animas procedentes à patre diis earum ducibus copulant. Nam vnusquisque deus ducit primò quidem dæmones, deinde verò particulares animas. Sicut enim Timæus ait, deus horum opifex, alias quidem animas in Solem, alias autem in Lunam, alias in deos alios seminauit. hi utique dij sunt dæmones, qui secundum essentiam sortiti sunt animas, propriisq; eas ducibus copulant: atqui vnaquæq; anima, etsi circa suum deum se reuoluit, indiget ejusmodi dæmonis beneficio. Secundi verò dæmones ascensus animarum, descensusq; dispensant, atque ab his electiones animis sunt permultis. Nempe perfectissimæ animarum, quæ sine generabilium

n s

commer

commercio in generatione vitam agunt, quemadmodum proprio deo vitam consentaneam elegerunt, sic & secundum dæmonem diuinum viuunt, qui & manentes quondam apud superos eas deo proprio coaptauerat. Quamobrem Ægyptius Plotinum est admiratus, tanquam diuino quodam dæmone gubernatum. Itaque circa animas, quæ ita hîc vitam agunt, tanquam mox ad sublimia redituræ, dæmon idem hic est, atque supernè. Circa verò minus perfectas, alius quidem est ipse secundum essentiam dæmon, alius autem, qui vitam nuper editam comitatur.

Tribus modis dicitur dæmon, aut essentia, aut comparatione, aut habitudine quadam.

SI hæc rectè posita sunt, nemo jam admitteret animam nostrâ rationalem dæmonem esse dicentes. dæmon enim aliud est, quàm homo, vt Diotima tradit, dæmonas inter deos, hominésque disponens. Quod & hîc Socrates ipse significat, vbi contra causam humanam causam dæmonicam diuidit, dicens, Non humana quidem causa, sed dæmonicum obstaculum me detinuit. homo autem est anima vtens corpore: non igitur dæmon idem, atque anima

anima rationalis est putandus. Iam verò
 & hoc manifestum est, vbi Plato in Ti-
 mæo dæmonem ait, animalis in nobis ra-
 tionem constitutam esse. Veruntamen hoc
 vsque ad comparationem quandam nobis
 est admittendū. Alius enim est ipsa essen-
 tia dæmon, alius comparatione dæmon,
 alius habitu, vel habitudine dæmon. Vbiq;
 enim, quod proximè præest in quodam
 dæmonis ordine ad inferius sese habens
 appellare dæmonem consueuerunt, quo
 vsu Iupiter apud Orpheum, Saturnum pa-
 trem dæmonem appellauit: & ipse Plato
 in Timæo dæmonas nuncupauit deos il-
 los, qui generationem è propinquo dispo-
 nunt, vbi ait: De aliis verò dæmonibus
 tractare, eorumq; generationē in lucem
 edere, majus est, quàm ferre humanū pos-
 sit ingenium. comparatione utiq; dæmon
 est ejusmodi, qui videlicet proximè vni-
 cuiq; prouidet, etiam si deus sit, ac etiam
 si deo sit inferior. Habitudine verò qua-
 dam dæmon dicitur animus, qui simili-
 tudine quapiam ad genus dæmonicū mi-
 rabiliore, quàm secundum hominē actio-
 nes edit, totamq; vitam suam suspendit ex
 dæmone. Hac arbitror ratione Socratem
 in republica, dæmonas animos appellas-
 se, qui vitam bene transegerint, & in me-
 liorem

liorem translati sint sortem, locaq; augustiora jam colant. Ipse denique secundum essentiam dæmon, neq; propter habitudinem ad sequentia, neq; ob aliquā ad aliud similitudinem appellatus est dæmon, sed hanc per seipsum proprietatē est sortitus, atq; in existentia quadam, viribusq; propriis, modisq; differentibus actionum est distinctus. omnino verò anima quidē rationalis in Timæo dæmon animalis est appellata. Nos autem ipsum hominis dæmonem perscrutamur, non dæmonē animalis, atq; eum, qui rationalē dirigat animam, non instrumentum duntaxat illius. eum rursus qui tandē animali solutos anima, perducatur ad iudices. Quemadmodum Socrates asserit in Phædone, quando animal quidem non est amplius, dæmon autem vnumquēq; ducit ad iudicem: dæmon inquam ipse, qui sortitus fuerat & viuentem. Si enim eum ipsum viuentem nactus est dæmon, quem & post obitum iudicio sistit, nimirum hominem videlicet, non animal solum nactus erat. quinetiam desuper exordiens, atq; imperans, constitutionem nostram gubernat totam.

*Contra dicentes dæmonem esse vel partem
animæ operantem, vel partem ei præ-
positam.*

Sed

Sed neq; etiam probandi sunt, si qui anima rationali dimissa, dæmonē esse dicant ipsum, quod operatur in anima, ceu in viuentibus quidē secundum rationem esse dæmonem rationē, sed ira viuentibus irascibile: cupiditate, concupiscibile. Neq; rursū audiendi, si qui dixerint dæmonē esse, quod in ipsa vita nostra ei, quod operatur, proximē præsudet, ceu iracundis rationem, libidinosis iracundiæ potestatem. Principio dicere dæmonas esse partes animę hominum, est humanam vitam nimiū admirantium, neq; probantium Socratē in Rep. post deos, & dæmonas disponentem genus heroicū, & humanū, increpantemq; poetas, quod heroas nihilo meliores hominibus introducant, sed passionibus similibus mancipatos. Socrates igitur talia increpans, procul admodum ab hac erit opinione, vt dæmonas, qui heroibus præstantiores sunt, inter animæ partes, viresq; constituat. Ex his nanq; sequitur ipsa per essentiam meliora intus accipi ad deteriora complenda. Præterea vitarum mutationes varias, dæmonum mutationē adducunt. Auarus nanq; in ambitiosam vitam sæpe mutatur, ambitiosus in habitum rectæ opinione viuentem. hic in habitum scientia præditum. Dæmon igitur aliās
 simil

similiter alius erit. Nam pars ipsa agens in anima aliàs existit alia. Si igitur vel hæc ipsa pars operans, vel pars huic proximo præsidens dæmon fuerit, nimirum vnà cū humanæ vitæ mutationibus, dæmones pariter mutabūtur, atq; in eadem vita plures idem animus dæmones nanciscetur, quod fieri nullo modo potest. Nunquam enim anima in eodem vitæ curriculo mutat dæmonis præfecturam, sed idem dæmon est ex ipsa genitura vsque ad iudicis vitæ præsentiam nos gubernans, quemadmodum Socrates asserit in Phædone.

Dæmon nō est particularis intellectus, sed substantia differens ab intellectu, posita in latitudine animarum.

Proinde qui intellectum particularem idem esse putant, atq; dæmonem nos sortitū, nō rectè mihi videtur intellectualem proprietatē cum substantia dæmonica cōfundere. Omnes enim dæmones in animarū latitudine cōtinentur, animisq; diuinis posteriores existunt. Intellectualis autem ordo aliud quiddam est quàm anima. neq; eandem essentiam vel potētiam, vel actionem eādem nacta sunt. Præterea intellectu quidē animæ perfruūtur, tunc demum, quando ad ipsum conuersæ fuerint, lumenq; inde susceperint, suamq; illi
con.

conjunxerint actionē. dæmonis autē præfectura potiuntur per omnē vitā, totumq; victū, atq; per omnia, quæ vel à fato proficiuntur, vel prouidentia. ipse nanq; dæmon est, qui omnē vitā nostram regit, electionesq; nostras ante generationē factas implet, donaq; fatalia, & munera ducum fati deorū, quineriā illustrationes à prouidentia suggerit, atq; dimetitur. Iam verò nos tanquā animę quædā à solo intellectu pēdemus, vt autē animæ vtētes. corpore, egemus & dæmone. Quamobrē Plato intellectū quidē gubernatorem animæ nuncupauit in Phædro, dæmonem verò passim hominum speculatorem, atq; curatorem. atqui nemo rectē considerans, aliā quandam vnā, & nobis proximam prouidentiam inueniet, ad nostra omnia pertinentem, præter dæmonicam prouidentiam, atq; curam. Intellectus enim ab anima rationali participatur (vt diximus,) à corpore verò nequaquam: natura participatur à corpore, ab intelligentia minimē. Anima rationalis iracundiæ quidem, & concupiscentiæ dominatur: in rebus verò fortuitis non habet imperiū. Dæmon verò solus omnia mouet, cuncta gubernat, nostra omnia excolit, atq; disponit: enimuerò rationē perficit, perturbationes temperat.

perat, naturam inspirat, corpus continet, fortuita subministrat, fatalia cōplet, providentiæ dona largitur. Vnusq; hic existit vniuersorū, quę in nobis, & circa nos sunt, rector totius vitæ gubernacula tenens.

Tria de dæmone Socratis, primum, quòd est etiam deus: secundum, quòd per vocem apparet: tertium, quòd reuocat, nō prouocat.

DE Socratis dæmone consideranda nobis sunt tria. Primum, quòd appellatur & deus, vt hīc, & in Apologia patet. Secundum, quòd per vocem dabat Socrati signum, quod in Theage apparet, & Phædro. Tertium, quòd reuocabat Socratem, non prouocabat, quod testatur Apologia. Principio animarum diuinarum, quæ intellectualem vitam elegerunt, dæmones sunt diuini in dæmonum quidem genere summi, deorum verò participes ante omnes. Sicut enim in diis est dæmon, sic & in dæmonibus est & Deus. sed ibi quidem substantia est diuina, proportio verò dæmonica. In dæmonibus autē proprietates quidem dæmonica, proportio verò diuinam declarat essentiā. Adcō enim cæteros dæmones antecellunt, vt dij frequenter appareant. Meritō itaque Socra-

tes dæmonem suum appellat, & deum, tanquam ex dæmonum ordine summum. Quapropter perfectus Socrates erat, tali videlicet dæmone gubernatus, & ad ejusmodi sui dæmonis normam sese dirigens. proinde quantum ad illam dæmonis vocem spectat, attende. Socrates sanè primò quidem per intelligentiam, scientiamq; rerum separatarum inspiratione dæmonis fruebatur ad diuinum amorem assidue reuocante. Secundò verò & in vitæ negotiis dirigebat prouidentiam suam erga de-
 teriores, atque secundùm ipsam dæmonis actionem non intelligentia, siue cogitatione tantùm, neq; solis viribus opinantibus, lumen accepit inde procedēs, sed ipso quoque spiritu, dum per totam ejus vitam inspiratio illa dæmonica repentè procederet, ipsumq; sensum jam moueret. Constat enim eadem actione nobis desuper iorminente, aliter quidem rationem, aliter imaginationem, aliter verò sensum, dato munere perfrui, & vnumquodq; eorum, quæ nobis insunt propria quadā conditione à dæmone moueri, atque pati: non extrinsecus igitur passiuè vox in Socratem incidebat, sed ex intimis inspiratio per animam totam procedens, & vsq; ad sensuum instrumenta progrediens. Postremo

mò vox euadebat, in notitiam videlicet veniens, non tam sensu quopiam, quàm consensu. Tales enim à bonis dæmonibus, atque diis illustrationes contingere solent.

Dæmones alij sub alijs dijs ordinati diuersa inter se habent officia.

QUod autem de Socratis dæmone dictum est, reuocare videlicet; non prouocare, non omnibus dæmonibus nostris est commune. beneficū ergo Socratis ingenium, & charitate erga homines communiter plenū, & vltro ad beneficia promptum, dæmonica exhortatione non indigebat: dehortabatur tamen eum dæmon, quoties vel importunè, vel ineptos ad disciplinam suā aggredideretur, fræno videlicet potius quàm calcaribus indigentem. Præterea dæmonū alij purgatoriam, & incontaminabilem possident potestatem, alij verò genitricem, alij perfectoriam, alij opificem, atq; omnino secundum deorum proprietates, viresq;, sub quibus ordinati sunt, diuiduntur. Iam verò secundum eorum substantiam singuli clientibus suis ad beatam vitam patrocinantur, alij quidem ad deteriorū curam nos mouentes, alij verò ab actionibus retrahentes externis. Videtur itaque Socratis dæmon

mon proprietatē huiusmodi nactus, purgatoriam inquam & incōtaminabilis vitæ causam, at sub hanc Apollinis potentiam ordinatus præsentē vniuersæ purgationi, virtute scilicet vniiformi. hac ergo virtute dæmon à commercio vulgari nimio segregat, colligitq; ipsum ad animi penetralia, & actionem à deterioribus segregatam. Nempe sicut apud Orpheum Apollo præest Baccho, reuocans eum à processu in titanicam multitudinem, sic & Socratem ejus dæmon, qui pedissequus est Apollinis. Intellectus enim noster est numinis Apollinei proles.

Substantias numinum & animorum cognoscere, est intellectus perfectè purgatus: communiter verò per actiones eorum cognoscimus potentias, per has auguramur essentias.

INter hæc Alcibiadi Socrates pollicetur dæmonis non substantiam, sed potentiam notam fore. Ait enim diuinus Iamblichus, substantias quidem dæmonum, & communiter omnium nobis superiorum, contemplari nobis difficillimum esse, nisi intellectum habuerimus perfectè purgatum. quandoquidē & ani-

ma essentiam non vnicuique facile. Solus ergo Timæus omnem ejus essentiam declaravit. Qualis enim est omnino, diuina, longaq; expositione indiget, qua declaretur, ut Socrates ait in Phædro. potentias autem numinum facile est explicare: nam ab actionibus, quarum proximæ matres sunt ipsæ vires, eas ipsas potentias persentimus. Media namq; inter actionem, & essentiam potentia est, producta quidem ab essentia, actionē verò producens. Præterea ipsa potentia maximā cum dæmonibus familiaritatem habet. Vbiq; enim potentia dæmonis instar medium obtinet: & in rebus quidem intelligibilibus patrem, intellectumq; conjungit. Potentia enim est simul cum patre, intellectus autem existit à patre. In rebus autem intellectualibus cum essentiis copulat actiones: actio namq; est potentiæ proles, essentia verò potentias ex se parit. Numina igitur inter nos, deosq; media propriè per nomen potentiæ designantur, vbiq; medium possidentis. Vera enim essentia verumq; esse penes deos existit. Potentia verò diis rite ministrans in dæmonibus habet locum. Actio deniq; & effectio per eorum potentiam progressa foras, versatur in nobis.

Cogn.

*Cognitio futurorum contingentium, est apud
superos certa atque necessaria.*

Dluinus Iamblichus, atq; dux ille no-
ster ita quærent atq; soluunt. Quo-
modo non est absurdum, ex natura rerum
cognoscendarum differentias cognitionū
determinare, atq; non contrā, scilicet co-
gnitionum, siue cognoscentium differen-
tiis cognoscenda diuidere? Ita vt quod
per essentiam æternum est, atq; diuinum,
æternè, atque diuinè cuncta cognoscat:
quod humanum est, cognoscat humanè:
quod sanè indiuiduum est, nimirum & in-
diuiduè: vel quæ diuidua sunt, anticipet:
quod æternum, super tēpus etiā tēporalia:
quod rationale, irrationalia quoq; ratio-
naliter. Ex his itaq; patet deos, atq; dæmo-
nas cognoscere indefinita definitè, insta-
bilia stabiliter, atq; finiter. nōne vide-
mus, multa, inferioribus nostris inco-
gnita, nobis interim esse nota? Irrationalia
enim vniuersalis ipsius naturā appren-
dere nequeunt. Nos autem colligere pos-
sumus: Quidnam igitur vltius admira-
mur, quæ nos ambigua, & fallaci cog-
nitione conijcimus, hæc superos firmiter cō-
prehendere? Non enim nostra debilitas
est illorum potentix iudex: quemadmo-
dum neq; irrationale nobis inferius, ha-

bet rationis nostræ iudicium, quamuis irrationali, quod est in nobis, vel extra nos, nostram intelligentiam moueat.

Cur non absurdum sit conjecturalem quidem futuri præfensionem alicubi reperiri, stabile verò, determinatamq; , & indubiã, inueniri nusquam? Ipsa nanque natura rerum non potest ab imperfectis, ab impuris, à rebus cū contrario mistis exordia ducere. si autem futuri coniectio est ignorantiz particeps, neq; cōstat, vbinam ipsa est per se futuri notitia? Vbi purum ipsum, à quo quidem & quod posterius est, & illius cupidum, substantiam est sortitum, nisi apud superos?

Superi nobis bene consulunt, etsi prævideant nos non optemperaturos eis.

A Pollo Pythius Laio respondit consulens ne filium generaret, alioquin dæmonum violentiæ subditum. Prævidebat tamen interea Laium oraculo nō obtemperaturum. sed Phœbus tanquam bonus proposuit ei vitæ melioris electionē. Et Laius sanè illi quidem nō credidit, sed propter propriam ignorantiam futuris est periculis circumuentus. Omnes quidem probi viri actiones ad ipsa sui intima vergunt. Itaque si beneficè, atq; diuinè fuerit operatus, finē jam suum habet in actione
vide

videlicet propria constitutum, etiam si extra nihil fuerit inde perfectum similiter, & circa nos sæpe dæmones operantur. Proinde diuina frequenter inferioribus videntur occurrere, atq; præcurrere, interim è suis sedibus non discedentia, sed dum in seipsis permanēt propter aptitudinem suscipientis, videntur accedere. Nam & in deorum inuocationibus, & occurribus sponte factis accedere ad nos quodammodo videtur ipsa diuinitas, nobis videlicet profectis ad ipsam. Mos Pythagoreis erat per signa in corpore constituta venientes ad eos iudicare, utrū ad meliorem vitam apti forent, necne. Natura enim ipsa, quæ animis confingit corpora, instrumenta eis congrua subministrat, imaginesq; animarum in corporib⁹ indicat, per quas & animarum ingenia in hac arte periti deprehendere possunt.

Regula dialectica de propositionibus necessarijs, atq; contingentibus.

Periti in dialecticis dicere solent, etiam si quis decies mille propositionibus necessarijs vsus fuerit, vnicam verò interseruerit contingentem, conclusionem omnino deteriori similem euasuram: similiter si ipsum, quod à nobis cognoscendum est, habeat penes se aliquid materialis, in-

stabil

stabilisq; naturæ commistum, proculdubio efficit, ut nostra de hoc ipso cognitio indefinita sit, & ambigua. Cognitiones enim instabilium rerum non sunt à redargutione securæ, sed per assimilationem quandam vix talia comprehenduntur. Talis autem est & naturalis virtus, quia ubique, quod imperfectum est, tãquam materiæ cognatum, facillimè permutatur. Ipsa per se sufficientia primum est penes deos. boni nanq; sunt dij, atq; super essentiales bonitates quædam, & entium omnium plenitudines, per quos, & cæteris omnibus sufficientia competit intellectibus animis diuinis, dæmonibus nobis, & alia quidem participatione quadam sufficientia sunt, dij autem ipsa substantia. Quamobrem communis, immutabilisq; sententiæ beatitudinem designat sufficientia. quibus enim competit habere se bene, eisdem sufficienter habere se conuenit.

Anima rationalis à primo opifice mundi irrationali. à dijs iuuenibus.

Ideo illa est hac nobilior.

Animam in nobis rationalem, animam irrationali nobiliorem esse dicimus, quoniam illam quidē primus mundi opifex procreauit, hanc autem dij iuuenes produ-

produxerūt. hujus sanè generositatis, ipsa familiarum nobilitas est imago, quæ tamen ignobilitatem habet admistam, vicissimq; mutatur: stabilis autem, & sempiterna generositas animarum à diis ducitur, circa quos olim satæ dicuntur, atq; à diuinis potentiis, sub quibus ordinate fuerunt. nobiliores enim animæ sunt, quæ sublimiorū deorū pedisse quæ sunt, atque à majoribus potentiis dependentes secundum distributionem in vniuerso dispositam. Idem quoq; de ciuitatibus assero. Desuper enim secundum sortes differentia ad animas vsq; descendit. Atq; dicimus deos quidem alios esse igneos, alios cælestes, alios ætherios, alios postremò terrenos. Rursum animarum, alias esse ex sphaera solari, alias mercuriali, alias verò lunari. Atq; est ejusmodi secundum loca distributio animarum talis, vt ea re vera gloriari quis possit. Non autem nobilitas secundum terrenos genitores, & vrbes.

Perfectiores anime, sublimioribus dñs demonibus, quæ circa illos accommodata fuerunt, atque vicissim.

Socrates inter hæc designat differentiam bonorum demonum nobis secundum essentiam præsidentium, atq; potentias, quas sortiti sunt in mundo. Item

animarum perfectiores quidem potentioribus subjectas esse dæmonibus, ab eisq; seruari, atq; vt expedit, vbiq; dirigi: imperfectiores autem inferioribus subesse dæmonib⁹. sicut enim circa deos animæ prodignitate sunt satæ, sic etiam sub dæmonibus rite sunt ordinatæ: & quemadmodum deos duces, sic & dæmonas curatores pater ille, faberq; mundi traditur animis præfecisse. Quapropter Socrates curatorem sui appellat præfectum sibi dæmonem, atque deum, manifestè asserens Alcibiadi hunc duntaxat esse verum hominis curatorem, qui sit & beatitudinis auctor propter ejus mirabilem potestatem, quod sanè nullus hominum nobis efficere valeat.

*Ordo rerum exigit, vt post idealem causam
sint res semper idee participes, stabilesq;
omnino, deinde res ordinatæ, semperq;
mutabiles.*

A Mor à corporea pulchritudine pendens, mutabilis est. Quoniam est & illa mutabilis. Nefas verò est effectus alicubi conditionem supergredi causarum, atque meliores illis euadere. Nam & vbi causæ sunt ordinatæ, sæpe effectus inordinati nascuntur: vbi stabiles causæ, exitus sæpe mobiles: vbi determinatæ, frequenter indefi-

indefinitæ contingunt. Igitur multò magis ex causis statu, ordineq; carentibus effectus ordinis, statusq; expertes eueniunt. Series vniuersi desuper per eiusmodi gradus deuenit ad extrema, quæ tandem talia sunt, quæ permutari possint, sibiq; ipsis naturalem vendicare mutationem: quemadmodum circa justum, aliud quidem est primò justum, ipsumq; justum neq; participatione tale: aliud autem illius primò particeps, quod & semper est particeps: aliud denique aliquando quidem particeps, aliquando verò à participatione cadens. Neque enim fas erat ipsum justū sterile permanere, nulli prorsus quicquam suæ proprietatis impartiens: nullum sanè primorum est eiusmodi, sed sterilitas ipsa soli materiæ tanquam rerum infimæ competit. Neq; rursus fas erat, quod primum aliis participandum fuit, participari primò ab eis, quæ solum quandoque participant. Nam ab ipso, quod simplex penitus, immutabileq; consistit, hoc certè, quod compositum est, atq; mutabile, nimis est alienum. Ideoq; medio quodam vinculo indiget ad illius contactum. Nec iterū quod participatum est ab eis, quæ inde semper illustrari possunt, oportuit vsque ad hæc ipsa duntaxat suum sistere munus, ne in
vniuer

vnuerſo ſit extremum hoc ipſum , quòd principiis ſemper eſt ſuſpenſum. Oportet igitur triplicem , ſicut diximus, ordinem conſtituere , non ſolum circa juſtum , ſed circa pulchrum, æquale, ſimile, & ſpecies denique rerum omnes.

Quemadmodum dij curationes morborum , id eſt peccatorum animis, & fuges oportunitis temporibus adhibentes, beneficio eas afficiunt: ſic & viri diuini oportunitatem quærunt ad diſciplinã, ſed dij quidem intellectuãli diuinãq; forma oportunitatum meſuras ipſi determinant, homines autem eas ſcientia proſequũtur. ſunt & qui inter homines ex inſpiratione dæmonica eas aucupantur. Bonorum nanq; dæmonum præſentia familiaritasq; , præcipuam vim habet in nobis ad oportunitatem infallibiliter ubiq; captandã. quod & Socrati contingebat. Iam verò quemadmodum locus vniciq; corpori ab ipſa natura propriè deſtinatus eſt, ſic & temporis partes aliæ aliis conueniunt actionibus. & quemadmodum totius mundi quidam circuitus ſunt fœcunditatis, ſterilitatisve cauſæ animalium, atque plantarũ: ita ſingulis actionibus aliud cõuenit, aliudq; tempus ad actionem hãc, aut illam perficiendã. ejuſmodi verò tempus

pus est, actionis cujuslibet oportunitas, tanquam bonum, atq; finem agētib; afferens, & effectis. Quapropter Pythagorici primam quoque causam, à qua omnibus bonum adest, oportunitatem ipsam nominauerunt: quippe cum omnibus, ut perfecta sint, largiatur. Tali quadam occasione Socrates per dæmonem ad Alcibiadem fretus est, accedens ad eum nonnulla dicturus, quando & Alcibiades cogitabat ad eum proficisci eadem rogaturus. Vniuersa enim hunc in modum inuicem coaptantur, omnibusq; ita communio bonorum ubiq; perficitur, dum videlicet causæ quidem perfectoriæ ad tradendum promptissimæ sunt. Susceptura verò ad participationem expergiscuntur, & illæ, rursus potentiam porrigunt perfectoriæ: hæc autem potentiam aptitudinis à natura susceperunt. Duplex enim potentia est, altera quidem agentis, altera patiens: & illa mater est actionis, hæc verò perfectoris est susceptaculum. atqui oportet, tum quod effecturum est, exuberans in se esse, atque ad agendum ita promptum, ut etiam si suscepturū subsit nullum, ipsum tamen per se sit perfectum, atq; vltro motum sit ad dandum, tum etiam quod passurum est, ad participationem gliscat, scq;

ipsum

ipsum perfectioræ admoueat potestati. atque etiam si illa non adsit, tamen per aptitudinem summam ad participationē fuerit expectatum. Quū enim duæ sint causæ, aliæ quidem immobiles, & omnibus vbiq; præsentēs, aliæ verò mobiles, & aliquando præsentēs perficiendis, aliquando verò distantes: & intelligibilia certè similiter vbiq; adsint, omnibusq; semper eodē modo sua munera largiantur, sensibilia verò adesse participantibus, vicissimque abesse possint, quemadmodum sol nunc adest, impletq; lumine, deinde discedit: quum, inquam, ita se res habeant, quando aptitudo quidē inest participaturo ad aliquam immobilium causarum, tunc & hæc adest simul, & efficiētis causæ munus absoluitur. In talibus enim sola subjectorū ineptitudo solet munera prohibere. quoniam quæ traditura sunt, & semper tradūt & sunt semper vbiq; similiter. Quod igitur euasit, aptum sit, & causæ subito particeps. at quando ad aliquam mobilium causarum aliquid sit paratum, sæpe, cū hoc expositū est, quod tamen traditurum fuerat, abest. Oportet enim hoc & nuper adesse, quando quidem locum requirit addandum. Omnino verò, quemadmodum diximus, necesse est, per omnes bonorum
com

communiones hæc duo præcedere, tum datoris perfectioriam potestatem, tum consummatam aptitudinem suscepturi, atque largitoris perfectionem cum suscipientis præparatione cōcurrere, & vna cum ejusmodi concursu ipsam efficientem causam patienti secundum essentiam superferri. Concursum quinetiam ejusmodi non esse fortuitum, neque ab inordinatis, & rebus non coordinatis obtingere solet aliquid ordinatum: quemadmodum quæ casu invicem confluunt. sed necessum est conspirationem talem alicubi quidem per naturam fieri, alicubi verò per intellectū. Item alibi à causa quadam dæmonica, & alibi porius à divina. hac sanè conditione Socrates cum Alcibiade opportunè concurrat ad idem. hujus autem opportuni congressus, bonus dæmon causa extitit oportunitatem Socrati conveniendi determinans. ipsa nanque oportunitas desuper à divinis exordiens vsque ad extrema progreditur, & alia quidem oportunitas est à diis determinata: alia verò dæmonica, fatalis alia, alia verò fortuita. Fortuna enim, ut inquit, oportunitasq; omnia humana gubernant.

*Quæ attentius in patria viderat, eorum
imagines hîc ante alia sequerî.*

Animæ

A Nimæ nostræ hîc peruagantur circa
 imagines eorum, quæ in prima vide-
 rant, & ad eas imagines magis afficiuntur,
 quorum exemplaria illic attentius con-
 templatæ fuerant. aliæ nanq; animæ aliis
 sunt accommodatæ spectaculis, ideo aliæ
 aliis imaginibus incumbunt. eorum enim,
 quæ illic inspexerant, similitudines amant.
 Quæcunque verò magni Iouis insuper
 pedisse quæ fuerunt, vnâque cum illo cir-
 cumuiuere, ordinem habente ducalem
 inter duodecim principes vniuersi, hæ
 profectò secundum speciem sui dei etiam
 huc profectæ imperiosam vitæ speciem
 appetunt, & quod re vera imperiale est,
 ignorant, apparentem verò principatum
 inter imagines prosequuntur. atque, si sa-
 pientes nactæ sint præceptores, affectus
 ejusmodi eis peruenit ad salutem per quen-
 dam ad cælestia reditum: si autem inter
 imagines moras traxerint, desinunt in ty-
 rannidem. Hinc ait in Rep. Socrates, ani-
 mas nuper profectas è cælis, imperiosas
 potissimum eligere vitas. Quum enim pau-
 lo ante vnâ cum diis cælestibus circum-
 uenerint, inspexerintque vires eorum o-
 mnibus dominantes, affectant ipsæ quoq;
 vitam eorum similem cæteris imperantem.
 Et plurimæ quidē affectu ejusmodi ab-
 untur,

runtur, rectè verò vtuntur admodum paucæ. Præstantissimam quidem vitam Plato ponit contemplatiuam: secundam, ambitionosam: tertiam, voluptuosam vel auaram. Contemplatiuam quidem eligunt animæ venientes cælitus, educatæq; rectissimè: Ambitionosam quoque venientes è cælo, sed educatæ deterius: reliquas venientes è terris.

Naturalis in cunctis sententia est, deos animarum occulta cognoscere.

OMnes homines naturaliter intimas cogitationes suas, & passiones, & appetitus ad deos loquuntur, persuasi videlicet per immutabiles anticipationes, ipsam diuinitatē omnia nosse, ipsa etiam animarum occulta momenta. Omnis certè copula, communioq; ratione confecta, indiget præsentia dei. Quid enim aliud & multa vnit, & congregat segregata, nisi diuinitas?

Deus providentia sua nostrum confirmat arbitrium.

Dij animabus vitas proponunt, & eisdem, postquam elegerint quæcunq; electæ vitæ conueniunt, certa sorte determinant, atq; ita libertas arbitrij in media providentia continetur, moueturq;, & determinatur inde, & in medio vertitur. hæc

P

manifestè

manifestè in Repub. describuntur, vbi propheta vitas proponit animis ex genibus. Lachesis sortes accipiens, atq; clamans inter animas, ô animæ diurnæ, & cætera. & propositio quidem per medium prophetam fit à Lachesi. Electio verò circa vitas ibi propositas, ipsarum jam est animarum. Iam verò propheta illic animarum electiones in se ipso cunctas anticipans, ita deum sortes projicit. profecto res ipsa, quæ instabilis & indefinita videtur, semper in superioribus, perfectioribusq; secundum vnum terminum & stabiliter, & ordinatè antè comprehenditur.

Tres Platonis sententia.

EX Platonis verbis hæc tria colligimus: primum, ipsum malè esse, omnino deterius judicandum quàm non esse: secundum, separationem animæ à corpore liberare nos à malis, quæ versantur in regione caduca, & ab impedimentis, quæ hæc consecutionem conuenientis finis impediunt: tertium, ipsos animarum appetitus ad vitæ formas valere quamplurimum: neque nos esse tales, vt ab externis duntaxat formemur, atque moueamur. Ex nobis enim ipsis electiones promimus per quas vitam agimus.

Supra

*Superi sententia certa tenent, quæ in
rebus sunt incerta.*

Accipies hinc sententiam admirandam, quæ videlicet præstantiora sunt vniformiter, vbique anticipare deteriora: at verò deteriora potentia superiorum non æquari. Item cognitiones superiorum in seipsis deteriorum actiones firmiter comprehendere. Cognitiones autem inferiorum totam superiorum actionem comprehendere nunquam posse. Quod superius est, nihil à deterioribus in se accipit, quemadmodum neque cælum ex mutatione accipit aliquam sublimarium passionem: neq; immobilis causa ex motu mundanorum mundanum aliquid intromittit: nec omnino quæ sunt æterna ex rebus agentibus, temporaliter quicquam in seipsis admittunt. Hæc denique quod necessarium est, dum cuncta cognoscit, mutationem sustinent in eo etiam cognoscendo, quod est contingens.

*Argumentatio duplex per negationem,
& affirmationem: illa resoluit, ista cõ-
ponit: & veraq; cum ipsa natura ani-
mæ congruit.*

Sicut Alcibiades assignare nequit tempus,
in quo putauerit se nescire illa, de qui-

bus nunc consultat, certè nec illa quæsiuit aliquando, nec à præceptoribus didicit vnquam. Quòd si neque quæsiuit, neque accepit ab aliis, profectò nec didicit, nec inuenit: si nec didicit, nec inuenit, meritò neque nouit: si non nouit, non est bonus iudex, in quibus assignare nequit tēpus, quando se nescire putauerit. Vides profectò quemadmodum si hoc pacto disputatio producat, tum quidem compositione, tum verò resolutione procedimus: affirmatiua quidem compositione, negatiua verò resolutione dicentes. Hæc autem scilicet compositio, atque resolutio prorsus naturæ animæ conuenit, quæ quidem à perfectioribus ad deteriora per compositionem rationum & appositionem alienorum quorundam indumentorum labitur, quousque in densum hoc, solidumque vinculum includatur. Vicissim verò ad excelsa resurgit, per resolutionem, expulsionemq; eorum, quæ ab ipsa ejus natura dissentiant, donec euadens nuda, vt sacra tradunt eloquia, speciebus omnino separatis à materia jungatur. Quamobrem argumentatio per affirmatiua procedens, à perfectioribus ad imperfectiora descendit: procedens verò per negatiua vicissim.

Ipsium

Ipsū bonum, quamvis essentiam intellectualem superemineat, solum tamen ad infimum vsque se porrigit.

Ipsū bonum tanquam super naturam intellectualem in se consistens, si dictū fas est, vsque ad postrema descendit, illustrans omnia, & conseruans, exornansq; , & interim ad se conuertens. Primò quidem ipsis verè existentibus adest: secundo diuinis animis: tertio numinibus humano generi præsidentibus: quarto nostris animis, atq; deinceps animalibus. & plantis, omnibusq; corporibus. Ipsi deniq; in formi materiæ infimæ rerum faci, ipsū profectò bonum clàm, ineffabiliterq; ante omnem ordinem, proprium munus exhibet omnibus. hæc autem illud vbique participant, aliter, atque aliter suo quolibet ordine: & quatenus vnaquæque naturaliter apta sunt, bonum inde reportant. hæc quidem debilius, efficacius illa: hæc vniformius, illa magis conditione participabili: hæc insuper sempiternè, mutabiliter illa, res nanq; diuiniore, quemadmodum indiuiduam habent essentiam, sic & bonum indiuisum possident, & vnitum. Quæ verò à principiis longiùs discesserunt, in distantia quadam, & diuisione jam posita bonum proprium comparant. Qua-

propter talia cœtu quodam ad idem contendente, mutuâque conspiratione penitus indigent. Vt quandoquidem vnumquodque non habet sufficientiam, quod est elementum boni, saltem per communionem mutuam suppleat naturæ defectum. Atque ita debilitatem suam diuisione factam, conspiratione corroboraret. Hac vtrique ratione homines singuli seorsum debiles in commune ad consilium congregantur, diuisam ita mentem inuicem copulantes, & quasi è scintillis multis lumen vnum accendere contendentes. ipsa quidem multitudo nunquam per seipsum sibi communiter conferens compararet, nisi circa vnum aliquid, in ea præualens simul ordinaretur. hoc enim circa omnium rerum ordinem contemplari licet. Multitudinem scilicet vbiq; vni congenitam esse, atque per cognatum vnum reuocandam ad vnitatem ipsam penitus absolutam. Ipsum diuinum bonum, ideo cunctis sui inferuit appetitum, vt per hunc bona nobis impensare valeret.

*Mercurius est auctor nobis inuentionis,
& discipline.*

Mercurius, vt louis nuntius, paternam animis explicat voluntatem, atque ita nobis exhibet disciplinâ, atq; iterum,
vt

Et inquisitionis est auctor, inuentionem
 suis præstat alumnis. Iam verò quando di-
 sciplina à superis venit in animas, est in-
 uentione præstantior: quando verò ab æ-
 qualibus seu hominibus cognitricem in
 nobis potentiam suscitantibus, est inuen-
 tione deterior. Inuentio igitur media est,
 naturæ animæ conueniens per se mobili.
 Per hanc enim vis ipsa in nobis per se vi-
 uens, & per se operans potissimum decla-
 ratur. Disciplina verò utrinque se habet,
 atque secundum melius implet animam à
 causis ejus superioribus, secundum verò
 deterius ab eis, quæ sunt extra nos, vita-
 lem in nobis vim suscitatur conditione qua-
 dam aliunde mobili. Quod autem etiam
 à superis cognitio quædam rerum nasca-
 tur in nobis, ipsi dii manifesta sui præ-
 sentia, expositionibusq; satis sæpe decla-
 rant, ostendentes animis ordinem vni-
 uersi, atque præcurrentes velut duces in
 ipso itinere ad diuinum, atque faces quasi
 phanales in signum itineris suspēdentes.

*Propter notiones rerum nobis innatas pu-
 tamus nos omnia nosse.*

A Nimæ nostræ premuntur ignorā-
 tia ductici, putantes quidem se pluri-
 ma nosse ob ingenitas sibi rerū ab initio

notiones, ignorantes autem propter obliuionem. Qui igitur hac duplici premitur ignorantia, nihil vltra perquirat, sicut neq; sapiens ipse quærit. atque in hoc ipso est quodammodo similis sapienti. Quemadmodū & materia deo per dissimilē quandam similitudinem, vt rectē quidam tradit. Sicut enim materia est informis, sic & Deus, & vtrunq; infinitum est penitus, & ignotum. Tametsi hæc omnia deo quidē secundū melius, conueniunt: secundū verò deterius, materiæ competunt.

Anima per acquisitam scientiam fit menti similis: per duplicem ignorantiam, similis fit materiæ.

Anima per ipsam quidem scientiam euadit intellectui similis secundū actum ipsum cognobile comprehendens, quemadmodum intellectus intelligibile: secundū verò duplicem ignorantiam, fit materiæ similis: sicut enim materia omnia videtur habere, quum nihil re vera possideat, sic & duplici ignoratione laborans, videtur sibi, quæ non habet, habere. Proinde duplex animarum cognitio est. Vna quidem indistincta, perq; intelligentiam simplicem, atque nudam: altera verò dearticulata, & scientiæ compos, & ambiguitatis expers. Videmur enim,

vt

ut ipse ait, quasi per somnium omnia nosse, eademq; per vigiliam ignorare, utpote, qui per essentiam quidem rationes habemus, & quasi cognitiones earum hinc expiramus: secundum verò actum, productionemq; non satis habemus. Notionem igitur specierum per essentiam nobis insitam, atque constantem, tempus non antecedit, ab ævo enim hanc habuimus. Sed notitiam secundum productionem, distinctionemq; rationum effectam præcedit tempus. Itaq; quo tempore primum hanc acceperimus, assignare valemus. novi enim, quòd quid ipse sit circulus, in hoc tempore didici, quidve iustitiæ species sit in alio: similiterq; de aliis, quorum scientias, etiam secundum actum habemus. Itaque de qua quidem re, siue rei, de qua reminiscamur, tempus non satis recolimus. Reminiscentiæ verò ipsius, est tempus aliquod certè determinatum.

Ætates septem, planetis septem congrua.

A Etatum ordo sequitur ordinem universi. Prima quidem ætas lunarem sequitur potestatem. Tunc enim secundum nutritivam, vegetalemq; vivimus facultatem. Secunda mercurialem, quando literarum, citharæq; & luctæ, similiumq; ludorum, studiū exercemus. Tertia veneream,

P S quan

quando turgent membra seminibus, & ad genituram protinus incitatur. Quarta Solarem: tunc enim regnat vigor, ætatisq; perfectio properat, ætasq; media. Quinta Martiam, in qua potentias, & victorias affectamus. Sexta Iouiã, quæ prudentiam & vitam actiuam, ciuilemq; desiderat. Septima Saturniam, in qua naturæ consentaneum est à generatione desistere, seq; à corporeis segregare, & ad alteram, incorporeamq; vitam se transferre. Superiora vbiq; inferiorum cognitiones vnice complectuntur, atque præstantius. Quæcunque enim sensus materiali conditione cognoscit, eadem immaterialius imaginatio percipit: quæ opinio sine causa reputat, eadem per causam scientia comprehendit, atq; ita deinceps præstantiora semper per eminentiam absolutam vniuersam cognitionem in se continent inferioribus competentem: itaq; & dæmonem præfectum nobis nihil nostrorum latet, non motus animi, non potentia naturalis, non fortuita permutatio: sed ille cuncta vnice circumspicit, atque gubernat. In hoc vniuerso fines omnes omnium in eo dispositorum ad ipsum finem mundi conducunt. Vt enim mundus perfectus foret, sicut Timæus ait, animalia cuncta, tam diuina

uina quàm caduca sunt genita. Similiter in ciuitate rectè disposita partium omnium fines, fini civilis peritiæ seruiunt. Item sicut vnumquodq; eorum quæ in generatione versantur, secundùm speciem vnicâ habet esse, ideoq; non est infinita; ipsum verò intelligibile est omnia, quandoquidē sensibilibus habet causas: sic & quilibet priuatus artifex plurimum est ignorans, semel verò peritus: ipse verò civilis est absolutè prudens. Nouit enim & finem proprium, & aliorum fines; atq; cæteras artes ad vnâ dirigat ciuitatis vitam.

*Per harmoniam in calo regnantem superi
reliqua harmonicè cuncta contemperant.*

Cælum concentu, motionumq; concinnitate plenum est. Deinde numina nobis superiora harmoniæ cælitus præcedentis participia sunt. Post hæc hominum vita rectè disposita consonantiâ morum, & actionum continuitatem suscipit inde, eorundem quoq; superiorum munus vsque ad bruta, plantasq; descendit. Nam hæc quoq; harmoniæ naturaliter participia sunt. Superi nanq; harmonica ratione mundana omnia continent, atq; perficiunt, & inuicem accommodant, & ad mūdum. Intellectui quidem corpus per mediam animam harmonica ratione concinnant.

Circ

Circuitui verò idētitatis ratione constan-
ti, generationē per medium circuitum al-
teritati (vt ita dixerim) depuratum. Igni
deniq; terrā per vincula media. Præterea
quālibet animam harmonicis rationibus
excolunt. Et vnumquodq; corpus simili-
bus copulant vbiq; mensuris, atq; motum
quēlibet musicis peragunt vbiq; mēsuris.
Habitus igitur in nobis musicus, munus
quidem est Musarum, quāuis earum ima-
go postrema. Habitus enim in nobis ar-
tificioſi, atq; contēplatiui, deos præſides
habent, originemq; inde deducunt.

*Qui ignorat finalem causam, ignorat
omnem causam.*

Ignorātia finalis causæ circa rem quam-
libet efficit, vt & cæteræ causæ ad ean-
dem pertinētes similiter ignorētur. Quo-
niam finis est causarū prima, præcipuaq;
atque potentissima: hujus enim gratia, &
efficientes causæ faciunt, & quæ sunt effi-
ciūtur. quapropter Timæus ejusmodi cau-
sam apud sapientes optimā arbitratur ha-
bendam: duplicem in sophista Plato tradit
animæ prauitatem, quarum vna quidem
ignorantia est in rationem cadens, altera
verò discordia inrationalis partis ad ra-
tionalem. Ejusmodi quidem discordia est
animæ morbus: ignorantia verò deformis.

MS.

tas. Quā enim ratio in vniuersa anima ordinem habeat speciei, meritò prauitas rationis est animæ turpitudine, sicut rationis virtus est animæ pulchritudo. Fit enim ignorantia quidē propter irrationalis potentiaē dominatum: cognitio verò propter rationalis imperium. Deformitas autē animæ superata ratione contingit, quādo videlicet proprias actiones incoëcinnas, & incongruas edit inefficaces, & ineptas ad finē. Oportet in anima excolenda, sublatis impedimentis, animā rerum contēplationi penitus admouere. Inest nanque nobis cognitio veritatis: prohibemur autē, quominus animaduertamus eam propter passionē ex generatione nobis obstantes: passionē inquam obliuionem, opinionem vnā, imaginationes falsas, appetitus immoderatos, quibus expulsis, in se ipsum est animus conuertendus, ita veritate subito fruitur.

*Finis belli iustitia: finis pacis amicitia,
que est optabilior quā iustitia.*

Belli quidem finis est iustitia, pacis autem aliud quiddam excellentius bonum, amicitia scilicet atque vnio. Finis enim vniuersæ virtutis est, vt Pythagorici tradunt, Aristotelesq; confirmat, vt omnibus jam factis amicis, iustitia nō vltē-
rius

rius egeamus, quando videlicet sublatum fuerit meum & non meū. Atqui iusti sint omnes, adhuc tamen opus amicitia homines congregante. Esse verò bellorū principium iniustitiam declarat ipsum bellū, quod materiales formæ inter se committunt. Pugnat enim calidum contra frigidum: non quando loco disiuncta sunt, sed quando alterum alterius sedem occupare contendit. Quū enim sede illud indigeat, meritò repugnat extrinsecus venienti, conantiq; ipsum è sua sede detrudere, quocirca rationes insitæ in natura inuicem absque seditione concurrunt. Nam vnaquæq; in seipsa consistit. Formæ verò materiales, quū nequeant seorsum à materia permanere, meritò de communi hospitio inter se decertant, quippe quū hoc vtrasq; formas inter se contrarias in se absq; confusione suscipere nequeat.

Quomodo anima descendendo variè vestiatur, & rursum purgetur, redeatq; vicissim.

DEscensus animæ in corpus sejunxit quidē illā à diuinis animis, à quibus intelligētia, & potestate, puritateq; implebatur. Coniunxit verò generationi, & naturæ, materialibusq; rebus, à quibus obliuione, & errore, & ignorantia est imbuta.

Nam

Nam animæ descendenti adnatæ sunt ex mundo multiformes vitæ, vestesq; variæ trahentes quidē ipsam in compositionem caducam, obstantes autem contemplationi separatorū. Oportet igitur animā hinc ad naturam illam peruigilem rectam ducentam, amputare secundas, tertiasq; vires descēdenti subortas, sicut marinæ glauco, herbæ, petrae, conchæ; cohibere verò impetus extra ferētes. Reminisci rursus rerum separatarum, essentiaq; diuinæ, unde est facta descensio, & ad quam omnem vitam contendere decet.

Anima per se mobilis est, corpus aliunde mobile, sed propter mutuum commercium alter alterius conditionem subit.

Anima per essentiam est mobilis ex se ipsa, sed cōiuncta corpori quodam modo euasit etiam mobilis aliunde, sicut enim ipsa sua præsētia dedit corpori vltimū ex se mouendi vestigium, sic & ipsa propter corporeum cōtubernium conditionis notam subiit mobilis aliunde. Igitur ob potentiam se mouentē anima fecunda est, & inuentioni propensior, rationesq; parit, atq; scientias. Sed propter conditionem mobilem aliunde, indiget frequenter ab aliis excitari. Iam verò perfe-

ctior

ctiores animæ ad inuentionē sunt promptiores, imperfectiores verò magis externis indigent adminiculis. Illæ enim magis ex se mobiles sunt, minusq; deterioris naturæ participes: hæ verò minus ipsæ se mouent, magis sortem corpoream patientes. Veruntamen hæ quoq; quando proficiunt, à corpore videlicet, resurgētes, seq; ipsas ex materia colligētes, fecundiores, inuentricesq; euadunt protinus circa illa, in quibus antea erant steriles & ambigæ propter ignauiam ineptam vitæ à materia contingentem, sordidumq; torporem ex generatione cōtractū. Nos igitur ita mediocritatē seruātes rationalis naturæ, conditionisq; causas assignamus pertinentes præcipuè ad habitus ejus imperfectiores, atq; perfectiores: viasq; ejusmodi arbitramur ad perfectiones eorū. Quicunq; verò rationes de his assignātes mediocritatem minimè seruant, sed vel ad melius surgūt, vel ad deterius deflectuntur, hi à veritate animæ procul aberrant. Neq; enim probamus eos, qui tradūt animam lapsam in corpus humidum, ejusq; obstaculo impeditam, ab initio esse dementem, humore verò paulatim propter innatum calorem exhalante, magisq; temperato, prudentē animi potentiam conualescere. Hic enim
perf

perfectiōnis modus corporeus, & materialis est iudicandus, supponitq; perfectiōnem animę ex contemperatione corporis proficisci. Anima verò ante elementa, generationemq; totā, suam habet substantiā, estq; vita quædam, neq; corpori, neq; naturę permista. neque rursus admittimus eos: qui animam putant esse quandam divinę essentię partem, partem verò hanc esse toti persimilē, semperq; perfectā. tumultum verò, perturbationesq; circa illud versari, quod in nobis est animal. Qui enim hæc aiunt, animā semper perfectam fingūt, semperq; scientē, nec vnquā remiscētia indigentē, semperq; passionis expertem, nec aliquādo depravatam, tametsi Timæus essentiā animę nostrę nō ex primis ait omnino generibus constitutam, quemadmodum superiores animas, sed ex secundis tertiisve compositā. Et Socrates in Phædro inquit, vires nostras esse boni cōtrario mistas, dissensionisq; mutux plenas. atq; hanc ob causam aliquando meliores, aliquando deteriores superare solere. Quid plura? nōne ipse inquit, aurigā quoq; nostrum aliquando depravari, scribēs videlicet pravitate ipsius aurigę multas animas claudicare? multas item plures perdere pennas? sed quidem aurigariā potestare.

testate in nobis est antiquius. Hæc utique est, quæ reminiscitur diuinorum, utiturq; secundis, tertiisq; viribus, ut ministris, quod planè docemur in Phædro. Profectò, sicut diximus, mensuras animæ conseruare debemus, rationesq; perfectionē, & profectum animæ assignantes, neque ex corporeis, neque ex diuinis traducere, ut ita Platonis simus interpretes: neq; ad opinionem propriam philosophi verba detorqueamus. Postquam igitur anima aliquando imperfecta est, rursumq; perficitur, & obliuionem patitur diuinorum, & iterum recordatur, cōstat & tempus ad perfectionem ejus conducere. Quo enim pacto ex imprudentia ad prudentiā transfertur, & in virtutem à prauitate, nisi per tēpus mutationes efficeret? Omnis enim mutatio spatio tēporis agitur. Hæc utiq; dicta sint de perfectione communiter animarum. Ex his autem accipiamus, oportere eum, qui istum norit, ex ignorantia in cognitionē ejus aliquando pertransisse, neq; semper ipsam justī rationē in promptu prorsus habere, quemadmodum illi nobis superiores: imperfecti nanq; ab initio nascimur. neq; rursum propter ipsam mutationem corporis, cognitionē quoq; justī nobis obtingere. Nō est enim essentia

tia nostra corporea, nec materialibus constituta. Necessè est omnes animæ mutationes tempore mensurari. Vnde & Aristoteles in anima mutationem secundum actus, & habitus, eorumq; opposita collocat temporalem. Quòd igitur anima conjuncta corpori, & à prauitate, ignorantiâq; transiens in opposita, interuallo temporis indiget, nemini dubium. Quidam verò animam ipsam seorsum in se manentem arbitrantur ad agendū tempore non egere, sed contra tempus ex ipsa creari. hoc autem arbitror aliquam rationem desiderare. Duplex enim tempus est, vnum quidem vnà cum naturali vita, corporeq; vniuersi motu natum: alterū verò per incorpoream vitam procedens. Hoc igitur animarum quoq; diuinarum circuitus dimetitur. Rursumq; animarum nostrarum actiones perficit etiā separatas, secundum verò tempus vnà cum naturali vita porrectum vitam quidem nostram vnà cum corpore actam metitur, vitam autem ipsam animæ secum ipsa viuensis nullo modo. Est tamen aliqua in nobis scientia ante omne tempus: fit & aliqua tempore. Socrates igitur scientiam secundum actum expressam spectans, inquit, quodnam ante hanc tempus extiterit. Alcibiades au-

tem sciētiam saltem possidens in essentia positam, propter quam putat etiam scire, quæ nescit, nequit assignare tempus, quo primùm acceperit eam: ab æuo enim hæc habemus. Quapropter si alter quidem de alia scientia loquitur, alter verò de alia, vera sunt utraq;: scilicet & tempus scientiam præcessisse, & non habere in promptu tempus, quod affirmes scientiam præcessisse. ante enim scientiam nondū consummatam tempus est nullum. ante verò scientiam actu perfectam tempus exitit.

Multi gradus, per quos à multitudine ad unum ascendimus contemplando.

Plato, & Pythagoras jubent fugere multitudinem, ut veritatem simplicissimam consequamur. Multitudinem quidem exterioris populi, nos multifariam distrahentis, atque fallentis: interioris quoque populi multitudinem multò magis. hæc enim magis distrahit, atque fallit. Primam ergo fugito variam affectuum multitudinem: secundò sensuum: tertio imaginationum: quartò opinionum: inde pendentium. omnis enim multitudo jam dicta tam in se diuersa est, ut alia aliis, in qualibet contraria sint. unde præstat ad scientias se conferre, in quibus multitudo
jam

jam contrarietatem habet nullā. Nam etsi affectus affectibus contrarij sint, sensus quoq; sensib⁹, imaginationes imaginationibus, opiniones opinionibus, nulla tamen scientia scientiæ contraria reperitur. In hac igitur propositionum, notionumq; multitudine, cōgregemus in vnum scientiarum quoque numerum, vno quodam vinculo connectamus. Tantò enim abest, quòd inuicem contraria sint, vt etiam notio notioni seruiat, scientiæq; inferiores omnes superiori ministrent, habeantq; sua ab illis exordia. Oportet hñc insuper à multis scientiis, quæ præsupponunt vnā, ad ipsam vnā se conferre, nullam vlti-
 riùs supponentem, atque ad hanc primam omnes rite referre. Post verò scientiam, ejusq; studium, expedit jam deponere compositiones, & diuisiones, multiformesq; discursus, atq; illinc ad intellectualem vitam, simplicesq; intuitus, & perceptiones ejus ascendere. Scientia enim non est summus cognitionum apex, sed super eam est intellectus, non intellectum inquam dubitaxat ab anima separatum, sed ipsam quoq; illustrationem animæ illinc infusam, de quo & Aristoteles ait, intellectū esse, quo terminos cognoscimus. Atq; Timæus hunc ipsum inquit, in nullo vn-

9 3

quam

quam alio præterquam anima fieri : ad intellectum igitur hunc ascendentes vnà cum hoc intelligibilem essentiã contem-
plentur. Perceptionibus videlicet indiui-
dis, atq; simplicibus indiuisa, simpliciaq;
entium genera speculantes. At verò post
venerabilẽ intellectũ, ipsam deniq; sum-
mam animæ (vt ita dixerim) existentiam,
per quam vnum sumus, & sub qua vnitur
multitudo nostra, suscitare fas est. Quem-
admodũ enim per intellectum nostrũ di-
uinum tangimus intellectum, sic & pri-
mum vnũ, a quo omnibus inest vnio, per
vnum, & tanquam essentiæ nostræ florem
attingere licet. per quod sanè nostrũ vnũ
diuino maximè jungimur. Simili nanque
simile vbicunq; comprehēdi potest: scibi-
lia quidem scientia, intelligibilia intelle-
ctu : vnitissimæ entium mensuræ animæ
vnitate. Iam verò hæc vnitas, perq; ipsam
actio, est actionum nostrarum summa: di-
uini per hanc efficimur, quando videlicet
omnem multitudinẽ fugientes in ipsam
vnitatẽ nostram confugimus, vnumq; ef-
ficimur, & vniformiter agimus. Hæc-
tenus fugiendam multitudinem admonui-
mus. per gradus cognitionũ ordine pro-
cedentes : deinceps per gradus cognobi-
lium ad idẽ comprobandũ similiter pro-
ceda

cedamus. Sensibilia fuge omnia, congesta enim sunt, & diuidua, ac penitus mutabilia. ideoq; sincera notitia teneri non possunt. ab his igitur ad essentiam incorpoream te transferto. Omne nanq; sensibile habet aduentitiam vnitatē, perq; seipsum est dispersum, & infinitate plenū. propterea & bonum ejus est partibile, & aduentitium, & à semetipso distans, atq; dissidens, atq; in sede residens aliena. Quum verò ascenderis illuc, & inter incorporea fueris collocatus, conspicias animalem illum ordinem super corpora mobilem quidem ex seipso, per se agētem, in se, & ex se suam substantiam possidentem, multiplicatum tamē, anticipantemq; in seipso apparitionem quandam essentiaē, circa corpora diuidenda. Ibi sanè videbis rationum plurimas habitudines, proportionēsq; variās, & vincula multa. Item tota quædam, & partes, & circulos animales, varietatem virium multiformē. Præterea animarū perfectionem non æternam, non simul totam penitus consistentem, sed euolutam tempore, & in discurſionibus se versantē. talis enim animæ natura est. Post verò multitudinē animis competētem te confer ad intellectum, & intellectualia regna, vt rerum possideas vnitatem. ibi quidem

naturæ illius contemplator esto. Spectato
manentem in æuo naturam, vigentem vi-
tam, intelligentiam vigilantem, cui nihil
deest vitæ, quæ ad perfectionē suam cu-
ricula temporis non desiderat. Vbi hæc
inspexeris, & quanto interuallo aninis
sunt meliora, quære deinceps num aliqua
ibi sit multitudo: & intellectus, quum sit
vnus, nunquid sit etiam vniuersus. Item,
quū sit vniformis, an sit insuper multiformis.
Inuenies quidem ita se habere. Quū
ergo perspexeris intellectualem illic mul-
titudinem, quamuis indiuiduam penitus,
& vnitam, ad aliud rursus principium te
traducito, atque superintellectuales essen-
tias, vnitates earum considerato, ac deni-
que vnitatē ab omnibus absolutam, huc-
usq; profectus, omnem multitudinem de-
reliqueris, & ad ipsius boni fontē jam per-
ueneris. Quum per hæc pateat perfectio-
nem animæ cōparari ex eo propriè, quòd
omnem, & externā, & internam, & ipsam
vniuersi multitudinem fugiamus: hinc
quoq; concludere possumus, animas no-
stras non à sensibilibus cognitiones dun-
taxat colligere, nec à rebus particularibus
atq; diuisis, ipsum totum vnumq; inueni-
re, sed ex intimis promere disciplinam, &
quod in rebus apparētibus imperfectum
est,

est, emendare. Non enim decet existimare ea, quæ re vera non sunt, esse præcipuas causas cognitionis in anima existentis: & quæ inter seipsa dissident, indigentq; rationibus, & argumētis animæ, ambiguaq; sunt, scientiam omnino præcedere eodem modo manentem: neque etiam quæ variè permutantur rationes in vno consistentes progenerare: neq; indeterminata determinatæ intelligentiæ causas esse. Non igitur à multis, sempiternorum veritatē accipere decet: neq; à sensibilibus vniuersalium judiciū, atque discrimen, neque à rebus ratione carentibus iudicium, sententiamq; bonorum: sed oportet animam se ipsam ingredientē, ibi verum, bonumq;, ac veras rationes omniū perscrutari. Plena enim est horum animæ ipsius essentia. delitescunt verò ex obliuione genēfica. Quærit igitur anima verū, exteriora spectās, ipsum interim essentia possidens, bonumq; foris explorat, se ipsa deserta. Hinc igitur sui ipsius cognitionē exordiri quisque debet. Si enim in hominum multitudinem intuitū distrahamus, nunquā vnam eorum speciem discernemus, obscuratam videlicet multitudine, diuisioneq;, & discordia, mutationeq; multiplici eorum, qui speciei participes sunt. Sin autē in nos ipsos

aciem conuerterimus, hîc vtique & rationem vnâ, & naturam vnâ hominum speculabimur à disturbance semotâ. Meritò itaque Socrates longè segregat animam à multitudinis conspectu cognituram: quid re vera sit homo, opinionesq; contemplationis hujus impedimenta redarguit. Multitudo nanque impedimento nobis est ad animi conuersionem in se ipsam, atque ad vnius speciei notitiam. Hîc enim varietas obumbrat vnum, alteritas obscurat identitatem, dissimilitudo obfuscatur similitudinem. nam circa materiam species sunt confusæ, & meliora deterioribus sunt commista.

Vita propriè naturalis anima, non est in corpore terreno, sed sublimi, ideo formæ omnes hîc agrotant, atque delirant.

Nemo mirari debet, si quum dicamus, quod est naturale, frequentius esse eo, quod præter naturam. & hoc quidem contrahi in angustum: naturale verò per vniuersum amplificari. hominum tamen plurimos, ignorantes esse fatemur, & malos, contrarios autem quam paucissimos. Non enim naturale est animis vnâ cum corporibus vitam degere, & in generatione versari: sed contra separata, immaterialis, incorporea vita potius est animis
consen

consentanea. Quando igitur in generatione versantur, similes sunt hominibus pestilētem habitantibus regionem: quando verò extra generationē viuunt, vt Plato inquit, similes sunt prata colentibus. Quemadmodum igitur non est mirādum inter eos, qui pestifera loca incolunt, languere quamplurimos, paucissimos verò naturalem valetudinem conseruare, sic & animas in generatione positas plurimas quidem obnoxias passionibus, atque prauas esse mirari non debes. Contra verò stupendum foret, si animæ ejusmodi corporibus inuolutæ his nodis adstrictæ, tāta circumfusæ mutatione aliquando sobriæ, puræ, imperturbatæ reperiātur. nōne stupendum est animam immaterialiter in rebus materialib⁹ viuere, & in caducis incontaminatā se alicubi conseruare? atq; quū jam ejusmodi pocula biberit, non esse his pharmacis consopitam? Re enim vera obliuio, error, inscitia pharmaco cuiquam similis est, in locum dissimilitudinis animas deflecenti. Quidnam igitur admiraris, multos quidem, secundum vitam esse lupos, multos verò porcos, plurimos autem alia quadam bruti specie circumfusus? quum terreus locus Circes ipsius sit diuersorium: animæq; multę ob immoderatam

ratam concupiscentiam venenosis inescantæ sint poculis : illud autem, illud potius admirare, si qui inter mortales vsquã reperiuntur ejusmodi potionibus non permulcti, non etiam irretiti, si qui Mercurij munere, si eti in rationem, scientiamq; se conferant. Quemadmodum enim mirari non debes, si in tartaro prospexeris animas cruciatas, (talium enim ille locus,) sic etiam si in generatione viuẽtes animæ plurimæ perturbatæ, sint ignaræ, dementes. tales enim animas desiderat generatio. Sicut igitur in cælo quidem bonæ sunt omnes, in tartaro autem omnes improbæ: sic in generatione plures quidem prauæ sunt, pauciores autem probæ. Generatio enim non ad extremorum melius, atq; diuinius declinat, sed deterius.

*Malus neque cum alijs consentit,
neque secum.*

Improbis secum ipse consentire non potest. Necesse enim est, tum propter naturam rationalem videre quodammodo verum, tum propter imaginationem perturbatam, plurimum ignorare, secumq; diffidere. Declarat hoc pœnitentia remissis perturbationibus veniens. Intemperatus igitur propter intelligentiam diuinitati cognatam, diuina quandoq; cogitat, atque

atque loquitur: sed propter concupiscen-
tiam, imaginationemq; perturbatâ à tem-
perantia diuina longè discedit. Cùmque
semper secum ipse pugnet, nimirum cum
aliis consentire non potest.

*Quicumque sciunt aliquid, circa illud
omnino consentiunt.*

OPortet eos, qui sciunt aliquid, circa
illud esse concordēs. Cujus quidem
concordiæ causa prima est ipsa rerum de-
terminata natura: secunda, quòd ipsa co-
gnitionis iudiciaria sunt eadem apud o-
mnes: tertia, quòd in primis principiis, in-
tellectus ad seipsum est vnitus. Ideoq;
quicquid est, intelligentiæ compos est, &
particeps vnionis. Scientia quidem illu-
stratio quædam est, ex intellectu depen-
dens: concordia verò illustratio est, ex
vnitate procedēs. Est enim vnio differen-
tium. Necesse est igitur scientiæ ejusdem
participes inuicem consentire.

*Quisque nostrum est anima, & hac in se ha-
bet species omnes diuinas, atq; naturales.*

Totum Platonis consilium hoc in li-
bro est, nos in ipsam nostram reuoca-
re cognitionem, atq; demonstrare essen-
tiam nostram in speciebus, rationibusq;
consistere. Atq; scientias omnes ex se ipsa
produci.

producere, & in se ipsa species omnes diuinas, & naturales agnoscere. Perfecta quidem nostri cognitio foret ab essentia vires, ab his actiones diiudicare. Cognitione verò nostri communione potimur, ex actionibus vires, ex viribus essentiam animæ cognoscentes: hæc quidem tria inuicem in anima confluunt. Nam & essentia ejus est actu, & actio essentialis existit. Hæc enim intellectualis fit, secundum actum. hæc autem essentiæ fit cognata, secundum ipsius perfectionem.

Anima libero motu se ducit, sibi bonum præbet, se purgat, se erudit, etiam quando aliunde erudiri videtur.

ANimalia quidem ratione capta, impulsu gubernantur externo, & aliunde curantur, ea videlicet conditione, qua mouet ipse motor, orbata scilicet ea facultate, qua aliquid seipsum ducere valeat, atque seruare. rationalis autem anima propter ipsam per se mobilem, & per se operantem proprietatē suapte natura potest circa se ipsam agere, seq; mouere, bonumq; sibi ipsi præbere. Iam verò purificatio nobis non accidit ab externis, sed ex intimis animæ ducit originem. Omne namq; malum ab externis accidit, atq; est anima

animæ peregrinum, ex intimis verò bonum. anima enim naturaliter est boniformis. Et quanto fit perfectior, tanto vitam sibi vindicat ex se mobilem, quippe quæ fiat aliunde mobilis ob corporale commercium, & effectum. Quapropter quicquid accipit ab externis, remanet appositum extra ipsam, sicut sensibilia, & imaginatione percepta. Sola verò illa sunt in ipsa, quæ ab ipsa in ipsam fiunt, ab eaq; producantur. Purgatur igitur ex seipsa, quandoquidem ratio à seipsa incipiens, desinit in seipsam. Hac igitur ratione rectè intelligitur, quod Socrates ait, scilicet inter disputantes, dicentem esse propriè, qui respondet. Hic ergo si redarguitur, redargutus verò purgatur, certè, dum purgatur, se ipsum purgat, & ab ignorantia liberat, redargutionem adhibens ipse sibi. Quod quidem naturæ animæ se mouenti consentaneum est. Quod sanè dictum confirmat etiam illud, disciplinas esse reminiscencias: quod enim respondentes ex se ipsis omnia dicant, maximum est reminiscenciæ signum, animas videlicet rationes, sermonesq; ex se ipsis promere, atque solo suscitante quopiam indigere. Neque esse tabellas vacuas literarum, quæ extrinsecus figuras accipiant: sunt enim semper
inscri

inscriptæ, & ipse scriptor est intus. Neque tamen omnes inscripta legere possunt, vel quod inscripta sint, cognoscere: quippe quum ob genericam obliuionem oculus earum sit sordidus circumfusus, atq; ex ipsa obliuione in passionem inciderint. Solum igitur opus est auferre, quod obstat appositum. non autem necessaria est extrinsecus injecta notitia. habent enim animæ in se januas veritatis, sed terrenis, materialibusq; speciebus obclusas. Siquis igitur diligentissimè res demonstret, animæ incitatur quidem aliunde, promentes autem ex se ipsis scita responsa, ex hoc ipso declarant verum esse Platonium illud, animam omnia nosse, soloq; indigere quodam ad respondendum extrinsecus incitare. Præterea, quod aliquis, quum eruditur, ipse se ipsum purget, dæmonicæ potestatis est opus. nam dæmones non extrinsecus in nos agunt, sed tanquam ex puppi nos intus dirigunt, & gubernant. neq; nos purgant tanquam corpora quædam aliunde mobilem nata naturam, sed curant tanquam mobiles ex se ipsis. Hac enim ratione tamen & bona præbent, & passionem expurgant. Socrates igitur vicem boni dæmonis agens, ostendit adolescentem non tam ab alio, quam à se ipso redargui.

Quare

*Quare malus, & ignorans secum & cum
- alijs dissideat. quare bonus consensiat,
& scientes inter se sint concordēs.*

Contingit meritò plerisq; ad se ipsos
discordia frequens: quoniam aliqua
quidē à sensibus intromittunt, aliqua rur-
sum ab imaginatione, aliqua ab opinione
frequenter, nonnulla ab ira, à concupiscē-
tia multa. Non enim solū ex opinionib-
us tales quædā passiones mouētur homi-
nibus, sicut Stoici tradunt, sed etiā contra
propter passiones quasdā, & impetus, opi-
niones sæpe permutant, quandoq; ex opti-
mis pessimas sæpe reportant. Hi ergo à
multis principiis, atq; potentiis, & his qui-
dem deterioribus, multiformes in se mo-
tiones accipientes, nimirū animam dissi-
dentem habent, atque discordem. Scien-
tia verò præditi ab vno quodam superio-
re principio cognitionem suscipiunt vni-
uersam. intellectus enim eis principia tra-
dit. Iam verò omnes sententiæ veræ, filiæ
sunt intellectus. Quū igitur à tali quodā
principio simplicitate procedant omnes,
meritò omnes inuicem sunt concordēs.

*Qui putant hominem esse ex anima, cor-
poreq; compositum, consequenter vtile
ab iusto se iungunt: qui verò hominem
esse animam, coniungunt.*

Verum

Vtrum idem sit justū, atq; vtile, ceteri quidē dissentiant. Platonici verò idē esse cēsent. Nam Epicurei sanē, & Stoicorum quidā, finem nostrum ponētes ipsum secūdum naturā viuere, atq; Peripatetici, qui bonum nostrū ex necessariis cōplent, non facillē possunt idem esse justum, atq; vtile cōfirmare: similiter & quicunq; hominē aiunt esse corpus animatum, vel ex corpore, animāq; compositum. Vulnera enim, cadesq; fugiet aliquis, vel injustē, vt animal cōseruetur. quippe quū cuiuslibet animalis bonū sit secundum naturam se habere, & in hoc habitu cōseruari, hīc igitur vtile dissentit à justo. Quicunq; vero finē ipsum in anima collocāt corporeis non egentē, hominemq; ipsum esse putāt animam vrentē corpore, hī certē justum, atq; vtile facillē iudicāt esse idem. Virunq; enim in anima ponūt, & passiones instrumentorum ab ipsis vrentibus esse sejunctas intelligunt. Argumentatio verò probans justū esse vtile ita procedit: Omne justum est pulchrū, omne pulchrū bonum: omne igitur justum, bonū. Atqui bonum & vtile idem est, omne igitur justum est vtile.

Anima contrahit in se speciem rei, cui adheret: item de vehiculū diuinarum animarum, atq; nostrarum.

Animæ

A Nimæ species etiam eorum sibi contrahunt, quibus ipsæ se conjungunt: nempe quando se assimilant intellectui, mox immutabilitatem secundum opiniones, atq; vitam sibi vendicant: quando verò generationi se copulāt, nouitatem vbiq; sectantur, & tum in has, tum illas feruntur opiniones: rationesq; ipsas animæ semper stabiles minimè sentiunt. Significat inter hæc Plato generosiores, & ingeniosiores animas intelligentiam habentes puritatis deorum inuiolabilis, atq; hanc ipsam suo idolo inferentes, etiam circa apparentem puritatem quodammodo occupari solere. Quandoquidem & diuinorum indumentorum inuiolabilis essentia est, & immaterialis est puritas, quā sanè oportet animas induere, sua videlicet indumenta cognata purgantes, vestēsque suas incontaminatas à generatione seruantes, neque totum in externarum vestium puritate ponentes.

Scientia vna in se manens implet multos non diminuta: hinc conijcimus animam esse à corpore separatam.

Eiusdem scientiæ minus est vni persuadere, atque multis: in qua quidem Platonica sententia quasi quidam hymnus, &

celebratio scientiæ cōrinetur hunc in modum: quanta & qualis vnaquæq; scientia sit, hinc apparet, quòd intellectus ipsius imitatione eadem scientia vnumquemq; implet cognitione, cunctosq; simul. est quidē indiuisibilis, & confidens in seipsa, & interim omnia participātia sui perficit instar mentis, quæ quidem ex se tradit omnibus interim ab vnoquoque seorsum. Hæc vtrique essentiam nostram iudicant à corpore separatam, & in seipsam manentem. siquidem scientia, quæ perfectio nostra est, talem possidet facultatem: corporeæ nanque potentiæ quando se tradunt, ipsæ se minuunt. Scientia verò vna, eademq; permanens indeminuta sufficiens vni, multisq; pariter seipsam exhibet. & anima igitur similiter est toti corpori præsens, omnibusq; membris, quamuis alia aliter membra participant.

Propheticus esse aliquis sine scientia potest. propheta verò certò scit quod pronunciat.

Vbi Plato ait, vaticinatores, significat illum opinione quidem non scientia, quod ibi prænunciat præsagire: nam vaticinales quidem non scientia præditi sunt, sed opinione feruntur: qui verò nō solum vaticinatores, sed etiam vates sunt, jam
scien

scientia potiuntur, potioremq; humanam scientiam habent. Significat etiã generosiorũ animarũ impetus, atq; motus quodammodo à superis suscitari. propterea quod etiam præter opinionem agant, sæpe etiam si absque scientia operentur.

Bonum, pulchrum, iustum, superintelligibilis: et intelligibile, intellectuale, essentia, vita, intellectus.

INter principia rerum ipsum bonum supereminet pulchritudinem, & pulchritudo iustitiam: bonum nanq; super intelligibilia extat in loco inaccessibili situm. pulchritudo verò occultè quidem in primis intelligibilibus permanet. Explicatiùs autem in ipso ordinis illius fine. Iustitia deniq; vnité quidem in primo intellectualium ordine permanet: consequenter verò in calce intellectualis deorum processionis effulget. Rursum ipsum quidem bonũ regnat in diis, pulchritudo in mentibus. Iustitia regnat in animis, quapropter & iustum quidem pulchrum est. Non tamen omne pulchrum est & iustum: sed ipsa pulchrorum causa iustitiã antecedit. item, omne pulchrum bonũ, fons autem bonorum omnium præcedit omne pulchrum. Rursum, iustum quidem est bo-

num per mediam pulchritudinem bono
cōjunctum, bonum verò superius est am-
bobus. Sic vtiq; inuenies rerum etiam
extrema considerās. Materialis enim cau-
sa, quamuis bonū aliquid sit, turpe tamen
est, atq; deforme, vnius particeps quidem
est, speciei tamen expers. quod verò sensi-
bile est, pulchritudinis quidem vestigia
possidet, iustitiæ verò nequaquā. Hinc in
Phædro Socrates ait, inter caducas ima-
gines nullum esse iustitiæ, temperantiæq;
splendorem: pulchritudinem verò solam
priuilegium id habere, vt euidentissimè
pateret vbique, & desiderabilissima foret.
Vbi igitur iustum est, ibi pulchrum: vbi
pulchrum, ibi bonum, siue prima princi-
pia spectare volueris, siue principiorum
illustrationes vsq; ad extrema porrectas.
Ipsius quidē boni omnia participia sunt.
omnium enim est principium, pulchri ve-
rò sola, quæ aliquam habent speciem. ju-
stitiæ deniq; solæ animæ sunt participes.
Iam verò in medio rerum omnium centro
quale est anima, hæc omnia inuicem con-
nectuntur: bonum, iustum, pulchrum: &
bonum quidem ipsius est pulchrum, at-
que iustum. Iustum quoque simul & pul-
chrum est, & bonum: pulchrum similiter
& bonum est, & iustum. Neque solū in
ejusm

ejusmodi trinitate est hic sermo verus, ve-
 rum etiam in aliis quoque multis. Quem-
 admodum inter principia ipsum ens præ-
 cedit vitam, vita mentem : similiter etiam
 in effectibus, ubi non omne compositum est,
 compositum est & vitæ : neque vivens omne
 statim est mente præditum, sed vicissim
 intelligentia omnia vivunt, atque sunt : vi-
 uentia verò sunt, quoque vivendo. Quum
 verò talis sit in extremis, per trinitatem
 ejusmodi differentia in anima confluunt,
 ubi ens quidem, & vita, & intellectus exi-
 stit. vita verò & intellectus est, & essentia.
 Intellectus autem, & essentia similiter est
 & vita : una enim simplicitas est in anima,
 una substantia, neque esse, neque vivere,
 neque intelligere, ibi est adventitium. Sed
 intellectus quidem ejus est essentialis, &
 vivens, vita quoque intellectualis est per
 essentiam. Essentia denique intellectualis,
 & vivens, ubique ergo est omnia, & ex om-
 nibus unum simili ratione : & bonum
 ejus pulchritudine, & justitia pollet : & pul-
 chrum est bonum, atque justum : rursumque
 justum est bono, pulchroque refertur : subje-
 ctum sanè unum est, rationes verò diver-
 sæ. ubi nos neque ipsam trium horum
 identitatem secundum rationes conside-
 ramus, neque alteritatem secundum subje-
 ctum

Etum existimamus, sed rationes quidem eorum differentes inter se conseruamus, vnum verò subiectum. quamobrem vbiq; per actiones animæ inuicem ista concurrunt: sicut enim rationes quidē virtutum sunt differentes, vnum verò compos est cunctarum, neq; fieri potest, vt sis iustitiæ particeps, & temperantiæ vacuus; vel duo hæc quidem habeas, cætera verò non habeas: sic & ejusmodi trinitas sibi ipsa connectitur, & omne quidem bonum simul & pulchri compos est, & iusti, similiterq; de cæteris. propterea Socrates iustum bonum per pulchritudinem copulauit. Hoc enim est competēs eorum medium simul, atque vinculum. Timæus autem ait pulcherrimum esse nodum, qui & seipsum, & colligata, quam maximè cōficit vnum. Memento verò ipsi quidem bono, malum duntaxat esse contrarium, bonum verò nequaquam. ex quo apparet cōcordia inuicem esse bona: malo autem & malum, & bonum pariter aduersari.

Probat omne iustum ipsa eius natura pulchrum esse atq; bonum.

OMne iustum esse pulchrum sequentibus rationibus cōfirmabimus, quā anima sit multitudo quædam, atque in ea
hoc

hoc quidem primum sit, illud verò medium, illud autem vltimum. dic age, quando iustitiam in ea fieri dicimus, an quando medium, aut vltimū superioribus dominari conatur, an potius quādo primum medio, mediū imperat vltimo? At si tunc, quando deteriora melioribus prævalent, non vlteriùs erunt deteriora natura talia. Illud enim cui cōpetit dominari, melius est, honorabiliusq; natura. si igitur impossibile est idem naturaliter esse melius, atq; deterius: oportet iustum tunc in anima reperiri, quando quod in ea optimum est, vitæ totius habet imperium. medium verò subditum meliori præualet vltimo. Tunc enim vnaquæq; pars animæ, quod sibi conuenit, habet. primum quidem regnans: secundum verò stipans: vltimum denique meliori ministrans. Ipsum itaque iustum natura distributiū est ejus, quod conuenit parti cuilibet animæ. Et officij propriij conseruandi vnicuiq; causa, propriæq; dignitatis distribuendę, atq; ita totius ordinis conseruatio. ordo verò, moderatioq; huiusmodi naturæ conueniens naturaliter pulchra est. Est igitur iustitiæ causa pulchritudinis, atque pulchra. Est autem duplex iustum, vnum quidem in contractibus, quod arithmeticam conser-

uat æqualitatem : alterum verò in distribuendo versatur in geometrica æqualitate consistens. Tum igitur arithmeticam seruat æqualitatem, ne socium suo in contractibus defraudemus, plus videlicet quam dederimus, ipsi recipientes. Tum verò in æqualibus distribuit inæqualia pro dignitate cuiq; geometrica proportionem seruata, vt quemadmodum differunt inter se personæ, sic & differant inter se distributa personis: itaq; omne iustū, sicut diximus, est æquale : omne autē æquale, pulchrum. nam inæquale incompositum est, & turpe. iustum igitur omne pulchrum. Præterea tunc est in corporibus pulchritudo, quando superat forma materiā ipsa namq; materia deformis est, & turpis : & quando forma superatur ab ea, tunc forma informitate quadam & deformitate repletur, & quasi informe quiddam euadit, facta videlicet similis subiectæ naturæ. Si igitur & in anima, quod intellectuale nobis inest, vicem gerit formæ, inrationale verò materiæ (nam intellectus, & ratio in ordine termini computantur) inrationale verò in genere indefiniti locatur (natura enim indeterminatum est, expersq; mensuræ) necessarium est, in anima quoq; tunc pulchritudinem effulgere, quando ratio
quidem

quidem regnat, species verò viræ ratione
 carentes rationi subdūtur. at verò justum
 ipsum rationi quidem dat imperium, in-
 rationali deputat seruitutem. vtriq; enim,
 quod sibi consentaneū est, attribuit. prin-
 cipali quidem principatum : inferiori ve-
 rò designat obsequium. Quandoquidem
 in opificio mundi irrationale nobis est
 subditum, & rationi nobis infixæ ira-
 tionale subjicitur, vt vehiculum ipsum.
 itaq; justum naturaliter pulchrum est, &
 pulchritudinis animæ causa. Item justum
 quid perfectum est, atque definitum. nam
 injustum imperfectum, indefinitumque
 censetur, atque infinitum vagatur, nec
 vsquam sistit gradum præuaricans justi-
 tiæ terminum. ipsum ergo justum, cui-
 cunq; adest, mensuram, terminumq; im-
 ponit, atq; ita omnia perfecta facit. Quū
 itaque tale sit, meritò pulchram efficit ani-
 mam. Id enim, quod perfectum est, atque
 mensuratum, naturaliter pulchritudo con-
 sequitur, sicut immensuratum, indeter-
 minatumq; deformitas comitatur. justum
 igitur est natura pulchrum. denique ipse
 mundi faber totum hoc per justitiam ex-
 ornauit. pulcherrimo enim nodorum o-
 mnium nodo deuinxit mundū, indissolu-
 bilemque effecit, propter proportionis ana-
 logicæ

logicæ potestatem continentem ipsum, sibiq; amicum vndique facientem. quod autem est simile mūdo visibilium omnium formosissimo, nimirum est ipsum quoque pulchrum. quod igitur iustum est, necessariò est & pulchrum.

Omne pulchrum naturaliter est bonum, omne turpe malum, atque viciissim.

OMne verò pulchrum esse bonum, ita probamus. Constat pulchrum esse amabile suapte natura, quandoquidem & extrema pulchritudo diuinę pulchritudinis imaginem ferens, est amabilis, primoq; aspectu animos ad se mouet. Quod confirmatur in Phædro. Re enim vera καλόν id est pulchrum, siue dicitur. ὁ δὲ τὸ καλόν, id est quia prouocat animas, siue ὁ δὲ τὸ καλόν, id est quia permulcet intuentes, certè secundum naturam est amabile. Quapropter & amor ad pulchrū dicitur amantem ducere. Quicquid autē est amabile, est appetibile. est enim amor appetitus aliquis alicujus robustus, atque vehemens. Et quicquid amat, appetit aliquid quo & indiget. Omne verò appetibile est & bonū, siue re vera bonū, siue apparens. Pleraq; enim non bona experienda nobis occurrunt, quoniam appetētibz se offerunt.

τὴν αὖ

runt tanquam bona. Demonstratum est autem à Socrate in Memnone, manifestè fieri non posse, ut qui malum, quale sit, nouerint, ipsum appetant. Appetibile igitur omne bonum est. Ac si quidem appetibile sit principaliter, bonū quoq; principaliter erit. Sin autem apparens appetibile, talē etiam erit bonū. omnino autem in quolibet terminorum hoc est apponendum, scilicet aut apparens, aut re vera. Si enim pulchrum, & apparens, certè & amabile & appetibile, bonumq; pulchro ejusmodi confors. Sin autē natura pulchrum est, & amabile, bonum quoque similiter. Atqui quidnam erit appetibile, nunquid malum? At impossibile est, ubi notū fuerit, esse alicui expetendum: omnia enim bonum appetunt, ad malum autem appetitio nulla fertur. sed neque etiam appetitus fertur ad aliquid, quod neque sit bonum, neque malum: quod enim tale est, gratia alterius agitur, nullusq; finis existit. omne autem appetibile finis. atque si quid ex malis appetitur, quoniam apparet bonum, desideratur ut bonum: & si quid non pulchrum amatur, quoniam apparet, amatur ut pulchrum. Si igitur omne pulchrum est amabile, omne amabile est appetibile, omne appetibile bonum: consequent

quenter omne pulchrum est bonum, atq;
vicissim, omne bonum appetibile: appeti-
bile est amabile: siquidem amare est vehe-
menter appetere. vnde in Symposio So-
crates ait bonum amabile esse sicut pul-
chrum: si inquam omne bonum est appe-
tibile, appetibile rursus amabile, amabile
verò pulchrum, sequitur vt bonum omne
sit pulchrum. Neque nunc nobis obijcias:
aliquis, ipsum bonū esse superius pulchri-
tudine, neque rursus duplex esse, quod
amabile dicitur: non enim nūc de primis
rerum principiis disputamus, sed de iis,
quæ nobis insunt, pulchris, atque bonis:
quod igitur in nobis est bonum, simul est
appetibile, & amandum. Per amorem igi-
tur id comparamus, & possidemus: per
amorem inquā, studiumq; propensum. ac,
si quis seipsum animaduertit, planè per-
spiciet, ejusmodi bonum acriores nobis
amores inferre, cognoscet, quā pulchra
sensus manifesta: quod igitur est bonū,
est & pulchrum. Quapropter Diotima
præcipit amatoribus, vt post occurrentem
sensus pulchritudinem, se ad pulchritu-
dinē transferant actionibus, officiis, scien-
tiis. insitam, ibiq; amatorium animæ ocu-
lum vehementer exerceant. Deinceps ve-
rò ad intellectum, ibiq; præcipuam, diui-
namq;

namq; pulchritudinem dominantem, tanquam ipsum re vera pulchrum in nobis animæ vigeat. Quid enim in nobis est virtute, & scientia pulchrius? Quid cōtrā, vitio, & ignorantia turpius?

Homo est anima utens corpore, ut instrumento. Mala ergo corporu non pertinent ad animam, hominemq; sicut neq; mala instrumentorum, ad artificem: atque artem.

FAlſò pleriq; putant vulnera, mortemq; mala. quid enim horum nobis est malum? Siquidem non transit in animam, quæ nos ipsi sumus. Neque enim passionēs instrumentorum virtutes utentiū mutant, neque igitur faber obtusa aliquando ſeca, artem amittit ſecandi, neque etiam ſi in arte fabrili conſiſteret noſtra felicitas, infelicem propterea putaremus fabrum, cui ſeca deſuerit. Iam verò quemadmodum anima instrumentum habet, ſic & corpus instrumenta quædam habet, per quæ mouet externa: quorum vitium bonam non lædit corporis habitudinem, ſimiliter & corporis paſſiones in animam non pertranſeunt. quapropter & mors, eſſi corporis malum eſt, non tamen eſt animæ malum. Si igitur pulchrum quida-

deia.

dem actionis est in anima, malum verò interim fit in alio, nondum ostensum est, idem aliquando pulchrum esse, simulque malum. Licet etiam dialectica ratione distinguere, aliud quidem esse aliquid secundum seipsum, aliud autem secundum accidens. Est enim actio fortis, pulchra secundum seipsam: mala verò, si quando fit mala, per accidens: quoniam accidit fortiter agentem mori. esto enim, si vis, mors è malorum numero. Non igitur officium forte secundum hoc ipsum, quod est forte, ideòque & pulchrum, est etiam malum, sed forte per accidens. aliud igitur est pulchrum, aliud verò malum. Neque qua ratione pulchrum, eadem ostensum est esse aliquando malum, sed per accidens propter obitum. Proinde hominis ignorat essentiam, qui bonum à pulchro secernit. & hoc quidem in alio, illud autem in alio ponit, bonum in corpore, pulchrum in actionibus animæ. Sed re vera homo ipse est animus, ipse essentia à corpore segregatus, in quo quicquid est, pulchrum est, & bonum est, etià si inde corporis sequatur incommodum. Corpus enim non pars hominis, sed instrumentum: instrumenti verò malum non pertinet ad viventem.

Quom

Quomodo differant duo hæc, scilicet secundum seipsum, & qua ipsum.

Dilectiones ejusmodi, scilicet, secundum seipsum, & qua ipsum, etiam apud Aristotele distinguuntur. Quod enim secundum seipsum alicui comperit, potest ei non competere primo. Quod autem qua ipsum conuenit, præter id, quod conuenit, secundum se ipsum etiam primo comperit ei, atque adæquatur. Pulchrum igitur, si commensurationis animæ causa est, atque ob hoc ipsum dicitur pulchrum, efficitur; ut melius in anima dominetur deteriori, perficitur; nos, & animæ deformitatem purgat: hac ipsa ratione bonum est, non quidem per accidens, sed qua ratione pulchrum. si enim qua pulchrum est commensuratum, est & bonum. Bonum enim est mēsurā, certē qua pulchrum est, existit & bonum. Similiter turpe, qua turpe, malum est. Nam qua turpe est, informe est, indeterminatum, incompositum, & hac ipsa ratione malum. Qua igitur est turpe, est utique malum. eadem itaque res, & pulchra semper est, & bona: atque contrā turpis pariter, atque mala. hanc regulam hīc mētē teneto, qua & in posterum vsus est Aristoteles. Siqua duo conuertuntur, inuicem eorum quoque op-

s posita

posita conuertuntur. si igitur pulchrum, bonumq; conuertuntur inter se, eorum quoq; opposita, malum scilicet, atq; turpe, similiter inter se conuertuntur.

PROCLVS DE SA- CRIFICIO, ET MAGIA,

Interprete Masilio Ficino Florentino.

Quemadmodum amatores ab ipsa pulchritudine, quæ circa sensum apparet, ad diuinam paulatim pulchritudinem ratione progrediuntur: sic & sacerdotes antiqui, quum considerarent in rebus naturalibus cognationem quandam, compassionemque aliorum ad alia, & manifestorum ad vires occultas, & omnia in omnibus inuenirent, sacram eorum scientiam condiderunt. agnouerunt enim & in infimis suprema, & in supremis infima: in cælo quidem terrena secundum causam, modoque cælesti: in terra verò cælestia, sed modo terreno. Nam vnde putamus plantas illas, quas heliotropias nomenclant, id est solisequas, ad solis motum solem versus moueri? sed selinetropias, id est lunisequas ad lunam verti? Nempe

pc

pe cuncta precantur, hymnósque concinunt ad ordinis sui duces. Sed alia quidem intellectuáli modo, alia rationali, alia naturali, alia verò sensibili modo. Itaque solisequa quomodocunque potest, mouetur ad solem: ac si quis posset audire pulsationem ab ea in aëre circuitu factam, profectò illum quendam per ejusmodi sonum erga regem suum compositum animaduerneret, qualemcunque potest planta conficere. Quamobrem in terra quidem aspicere licet solem & lunam, sed pro qualitate terrena. In cælo autem plantas omnes, & lapides, & animalia pro cælesti natura vitam habentia intellectualem. Quæ quidem veteres contemplati, alia cælestium, alia terrenorum adhibuerunt, vnde diuinas virtutes in locum inferiorem ob quãdam similitudinem deduxerunt. Nempe similitudo ipsa sufficiens causa est, ad res singulas inuicem vinciendas. Siquis enim canabim, siue papyrum calefaciat, deinde subigat lucernæ proximæ, etiam si non tangat, videbit subito accensam canabim, quamuis non tetigerit ignem, accensionemq; desuper ad inferiora descendere. Comparemus igitur canabim calefactam, siue papyrum, cognationi cuidam inferiorum ad superio-

ra, appropinquationem verò ejus ad lucernam oportuno vsui rerum pro tempore, loco, materia. Processum ignis incanabim præsentiæ diuini luminis ad id, quod potest capere, accessionem denique canabis deificationi mortalium, materialiumq; illustrationi, quæ deinde feruntur sursum instar accensæ canabis ob quandam seminis diuini participationem. Quid verò de Loto dicam? Lotus implicat quidem in se folia ante solis exortum, oriente verò sole explicat paulatim: & quatenus sol ad mediam cæli ascendit plagam, eatenus pandit folia. Quatenus verò à medio petit occasum, gradatim folia contrahit. Videtur hæc non minùs dilatatione, contractioneq; foliorum honorare solem, quàm homines genarum gestu, motuq; labiorum. Non solum verò in plantis, quæ vestigium habent vitæ, sed etiam in lapidibus aspicere licet, imitationem, & participationem quandam luminum supernorum: quemadmodum helitis lapis radiis aureis solares radios imitatur. lapis autem, qui vocatur cæli oculus, vel solis oculus, figuram habet similem pupillæ oculi: atque ex media pupilla, emicat radius. lapis quoque selenitus, id est lunaris, figura, lunæ corniculari similis, quad:

quadam sui mutatione lunarem sequitur
 morum. Lapis deinde helioselenus, id est
 solaris, lunarisq; imitatur quodammodo
 congressum solis, & lunæ, figuratq; co-
 lore. Sic diuinorum omnia plena sunt,
 terrena quidem cælestium, cælestia ve-
 rò supercælestium, proceditq; quilibet
 ordo rerum vsq; ad vltimum. Quæ enim
 super ordinem rerum colliguntur in vno,
 hæc deinceps dilatantur in descendendo,
 vbi aliæ animæ sub numinibus aliis ordi-
 nantur. Deinde & animalia sunt solaria
 multa, velut leones, & galli, numinis cu-
 iusdam solaris pro sua natura participes:
 vnde mirum est, quantum inferiora in eo-
 dem ordine cedant superioribus, quam-
 uis magnitudine, potentiaq; non cedant.
 hinc ferunt gallum timeri à leone quam-
 plurimum, & quasi coli. cuius rei causam
 à materia, sensûve assignare non possumus,
 sed solum ab ordinis supermi con-
 templatione. quoniam videlicet præsen-
 tia solaris virtutis conuenit gallo magis
 quàm leoni: quod & inde apparet, quia
 gallus, quasi quibusdam hymnis applau-
 dit surgenti soli, & quasi aduocat, quan-
 do ex antipodum medio cælo ad nos
 deflectitur, & quandoque nonnulli sola-
 res angeli apparuerunt formis ejusmodi

præditi, atque quum ipsi in se sine forma
essent, nobis tamen, qui formati sumus,
occurrere formati. Nonnunquam etiam
dæmones visi sunt solares leonina fron-
te, quibus quū gallus objiceretur, repente
disparuerunt. Quod quidem inde proce-
dit, quòd semper quæ in eodem ordine
constituta inferiora sunt, reuerentur supe-
riora: quemadmodum plerique intuentes
virorum imagines diuinorum, hoc ipso
aspectu vereri solent turpe aliquid perpe-
trare. Vt autem summam dicam, alia ad
reuelationes solis correnoluuntur, sicut
plantæ, quas diximus: alia figuram sola-
rium radiorum quodammodo imitantur,
vt palma, dactylus: alia igneam solis na-
turam, vt laurus: alia aliud quiddam. Vi-
dere sanè licet proprietates, quæ colligun-
tur in sole, passim distributas insequen-
tibus in solari ordine constitutis, scilicet
angelis, dæmonibus, animis, animalibus,
plantis, atque lapidibus. Quocirca sacer-
dotij veteris auctores à rebus apparen-
tibus superiorum virium cultum adin-
uenerunt, dum alia miscerent, alia pu-
rificarent. Miscebant autem plura inui-
cem, quia videbant simplicia nonnullam
habere numinis proprietatem, non tamen
singulatim, sufficientem ad numinis illius
aduoc

aduocationem. Quamobrem ipsa multorum commistione attrahebant super nos influxus : atque quod ipsi componendo vnum ex multis conficiebant, assimilabant ipsi vni, quod est super multa, constructibantq; statuas ex materiis multis permixtas : odores quoque compositos colligentes: arte in vnum diuina symbola, reddentesq; vnum tale. quale diuinum existit secundum essentiam, comprehendens, videlicet vires quamplurimas. Quorū quidem diuisio vnamquāque debilitauit, mistio verò restituit in exemplaris ideam. Nonnunquam verò herba vna, vel lapis vnus, ad diuinum sufficit opus. Sufficit enim Cnebison, id est carduus, ad subitam numinis alicujus apparitionem, ad custodiam verò laurus. Raccinum, id est genus virgulti spinosum, cepa, squilla, corallus, adamas, iaspis : sed ad prælagium cor talpa, ad purificationem verò sulfur, & aqua marina. Ergo sacerdotes per mutuam rerum cognationem, compassionēque conducebant in vnum, per repugnantiam expellebant, purificantes, quū oportebat, sulfure, atque asphalto, id est bitumine, aqua aspergentes marina. purificat enim sulfur quidē propter odoris acumen : aqua verò marina propter igneam

portionem, & animalia diis in deorum cultu congrua adhibebant, cæteraq; similiter. Quamobrem ab iis, atque similibus recipientes primùm potētias dæmonum, cognouerunt, videlicet eas esse proximas rebus, actionibusq; naturalibus: atque per hæc naturalia, quibus propinquant, in præsentiam conuocarunt. Deinde à dæmonibus ad ipsas deorū vires, actionesq; processerunt, partim quidem docentibus dæmonibus addiscentes, partim verè industria propria interpretantes conuerientia symbola, in propriam deorum intelligentiam ascendentes, ac deniq; posthabitis naturalibus rebus, actionibusq; ac magna ex parte dæmonibus, in deorum se consortium receperunt.

*

PORPHYRIVS DE OCCASIONIBVS,

*sine causis ad intelligibilia
nos ducentibus.*

*

MARSILIO FICINO
INTERPRETE.

*

*De natura corporeorum atque
incorporeorum.*

NON corpus est in loco. nullum vero eorum, quæ secundum se sunt incorporea, vel aliquid tale, est in loco. Quæ secundum se sunt incorporea, eo ipso, quod præstantius est omni corpore, atque loco, ubique sunt, non distant quidem, sed individua quadam conditione. Quæ secundum se sunt incorporea, non localiter præsentia corporibus, adsunt eis, quotiescunq; volunt, ad illa vergentia, atque declinantia, quatenus videlicet naturaliter ad ea vergunt atque inclinantur. Sed enim quum non adsint locali conditione corporibus, habitudine quadam eis adsunt. Quæ secundum se sunt incorporea, certè non per substantiam, & per essentiam corporibus adsunt.

s s

Non

Non enim corporibus commiscantur, veruntamen ex ipsa inclinatione, quasi momento vis quædam subsistit inde communicata jam propinqua corporibus. Ipsa nanq; inclinatio secundam quandam vim substituit corporibus jam propinquam.

De natura, & alligatione, & solutione anime.

Anima quidem medium quiddam est inter essentiam indiuiduam, atq; essentiam vera corpora diuisibilem. Intellectus autem essentia est, indiuidua solum. Sed qualitates, materialesq; formæ, secundum corpora sunt diuisibiles. Non omne, quod agit in aliud appropinquatione, & tactu facit, quod facit. sed etiam quæ propinquando, & tangendo faciunt aliquid secundum accidens, non viuuntur propinquitate. Anima corpori alligatur conuersione quadam ad passionem pronenientes à corpore. Rursumq; soluitur quatenus à corpore nihil patitur. Quod natura ligauit, hoc & ipsa natura soluit. Rursus, quod conciliauit anima, hoc & anima dirimit. Natura quidem corpus in anima deuincit, anima verò seipsam in corpore. Quæ obrem natura corpus ab anima separat, anima verò seipsam à corpore segregat.

Omnia

*Omnia quodammodo sunt in omnibus pro
conditione eorum, quibus insunt.*

Non similiter omnia in omnibus intelligimus, sed propriè se habet ad omnia vniuscuiusque essentia: in intellectu quidem intellectualiter, in anima verò rationaliter: in plantis seminariè, in corporibus imaginariè: in eodemq; (quod his omnibus superius est) modo quodam superintellectuali, atq; superessentiali.

*In summis est vnitas cum virtute: in infimis
multitudo cum debilitate.*

Incorporeæ substantiæ descendentes quidem dijudicentur, atque in singula potentia defectu multiplicantur: adicendentes autem vniuntur; atque simul recurrunt in vnum copia potestatis.

De speciebus vite.

Non solum in corporibus æquiuoca conditio est, sed ipsa etiam vita multipliciter prædicatur. Alia est enim vita plantæ, animalis alia: alia rursus intellectualis essentia, alia tandem naturæ superioris, alia animæ, alia intellectualis: viuunt enim & illa: etsi nullum eorum, quæ ab ipsis existunt, vitam eis similem fortiatur.

Quæ

*Quæ generant, partim conuertuntur ad
genita, partim minimè.*

OMne, quod sua essentia generat, aliquid se deterius generat. atq; omne genitum ad genitorem natura conuertitur. eorum verò, quæ generant, alia quidem nullo modo conuertuntur ad genita: alia verò partim quidem flectuntur ad illa, partim etiam non flectuntur, alia tandem solum deflectuntur ad genituras, neq; interim ad se reflectuntur.

*Sensus, imaginatio, memoria,
intelligentia.*

Memoria non est imaginationum conseruatio quædam, ἀλλὰ τῶν μελητήντων ἀεθβαλίᾳ ἐκείας ἀεθβλήματᾳ. sed est ipsas propositiones, siue productiones in actum eorum, quæ meditatus est animus nuper, educere. Anima quidem habet omnium rationes. Agit autem secundum eas, vel ab alio ad expeditionem ejusmodi prouocata, vel ipsa seipsam intus conuertens ad rationes, & quum ab alio prouocatur, tanquam ad externa committit introducere sensus: quum verò ingreditur in seipsam, ad intelligentias peruenit: neque igitur sensus extra imaginationem sunt, neq; ut dixerit aliquis, intelligentiæ quatenus competunt animalibus.

h: neque rursus absque instrumentorum sensualium passione sunt sensus, sic & intelligentiæ non absque imaginatione. nisi analogæ conditio sit: quemadmodum figura consequens quiddam est ad animal sensuale, sic phâtaisma aliquid consequens ad intelligentiam animæ intelligentis in animali.

Anima est immortalis.

Anima est essentia inextensa, immaterialis, immortalis: in vita habere à se ipsa vivere, atq; esse similiter possidente.

*Passio animæ, atque corporis est
longè diuersa.*

Aliud est pati corpora, aliud incorporea. Passio enim corporū cum transmutatione contingit: passio verò animæ est accommodatio quædam, & affectio ad rem ipsam, & actio quædam, nullo modo similis calefactioni, frigefactionique corporum. quamobrem si passio corporum cum transmutatione sit, dicendum est omnia incorporea esse passionis expertia. Quæ enim à materia, corporibusq; separata sunt actu, eadem permanent: quæ verò materiæ, corporibusq; propinquant, ipsa quidem non sunt passiva, sed illa, in quibus hæc apparent, patiuntur. quando enim animal sentit, anima quidem simili-

lis esse videtur harmoniæ cuidam separata ex seipsa chordas mouenti contemperatas. Corpus autem simile harmoniæ, quæ inseparabilis inest chordis, sed causa mouendi esse videtur animal, propterea quod sit animatum, quod quidem simile est musico, ex eo quod sit concinnum. corpora verò, quæ per passionem sensualem pulsantur, similia contemperatis chordis apparent. Etenim ibi non harmonica quidem separata patitur, sed chorda: & mouet sanè musicus per ipsam, quæ sibi inest, harmoniam: neq; tamen chorda ratione musica moueretur etiã, si vellet musicus, nisi harmonia ipsa id dixit.

De differentijs incorporeorum.

Ipsa incorporeorum appellatio non secundum communitatem vnius, ejusdemq; generis, sic cognominata est quæadmodum corpora, sed secundum nudam ad corpora priuationem. Quamobrem nihil prohibet inter illa alia quidem esse essentia, alia verò non essentia: & alia rursus ante corpora, alia verò vnà cum corporibus: item alia à corporibus separata, alia verò non separata. Præterea alia secundum se subsistentia, alia verò aliis, vt sint indigentia: alia deniq; actionibus, vitisq; ex se mobilibus eadem, sed alia vitis, & qual

qualibus actionibus quodammodo permutata, nempe secundum negationem eorum, quæ ipsa non sunt, non secundum assistentiam eorum, quæ sunt, appellantur.

*Passiones materie primæ assignatæ
similiter à Plotino.*

Materiæ propria apud antiquos hæc sunt incorporea quidem. diuersa enim est à corporibus. præterea vitæ expers, neq; intellectus, neq; anima, neq; aliquid secundum se viuens. Item informis, permutabilis, infinita, impotens. Quapropter neque ens, sed verum non ens, imago mollis apparens, quoniam quod primò est in mole, est ipsum impotens. Item appetitio subsistentiæ, & stans non in statu. præterea semper in se apparens. tum paruum, tum magnū, tum minus, tum magis, tum deficiens, tum excedens, quòdue fiat semper, maneat verò nunquam, neque tamen aufugere potens, quippe quū totius entis sit defectus. Quamobrem quicquid promittat, meretur: ac si magnum appareat, interim euadit paruum, quasi enim ludus quidam est in non ens aufugiens. Fuga enim ejus nō fit loco, sed dum ab ente deficit: quamobrem quæ in ea sunt imagines, insunt in deteriori rursus imagine. quemadmodum in speculo id, quod alibi situm

fitum est, apparet alibi: & ipsum speculum plenum esse videtur, nihilq; habet, dum omnia videtur habere.

Quid patiatur, quid non.

Passiones circa id sunt omnes, circa quod accidit & interitus. Via enim ad interitum est admissio passionis, atque ejus est interire, cujus est pati. Interit autem incorporeum nullum: sed quædam inter illa aut sunt, aut non sunt. quapropter nullum eorum patitur: quod enim patiens est, non oportet ita se habere, sed esse tale, ut alterari queat, atque interim in qualitatibus eorum, quæ ingrediuntur, sicq; inferunt passionem. Ei namque quod inest alteratio non à qualibet accidit, neq; igitur materia patitur. Nam secundum se ipsam qualitatis est expertus, neque prorsus formæ, quæ sunt in ea, ingredientibus, vicissimq; exeuntes, sed passio fit circa compositum, & vnius esse in compositione consistit: hoc enim in contrariis viribus, & qualitatibus ingredientium, inferentiumq; passionem perseverare in subsistendo videtur. Quamobrem ea quorum vivere est ab externis, nec à seipsis, nimirum & vivere, & non vivere pati possunt. Sed ea, quorum esse in vita consistit, passionis experte, necessarii sunt.

sarium est permanere secundum vitam, quemadmodum vitæ vacuitati conuenit & non pati, quatenus & vitæ vacuitas: Itaque sicut permutari, ac pati composito ex materia, formæque contingit, id est corpori, neque tamen id materiæ accidit, sic viuere, atq; interire, patiq; secundum hoc ipsum in composito ex anima, corporeque perspicitur. neque tamen animæ id contingit, quoniam anima nō est aliquid ex vita, & non vita conflatum, sed vita solum. constat quippe, quum simplex essentia sit, ipsaq; animæ ratio sit natura ipsa se mouens.

Omnis intellectus est omniformis.

Intellectualis essentia sic in partibus est consimilis, vt & in particulari quolibet intellectu, vniuersoq; intellectu sint entia: sed intellectu quidem vniuersali entia etiam particularia vniuersali sint ratione: in particulari autem intellectu etiam vniuersalia simul atque particularia sint conditione quadam particulari.

*Anima quia per essentiam est vita,
non moritur.*

Circa essentiam, cuius esse consistit in vita, & cuius passionibus vita quædam sunt, nimirum & mors in quali aliqua vi-

ta versatur, non in priuatione vitæ simul tota. Quoniam neque passio, seu vita est omnino, illic ad non viuendum, ipsa q; illic accidit orbitas.

*Omnis vita incorporea, quocunq; mutetur,
permanet immortalis.*

IN vitis incorporeis processus manentibus prioribus in se firmis efficiuntur, dum nihil sui perdunt, neq; permutant ad substantiam inferioribus exhibendam. quapropter neq; quæ inde subsistunt, cum aliqua perditione vel transmutatione subsistunt, neq; hoc quidem efficitur, sicut generatio interitus, permutationisq; participes: ingenita igitur, & incorruptibilia sunt atque ingenitæ, incorruptæq; secundum hoc ipsum effectæ.

Quomodo intelligatur quod est superius intellectus.

DE illo quod est mente superius, per intelligentiam quidem multa dicuntur: considerantur autem vacuitate quadam intelligentiæ intelligentia meliore. quemadmodum de dormiente per vigiliantiam multa dicuntur, sed per somnum ipse in cognitio ejus, peritiaq; habetur. simili namq; simile cognosci solet, quoniam
omnis

omnis cognitio, assimilatio quædam est ad hoc ipsum, quod cognoscitur.

*Non ens aut est superius ente, ut Deus,
aut inferius cum materia.*

QUod non ens dicitur, aut ipsi nos machinamur ab ipso ente aliquando separari, aut superintelligimus, dum ens possidemus. quapropter si separamur ab ente, ens ipsum non superintelligimus: non ens super ens ipsum, sed jam non ens velut falsam concipimus passionem, contingentem videlicet illi, qui digreditur extra seipsum. ipse enim quisque quemadmodum existenter, id est verè, atque per se ipsum potest reduci ad ipsum non ens ente superius, sic ab ente, seque ipso digrediens jam traducitur ad non ens, quod entis ipsius est casus atque ruina.

*Substantia incorporea est ubi-
cunque vult.*

Natura corporis nihil impedit, quin quod secundum se incorporeum est sit ubicunque, & quomodocunque. Sicut enim corpori incomprehensibile est quod molis est expertus, nihilque ad ipsum pertinet: sic incorporeo ipsum, quod mole distenditur, non sit obstaculum & quasi non ens
t. 2. jacet.

jacet. neque enim quod incorporeum est locali conditione quò vult discurrit: locus enim cum mole simul existit. neque rursus corporum limitibus coërcetur: quod enim quomodocunque jacet in mole, in angustum cohiberi potest, & conditione locali transmutationem agere. quod autem est à mole, magnitudinéque prorsus exemptum, hoc ab iis, quæ sunt in mole, contineri non potest, à motuq; locali permanet liberum. Igitur quali quadam, certa; dispositione reperitur ibi, vbicunque disponitur, loco interea tum vbique, tum nusquam simul existens. quapropter quali quadam certa; affectione, vel super cælum, vel in parte mundi quadam apprehenditur: quando verò in aliqua mundi parte tenetur, non oculis quidem aspiciatur, sed ex operibus ejus præsentia sua sit hominibus manifesta.

Substantia incorporea nullo corpore cohibetur, sed producit escam in corpore, per quam se corpori applicat.

QUod est incorporeum, si quando in corpore comprehendatur, non opus est ut ita concludatur, quemadmodum in parce feræ clauduntur: nullum nanque corpus potest ipsum sic in se cohibere, neque

neque sicut vter liquorem aliquem trahit, & cohibet, aut flatum: sed oportet ipsum substituere vires ab ipsa in seipsum vnione extra manantes, quibus descendens corpori applicatur. copula itaque ejus ad corpus per ineffabilem quādam sui ipsius impletur extensionem: quamobrem non aliud quidē vllū ipsum alligat. sed ipsum certē seipsum. neque igitur resoluit ipsum corpus quando frangitur, aut interit, sed ipsum potius semetipsum enodat, quando à familiari erga subiectum affectione diuertit.

Vniuersales causæ non convertuntur ad effectus, sed eos ad se conuertunt.

NVlla substantiarum, quæ vniuersæ sunt, atq; perfectæ, ad suam conuertitur genituram. Omnes autem perfectæ substantiæ ad generantia rediguntur, & id quidem ad corpus vsque mundanum. Quod quidem quū sit perfectum, ad animam est redactum. animam inquam intellectualem, ideoq; circulo voluitur. anima verò mundi ad intellectum attollitur. intellectus autem origitur ad principium. Omnia itaque perueniunt ad hoc ipsum ab extremis exordientia, quatenus facultas supponit vnicuiq; perueniunt inquam

elevatione ad primum, illuc usque perducta: quæ quidem aut ex propinquo, aut ex longinquo effici solet. Hæc itaque non solum appetere Deum dici possunt, sed etiam pro viribus assequi. in substantiis verò particularibus, & ad multa labi potentibus, inest proclivitas deflectens ad genituras: ideoq; in his delictum dicitur accidisse, in his infidelitas est damnata. has igitur contaminat ipsa materia, propterea quòd ad hanc deflecti possint, quàm tamen interea ad divinum se valeant converterisse: quare perfectio quidem à prioribus secunda substituit conservans eadem ad priora conversa. defectus autem priora etiam ad posteriora deflectit, efficitq; ut hæc ipsa diligant à superiore interim diuerrentia.

*Quomodo differenter est ubiq; Deus,
intellectus, anima.*

DEus est ubique, quia nusquam intellectus est: ubiq; etiam, quia nusquam anima: denique ubique est, quoniam est & nusquam: sed Deus quidem ubique & nusquam est eorum omnium, quæ sunt post ipsum. Sui verò ipsius est solum, sicut est, atque vult. Intellectus autem in deo quidem ubique est, sed in eis, quæ sunt post ipsum,

ipsum, existit nusquam: pariter, & vbiq;
 anima tandem in intellectu, atque deo, si-
 militer est vbiq;, in corpore verò vbiq;
 est simul & nusquam. Corpus autem & in
 anima, & in intellectu, & in Deo, omnia
 profectò cum entia, tum non entia ex deo
 sunt, & ideo neque tamen ipse Deus est,
 cum entia, tum non entia, neque existit in
 eis. Si enim esset duntaxat vbiq;, ipse qui-
 dem omnia, & in omnibus esset. At quo-
 niam est, & nusquā, omnia sanè per ipsum
 sunt. suntq; rursus in ipso, quoniam ipse
 existit vbiq;: diversa rursus ab ipso, quo-
 niam ipse nusquam. Similiter intellectus
 vbiq; existens, atque nusquam, causa est
 animarum, animasq; sequentium: neque
 ipse anima est, neque quæ post animam,
 neq; in eis existit: quoniam videlicet non
 solum vbiq; est, eorumq;, quæ sunt post
 ipsum, sed & nusquam. Rursus, anima
 neque corpus est, neq; est in corpore, sed
 causa corporis, quoniam dum vbiq; est,
 per corpus simul est, & in corpore nul-
 quam. processus deniq; vniuersi in illud
 desinit, quod neque vbiq; simul, neque
 nusquam esse valet, sed alternis
 quibusdam vicibus vtri-
 usque fit parti-
 ceps.

EX PORPHYRIO
DE ABSTINEN-
TIA ANIMA-
LIVM,
MARSILIO FICINO
INTERPRETE.

*

Anima in hoc corpore dormit.



Abstineret animalibus præci-
pimus, non quidem omni-
bus, sed omni duntaxat diu-
ina contemplaturo, qui sanè
animaduertit hujus habita-
culi veneficia, in quo hîc habitamus: quin
etiam cognoscit, quod in se est, naturali-
ter perpetuò vigilans, atq; somnum, quo
hîc opprimitur, deprehendit. Cui nos sa-
nè educationem, nutritionemq; trademus
côsentaneam: tum hujus loci naturæ, tum
sui ipsius cognitioni conuenientem.

*Beatitudo non est diuinorum cognitio,
sed vita diuina.*

Beata nobis contemplatio non est ver-
borum accumulatio, disciplinarumq;
multitudo, quemadmodum aliquis fortè
putauerit: neque enim ita componitur,
neq; pro quantitate rationum ac verbo-
rum

rum accipit incrementum, alioqui nihil prohiberet illos, qui omnes congregauerint disciplinas, esse beatos. hunc verò nedum quælibet disciplina felicem contemplatione impleat, nec ipsæ etiam de iis, quæ veræ sunt doctrinæ, id vnquam efficiunt, nisi eis adsit & vita in ipsam diuinorum translata naturam. profectò contemplationis finis est ens ipsum, verumq; assequi adeò scilicet, vt ejusmodi assecutio contemplatorem pro naturæ suæ viribus, cum eo, quod contemplatur, consuet in vnum: non enim in aliud, sed in ipsum verè seipsum fit recursus, neq; ad aliud, sed ad seipsum re vera fit conspiratio. Ipse verò re vera est intellectus. Quamobrem & finis est intellectu vivere, atque ad hoc ipsum sermones, disciplinæq; foris adhibita, conditionem quidem nobis purgatoriam adhibent, non tamen rationem ipsam qua nobis felicitas cõpleatur. quãobrem si in sermonum, rationumq; congerie felicitas ipsa consisteret, liceret hominibus educationem, certaque officia contemnentibus, felicem consequi finem. at verò, quoniam hanc vitam oportet in aliam commutare, animum per verba, & rationes, operaque purgantes, dic agè, quænam sermones, quænam opera sic potissim

tissimum nos instituant? nōne verba duntaxat, officiaq; , quibus à rebus sensum mouentibus, sensusq; passionibus separemur? Atq; ad vitam intellectualem, superque imaginationem, ac pro viribus passionis expertem denique reducamur.

De anima descensu, atq; ascensu.

O Portet nos, si modò ad illa, quæ re vera nobis propria sunt, reuolaturi sumus, hæc, quæ & ex natura mortali nobis adsumpsimus, omnino deponere vnà cum affectione ad hæc declināte, per quā descēso nobis cōtingit. præterea reminisci beatæ, & æternæ substantiæ, ac, dum ad incorporeum studemus ascendere, duo potissimum meditari, tum qua ratione esse materiale, caducumq; deponamus, tum etiam qua via præcipuè reuertamur, contraria scilicet via redeūtes ad illa viæ, per quam ad hæc nostra descēdimus. Eramus enim, & adhuc sumus, intellectuales essentia puræ ab omni sensu, naturaq; irrationali viuētes: copulati verò sumus naturæ sensibili, tū per impotentiā æternæ ad intelligibile nostrū conjunctionis, tū per potentiā ad inferiora vergentem. Omnes enim vires cum sensu, corporeq; agentes, tunc primū pullulant ad effectum, quū animus in ipso intelligibili minimè perseuer

seuerat, similes terræ jam deprauatæ, quæ,
 quū triticum sæpe sulceperit, reddit de-
 niq; lolium: Idq; per quandam animæ ac-
 cidit prauitatem, quæ sanè nō perdit qui-
 dem ipsius essentiā, dum irrationale pul-
 lulat germen, sed per hoc ipsum anima
 cōiungitur cum mortali, dum ad alienum
 ex proprio trahitur. Quamobrē, si quando
 ad pristinum statum redire pro viribus
 affectamus, necessariū est à sensu, & ima-
 ginatione, omniq; irrationali, quæ sequi-
 tur inde, conditione, passionibusq; ejus-
 modi animum penitus segregare, quate-
 nus permittit naturæ necessitas. Rite verò
 disponere, articulatiq; componere, quæ
 ad mentem pertinent, tranquillitatem, pa-
 cemq; ex hoc circa irrationale bellè con-
 stituentes, vt nō solum de ipsis intellectus
 intelligibilibus audiamus, sed etiā quan-
 ta potentia sumus fruētes, videlicet con-
 templatōe mentis, & in naturam incor-
 poream restituti. Iamq; per intellectū ve-
 rè viuētes, nec vltrà falsò vnā cum natu-
 ris caduco cognatis. Soluere itaq; multa
 nobis indumenta debemus, tum visibile
 hoc indumentum, tum interiores adhuc
 nobis vestes adhibitas. non enim vitio-
 rum effectus tantum deuītare debemus.
 sed effectus etiam ipsos radicitus extirpa-

re. discessus autem à corpore fieri quidem potest cum violentia, fieri quoq; persuasione quadam, & profectò rite peragitur per extenuationem quandam, & ut dixerit aliquis, per oblivionem, mortemq; affectuum, quæ quidẽ optima discessio est, quippe quom nihil trahat secum ipse, ex quo animus ipse diuellitur, nam ut in rebus sensibus manifestis compertum habemus, quicquid euellitur violentia, aliquid secum, siue partẽ, seu vestigiũ euulsionis ipsius, ejusq; ex quo eradicatur, trahere solet.

De solutione animæ.

Sapientes antiqui diligenter omnia deuitabant, quæ animam corpori affigere possent. sic Pythagorici, & similes sapientes partim se in solitudinem receperunt, partim in ciuitatum templis, lucisq; vivebant, vnde procul turba omnis semoueretur. Plato autem elegit academiam habitandam, agrum non modò solitarium, & ab vrbe semotum, sed etiã (ut fertur) insalubrem. Alij verò oculis etiam minimè pepercerunt, quo contemplationem intimam nullis interpellatam, & perpetuam conseruarent. Philosophus quidem animum à corpore per violentiam non extrudet: nam si vim intulerit, nihilo minus

minus permanebit ibidem, vnde sic exire compulerit. neque tamen parum referre putabit, si corpore impinguando sibi carcerem confirmauerit duriores. Cauebit enim ne sensus, ejusq; voluptas, si inuale-scat, animam profundius in corpus im-mergat. Profectò si sensuum actiones pu-ram animi actionem non impedirent, quidnam graue foret esse in corpore, dum motiones, quæ per corpus fiunt, minimè patiaris? quo enim modo judicares, dice-resq; quod passus fueris, nisi & patiaris, nisi & præsens his existeres, quæ patieba-ris? Intellectus quidè penes seipsum esto, etiam si nos penes ipsum minimè simus. qui autem ab intellectu digreditur, ibi jam est, quo est transgressus, discurrensq; sursum, atque deorsum, attentiore perce-ptionis cujusdam studio, illic jam adest, vbi perceptio ipsa peragitur, nedum qui ad experientiam sensibilibum descendit, & per facultatem irrationalem agit, possit interea quæ secundum mentem sunt, con-templari syncerè: nec illi etiam, qui duas nobis attribuunt animas, geminas quoq; nobis attentiones simul habere permit-tunt, alioquin duo animalium conjugia effecissent. fieri posset altero ad alia in-tento, vt alterum sibi alterius opera mi-nimè

nimè vendicaret. Sed quidnam oporteret passiones corporeas enervare, ab eisq; mori, idq; quotidie meditari, si possemus secundum intellectum agere conjuncti mortalibus absque intellectus inspectione, ut aliquis declaravit? Intellectus enim videt, intellectus audit. At si luxuriosè comedens, vinumq; ingurgitans suavissimum, potes interea divinis incumbere, cur non frequenter es in divinis, dum humanis inhæres, eaq; congressu perpetras, quæ dictu etiam honesta non sunt? ubique enim pueri ipsius, qui nobis inest, perturbationes sunt, & quia turpes, ideo ad eas contemplator distrahi nequit, & interim contemplari. ubi enim sensus, animadversioque ejusmodi, illinc ipsum abest intelligibile: & quo magis facultas excitatur ratione carens, eo longius abest intelligentia. fieri nanque non potest, ut aliquis huc, atque illuc delatus, hic simul sit atque ibi. non enim parte nostrum, sed toto attentiores efficimus.

De abstinentia.

Vir autem cautus, & qui naturæ veneficia suspicatur, cognoscitq; naturam corporis, quemadmodum videlicet in-

strum:

strumenti more ad animi vires contem-
peratum est, intelligit sanè quantū passio
sonare parata est velis, nolisque quoties
ab externis pulsatur corpus, pulsatioq; in
perceptionem peruenit: perceptio enim
ipsa, animaduersioq; sonus ipse est. Fieri
verò non potest, ut anima sonet quidem,
nisi tota conuersa sit ad sonum, & oeu-
lum præsentem ad hoc ipsum direxe-
rit. Quando verò sublata multorum in-
digentia causa fuerit, liberatiq; fuerimus
eorum copia, quæ intromittuntur in cor-
pus, & eorū pondere jam leuati, tunc ani-
mi oculus à fumo, fluctuq; corporeo fo-
res emicat, neque commemoratione, neq;
demonstratione jam indiget ob naturalē
sui solertiam otij nesciam. Præterea usus
carnium ad sanitatem minimè cōfert, sed
sanitatem potius impedit: quoniam per
quæ recuperatur sanitas, per eadem perse-
uerat, recuperatur autē per victū tenuissi-
mum: & carnibus abstinentē, quapropter
& hoc sanitas conseruatur. Quod si ad
Milonis robur animalium abstinentia mi-
nus confert, certè neq; roboris augmen-
to opus est philosopho, si modò contem-
platurus est: neque actionibus seipsum, &
incontinentiæ dediturus conseruare pro-
fecto sanitatem decet, non mortis quidem
metu.

metu, sed potius ne à bonis contempla-
tione proficiscantibus arceamur. Conser-
uat autem maximè sanitatem impertur-
batus animi status, cogitationisq; disposi-
tio ad ipsum, quod verè est, exposita. Mul-
tum enim vigoris ad corpus inde redun-
dat, quemadmodum experiètia nostri fa-
miliares comprobauerunt, adcò, ut dolo-
res juncturarum, pedum simul, manuumq;
acerrimos, annosq; integros octo vectari
ab alio compellentes simul expulerint,
cum pecuniarum, rerumq; incuria exter-
narum, studioq; ad diuinitatem prorsus
iacto. simul igitur pecunias, atque curas,
morbumq; corporis expulerunt. Ex quo
apparet plurimum, immo totum ad sani-
tatem conferre certum quendam animi
habitum, atque statum: conducit & pluri-
mum tenuis ad idem victus, & parcus. Si
autem oportet nos nihil veritos verita-
tem liberè confiteri, non datur aliter fi-
nem consequi, nisi quandoque deo (si di-
ctu fas est) affigamur, atque euellamur
à corpore, oblectamentiisq; corporeis:
quippe quò salus ipsa nobis non per nu-
dum verborum rationumq; auditum, sed
per opera comparetur, non aliter inquam
deo copulari possumus, quàm per puris-
simam abstinentiam; neque etiam videli-
cet

et alicui particularium deo nedū ipsi deo omnibus præsidenti, superq; naturā etiam incorporeā simpliciter existenti, qui quātō cæteris simplicior est, & purior, sufficientiorq; , & a materia longè semotior, tantō puriorem esse oportet animum eo aliquando fruiturum.

EX SECVNDO LIBRO

PORPHYRII, DE SA-

*crificijs, et dñs, atque
demonibus.*

Primi sacrificatores non animalia, sed herbas primū, floresq; , deinde arbores sacrificarunt, atq; aromata subfumigarunt. Primi, qui animalibus vesci cœperunt, penuria frugū animalia inuasērunt, prius enim terræ fructibus vescebantur. Tribus de causis diis sacrificandū est, ut veneremur, ut gratiā referamus, ut necessaria ab ipsis petamus, malaq; propellamus. ad hæc autē impetranda vōtum animi satisfacit, cui addi possunt ex frugibus munuscula quædam. Animalia verò mactare nefas est. Sacra profectō diis nos quoque dicabimus, sed diuersa. sicut par est, sacrificia offeremus: sicut differētibus quoq; sacrificabimus potestatibus, deo quidē ipsi,

v quæ

qui regnat in omnibus, sicut sapiens quidam vir inquit, nihil sensibile offeremus, neq; fumigantes, neq; denominantes. Nihil est enim materiale, quod ipsi prorsus immateriali subito non sit impurū. quapropter neq; sermo huic vocalis esse potest accommodatus, neq; etiā sermo animo intus, quando passione quadā animę sit inquinatus, sed silētio puro, purisq; de ipso intelligentiis ipsum rite colemus. oportet igitur conjunctos, similesq; deo jam effectos nostram hanc ad deum elevationē, velut sacram victimam, dedicare deo, quę quidē & ipsamet diuina laus est, salusq; nostra. in ipsa igitur dei hujus cōtemplatione passionis omnis experte sacrificium hoc impletur. Filiis autem ejus, qui & intelligibiles dii sunt, laudem jam ex ipso quoque sermone adhibere debemus. Nam vnicuique numinum iusta primitiarum sit oblatio ex iis, quę largitur, & per quę nos nutrit, atq; in esse conseruat ad sacrificij facultatem. sicut igitur agricolę primitias ex iis, quę colligunt, manipulos videlicet frugum, atque fructus arborum ad numina ferunt, ita nos dicabimus eis primitias intelligētiarum, similiumq; munerum excellentium, gratias scilicet pro iis agentes, quę nobis largi

giti sunt, ipsam videlicet numinum, munerumq; suorum contemplationem, præcipuè quâ per ipsam eorû inspectionem verè nos nutriant, præsentés vbique nobis, atque apparentes, & nostræ salutis feliciter aspirantes. Nunc verò multos etiam philosophiæ studiosos id operari piget, qui gloriam potius, quàm diuinitatē cōsentes circa statuas reuoluuntur, neq; cōsiderant, vtrum, & quomodo ad talia sit veniendum: neque discere student ab illis, qui diuina sapientia pollent, quousq; & quantum ad hæc sit concurrendum. Nos autem cum his minimè contendemus, neq; tale aliquid dignoscere studebimus, sed sanctos, antiquosq; imitabimur plurimum, videlicet velut primitiarum numinibus ex ipsa contēplatione dicantes, quam nobis superi tribuerunt, & cujus nobis vsus ad veram salutem est admodum necessarius. itaque Pythagorici circa numeros, lineasq; versati, ex his etiā diis plurimum dedicabant, alium quidem numerum Palladem nominantes, alium verò Dianam, alium Apollinem: rursus alium iustitiam, alium temperantiam, ac similiter in figuris, atq; ita similibus sacrificiis diis adeo placuerunt, vt vnumquēq; deorum suis oblationibus aduocarēt, eorūq;

rumq; beneficio frequenter ad varicinũ
vterentur, & siquo ad examinandum ali-
quid indigerent. Diis autẽ quæ sunt intra
cælum, siue cursu quodammodo perer-
rantibus, siue non errantibus, quorum du-
cem esse Solem primò, deinde Lunã exi-
stimandũ est, commodẽ sacrare possumus
ignem jam quasi cognatũ, & quæ mandat
theologus seruare debemus. Inquit autẽ
ille, animatum nullum sacrificandum, sed
vsq; ad farinam, & mel, terræq; fructus
atq; flores: nouit enim virum pietatis ve-
ræ cultorem, Diis quidem animatum nul-
lum aliquando sacraturum, sed dæmoni-
bus, atque aliis siue bonis, siue malis. sed
missa hæc faciamus. mihi quidẽ quæ ple-
riq; Platonicoꝝ diuulgauerunt, in mediũ
ingeniosis jam afferenda videntur. Tra-
dunt verò hoc tantummodo, primus qui-
dem deus quum sit incorporeus, immobi-
lis, impartibilis in nullo, neq; etiam in se-
ipso cohibitus, nullo eget externo, neque
etiã mundi anima eget externis. Possidet
enim & continet ipsum, quod est trina di-
uisione porrectũ, facultatemq; natura-
liter se mouentem, & suapte natura decre-
uit bene, ordinateq; moueri, mouereq;
mundi corpus secundũ optimas rationes.
excepit autem in seipsa corpus, atq; com-
plexa

plexa est, quamvis incorporea sit, atque ab omni libera passione. Diis autem reliquis ac mundo & errantibus, & non errantibus, qui ex anima, & corpore constant, oculis manifesti, sacrificandum est sacrificiis inanimatis ea, qua diximus, ratione.

*De speciebus demonum bonorum,
atque malorum.*

Reliqua est inuisibilium multitudo, quos demones indistinctos dixit Plato. horum verò alij quidam ab hominibus cognominati apud singulos nati sunt honores diis æquales, reliquumque cultum: alij verò plurimum formæ nominari non sunt, sed à quibusdam per vicis, aut vrbes nomē, & cultū occulte quodam modo sortiuntur. reliqua verò turba, sic quidem communiter appellatur nomine demonum. Rata verò apud omnes fides est ejusmodi: eos certè læsuros genus humanum, si irascantur, propterea quòd negligantur, neq; cultum legitimū nanciscantur: rursusq; benefacturos hominibus, qui eos votis, supplicationibusq; & sacrificiis, & aliis, quæ cōsequuntur, sibi cōciliauerūt. Quū igitur opinio hæc de demonibus cōfusa sit, multūq; habeat in eos calūniæ, necessarium est eorū naturā ratione distinguere,

guere. Forte nanq; necessarium aiunt, unde circa illos error hominibus incidit declarare. distinguendum igitur hunc in modum. Quæcunq; igitur animæ ex tota anima pullulantes magnas sub Luna locorum partes gubernant, ἀπειροδρόμοι innitentes quidem, siue adhærentes, siue impositæ spiritui, sed ipsum secundum rationem superâtes. has utiq; bonos dæmones judicandum, & ad eorum, quæ sunt, utilitatem omnia procurare, siue quibusdam præsent animalibus, siue certis fructibus, siue aliis horum gratia ordinatis: velut imbribus, & temperatis ventis, æriq; sereno, temperationiq; temporum, & reliquis ad hæc omnia conferentibus: apud nos rursum artibus & musicæ disciplinæ, & medicinæ, & gymnasticæ, atq; similibus. Fieri verò non potest, ut ij, qui utilitati rerum, commoditatiq; consulunt, rursum inferant detrimenta. inter eos adnumerandi sunt dæmones, quos Plato transferre, nuntiareq; dicit humana quidē diis, diuinæ hominibus, dum vota quidem nostra ad deos, velut iudices perferunt: illorum verò iussa, monitionesq; vñ cum vaticinio ad nos deducunt. Quæcunque verò animæ conjuncto spiritui minimè dominantur, sed plurimum cedunt, hæc
sanè

sanè per hunc ducuntur nimium, & feruntur, quando iræ, concupiscentiæq; spiritus inualescunt. hæ quidem animæ ipsæ quoq; sunt dæmones, sed rite malefici nominantur. Sunt autem tum hi omnes, tum quos diximus ab his diuersi inuisibiles, nec prorsus humanis sensibus manifesti. non enim solido corpore vestiuntur. Præterea nec vnā omnes formam habent, sed figuris plurimis insignitas. Et formæ, quæ illorum spiritum obsignant, aliàs quidem apparent, aliàs verò nequaquam. aliquando verò & formas mutant illi scilicet, qui deteriores sunt. Spiritus autem eorum, qua quidem ratione corporeum quiddam est, passioni obnoxium est, atque dissolubile: sed qua ab animis, ira depinctū species ejus diu perseverare potest, neque tamen est æternum. Consentaneum est aliquid ab eo semper effluere, atque nutriri. In commensuratione quidem corpus bonorum consistit, quemadmodum & corpora nobis manifestorum, sed maleficorum dæmonum inconcinna sunt, ac affectione passiva locum incolunt terræ vicinum. Nullum ergo malum est, quod non audeant perpetrare: habent enim omnino violentum, & malè sanum morem, desertum videlicet custodia dæmonum

monum meliorum. Ideoq; vehementes, repentināsq; insidias plurimū machinantur, & prouunt. ac dum agunt incurſiones, partim latere conantur, partim inferunt violentiam. quā obrem acutæ, velocēsq; sunt paſſiones ab eis illatæ: curationes autem, emendationesq; à dæmonibus melioribus tardiores eſſe videntur. Omne enim bonum gubernatione facile, æqualeq; eſt, & progreditur ordine, neq; quod oportunitate eſt transgreditur. Si ergo ſic de dæmonibus ſenſeris, nunquam in opinionem de illis incidēs abſurdiſſimam, per quam opineris, vel à bonis mala, vel à malis contingere bona. neque ſic tantū abſurdus eſt ſermo, ſed etiam multi concipientes inde peſſimas de diis opiniones in multos homines diuulgarunt. Vnum enim hoc eſt inter maxima damna, quæ à maleficis dæmonibus inferuntur, quòd videlicet, quum ipſi infeliciū paſſionum terrenis incidētium auctores ſint, ſicut peſtis, penuriæ, terræ motus, æſtus, incendijs, atq; ſimiliū, nobis interea perſuadent illos horum effectores eſſe, qui contrariorum potiùs, id eſt fertilitatis, proſperitatisq; ejuſmodi ſunt auctores: ſic itaque ſe ipſos ex ipſa calamitatum cauſa conantur abſoluere: atq; hoc ipſum machinantes,
primū

primum quidem iniustitiam suam latere nos moliantur, subinde verò nos flectunt ad supplicationes, & sacra beneficiis cōuenientia diis, quasi illi nobis irati sint: hæc autem, similiaq; faciunt studentes à recta deorum sententia nos abducere, atque ad seipsos adducere. omnibus enim rebus sic iniquè, discorditerq; factis admodum delectantur, & tanquam aliorum deorum facies subeunt: sicq; imprudentia nostra confici sibi turbas in societate adsumunt, & propter ejusmodi concupiscentias hominum incendunt animos amoribus, cupiditatibusq; diuitiarum, & dominationum, atque voluptatum. rursus nouis, extraneisq; opinionibus nos inuoluunt, ex quibus seditiones, bellaq; nascuntur, & cætera generis ejusdem. Quod autem omnium grauissimum est, persuadent similia à superis effici à deo, ut etiam deum maximum criminationibus ejusmodi subigant, quem tradant omnia sursum, deorsumq; turbare. Accidit autem hoc non rudibus tantum hominibus, sed multis philosophiæ etiam studiosis. Causa verò erroris mutuo procedit, atque confirmatur. Etenim philosophantes, qui à communi colluione nunquam secesserunt, in eosdem cum plebe errores inciderunt, rursusq;

susq; turbæ opinionibus suis similes à laudatis scriptoribus audientes in hac de diis sententia sunt magis etiam confirmatæ. Poëticum nanque artificium, suspensiones insuper ejusmodi hominum acrius excitavit, propterea quòd elocutione vitur ad stuporem, & attractum quasi magicum vehementer accommodata, facileq; potenti mulcere animos, & allicere, ideoq; fidem de rebus prorsus impossibilibus nobis afferre: sed profectò firmiter credendū est, neq; bonū vnquam lædere, neq; prodesse malum. Non enim calor est (ut inquit Plato) frigefacere, sed oppositi. ita neq; iusti nocere. Iustissimū autem omniū naturaliter est ipsa diuinitas, alioquin nihil diuinum foret. Nōne igitur secernenda est hæc potentia, forsq; beneficorum dæmonum? quæ enim prompta est, naturaliter admodum contraria est beneficæ, contraria, verò circa idem nunquam naturaliter accidunt. Quū igitur ejusmodi dæmones in multis mortalem lædant naturam, & quandoque in magnis, certè boni dæmones interim officia sua nunquam deserunt, sed imminetia passim à malis pericula pro facultate significant, tum in somniis ostendentes, tum per animos diuinitus inspiratos, perq; alia multa.

ta. Ac si quis posset significata discernere, cunctas improborum machinas deprehenderet, atque deuitaret. hi nanque significant omnibus, sed non cuius significata cognoscit: neq; quilibet scripta legere valet, sed qui literas antè didicerit. Per contrarios verò dæmones vniuersum efficitur veneficium. hos nanque maximè, horumq; ducem honorare solent, qui mala veneficiis inferunt. hi sanè dæmones omniformibus figuris, imaginibusq; abundant, prodigiorumq; machina strenuè fallunt, horum opera infelices *φάρμακ*, amatoriaq; maleficia machinantur. omnis enim intemperantia, spesq; diuinarum, atque gloriæ, per hos inualefcit, præcipuè verò deceptio: mendacium enim proprium est ejusmodi dæmonum. Dij enim videri volunt, ac potestas ipsa eis præsidens, deus maximus vult haberi. Hi sanè sunt duntaxat, qui libamine, nidoreq; carniū oblectantur. his enim spirituale corpus eorum pinguescere solet. viuit nanque hoc vaporibus, fumigationibusq;, atq; variè admodum (vt par est) per varia, nidoreq; sanguinis, & carniū vires adsumit. Vir igitur prudens, atque temperatus, cauebit ejusmodi sacrificiis vri, quibus ejusmodi dæmones attrahat ad seipsum. Studebit autè

animum

animum perfectè purgare. animū nanque purum ob ipsam dissimilitudinem nunquam aggrediuntur. Proinde si ciuitatibus fortè necessarium sit hos etiam dæmones sibi conciliare, nihil ad nos vsus ejusmodi pertinet. Nam in ciuitate diuitiæ, externaq; , & corporea commoda tanquam bona inter ciues habentur, atq; horum cōtraria mala: neq; fermè quicquam pensi habent de animi perfectione, atque puritate. Nos autem commodis, quæ dæmones afferant, quantum fieri poterit, nō egebimus, sed tum ex animo, tum ex externis omni studio cōtendemus, deo quidem ipsi, sibiq; propinquis similes effici, quod sanè trāquillitate animi, veritatisq; rerum comprehensione distincta, ac vita ad hæc prorsus intenta completur: improbis autem hominibus, atque dæmonibus, omniq; prorsus. & quod mortali, materialiq; gaudeat, dissimiles effici. Quamobrē secundum ea, quæ tradidit Theophrastus, ipsi quoq; sacrificabimus, quibus & theologi consenserunt, cognoscentes videlicet quatenus animam à perrurbationibus purgare negligimus, eatenus potestati improbæ copulari. vnde merito compellemur hanc insuper demulcere. vt enim theologi tradunt, qui à rebus pendent externis,

ternis, neq; dum perturbationibus dominantur, hac ipsa conditione coguntur potestatis ejusmodi impetum à se propellere, alioquin cessare nunquam à laboribus poterunt.

De sacrificijs ad daemones malos, & de abstinentia, & cautione à malis demonibus.

QUapropter theologi, si quando permittunt dæmonibus improbis, vitandorum gratia malorum, quæ illaturi sint, animalia mactare, vetant simul talia sacrificia degustare, interea jubent antè quàm ita sacrifices purgare animum jejuniis, ac præcipuè animalium abstinentia. Existimant enim sanctam animi puritatem esse quasi symbolum, characteremq; diuinum, quo custodiaris adeò, vt nihil patiaris ab illis, quibus ipse propinquas, dum eos sacrificando concilias: quando enim contrà sis affectus, atque illi, quibus sacrificia operaris, sisq; purior, ideoq; diuinior te, & corpore & animo indemnem perseuerare, pura scilicet sanctimonia velut arce munitum. Quamobrem fascinatoribus etiam veneficisq; necessaria visa est ejusmodi cautio, per quàm sint à discrimine tutiores, neque tamen penitus tuti esse possunt: lasciuiæ nanque genera consueuerunt dæmones improbos compellare.

pellare. quapropter non veneficorum, incantatorumque propria est puritas, atque simonia, sed diuinorum certè virorum, contemplantiumq; diuina. iam verò castitas, abstinenciaq; suos passim obseruatores contra malos dæmones diuina familiaritate tuetur. itaque si fascinatores hac vtī prorsus constituissent, certè fascinare nunquam prorsus auderēt, vtpote, qui per hanc reuocati essent ab eorum concupiscentia, quorum gratia in pietate se polluant. Itaque perturbationum pleni, atq; vix vel paululum cibis abstinentes impuris, ideoq; ipsi prorsus impuri supplicia luunt transgressionis contra vniuersum iniquè: partim quidem sub dæmonibus, quos ipsi prouocant, partim etiam sub diuino iudicio cuncta mortalium opera, consiliaq; prorsus inspiciente.

De vero cultu, & sacrificio, & cautione à malis dæmonibus.

Diuinus autem vir animum, tum sapientia diuina, tum abstinencia ciborum perturbationes hominibus incitantium, tum ipsa ad deum similitudine muniet, & quasi dei templum incontaminatum animum esse putabit, in hoc videlicet vniuerso dei patris templo. Proinde
quum

quū omne sensibile corpus defluxus quosdam materialium dæmonum nobis afferat, certè vnà cum impuritate nutrimenti ex carnibus, & sanguinibus hausti adest nobis potestas dæmonica huic amica, facileq; pellesta propter similitudinē, proprietatemq; valde familiarem. Quamobrē rectè theologi omnes in primis abstinentiæ studuerunt, atq; Ægyptius nobis hæc aperuit, causam afferens maximè naturalem, quam experientia comprobauerat. Quoniam videlicet praua, irrationalisq; anima, quæ corpus violentia suum reliquit, expoliata ad hoc ipsum deinde se admouet, ibiq; moras protrahit, vnde hominum quoq; animæ violentia mortuorum immorantur, & circa corpus. idq; ipsum nos admonet ne vi à corpore animam excludamus. Quum igitur violentæ viuentium cædes compellant animas corpora relicta diligere, nihil autem obstat, quo minus anima ibi sit quocunque cognatum aliquid allicit eam, vnde animæ passim multæ visæ sunt lamentari, hominumq; animæ carentium sepultura circa corpora immorentur. quibus sanè malefici sæpius abutuntur ad ministeriū suum efficiendum, compellentes animas appositione corporis, vel partis cuiusdam assumptione

sumptione: quū hæc inquam hæc illis historia comperta sint, compertamque habuerint improbæ naturam animæ, & cognitionem ejus ad corpus, voluptatemq; qua afficitur erga corpus, ex quo euulsa est, jure nutrimentum ex animalibus fugerunt, atque damnauerunt, ne extraneas animas auulsas violenter, atque impuras, quæ ad cognatum sibi trahuntur, ad se sic accersirent: néve prohiberentur quominus soli, puriq; deo appropinquarent, si quando videlicet præsentia turbantium demonum propellerentur à deo. Quòd natura cognati corporis incitamentum quoddam sit ad animam trahendam, experientia in pluribus theologos docuit. Qui enim vaticinantium animalium insinuaré sibi animas optabant, præcipua illorum membra deglutientes, velut corda ceruorum, vel talparum, vel asturum accipiebant, subinde præsentem animam dei ritu vaticinantiæ, quæ sanè vnà cum sui corporis intus assumptione in corpus humanum se penitus ingerebat. Iure igitur philosophus, deiq; sacerdos omnibus dominatis, animalibus omnibus abstinet. solus videlicet soli deo per seipsum studens appropinquare, dum videlicet nulla comitantium inde turba diuertat, quo quidem

dem commercio ipse, deinde & naturas rerum intelligit, & diuinat, deumq; habet in semetipso, vnde æternæ vitæ fiduciam pignusq; possidet, totus trāsatus ad deū, atque vātis loco jam Iouis familiaris euadit. Proinde si qua necessitas instat, non desunt huic diuinitatis familiari passim boni dæmones occurrentes ei, & per somnia, signa, voces, futura prænunciantes, vnde discatur, quid sit necessarium deuītare. Solum nanq; discedendum est à malo, cognoscendumq;, quod in vniuerso sit optimum ac maximè venerandum. & vniuersum, quod est in toto bonum amicum, atq; affabile. Improbilas autem, & inscitia diuinorum compellit hominē despicere quæ non nouit, eaq; damnare. verum apud eos, qui audire possunt, ipsa natura clamat. quæ, quū intellectualis sit, per intellectum cultores suos in sacra penitus introducit. Nouit profectò vir sapiens, dæmones quidem malos animalium victimis delectari, & in eis futura portendere. Deos autem huiusmodi victimis non egere, qui sanè adorantium mores inspiciunt, maximū sacrificium existimantes rectum de ipsis, atq; de rebus iudicium. nam apud deos optima est oblatio, pura mens, & per turbationum vacuus animus. hinc Pla-

to bono quidem viro conuenire ait sacrificia operari, diuinisq; interesse: malum verò frustra in sacrificiis laborare.

EX LIBRO TERTIO,

QVOD ANIMAE SEN-

suales sint, & rationales,

atq; immortales.

IN libro tertio dicit se afferre opinionem veram. & Pythagoricam: omnem scilicet animam sensibus, & memoria pradiatā, esse rationalem, habereq; rationem, orationemq;, tum interiorem, tum exteriorem, qua inter se loquātur animalia. quorum verba non discerni à nobis, nihil mirum fit, quum barbarorū etiam multorū sermonem minimè discernamus, neq; tam loqui quā indistinctè vociferari putemus. Addit, si credendum sit antiquis, atque illis, qui patrum nostrorum, & nostro tempore extiterunt. Sunt qui dicant se audire sermonem animalium, atq; intelligere, sicut apud antiquos Melapus, & Tiresias, atque tales. nuper verò Apollonius Theaneus, quem dicunt in amicorum cœtu, quū audiret hirundinem aliis nunciare, asinum prope urbem onustum tritico cecidisse, triticumq; humi diffusum: contendit.

tendit deinde animalia rationem habere, tum quia inter se sua significēt, tum quia diligenti sibi solertia consulant, vsuiq; futuro provideāt, tum quia discant, & ab se inuicem, & ab hominibus multa, seipsaq; inuicem doceant. Subjungit Aristotelem, Platonem, Empedoclem, Democritum, aliosq;, quicūq; veritatem de animalibus perscrutari sunt, participationē rationis, orationisq; in animalibus cōperisse. Apparere autem in hac diuersitate, vt Aristoteles quoque dixerit, in essentia minimē differentem: sed per magis, minúsve diuersitatem, quemadmodum plerique putent differentiam deorum in hac ad homines esse. non quidem secundū essentiā, imo secundū perfectum, & imperfectum habitum rationis, sic & rationis naturam nobiscum animalibus, sed per magis & minus existimamus esse cōmunem. Animalia illa Aristoteles ait esse prudentiora, id est astutiora, quæ sensuum acumine pol-
lent. Differentiæ verò corporū facile quidem, vel difficile passiuam reddunt animam, atq; magis, minusq; promptam habere rationem præstant. verū secundū essentiam, variare animā nequeunt, quando neq; sensus, neq; passionēs reddunt inter se differentes, neq; faciunt, vt perfectū.

transgrediantur. Concedatur itaq; secundum magis & minus esse in his differentiam rationis, neq; tamen ratione animalia reliqua omnino priuentur, neq; ex eo, quod nos magis, quàm animalia intelligamus, propterea illa intellectione omnino priuemus. sicut neq; volare perdices negamus, quoniam astures velocius volent. Concedere quidem poterit aliquis animam cum corpore compati, pati q; aliquid eo vel bene, vel malè affecto: permutari verò ipsam animæ naturam ex hoc, nequaquam. Si autem compatitur tantum, utitur q; eo, ut instrumento, faciet quidem per ipsum multa aliter instrumētis dispositum, quàm nos simus, quæ quidem nos facere non valemus. Atque compatietur per ipsum certo modo dispositum, non tamen naturam propriam commutabit. Qui autem bruta dicit, quæ rationaliter agunt, natura facere, non animaduertit se dicere hæc rationalia esse natura. quasi verò ratio nobis natura non insit. Ipsa q; perfectio nō, sicut natura instituti sumus, suscipiat incrementum, veruntamen quod diuinum est, non fit disciplina rationale. non enim erat quādo rationale non esset, sed simul & fuit, & rationale fuit. neque prohibetur esse rationale, quoniam ratio-

nem

ait cygnos suos esse conseruos, non est iocatus. Tabula verò indicat ^{conueniens} indignatione deorum, ex hominibus animas in animalia pertransire; quū verò pertransuerint, deos denique misereri. per hæc, & similia significatur animalia esse rationalia, ratione quidem in plurimis imperfecta, non tamen prorsus ab ente.

Nefas est animalia cadere.

Injustum est animalia cedere, quandoquidem non omnino à nobis sunt aliena. Nos autem tanquam lasciui, & insolentes ludo frequenter in theatris, ventionibusq; animalia passim plurima interficimus, quo factum est, ut vis ipsa in nobis ferina, & immittis vehementius inualuerit; humanitas autem, & mansuetudo cessauerit. Pythagorici verò mansuetudinem, & clementiam erga feras meditati sunt, tanquam humanitatis, & misericordiæ specimen. Omne, quod est inanimatum, quū ratione, menteq; careat, opponitur ei, quod vna cum anima rationem, & intelligentiam quandam habet. Omne nanque animatum sensuale habet etiam phantasiā, velut rationem quandam. natura enim, quæ alicujus gratia, & ad ali-

quid

quid omnia facit, & fecit animal sensuale, non quidem ut simpliciter sentiret, atque pateretur, sed ut perciperet quæ sibi comoda forent, quæ ve incommoda, & illa quidem sequeretur, hæc fugeret. sensus igitur utrorumque cognitionem singulis animalibus affert. quæ verò sensum sequuntur, scilicet utilium prosecutiones, apprehensionesq; noxiorum verò deuitationes, putandum est non adesse nisi habentibus ratiocinationem quandam, & iudicium, atque memoriam. Et si Strato physicus sensum dicit non absq; intelligentia quicquam agere, siquidem præsentia sensibus non percipimus, dum attentius aliud intelligimus: tamen esto quidem sensum non egere mente ad ejus actionem, at quando ad proprium, & alienum sensus agendo se confert, & inter hæc duo differentiam ponit, & illud fugit, hoc sequitur, mediumq; sequendi, effugiendiq; sagaciter inuenit inesse rationem: conijcere possumus, & hæc quidem rationis propria sunt, omniaq; omnibus animalibus adsunt scilicet progressiuis.

Qui paucis contentus vivit, & innocens, est quasi deus.

QUum animi finis sit deo fieri similis, Deus autem nullius indigus sit, no-

ceatve nulli, ille certè felicissimus est, deo
que simillimus, qui ita seipsum comparat,
ut quamminimè egeat alienis, quammini-
mè noceat. hic ergo solis vascetur terræ
fructibus, ne noceat hominibus, ne no-
ceat animalibus: & quantum fieri pote-
rit, parceret etiam plantis & herbis: nam &
hoc ipsum antiqui lamentabantur, quòd
vel arborum fructibus egeamus. hujus au-
tem egestatis causa generatio est, quòdve
in ipsa inopia per generationem constituti
sumus jam remotiores à copia. inopia ve-
rò salutem quæritat ab externis. Qui igitur
pluribus eget externis, magis cum ino-
pia copulatur, longiusq; à deo disiungi-
tur. qui enim deo similis est, hac ipsa simi-
litudine veram possidet copiam. Diues au-
tem, diuitiisq; fruens, nullis infert inju-
riam. nempe quandiu injuriam infert,
quamvis pecunias omneis habeat, to-
tamq; occupet terram, pauper est haben-
dus, quippe quum sit familiaris inopiæ.
Quamobrem vir injustus profanus est, &
omni prauitate pollutus. quod quidem vi-
tium nobis intulit ruina quædam animæ
in materiam discedentis à bono. omnia
igitur nugæ sunt, quatenus aliquis à prin-
cipio deficit. omnium egenus est animus,
quandiu ad ipsam plenitudinem minimè
suspici

suspicit. Cedit autem ei, quod est naturæ suæ mortale, quatenus ipse non nouit re vera seipsum. Qui autem tanquam deo similis jam effectus, quàm minimis ad victum est contentus, hic illa seculi aurei prosperitate potitur.

Ratio quædam inest etiam animalibus.

Ratio quidem naturaliter inest. ratio verò recta, perfectaq; ex meditatione fit, atque doctrina. Quapropter rationalis quidem facultatis participatio quædam omnibus competit animalibus. Rectitudinem verò, sapientiamq; neq; hominem quidem adeptum reperire licet: & quemadmodum differentia visus ipsius est ad visum, volatusq; ad volatum. non enim similiter cernunt astures, atque cicadæ, neque aquilæ similiter volant, atque perdices, sic neque rationale quodlibet æquè particeps est acuminis, & astutiz.

EX QVARTO LIBRO,

ANTIQVI ANIMALI-

bns abstinebant.

Dicæarchus Peripateticus antiquos inquit Græcos, tanquam proximè deo genitos, optimos fuisse natura, ac vitam optimam peregisse, adeò vt genus eorum aureum

x s sit

fit iudicatum. subdit eos nullum animal occidisse. Illi sanè nihil ad sanitatem melius probauerunt, quàm superflua minimè congregare. Itaque nutrimentum natura valentius adsumere noluerunt, sed quo potius esset natura valentior. Antiqui quoque sacerdotes Ægyptiorum sapientiæ studio dediti, de quibus Cheremon Stoicus diligentissimè tractat, animalibus plurimùm abstinebant. Quinetiam multa, velut diuina, venerabantur, quorum alia diis aliis accommodata dicebant, sicut Soli asturem, atq; cantharum, & arietem, atque crocodilum. Comprehenderunt enim omnis animalis animam esse rationalem, quando à corpore fuerit separata, præsagamq; futuri, nobisq; diuinantem, omniumq; effectricem, quorum & homo solutus à corpore. non ergo temere animalia honorabāt, & ab eis se, quantum fieri poterat, continebant.

Sobria vita Essæorum.

NArrat subinde ex historia Iosephi Essæorum vitam religiosorum apud Iudæos, atque philosophorum, omnia eos habuisse cōmunia, charitatem mutuatam, & abstinētiā, & patientiam ante omnia coluisse, diuino cultui semper intentos: adeoq;

ad hoc, fortis animo, ut necari quàm deū negare maluerint. Atque in ipsis cruciati-
bus ridere palàm cōsueuerint. qui ob eam
causam cruciati alacres animas emitte-
bant, tanquam iterum recepturi. hæc enim
sententia rata est, inquit, apud illos, ani-
mas immortales existere, atque ab athe-
re tenuissimo descendentes corporibus
applicari, *ῥύπον*, id est, impetu, & instinctu
naturali tractas ad corpora: postquàm ve-
rò è carcere corporis emigrauerint, tan-
quam à longa seruitute jam liberis exul-
tare, perq; sublimia se attollere. Abstine-
bant tum animalibus multis, tum omni
prorsus incontinentia. Deniq; ex ipsa vita
& temperatissima, & veritatis studiosissi-
ma, & deuotissima deo inter eos multi fu-
tura præfagiebant, ideoq; prophetae no-
minabantur.

*Sapientes antiqui præsentem vitam con-
temnebant spe futura.*

Sapientes. Indorum nominati sunt Gy-
mnosophistæ. inter eos qui quadã ge-
neris successione in studio religionis, &
sapientiæ procedebant, Brachmanes no-
minati sunt: qui verò idem electione tan-
tùm profitebantur, Samanci, quorum vi-
tam Bardesanes Babylonius latè descri-
bit.

bit. Samanei huius vitæ tempus totum
 necessariam quandam seruitutem naturæ
 ministrantem inuiti ferebant, studebantq;
 animas è corpore soluere. & quū prospere
 corpus se habere sentirent sæpe, nihilo
 ad hoc urgente, egrediebantur è vita. hos
 ergo domestici obitu beatos existimabāt,
 atque eos, qui illis superessent, desiebat,
 vt infelices.

*Sobrietas, & contemplatio mentem
 deo coniungit.*

GYmnosophistæ, præter reliquā tem-
 perantiam atq; sanctimoniam anima-
 libus abstinebant. Sanctimonia quidem
 mortalibus abstinens æternam continet
 vitam. Corpus autem pinguefactum ani-
 mam cogit esurire à felici vita cadentem,
 augetq; mortale, expellens, impediensq;
 vitam nobis æternam. contaminat & ani-
 mam, videlicet corpoream eam reddens,
 & ad id, quod diuersum est, desectens.
 Magnes verò lapis quasi quandam ani-
 mam trahit ferro sibi aliquando propin-
 quanti. vnde ferrum natura grauissimum
 euadit leue, eleuaturq; spiritu magnetis se
 conferens ad magnetem. Siquis ergo ad
 deum suspensus euaserit, incorporeum in-
 tellectualemq;, meritò non debet nutri-
 ment

mentum quarere, quo pinguescat corpus. quod iter ad mentem impedit, sed ad minimum, ac penitus necessarium alimentum rediget corpus: ipseque nutrietur diuinitate naturalius deo conjunctus, quam magneti ferrum. Iam verò si neque minimis quidem alimentis indigeremus, tantò feliciores essemus, quantò magis & immortales. Nunc verò in hoc mortali viuentes, adhuc etiam nos (vt ita dicam) mortaliore latenter efficimus, dum corpus adaugemus, atque (vt Theophrastus inquit) dum *ἐναισιον*, id est plurimum necessitudinis animus familiarius habitando cum corpore contrahit, atque insuper seipsum adhibet totum. Sed vrinam absque cibo penitus, atque potu agere vitam potuissemus: vt corporis cohibentes effluxum, optimis statim rebus conjungeremur, in quibus & deus existens ita deus existit. Verum quidnam frustra ad homines hæc exclamamus, atque deflemus, sic excæcos, vt malum quidem suum assidue foueant, oderint verò seipsos primò, verumque genitorè? Deinde eos etiam, qui vt quandoque ab ebrietate expergiscantur, admonent, & hortantur. Democrates ait, viuere imprudenter, intemperanter, impiè, non tam malè viuere est, quàm diu mori.

EX

EX MICHAELE

PSELLODEDAE-

MONIBVS.

Interpres Marsilius Ficinus.

Natura demonum non est absque corpore, sed habet corpus, & versatur circa corpora, quod & venerandi patres nostri iudicauerunt. sunt & qui asserant, demones propria cum corporibus praesentia sibi apparuisse. Atq; & Basilus diuinus mysteriorum nobis oc cultorum inspector, non solum demonibus, sed puris etiam angelis corpora tribuit, velut spiritus quosdam tenues, & aëreos, atq; puros, & testem affert Dauidē dicentem: Qui facit angelos ejus spiritus, ac ministros ejus flammeos: atq; id quidē necessarium est. oportet enim, vt diuinus asserit Paulus, spiritus ministros, qui mittuntur, corpus habere, quo mouentur, gradumq; sistant, palamq; appareant. nouerunt enim haec ministeria nō aliter, quam corpus aliud perfici posse. quod si cubilegas in scriptura eos incorporeos appellari, respondeo & nostros, & alios solere corpora quidem crassiora corporea nominare,

minare, corpora verò tenuia, & quæ aspectum, tactumq; effugiunt, incorporea frequenter cognominare. Non est autē corpus idem cognatum angelis, atq; daemionibus. Angelicum enim corpus radios quosdam effundens alternis oculis sustineri non potest, eis penitus euanescent: daemonicum verò si vnquam tale fuerit, eloqui nescio. videtur autem tale aliquando extitisse, quum Isaias nominet angelū, qui cecidit, luciferum: nunc verò alioquin obscurum, tenebrosūq; existit, ac si conjugato lumine nudatum oculis offeratur, molestum nobis occurrit, & angelicum quidem materiae penitus expers, quapropter & per vniuersum solidum penetrat, atq; pertransit, minusq; etiam quàm solis radius passionibus est obnoxium. Solis nanq; radium per corpora diaphana, atq; translucida procedentem, siue ingredientem obstacula terrena, & opaca obstantia detinent adeò, vt sustineat fractionem, vt pote qui ad malum cognitionem habeat. Corpori verò angelico nihil horum obstat, vt pote quod nullam à quoquam oppositionem patitur; quippe quum horum nullis in ordine congruat, vel natura. corpora verò daemonica quamuis ob tenuitatem inuisibilia sint, attamen materialia quod

quodammodo sunt, passioniq; subiecta, præsertim quæcūq; loca subterranea subire. Hæc enim adeo cōcreta sunt, vt tactui subijciantur, pulsataque doleant, & igni propinquantia comburantur, adeo vt horum quædam cinerem quoq; relinquant. Quod quidē apud Thnscos Italiæ populos accidisse, historia traditur. neque ego hæc loquor quasi poëticam fabulā, monstraq; in mediū afferens Cretenstiū Phœnicumq; more, sed ex ipsis Saluatoris verbis persuasus, hæc affirmo, quæ tradunt dæmones igne torqueri, vtpote qui, propterea quod corporei sunt, pati possint. Quo enim modo pati possent, si incorporei forent? quod enim incorporeum est, pati à corpore ne fingi quidem potest.

Sex demonum species, quomodo se transformant, se nobis insinuant, nos moueant.

A Ccepi verò multa de his ab eis, qui seiplos dediderūt studio eos in aspectum prouocādi, tamen si nil tale vnquam viderim, neque videre dæmonas optem. Versatus verò sum cum aliquo, qui in Cherrhoneso Græciæ contermina solitariam vitam egit, Marco nomine. hic in Mesim fluuium genus suum referebat, ac, si quis

fiquis alius, in dæmonum cultu profecerat, inspexeratq; apparitiones dæmonum: hæc ergo antè tanquam vana, falsa; spernebat, atque detestabatur. deinde verò palinodiam cecinit, verisq; dogmatibus, & nostris adhæsit. hic ergo multa, & mira quidem, & dæmonica nobis aperuit, atque mihi interdum interroganti, vtrum dæmones pati possent: & valde quidem, inquit, adeò vt nonnulli dæmonū semen jacent, atq; in pusilla quædam animalia oriantur. Tum ego, incredibile inquam dæmonas excrementa habere, & membra genitalia. Habet quidē, inquit ille, membra, sed non talia, excrementum verò aliquod ex illis emanat. Tum verò subjunxit, mihi crede. sed ego, inquam, graui in discrimine sum, si nostro more nutriantur. Nutriuntur sanè, inquit Marcus, alij quidem inspiratione, veluti in arteriis, & nervis viget spiritus: alij verò humore, sed non ore, vt nos, immo verò sicut spongiæ, atque ostræ, exuentes quidem humorem extrinsecus adiacentem, rursus autem quod in humore concretius est secermentes. id verò non patiuntur omnes, sed solum genera dæmonum materiæ proxima, genusq; dæmonum, quod odit lucem, & aquatile, atque subterraneum. At

hæc interrogavi, sunt ne ô Marce multa
dæmonum genera? multa, inquit, atque di-
uerſa, tum ſecundum formas, tum ſecun-
dum corpora, adeò, vt & ær, qui ſupra nos
eſt, & qui circa nos, ſit plenus dæmonum,
plena & terra, mareq; , & loca abdita, atq;
profunda. niſi moleſtum eſt, inquam, enu-
mera. Sex generaliter, inquit, ſunt genera
dæmonum: neque verò noui, vtrum locis
diuidere oporteat dæmonas, in quibus
verſantur, an potius ex eo, quòd vniuer-
ſum dæmonum genus amore afficiatur
ad corpus. Eſſe verò noui ſenarium nu-
merum corporeum, atq; mundanum. In
eo enim circumſtantiæ corporeæ ſunt, atq;
mundus per hunc cõpoſitus eſt, ſiue quia
hic numerus primus eſt, qui componat
triangulum ſcalenum. Eſſe verò proprium
æquilateri diuinum, atq; cæleſte, vtpote
quod ſit ſibi ipſi æquale, ac difficile mo-
ueatur ad malum. propriũ verò æquicru-
rij genus humanum vti. quod vno quodã
ab inſtituto aberret, ex pœnitentia verò
fiat melius. Scaleni verò proprium dæmo-
nicum tanquam inæquale, nec vlllo modo
propinquans bono. ſiue igitur hoc, ſiue
alio modo res ſe habeat, ſex omnino ille
genera dæmonũ enumerabat, & primum
quidem prima lingua barbarè nōminabat
Ieliu

Ieliureon, id est igneum, quod circa sublimiorem aërem peruagari dicebat. omne namque dæmonicum ex lunaribus regionibus, velut ex templo profanum aliquid exterminari. Secundum verò genus, quod in aëre propinquo nobis oberrat, quod & à multis propriè aëreum nominatur. Tertium, terrenum, quod plurimum circa terram versatur, terrenisq; aduersatur multis rationibus, atq; machinis. Quartum, aquatile, & marinum, quod humoribus se immergit, ac libenter circa lacus, & fluuios habitat, multosq; perdit aquis, & in mari fluctus excitat ac tēpestates, nauigiaq; viris onusta funditus submergit, multosq; obruit vndis. Quintū, subterraneū, quod habitat quidem sub terra, inuadit autem qui puteos effodiunt, & metalla. efficit hiatus terræ, & fundamēta concutit. flammium omnes ventos suscitatur. Sextum & vltimum est lucifugum, imperferutabile, ac penitus tenebrosū, passionibusq; frigidis violenter res perdens. Esse verò dicebat hæc omnia dæmonum genera sic affecta, vt & deos oderint, & hominibus aduersentur, sed aliud alio pejus. Aquatile enim, & subterraneum, ac etiam lucifugum summopere malefica, atque pernicioſa. hæc enim non phantasiis excogita-

tionibusq; animas deprauare, atq; lædere, sed oberrantia ferarum more syluestrium ad perniciem hominũ festinare. sic aquatiles quidem errantes, in aquis suffocare, atque morbo comitiali, dementiaq; vexare. Aëreos autem, atque terrestres arte quadam, & excogitatione inuadere, sicq; humanos animos fallere, & ad perturbationes turpissimas, & iniquas, perniciosasq; flectere. Tum ego, quonam pacto; & quid agētes hæc peragunt? vtrum dominantes nobis, & quocunque placet velut mācipia circumferentes? Non dominātur, ait, sed nobis clām commemorant. spiritui nāq; qui nobis inest, phantastico propinquant, vtpote qui & ipsi spiritus sint, verba perturbationum, & voluptatum nobis insonant, non emittentes quidem vocem pulsatione quadam, ac sonitu, sed sermones suos absque sonitu immittentes. Sed quonam pacto, inquam, sine voce sermones nobis ingerere possunt? Quid mirũ, inquit, si modò illud animaduertas, quemadmodum videlicet qui loquitur, si procul loquatur, vehementiore clamore eget. factus verò propinquior, in audiētis aurem susurrando subloquitur: qui si posset cum ipso animæ spiritu copulari, nullo sono prorsus egeret, sed sermo ejus voluntate

conce

conceptus nullo penitus sono audienti illaberetur, quod quidem animabus etiam egressis corpore contingere tradunt. Has enim sine strepitu inter se versari. hoc utrique modo nobiscum dæmones cōuersantur, clām videlicet, adeò, vt nec vnde quidem nobis inferatur bellū, liceat persentire. Neque de hoc dubitauit quisquis, quod aëri contingit, considerauerit. Sicut enim aër præsentē lumine colores, & formas accipiens traducit in illa, quæ naturaliter accipere possunt, sicut apparet in speculis, rebusq; quasi specularibus: sic & dæmonica corpora suscipientia ab ea, quæ intus est, essentia phantastica figuras, atque colores, & quascunque ipsi voluerunt formas in ipsum animalem, nostrūque spiritum transmittunt, multa nobis negotia præbent, voluntates, & consilia suggerentes, formas subindicantes, suscitantes memorias voluptatum, simulacra passionum frequenter concitantes vigilantibus, atque dormientibus. nonnunquam verò femora nobis, ac inguina titillantibus, incitantes insanos, & iniquos amores subjiunt, & subacuunt, præcipue verò si humores calidos humidosq; ad id conducentes nacti fuerint. Sed hi Plutonis galeā subinducentes perturbant

animas arte quadam, & sophistica fraude. Reliqua verò dæmonum genera nihil excogitant sapienter, nec quicquid facile astu peragunt, nisi quòd molesta tamen, atq; valde turpia sunt, & charonei spiritus more lædunt. Sicut enim ferunt spiritum hunc corrumpere quicquid propinquauerit, siue quadrupes, siue homo, siue sit auis: sic dæmones occurſu diri quicquid occurrerit, subito perdunt agitantes corpora, animosq; naturalesq; habitus peruercentes. sæpe etiam igne, aqua, præcipitio perdunt non solū homines, verū etiam bruta nonnulla. Ad hæc ego, cū nam hi dæmones bruta rursus inuadunt: jam verò circa Gergesam tale aliquid accidisse porcis sacra restantur eloquia. Ad hæc ille, quum dæmones hominum hostes sint, nihil mirum videri debet eos lædere. insultant quinetiā aduersus bruta nonnulla, non tam voluntate nocendi, quàm viuifici caloris auerſitate. Quū enim in locis habitet profundissimis, ad summum quidem frigidis, sed humore carentibus, frigiditatem plurimam contrahunt humoris expertem, qua quidem obstrusi in angustumq; coacti calorem humidum appetunt, & vitalem, utq; hunc assequantur in animalia irruunt, & ratione carentia, &
ad

ad balnea, foucasq; aduolant. Nam calorem ignis, solisq; velut comburentem, & exsiccatem fugiunt: calorem verò animalium quasi moderatum, suauiq; humore permistum diligunt, præsertim humanum, quia sit temperatior. quamobrem hominibus se insinuantes, non mediocriter eos perturbant, oppletis videlicet meatibus, & impletis, in quibus spiritus insidet animalis, ipsoq; spiritu dæmoniorum corporum crassitudine coacto, intusq; concussio, ex quo accidit, ut vibrentur, concutianturq; corpora, viresq; principales malè in actionibus se habeant, ac motiones stupidæ erraticæq; proueniant. Atq; si dæmon, qui irruit, subterraneus sit, cõcutit, ac destruit occupatum, clamatq; per ipsum vtens patientis spiritu velut proprio instrumento. Sin autem lucifugorum aliquis homini se clam ingesserit, segnitiam adducit, cohibetq; vocem, hominemq; obsessum, quasi mortuum reddit, hoc enim genus tãquam inter dæmones vltimum terrestrius est, summo opereq; frigidum, atq; aridum, & cuiusque latèter irreperit, vim omnem animaleam obtundit, & hebetat, obfuscat, & delet. Quò verò ratione captum sit omnino, omniq; intellectuali speculatione prorsus orbatum, & ductum inrationali.

quadam phantasia, more brutorū præ cæ-
teris indocilium, nullis rationibus auscul-
tat, nec redargutiones metuit. quocirca
rectè apud multos mutum, surdumq; vo-
catur: neq; discedit ab occupatis, nisi diui-
na potestate propulsum, oratione videli-
cer, jejuniq; accedentis. Sed ego, ô Mar-
ce, inquam, retentiora quædam sapere nos
medicorum sectatores adducunt, asseren-
tes passiones ejusmodi non esse effectus
dæmonum, sed humorum, vaporumq; &
venti malè sese habentium. itaq; pharma-
cis, & diætâ, non carminibus incantantiâ,
expiationibusq; curare hæc aggredi so-
lent. Tum ille, nihil mirum est hæc medi-
cos dicere, qui nihil nouerint præter sen-
sum, sed corporibus tantum incubuerint
cognoscendis. Illa fortasse decebat malo-
rum humorum putare incommoda, ca-
pitis somniferam grauitatem, atræ bilis
angustias, phrenesis deliramenta, quæ la-
uacris, porionibusq; vel euacuationibus,
vel emplastris sedare consueverunt. Inspira-
tiones autem, occupationesq;, quibus qui
obsessus est, agere nihil potest, non intel-
lectu, non ratione, non phantasia, non sen-
su. Aliud verò est, quod mouet, atque du-
cit, dicitq; insuper, quæ non nouerit oc-
cupatus, & futura nonnunquam prædicat,
quo

quo inquam pacto dicemus, hæc esse erraticas materiæ motiones?

Quomodo demones occupent hominem, loquantur, moveant, se transforment.

EGo igitur Marco fidem adhibeo, præfertim quā memoria teneam, quæ de dæmonibus diuina nobis Euangelia tradunt. quōdve viro Corinthio contigit iubente Paulo, & denique quocunque patrum nostrorum scriptis leguntur de dæmonibus multa, penitusq; miranda. Reliquum verò est, ea referre, quorū ego inspector, & quibus velut auctor interfui. Profectus sum in Elafoniam, vbi vir quidam act⁹ dæmone multa multis oracula fudit. Quem ego conueniens interrogavi, vnde nam sibi facultas vaticinandi contigerit. quū verò ille aperire nollet arcanum, tandem Laconicam passus necessitatem, tandem confessus est verum. Retulit ergo se initiatum fuisse in operibus dæmonum à quodam Aleto Livio, qui eum nocte adduxisset in montem, iussissetq; herbam quandam assumere, deinde in os expuisset, & quibusdam vnguentis oculos illinisset, vnde sibi dæmonum turbas videre cōtigerit: ex quibus senserit, quasi coruum quendam inuolantem, osq; suum ingredientem

dientem ex eo tempore, atq; hætenus sibi
vaticiniū adesse de quibuscūque, & quan-
docunque hoc ipsum vult, quod eum mo-
uet. in diebus enim crucifixionis, & in die
venerandæ apud nos resurrectionis mihi,
ait, nihil, etiam si studiosè contenderim,
insonat. Hæc ille nunciauit. Quum verò
quidam meorum comitum irrideret eum,
percuteretq; ceruicē, ait, Tu quidem pau-
lò post pro vna plaga multas vtiq; repor-
tabis, & aliis multa prædixit, quæ proue-
nerūt. Quidam ergo eum fatidicum con-
spicatus tanquam musicum instrumētum
insonantibus dæmonibus euasisse, sic ob-
jecit, omnes insanie species passionēs sunt
deprauatæ materiæ, potius quàm tragicæ
dæmonum passionēs. Ad hunc ille, nihil
mirum videri debet, inquit, si ita medico-
rum sectatores judicāt, qui nihil vnquam
eiusmodi viderint. Nam & ego ita puta-
bam, quousque contigit prodigiosum ali-
quid prouidere, quod non importunum
erit in præsentia recensere, & profectò ni-
hil mētiar. * Senex quidam, qui hoc idem
pallium induebatur, Frater meus natu ma-
ior habebat vxorem alioquin modestam,
morbisq; vexatam frequentibus. hæc ali-
quando puerpera vehementer jam labo-
rabat, vestemq; confringens barbarè lo-
quebatur,

quēbatur, sermone præsētibz incogni-
 to. itaq; ambigebant omnes quid in re ar-
 dua faciendum foret: fœminæ verò quæ-
 dam adducunt peregrinum quendam no-
 mine Anaphalangiam valde senem rugo-
 sumq; , & exustum, atque nigrum, quī nu-
 dato ense, prope lectum aditans, ira qua-
 dam apprehendit ægrotam, linguaq; sibi
 patria, id est Armenica, acriter conuicia-
 tus est. illa huic vicissim respondit Arme-
 nicè, ac primò quidem audax è lecto pro-
 rupit cū eo protinus certatura. At barba-
 rus ille, tum maximè adjurationibus vte-
 batur, & quasi furens minabatur illam se
 percussurum. Tum fœmina se recepit, cō-
 pressit, contremuitq; , & humiliùs jam lo-
 cuta, in somnum mox incidit. Nos autem
 obstupuimus ambigentes, quonam pacto
 illa locuta sit Armenicè fœmina, quæ Ar-
 menios nec vidit quidem vnquam, neque
 domesticis laribus egressa est. Quū ergo
 resipuisset, interrogauimus eam, quid pas-
 sa fuisset, & nunquid acta animaduertis-
 set, vel mente teneret. Tum illa respondit
 se vidisse dæmonum visum tenebrosū,
 & simile mulieri, passos habenti crines in
 se irruere. vnde antè quàm ipsa lectum in-
 grederetur, extimuisse: quod verò dein-
 ceptū securū est, minimè persensisse: quam-
 obrem

obrem ego post hæc ita dubitare cœpi,
 quonam pacto dæmon mulierem pertur-
 bans mulier appareret: nec injuria dubita-
 batur, vtrum dæmonum alij quidem ma-
 res, alij verò sint fœminæ more animalium
 caducorum: præterea quomodo dæmon
 lingua Armenica videretur. nam valde du-
 bitandum est, num dæmones alij Græcè,
 alij Chaldaicè, alij Persicè, alij Syriacè
 loquantur. Deinde quomodo ad magi il-
 lius minas seipsum dæmon compresserit,
 strictumq; timuerit ensen: quid enim pa-
 tiatur ab ense dæmon individuus, atque
 immortalis? Tum Marcus dubitationem
 meam animaduertens, ait, nullus dæmon
 suapte natura mas est, vel fœmina. Com-
 positorum enim sunt hujusmodi passio-
 nes: corpora verò dæmonum simplicia sunt
 ductu, flexuq; facilia, ad omnemq; con-
 figurationem naturaliter apta. sicut enim
 nubes suspicimus nunc hominum, nunc
 vrforum, nunc draconum, aliorumve præ-
 ferre figuras, sic & corpora dæmonum:
 sed hoc interest, quòd nubes externis agi-
 tata ventis figuras varias agunt, dæmo-
 nes autem proprio consilio, prout ipsi vo-
 lunt, corporum formas in se variant, &
 modò in breuiorẽ molem contrahuntur,
 modò rursus in longiorem se extendunt.

Quem

Quemadmodum lumbricis videtur acci-
dere ob substantiam meliorem, ductūque
facillimam: neque solum magnitudine in-
eis diuersitas accidit, verum etiam figu-
ras, coloresq; variant multiformes: cor-
pus enim dæmonis ad vtrunque est natu-
ra paratum. qua enim ratione est natura
facile cedens, sic in varias figurarum spe-
cies transformatur: qua vero aëreum est,
diuersos aëris instar colores subit. Sed aër
quidem ab extrinseco coloratur, corpus
verò dæmonis ab intima phantasie actio-
ne species colorum accipit. quemadmo-
dum nobis expauescentibus genæ pallo-
scunt, verecundia verò affectis rubescunt,
anima verò prout sic, aut sic afficitur, pas-
siones ejusmodi in corpus, similiter tra-
ducente eadem ratione de dæmonibus
est putandum. Nam & hi ab intrinseco in-
corpora sua colorum species transferunt,
quapropter vnumquodq; dæmonum cor-
pus proprium in quam elegerit figuram
transformans, speciemq; coloris certam
ad extremum vsque corporis educens, sic
& tanquam vir apparet, & mox occurrit,
vt femina, leonis more fremit, saltat vt
pardalis, latrat vt canis, atque ad vris, va-
sisq; formam se aliquādo trāsferit: ac dum
omnes ejusmodi vicissim formas mutat,
nullam

nullam earum stabilem retinet. Nō enim solidum corpus dæmonum, quo possit acceptas retinere figuras. Sed sicut in aëre & aqua contingere cōsuevit, videlicet siue colorē infundas, siue figuram imprimas, mox diffunditur, atque dissoluitur: simile quiddā dæmonibus accidit. nam & in his figura, colorq; & species rerum quarumlibet citò dilabitur. Docuit itaque Marcus has maris, & fœminæ differentias non inesse dæmonibus, sed apparere, nullamq; ejusmodi formam in eis stabilem permanere. Sin autem è multis audieris dæmonem sub fœminæ specie omnibus puerperis apparere, nullamq; ejusmodi formam, scito, non omnes dæmones eandem vim, voluntatemq; habere, sed in hoc etiam illos valde differre. Nempe in proportionem quadam simili, quā etiam cōposita, caducaq; animalia se habere. sicut enim inter hæc homo quidem intellectualis, prudentisq; potentiæ particeps phantasticā insuper vim communioem habet ad omnia fermè sensibilia explicabilem, atq; diffusam, tum ad cælestia, tum ad illa, quæ circa terrā sunt, atq; in ipsa terra. Equus autē, atque bos, & reliqua ordinis ejusdem vim eam magis particularem, atque ad nōnulla imaginabilia cognomina operantem, quæ

que præsepe, possessoresq; suos cognoscit. Culices autem, & mures, atq; similia, angustiorē hanc habent, atq; indistinctā, neque foramen cognoscunt, ex quo emerferunt, neq; locū, quò processere, & quò quid est adducendum, sed vnicam tantū imaginationem habēt, scilicet alimentis: sic & multa, diuersaq; dæmonum genera inter se similiter differūt. nempe in his quoq; ignei quidem, aëreiq; phantasiam habent variē admodum distinctam, atq; discretā, quancunq; imaginabilē speciē elegerint. nam ad hanc ipsam seipso formant, contra verò lucifugum dæmonū genus se habet. ejus enim imaginatio valde angusta est: itaq; formas varias non commutat, vtpote quòd plures imaginabilium rerum non habeat species, neq; corpora possideat ad motum agilia, ad flexumq; accommodata. Aquatiles verò, atq; terrestres medium inter hos dæmonēs obtinentes, possunt quidem plures formas mutare, sed quibus maxime delectātur, in eis diutius immorantur. Quicunq; enim in humidis viuūt, mollioremq; vitæ ductum tenent, se aui- bus, mulieribusq; similes reddūt. Quapropter naiadas, nereidas, & dryadas fœminino sexu hos cognominant. quicunq; verò in locis habitāt siccioribus, corporaq; ha-
bent

bent subarida, quales *ὄρεα* esse ferūt, in viros se transformant. Nonnunquam etiam canibus, & leonibus, aliisq; animalibus similes se ostendunt: in quibus videlicet mos inest masculinus. Nihil itaq; mirum, si dæmonium inuadens puerperas fœmineam præfert formam: quippe quū sit adulterum, humiditatibusq; se oblectetur impuris, formam enim subit vitæ sibi gatae conuenientem.

Dæmones singularum gentium, quibus loquuntur, linguam imitantur.

Qua verò ratione Armenicè loquerentur, Marcus quidem non explicauit, neq; etiam à nobis est quæsitum. Arbitror autem hinc fore hoc manifestum, quoniam non possit lingua dæmonum propria inueniri. tamen si Hebraicam quis seruare linguam dixerit, siue Græcam, aut Syriam, aliāue barbarā quid enim opus est voce dæmonibus? qui inter se absq; voce conuiuunt. Quum verò sicut angeli posteriores posterioribus, alij aliis gentibus præfunt; sic dæmones alij aliis assistunt: sanè singuli singularum gentium linguas exercent: quamobrem dæmones, qui inter Græcos habitant, heroico stylo oracula ediderūt. apud Chaldaeos verò Chaldaice uteban-

utebantur lingua, quemadmodum apud Ægyptios Ægyptia voce colloquia faciebant. quinetiam dæmones incolentes Armeniam, si aliò fortè se conferant, indigenarum voce vtuntur.

*Cur dæmones timeant minas, atque
patiantur.*

SEd quæritur, cur dæmonia minas, en-
lesq; timeant. profectò omnia dæmo-
num genera audacia, rursusq; timiditate
plena sunt, præsertim conjunctiora mate-
riæ. Aërea enim circumspectæ cogitatio-
nis participia, si quis objurgauit, discernere
nouerunt objurgantem, vel honoran-
tem: neq; aliter ab obsessis discedunt, nisi
obtestator erga deum sanctimonia pol-
leat, nomenq; dei, sermonemq; horribi-
lem incantet potestate diuina. hæc profe-
ctò sunt dæmonia materiæ proxima, for-
midantia ne in loca profundiora, abyf-
sumq; demittantur. Item angelos timent,
qui illuc eos præcipitant quoties videlicet
quispiam eis præcipitium minitatur, ad-
ducitq; inuocationes angelorum ad hoc
institutorum. valde enim timent. nam ob
ignorantiã non discernunt minitantem.
Iam verò si anicula quædã, vel superbior
senecium aliquis, minas ejusmodi rusticè

intentaverit, sæpe discedūt, quia discernere nequeūt. Ideo superfluis etiam quibusdam facile mancipātur, scilicet vnguibus, & capillis à pollato magorum genere. Itē plumbo, & cera, tenuiq; filo devinciuntur, atq; nefariis adjurationibus cōturbantur. venefici ergo, & nefandi dæmonia hæc subterranea mansuefaciunt. Qui verò nefariis ministeriis abstinēt, aërea maxime colunt, cauētes ne dæmonium subterraneum interueniat. nam siquid tale interuenerit, præter id, quod terrores incutit, etiam saxa jacere consuevit. proprium enim subterraneorū est lapides in occurrētes jacere, sed istibus irritis. Aërea verò dæmonia ratio dīctat intrepida esse, neq; tamen boni quicquam afferunt, quoniam & superba sunt, & iactabūda; & deceptionis, phantasmāq; inanis plena. ab eis enim in cultores veniunt ignei quidam radij, quos furiosi homines diuina spectacula putant. nihil tamen veri; cōstantisq; possident. quid enim in obscuris dæmonibus potest lucis inesse? sed hæc omnia fallaciæ sunt occultorum, atq; præstigiæ. Sunt pleriq; qui communiter appellantur Eucheræ, quorum fraudulentum dogma ab infano quodam monente manauit. Tradūt ergo principia plura, & profecto ab ipso monem

monem

monente duo rerum principia supposita sunt, ita ut deo bonorum opifici Deus maiorum, artifexque; ponatur, deoque; celestium domino Deus dominus subcelestium. hinc Eucherius miseritertium his principium adhibuerunt. Nempe apud eos unus quidem pater est: filij verò duo, antiquior videlicet, atque junior. principia tria, sed patri quidem supermundana tantum, juniori autem filio celestia, seniori verò subcelestia velut dominis tribuuntur. Quod quidem dogma nihilo à Græcis fabulis differre videtur juxta poeticum illud, ternario distributa sunt præmia numero. Sed inter Eucherius, alij utrumque filium colunt, nam etsi dissidere eos nunc inter se dicant, utrumque tamen existimant adorandum. quoniam ambo ex eodem patre nascantur, atque in posterum conciliandi mutuo sint. Alij verò alterum duntaxat, id est juniorem colunt, utpote qui meliori, præstantiorique provinciæ dominetur. seniore verò non spernunt quidem, sed observant ipsum caventes, videlicet ne malefaciat. Deterrimi verò inter illos à celesti quidem numine disiunguntur omnino. solū verò terrestre satanā finibus suis excipiunt, ipsumque; nominibus apud eos potioribus extollunt, appellantes primogenitū, & à patre sejunctum.

animas arte quadam, & sophistica fraude. Reliqua verò dæmonum genera nihil excogitant sapienter, nec quicquid facile astu peragunt, nisi quòd molesta tamen, atq; valde turpia sunt, & charonei spiritus more lædunt. Sicut enim ferunt spiritum hunc corrumpere quicquid propinquauerit, siue quadrupes, siue homo; siue sit auis: sic dæmones occurſu diri quicquid occurrerit, subito perdunt agitates corpora, animosq; naturalesq; habitus peruertentes. sæpe etiam igne, aqua, præcipitio perdunt non solū homines, verū etiam bruta nonnulla. Ad hæc ego, cū nam hi dæmones bruta rursus inuadunt? jam verò circa Gergesam tale aliquid accidisse porcis sacra testantur eloquia. Ad hæc ille, quum dæmones hominum hostes sint, nihil mirum videri debet eos lædere. insultant quinetiā aduersus bruta nonnulla, non tam voluntate nocendi, quàm viuifici caloris auiditate. Quū enim in locis habitet profundissimis, ad summum quidem frigidis, sed humore carentibus, frigiditatem plurimam contrahunt humoris expertem, qua quidem obstrusi in angustumq; coacti calorem humidum appetunt, & vitalem, utq; hunc assequantur in animalia irruunt, & ratione carentia, &
ad

ad balnea, foueasq; aduolant. Nam calorem ignis, solisq; velut comburentem, & exsiccantem fugiunt: calorem verò animalium quasi moderatum, suauiq; humore permistum diligunt, præsertim humanum, quia sit temperatior. quamobrem hominibus se insinuantes, non mediocriter eos perturbant, oppletis videlicet meatibus, & impletis, in quibus spiritus insidet animalis, ipsoq; spiritu dæmoniorum corporum crassitudine coacto, intusq; concusso, ex quo accidit, vt vibrentur, concutianturq; corpora, viresq; principales malè in actionibus se habeant, ac motiones stupidæ erraticæq; proueniant. Atq; si dæmon, qui irruit, subterraneus sit, cõcutit, ac destruit occupatum, clamatq; per ipsum vtens patientis spiritu velut proprio instrumento. Sin autem lucifugorum aliquis homini se clàm ingesserit, segnitiam adducit, cohibetq; vocem, hominemq; obsessum, quasi mortuum reddit, hoc enim genus tãquam inter dæmones vltimum terrestrius est, summo perèq; frigidum, atq; aridum, & cuicunque latèter irrepserit, vim omnem animalein obtundit, & hebetat, obfuscat, & delet. Quñ verò ratione captum sit omnino, omniq; intellectuali speculatione prorsus orbatum, & ductū in rationali

quadam phantasia, more brutorū præ cæ-
teris indocilium, nullis rationibus auscul-
tat, nec redargutiones metuit. quocirca
rectè apud multos mutum, surdumq; vo-
catur: neq; discedit ab occupatis, nisi diui-
na potestate propulsum, oratione videli-
cer, jejuniòq; accedentis. Sed ego, ô Mar-
ce, inquam, retentiora quædam sapere nos
medicorum sectatores adducunt, asse-
rentes passiones ejusmodi non esse effectus
dæmonum, sed humorum, vaporumq; &
venti malè sese habentium. itaq; pharisa-
cis, & dixta, non carminibus incantantiū,
expiationibusq; curare hæc aggredi so-
lent. Tum ille, nihil mirum est hæc medi-
cos dicere, qui nihil nouerint præter sen-
sum, sed corporibus tantum incubuerint
cognoscendis. Illa fortasse decebat malo-
rum humorum putare incommoda, ca-
pitis somniferam grauitatem, atræ bilis
angustias, phrenesis deliramenta, quæ la-
uacris, potionibusq; vel euacuationibus,
vel emplastris sedare consueverunt. Inspira-
tiones autem, occupationesq; quibus qui
obsessus est, agere nihil potest, non intel-
lectu, non ratione, non phantasia, non sen-
su. Aliud verò est, quod mouet, arque du-
cit, dicitq; insuper, quæ non nouerit oc-
cupatus, & futura nonnunquam prædicat,
quo

quo inquam pacto dicemus, hæc esse erraticas materiæ motiones?

Quomodo daemones occupent hominem, loquantur, moueant, se transforment.

EGO igitur Marco fidem adhibeo, præferam quàm memoria teneam, quæ de daemonibus diuina nobis Euangelia tradunt. quòdve viro Corinthio contigit iubente Paulo, & denique quocunque patrum nostrorum scriptis leguntur de daemonibus multa, penitusq; miranda. Reliquum verò est, ea referre, quorùm ego inspector, & quibus velut auctor interfui. Profectus sum in Elafoniam, vbi vir quidam actus damone multa multis oracula fudit. Quem ego conueniens interrogauì, vnde nam sibi facultas vaticinandi contigerit. quàm verò ille aperire nollet arcanum, tandem Laconicam passus necessitatem, tandem confessus est verum. Retulit ergo se initiatum fuisse in operibus daemonum à quodam Aleto Liuiò, qui eum nocte adduxisset in montem, iussissetq; herbam quandam assumere, deinde in os expuisset, & quibusdam vnguentis oculos illinisset, vnde sibi daemonum turbas videre cõtingeret: ex quibus senserit, quasi coruam quendam inuolantem, osq; suum ingredientem

dientem ex eo tempore, atq; hætenus sibi vaticiniũ adesse de quibuscũque, & quandocunque hoc ipsum vult, quod eum mouet. in diebus enim crucifixionis, & in die venerandæ apud nos resurrectionis mihi, ait, nihil, etiam si studiosè contenderim, insonat. Hæc ille nunciauit. Quum verò quidam meorum comitum irrideret eum, percuteretq; ceruicẽ, ait, Tu quidem paulò post pro vna plaga multas utiq; reportabis, & aliis multa prædixit, quæ prouenerũt. Quidam ergo eum fatidicum conspiciens tanquam musicum instrumẽtum insonantibus dæmonibus euasisse, sic obiecit, omnes insanie species passiones sunt deprauatæ materiæ, potius quàm tragicæ dæmonum passiones. Ad hunc ille, nihil mirum videri debet, inquit, si ita medicorum sectatores iudicant, qui nihil vnquam ejusmodi viderint. Nam & ego ita putabam, quousque contigit prodigiosum aliquid prouidere, quod non importunum erit in præsentia recensere, & profectò nihil mētiar. * Senex quidam, qui hoc idem pallium induebatur, Frater meus natu maior habebat uxorem alioquin modestam, morbisq; vexatam frequentibus. hæc aliquando puerpera vehementer jam laborabat, vestemq; confringens barbarè loquebatur,

quēbatur, sermone præsenti-
 bus incogni-
 to. itaq; ambigebant omnes quid in re ar-
 dua faciendum foret: fœminæ verò quæ-
 dam adducunt peregrinum quendam no-
 mine Anaphalangiam valde senem rugo-
 sumq;, & exustum, atque nigrum, quī nu-
 dato ense, prope lectum aditans, ira qua-
 dam apprehendit ægrotam, linguaq; sibi
 patria, id est Armenica, acriter conuicia-
 tus est. illa huic vicissim respondit Arme-
 nicè, ac primò quidem audax è lecto pro-
 rupit cū eo protinus certatura. At barba-
 rus ille, tum maximè adjurationibus vie-
 batur, & quasi furens minabatur illam se
 percussurum. Tum fœmina se recepit, cō-
 pressit, contremuitq;, & humiliùs jam lo-
 cuta, in somnum mox incidit. Nos autem
 obstupuimus ambigentes, quonam pacto
 illa locuta sit Armenicè fœmina, quæ Ar-
 menios nec vidit quidem vnquam, neque
 domesticis laribus egressa est. Quñ ergo
 resipuisset, interrogauimus eam, quid pas-
 sa fuisset, & nunquid acta animaduertis-
 set, vel mente teneret. Tum illa respondit
 se vidisse dæmonum visum tenebrosum,
 & simile mulieri, passos habenti crines in
 se irruere. ynde antè quàm ipsa lectum in-
 grederetur, extimuisse: quod verò deinceps
 secutū est, minimè persensisse: quam-
 obrem

obtem ego post hæc ita dubitare cœpi,
quonam pacto dæmon mulierem pertur-
bans mulier appareret: nec injuria dubita-
batur, vtrum dæmonum alij quidem ma-
res, alij verò sint fœminæ more animalium
caducorum: præterea quomodo dæmon
lingua Armenica videretur. nam valde du-
bitandum est, num dæmones alij Græcè,
alij Chaldaicè, alij Persicè, alij Syriacè
loquantur. Deinde quomodo ad magi il-
lius minas seipsum dæmon compresserit,
strictumq; timuerit ensen: quid enim pa-
tiatur ab ense dæmon indiuiduus, atque
immortalis? Tum Marcus dubitationem
meam animaduertens, ait, nullus dæmon
suapte natura mas est, vel fœmina. Com-
positorum enim sunt huiusmodi passio-
nes: corpora verò dæmonum simplicia sunt
ductu, flexuq; facilia, ad omnemq; con-
figurationem naturaliter apta. sicut enim
nubes suspicimus nunc hominum, nunc
vrforum, nunc draconum, aliorumve præ-
ferre figuras, sic & corpora dæmonum:
sed hoc interest, quòd nubes externis agi-
tatæ ventis figuras varias agunt, dæmo-
nes autem proprio consilio, prout ipsi vo-
lunt, corporum formas in se variant, &
modò in breuiorẽ molem contrahuntur,
modò rursus in longiorem se extendunt.

Quem

Quemadmodum lumbricis videtur accidere ob substantiam meliorem, ductūque facillimam: neque solum magnitudine in eis diuersitas accidit, verum etiam figuras, coloresq; variant multiformes: corpus enim dæmonis ad vtrunque est natura paratum. qua enim ratione est natura facile cedens, sic in varias figurarum species transformatur: qua vero aëi cum est, diuersos aëris instar colores subit. Sed aër quidem ab extrinseco coloratur, corpus verò dæmonis ab intima phantasiæ actione species colorum accipit. quemadmodum nobis expauelcentibus genæ pallescunt, verecundia verò affectis rubescunt, anima verò prout sic, aut sic afficitur, passionibus ejusmodi in corpus, similiter traducente eadem ratione de dæmonibus est putandum. Nam & hi ab intrinseco in corpora sua colorum species transferunt, quapropter vnumquodq; dæmonum corpus proprium in quam elegerit figuram transformans, speciemq; coloris certam ad extremum vsque corporis educens, sic & tanquam vir apparet, & mox occurrit, vt femina, leonis more fremit, saltat vt pardalis, latrat vt canis, atque ad vtris, vasq; formam se aliquādo trāsfert: ac dum omnes ejusmodi vicissim formas mutat, nullam:

nullam earum stabilem retinet. Nō enim solidum corpus dæmonum, quo possit acceptas retinere figuras. Sed sicut in aëre & aqua contingere cōsuevit, videlicet siue colorē infundas, siue figuram imprimas, mox diffunditur, atque dissoluitur: simile quiddā dæmonibus accidit. nam & in his figura, colorq; & species rerum quarumlibet citò dilabitur. Docuit itaque Marcus has maris, & fœminæ differentias non inesse dæmonibus, sed apparere, nullamq; ejusmodi formam in eis stabilem permanere. Sin autem è multis audiuero dæmonem sub fœminæ specie omnibus puerperis apparere, nullamq; ejusmodi formam, scito, non omnes dæmones eandem vim, voluntatemq; habere, sed in hoc etiam illos valde differre. Nempe in proportionem quadam simili, quā etiam cōposita, caducaq; animalia se habere. sicut enim inter hæc homo quidem intellectualis, prudentisq; potentia particeps phantasticā insuper vim communioem habet ad omnia fermè sensibilia explicabilem, atq; diffusam, tum ad cælestia, tum ad illa, quæ circa terrā sunt, atq; in ipsa terra. Equus autē, atque bos, & reliqua ordinis ejusdem vim eam magis particularem, atque ad nōnulla imaginabilia cognomina operantem, quæ

que præsepe, possessoresq; suos cognoscit. Culices autem, & mures, atq; similia, angustiorē hanc habent, atq; indistinctā, neque foramen cognoscunt, ex quo emerferunt, neq; locū, quò processere, & quò quid est adducendum, sed vnicam tantū imaginationem habēt, scilicet alimentū: sic & multa, diuersaq; dæmonum genera inter se similiter differūt. nempe in his quoq; ignei quidem, aëreiq; phantasiā habent variē admodum distinctā, atq; discretā, quancūq; imaginabilē speciē elegerint. nam ad hanc ipsā seipso formant, contra verò lucifugum dæmonū genus se habet. ejus enim imaginatio valde angusta est: itaq; formas varias non commutat, utpote quòd plures imaginabilium rerum non habeat species, neq; corpora possideat ad motum agilia, ad flexumq; accommodata. Aquatiles verò, atq; terrestres medium inter hos dæmonēs obtinentes, possunt quidem plures formas mutare, sed quibus maximē delectātur, in eis diutius immorantur. Quicūq; enim in humidis viuūt, mollioremq; vitæ ductum tenent, se aui- bus, mulieribusq; similes reddūt. Quapropter naiadas, nereidas, & dryadas foemino sexu hos cognominant. quicūq; verò in locis habitāt siccioribus, corporaq; ha-
bent

bent subarida, quales *ὄρεσσι* esse ferūt, in viros se transformant. Nonnunquam etiam canibus, & leonibus, aliisq; animalibus similes se ostendunt: in quibus videlicet mos inest masculinus. Nihil itaq; mirum, si dæmonium inuadens puerperas fœmineam præfert formam: quippe quū fit adulterum, humiditatibusq; se oblectetur impuris, formam enim subit vitæ sibi gratæ conuenientem,

Dæmones singularum gentium, quibus loquuntur, linguam imitantur.

Qua verò ratione Armenicè loquerentur, Marcus quidem non explicauit, neq; etiam à nobis est quæsitum. Arbitror autem hinc fore hoc manifestum, quoniam non possit lingua dæmonum propria inueniri. tamen si Hebraicam quis seruare linguam dixerit, siue Græcam, aut Syriam, aliāue barbarā quid enim opus est voce dæmonibus? qui inter se absq; voce conuiuunt. Quum verò sicut angeli posteriores posterioribus, alij aliis gentibus præfunt, sic dæmones alij aliis assistunt: sanè singuli singularum gentium linguas exercent: quam obrem dæmones, qui inter Græcos habitant, heroico stylo oracula ediderūt. apud Chaldaeos verò Chaldaice uteban-

utrebantur lingua, quemadmodum apud Ægyptios Ægyptia voce colloquia faciebant. quinetiam dæmones incolentes Armeniam, si aliò fortè se conferant, indigenarum voce utuntur.

*Cur dæmones timeant minas, atque
patiantur.*

Sed quæritur, cur dæmonia minas, en-
lesq; timeant. profectò omnia dæmo-
num genera audacia, rursusq; timiditate
plena sunt, præsertim conjunctiora mate-
riæ. Aërea enim circumspectæ cogitatio-
nis participia, si quis objurgauit, discerne-
re nouerunt objurgantem, vel honoran-
tem: neq; aliter ab obsessis discedunt, nisi
obtestator, erga deum sanctimonia pol-
leat, nomenq; dei, sermonemq; horribi-
lem incantet potestate diuina. hæc profe-
ctò sunt dæmonia materiæ proxima, for-
midantia ne in loca profundiora, abyf-
sumq; demittantur. Item angelos timent,
qui illuc eos præcipitant quoties videlicet
quispiam eis præcipitium minitur, ad-
ducitq; inuocationes angelorum ad hoc
institutorum. valde enim timent. nam ob
ignorantiã non discernunt minitantem.
Iam verò si anicula quædã, vel superbior
senecium aliquis, minas ejusmodi rusticè

intentaverit, sæpe discedūt, quia discernere nequeūt. Ideo superfluis etiam quibusdam facile mancipātur, scilicet vnguibus, & capillis à polluto magorum genere. Itē plumbo, & cera, tenuiq; filo devinciuntur, atq; nefariis adjurationibus cōturbantur. venefici ergo, & nefandi dæmonia hæc subterranea mansuefaciunt. Qui verò nefariis ministeriis abstinēt, ærea maxime colunt, cauētes ne dæmonium subterraneum interueniat. nam siquid tale interuenerit, præter id, quod terrores incutit. etiam saxa jacere consuevit. proprium enim subterraneorū est lapides in occurrētes jacere, sed ictibus irritis. Aërea verò dæmonia ratio dictat intrepida esse, neq; tamen boni quicquam afferunt, quoniam & superba sunt, & jactabūda; & deceptionis. phantasmāq; inanis plena. ab eis enim in cultores veniunt ignei quidam radij, quos furiosi homines diuina spectacula putant. nihil tamen veri; cōstantisq; possident. quid enim in obscuris dæmonibus potest lucis inesse? sed hæc omnia fallacię sunt occultorum, atq; præstigię. Sunt pleriq; qui communiter appellantur Eucherie, quorum fraudulentum dogma ab insano quodam monente manauit. Tradūt ergo principia plura, & profectò ab ipso monent

monente duo rerum principia supposita sunt, ita ut deo bonorum opifici Deus maior, artifexq; ponatur, deoq; caelestium domino Deus dominus subcaelestium. hinc Euchetae miseri, tertium his principium adhibuerunt. Nempe apud eos unus quidem pater est: filij verò duo, antiquior videlicet, atq; junior. principia tria, sed patri quidem supermundana tantum, juniore autem filio caelestia, seniori verò subcaelestia velut dominis tribuuntur. Quod quidem dogma nihilo à Græcis fabulis differre videtur juxta poetarum illud, ternario distributa sunt præmia numero. Sed inter Euchetas, alij utrumq; filium colunt, nã etsi dissidere eos nunc inter se dicant, utrumq; tamen existimant adorandum. quoniam ambo ex eodem patre nascantur, atque in posterum conciliandi mutuo sint. Alij verò alterum duntaxat, id est juniorem colunt, utpote qui meliori, præstantiorique provincia dominetur. seniore verò non spernunt quidem, sed observant ipsum caventes, videlicet ne malefaciat. Deterrimi verò inter illos à caelesti quidem numine disjunguntur omnino. solū verò terrestre satanā sinibus suis excipiunt, ipsumq; nominibus apud eos potioribus extollunt, appellantes primogenitū, & à patre sejunctum.

ctum. Item arborum, animaliumq; & reliquorum cōpositorum opificem: pestiferum verò, atq; hostilem. Sed qui hæc dogmata introducunt, & oculis, & auribus mentis capti sunt: neq; enim vidēt ex ipsa rerum cognatione mutua, vnum esse omnium auctorem, neque scripturam sanctam id docentem audiunt, neq; ratione secum ipsi reputant: quòd videlicet si duo inter se dissidentes rerum opifices essent, non esset vna quædam conspiratio, vniòque omnia ligans. Et si dæmonia diuitias nobis, & gloriam promittunt, nihil tamen ex se tradere possunt. quippe quū imperium nullum habeāt, sed visu tantum quædam inania suis cultoribus afferunt, varia, prorsus, & instabilia, quæ tamen impij diuina esse spectacula putant.

Euchetæ & gnosci, vt dæmonia toto concipiant pectore, nefanda sacrificia perpetrant. Conueniūt die, quo passus est Saluator, vespere, statutū in locum vnà cum puellis sibi notis, & post quædam sacra extinctis luminibus, mistim coeunt siue cum sorore, siue cum filia, siue cum qualibet. nono rursus mense reuertuntur, puellasq; accersunt, & infantes jam natos ab his euellunt, perq; totum corpus pueros circuncidunt, & circūfuso sanguine phialas

las implent, corpora cremāt, cinerem cum sanguine miscent. hoc condimento epulas, & pocula condiunt, tum sua inter se, tum aliorum clām quoruncūq; possunt. Existimant enim hoc sacrificij, & alimentij genere tanquam maximē profanos characterem diuinum nobis impressum, & dæmonia procul arcentem penitus aboleri, itaque dæmonia liberiūs ingredi.

*Quomodo magi excantent, trahantq;
demonas.*

Veneficia, atq; magia non vanum nomen sortita sunt, sed vim quandam possident. Veneficium enim ars quædam est circa materiales dæmones, & terrestres, simulacra dæmonum prouocans in aspectum, & alios quidem velut ab inferis excitat, alios autē ex alto deducit. Disciplina enim nostra omnem dæmonem existimat malum, propter superbix, & vanitatis excessum, ab angelico statu, ordinēque delapsam. Opinio verò Græca paruum dæmonum partem iudicat malam, & hanc quidem non tanquam electione talem, sed ex prima rerum diuisione sic affectam, tortoris vicem gerentem aduersus animas delinquentes. Talem itaq; dæmonum portionē veneficiis præstigiator in aspectum imaginariū prouocat, visaq;

imaginalia spectatoribus objicit, & aliis quidem fluente quædam illinc exundantia adducunt in medium: aliis autem vinculorum solutiones, & delicias, gratiamq; promittunt. Adducunt verò tales dæmonum potestates nodis, cantibusq; quibusdam, & in plurimis quidem mentitur, in quibusdam vera loquitur. Magia verò facultas quædam Græcis visa est potestatis plurimæ compos. Tradunt enim hanc esse extremam sacerdotij portionem. Affert autem visa quædam sæpius in aspectum falsò diuinitatem aliquā præferentia. Hęc enim facultas perscrutatur vniuscujusque rei, sub Luna genitæ naturam, potentiam, qualitatem elementorum inquā eorumq; partium, animalium, omnium plantarum, & seminum, & pomorum, item lapidum, herbarumq; ac summatim vniuscujusque rei substantiam, & virtutē. hinc ergo effectus suos agit, & statuas sanitatem adducentes, videlicet omnigenis figuris instructas, & alia rursus artificia inferētia morbos callet, & quæ inter se differūt, & quæ conueniunt. multarum nanq; materialium commistio vnionem illi arti affert, distantia verò ab vno discretionem infert. Iam verò aquilæ, & dracones apud illos ad sanitatem conferre dicuntur: feles autem,

& canes, & corui, conferunt ad vigiliam. Cera item, atq; lutum ab illis ad quasdam partium conformationes assumi solent, quippe quā proprietates quasdam suis viribus habeant. Apparet frequenter celestis ignis hucusq; traductio. tunc verò statux subridere videntur, & lampades spōte ignibus accenduntur. instructa est magia multum altronomica facultate, plurimaq; per ipsam peragit. Est & quædam in pelui vaticinatio, per quam rustici sæpe vaticinantur. profectò quemadmodum prædictio quædam fit, id est per aërem, atq; per folia, sic prædictio quædam fit in pelui apud Assyrios frequentata, atq; nominata, quæ profectò congruitatem quandam habet cum daemonibus materiæ valde conjunctis. Accipiunt ergo peluim aqua plenam vaticinantes, dæmonibus congruentem in profunda repentibus. Apparet autem peluis illa aqua plena quodammodo & spirare, propter sonitum, ipsaq; aqua in peluim infusa secundum substantiam quidem ab externis aquis minimè differt, sed virtute infusa carminibus valde præcellit, atque ita facta est aptior ad suscipiendum spiritum deinde fatidicum. Id verò dæmoniū particulare est, atq; terrenum, compositionibusq; attractū: & quum pri-

mum illabitur aquæ sonum, mox quendā exiguum, & significationis expertē edit, remissionem ejus præsentibus significan-tem. deinde verò in aqua jam inundante exiles quidam soni susurrant quadā prædictione futuri. Est autem ejusmodi spiritus passim pererrans, quoniā solarem ordinem est sortitus, idq; genus dæmonum dedita opera tenuem vocem edit, vt propter indistinctā vocis obscuritatem, ejus mendacia minùs deprehendi possint. Sed nunquid corpora dæmonum pulsari possunt? possunt sanè, atq; dolere solido quodam percussa corpore. verum quoniam pacto, quū sint spiritus, neq; solida, neq; cōposita natura, & compositorum est sensus? Sed profectò in iis, quæ sentiunt, non nervus ipse est, qui sentit, sed qui eis spiritus inest. Quapropter si atteratur nervus, si frigeat, si quid aliter patiatur, spiritu videlicet in spiritum missio, fit dolor. Nempe compositum nunquam per se doleret, sed quando participat spiritum, quo quidem priuatum priuatur & sensu. Dæmonicum itaque corpus per totum se naturaliter sensuale secundum partes singulas absque medio videt, audit, tangit, patiturq; tangēdo, & diuisum dolet, sicut & corpora solida. Sed hoc interest, quod
cor

corpora quidem solida, diuisa quum sunt, aut vix, aut nūquam restituuntur: corpus verò dæmonum, vbi secatur, mox in se iterum recreatur, & coalescit, sicut aqua, ærisq; partes, quando aliquid intercidit solidum; sed & dictu velocius dæmonicus spiritus in se reuertitur. Dolet tamē interea, dum diuiditur, quamobrē aciem ferri metuit, idq; animaduertentes, qui fugare dæmones moliantur, tela, & enses in re-ctum ibi constituunt, quò nolunt dæmones aduentare, atq; alia machinantur tum oppositis passionibus propulsantes, tum congrua quadam affectione mulcentes.

ARGVM. ENTVM MAR-
SILII FICINI FLORENTI-

*ni, in librum Mercurij Trismegi-
sti, ad Cosmum Medicum,
patria patrem.*

*

EO tempore, quo Moses natus est, floruit Atlas astrologus Promethei physici frater, ac maternus auus maioris Mercurij, cuius nepos fuit Mercurius Trismegistus. Hoc autem de illo scribit Augustinus, quanquam Cicero, atque Lactantius Mercurios quinque per ordinem fuisse vo-
lunt,

Iunt, quintumq; fuisse illum, qui ab Ægyptiis Theut, à Græcis autem Trismegistus appellatus est. Hunc asserunt occidisse Argum, Ægyptiis præfuisse, eisq; leges, ac literas tradidisse. Literarum verò characteres in animalium, arborumq; figuris instituisse. Hic in tanta hominum veneratione fuit, vt in deorum numerum relatus sit. Templum illius numini constructa quamplurima. Nomen ejus proprium ob reuerentiam quandam, pronunciare vulgò, ac temere non licebat. Primus anni mensis apud Ægyptios nomine ejus cognominatur. oppidum ab eo conditur, quod etiam nunc Græcè nominatur Hermopolis, id est Mercurij ciuitas. Trismegistum verò ter maximum nuncuparunt, quoniam & philosophus maximus, & sacerdos maximus, & rex maximus extitit. Mos enim erat Ægyptiis (vt Plato scribit) ex philosophorum numero sacerdotes, ex sacerdotum cœtu regem eligere. Ille igitur, quemadmodum acumine, atq; doctrina, philosophis omnibus antecesserat, sic sacerdos, inde cõstitutus, sanctimonia vitæ, diuinorumq; cultu, vniuersis sacerdotibus præstitit, ac demum adeptus regiam dignitatem, administratione legum, rebusq; gestis superiorũ regum gloriam

riam obscurauit, vt meritò ter maximus fuerit nuncupatus. Hic inter philosophos primus, à physicis, ac mathematicis ad diuinorum contemplationē se contulit: primus de maiestate dei, dæmonum ordine, animarū mutationibus sapientissimè disputauit. Primus igitur theologiæ appellatus est auctor: eū secutus Orpheus, secūdas antiquæ theologiæ partes obtinuit. Orphei sacris initiatus est Aglaophemus, Aglaophemo successit in theologia Pythagoras, quem Philolaus sectatus est, diui Platonis nostri præceptor. Itaque vna priscæ theologiæ vbiq; sibi consona selecta, ex theologis sex miro quodā ordine conflata est, exordia sumens à Mercurio, à diuo Platone penitus absoluta. Scripsit autē Mercurius libros ad diuinarum rerū cognitionē pertinētes quamplurimos, in quibus, prò Deus immortalis, quàm arcana mysteria, quàm stupēda pandūtur oracula, nec vt philosophus tantū, sed vt propheta sæpenuero loquitur, canitq; futura. Hic ruinā præuidit priscæ religionis, hic ortū nouæ fidei, hic aduentū Christi, hic futurum iudicium, resurrectionem seculi, beatorum gloriam, supplicia peccatorum. Quo factum est, vt Aurelius Augustinus dubitauerit, peritiāne syderū, an reuel

reuelatione dæmonum, multa protulerit: Lactantius autem illum inter Sibyllas, ac Prophetas connumerare non dubitat. E multis denique Mercurij libris, duo sunt diuini præcipuè, vnus de Voluntate diuina, alter de Potestate, & sapientia dei. Ille Asclepius, hic Pimander inscribitur. Illū Apuleius Platonice Latinum fecit, alter vsque ad hæc tempora restitit apud Græcos: at nuper ex Macedonia in Italiam aduectus diligentia Leonardi Pistoriensis, docti, probiq; monachi, ad nos peruenit. Ego autē quū, tuis exhortationibus prouocatus, è Græca lingua in Latinam conuertere statuissem, æquum fore putavi, Cosme felix, vt nomini tuo opusculum dedicarem. Nam cuius ipse adutus opibus, librisq; affatim refertus, studiis Græcis incubui, eidem studiorum Græcorum me decet offerre primitias. Neq; fas erit, opus tam sapientis philosophi, tam pij sacerdotis, tam potentis regis dicare cuiquam, nisi ipse, cui dicatur, pietate, sapientia, potentia, reliquis omnibus antecelleret. Est autem (vt ad scripta Mercurij descendamus) huius libri titulus, Pimander, quoniam ex quatuor personis, quæ in dialogo disputant, primæ Pimandro partes attribuuntur. Edidit verò librum Ægyptiis

ptiis literis, idemq; (Græcæ linguæ peritus) Græcis inde transferendo communicauit Ægyptiorum mysteria. Propositum hujus operis est, de potestate, & sapientia dei differere. Quumq; sint horum operationes geminæ, quarum prima, in ipsa dei natura permanet, secunda porrigitur ad externa, & illa quidem mūdum primum, æternumq; concipit, hæc verò mundum secundum, temporalemq; parit, de vtrisque operationibus, deq; mundo vtroque grauissima disputat: quid dei potestas, quid sapientia, quo ordine intrinsecus concipiant, quo progressu exterius pariant. Præterea, quæ producta sunt, quomodo se inuicē habeant, quò conueniant, quòve discrepent, quo denique pacto suum respiciant auctorem. Ordo autem voluminis est, vt in dialogos quatuordecim distinguamus, vtq; primæ dialogi partes Pimandro, dentur: secundas teneat Trismegistus: tertias Æsculapius: quartum locū obtineat Tatius. Intelligit ergo Mercurius in diuinis Æsculapium, ac Tatium erudire. Diuina docere nequit, qui non didicit: at humano ingenio, quæ supra naturam sunt, inuenire non possumus. Diuino itaque opus est lumine, vt solis luce solem ipsum intueamur. Lumen verò diuinæ

uina mentis nunquam infunditur animæ;
 nisi ipsa, ceu luna ad solem, ad dei men-
 tem penitus conuertantur. Non conuertit-
 tur ad mentem anima, nisi quū ipsa quo-
 que fit mens. Mens verò non prius fit,
 quàm deceptiones sensuum, & phantasiæ
 nebulas deposuerit. Hac de causa Mercuri-
 us modò sensus, & phantasiæ caligines
 exuit, in aditum mentis se reuocans: in ox
 Pimander, id est mens diuina, in hunc in-
 fluit, vnde ordinem rerum omnium, &
 in deo existētium, & ex deo manantium,
 contemplatur. Demum quæ diuino sunt
 numine reuelata, cæteris hominibus ex-
 plicat. Is igitur est libri titulus, id
 propositum illius, & ordo. Tu
 verò, Cosme felix, lege fe-
 liciter, ac diu viue,
 vt & diu patria
 viuat.

MER

MERCVRII TRIS- MEGISTI LIBER

DE POTESTATE ET

*Sapientia Dei, cui
titulus*

PIMANDER.

Marsilio Ficino Florentino interprete.

QVum de rerum natura cogi-
tarem, ac mentis aciem ad
superna erigerem, sopitis
jam corporis sensibus, quē-
admodum accidere solet iis,
qui ob saturitatem vel defatigationem
somno grauari sunt, subitò mihi visus
sum cernere quendam immensa magnitu-
dine corporis, qui me nomine vocans, in
hunc modum clamaret: Quid est, ô Mer-
curi, quod & audire, & intueri desideras?
quid est, quod discere, atque intelligere
cupis? Tum ego, Quisnam es inquā? Sum,
inquit ille, Pimander, mens diuinæ potē-
tiæ: ac tu vide quid velis, ipse verò tibi
vbique adero. Cupio, inquam, rerum na-
turam discere, deumq; cognoscere. Ad-
hæc ille: Tua me mente complectere, &
ego te in cunctis, quæ optaris, erudiam..
Quum hæc dixisset, mutauit formam, &
vniuersa subitò reuelauit. Cernebā enim
immen-

iminēsum quoddam spectaculum, omnia
 videlicet in lumen conuersa, suaue nimiū,
 atq; iucundum, quod intuentem me mi-
 rificē oblectabat. Paulò pòst vmbra quæ-
 dam horrenda, obliqua reuolutione sub-
 terlabebatur, in humidamq; naturam mi-
 grabat, ineffabili tum vultu exagitatam:
 inde fumus quidam magnus in sonitum
 erumpebat, ex sonitu vox egrediebatur,
 quam ego luminis vocem existimabam:
 ex hac luminis voce verbū factū prodiit.
 Verū, hoc naturæ humidæ altans, eam
 fouebat, ex humidæ autē naturæ visceri-
 bus syncerus, ac leuis ignis protinus euo-
 lans alta petit. Aër quoq; leuis spiritu pa-
 rens, mediā regionem inter ignē, & aquā
 fortiebatur. terra verò & aqua sic inuicem
 cōmistæ jacebant, vt terrę facies aquis ob-
 ruta nusquam pateret. Hæc duo deinde
 cōmota sunt à spiritali verbo, quod eis su-
 perferebatur, aures eorum circumsonans.
 Tunc Pimander ait: Aduertis quid sibi
 hæc visio velit? Cognoscā inquam. Ait er-
 go Pimander: Lumē illud ego sum, mens,
 deus tuus, antiquior quàm natura humi-
 da, quæ ex vmbra effulsit: mentis verò ger-
 men lucēs, dei filius. Quid ergo inquam?
 Sic inquit: Cogita, quod in te videt, &
 audit verbum domini, mens autem pater
 deus,

deus, neq; enim distant adinuicē : horum
 vnio vitæ est. **T R I S M E G I S T V S.** Gra-
 tias habeo tibi. **P I M A N D E R.** Verum in
 primis meditare lumen , atque cognosce.
T R I S M. Hæc vbi dicta sunt, diu illū ora-
 ui, vt ejus ideam ad me cōuerteret. Quod
 quū ille fecisset, repente prospicio mea in
 mente lucē viribus innumeris existentē,
 ornatū sine termino ignē, vi ingenti cir-
 cūseptū, & in ipsa stabilitate dominantē.
 Hæc ipse percepi per Pimandri verbum,
 qui me stupore attonitum, sic iterū affa-
 tus est: Vidisti in mente primā speciē infi-
 nito imperio prævalentē? Ejusmodi quæ-
 dam mihi Pimander. At ego illi, Elementa
 naturæ vnde manarunt? **P I M A N.** Ex vo-
 luntate dei, quæ verbum complexa, pul-
 chrumq; intuita mundū, ad ejus exēplar,
 reliqua sui ipsius elementis, vitalibusque
 seminibus exornauit. Mens autem deus
 vtriusque sexus fœcunditate plenissimus,
 vita & lux cum verbo suo mentem alterā
 opificē peperit, qui quidē deus ignis, atq;
 spiritus numē. Septē deinceps fabricauit
 gubernatores, qui circulis mundum sen-
 sibilem complectuntur, eorumq; disposi-
 tio fatum vocatur. Connexuit inde dei
 verbum ex elementis deorsum tendenti-
 bus, purum naturæ artificium, vnitumq;

est opifici menti, consubstantialē enim erat. relictaq; sunt elementa naturæ deorsum cadentia sine ratione, vt sint tanquam sola materies. Mens quidem opifex vnā cum verbo circulos continens, ac celeri rapacitate conuertens, suam ad se machinam flexit, eamq; volui à principio ad finem absq; fine præcepit: incipit enim illic semper vbi desinit. horum profectò cunctorum circuitus, quemadmodum ipsa mens voluit, ex elemētis inferioribus animalia conflauit rationis expertia, neque enim præbuit rationem, aër volatilia protulit, aqua verò natantia. Distincta quoque inter se sunt aqua & terra, cum in modum, qui menti placuerat. Terra postmodum animantia, quæ intus habnerat, peperit, quadrupedia videlicet, serpentia, fera, agrestia pariter, atque domestica. at pater omnium intellectus, vita & fulgor existens, hominem sibi similem procreauit, atque ei tanquam filio suo congratulatus est, pulcher enim erat, patrisq; sui ferebat imaginē. Deus enim re vera propria forma nimium delectatus, opera ejus omnia vsui concessit humano. Homo autem quum considerasset, in tempore suo rerum omnium procreationem, ipse quoque fabricare voluit, vnde à contemplatione

tionem patris, ad sphaeram generationis delapsus est. Quumq; omnium in se potestatem haberet, opificia septem gubernatorum animaduertit. Hi autem, humanae mentis meditatione gaudentes, singuli eorum proprii ordinis participem hominem reddere. Qui postquam didicit horum essentiam, propriamq; naturam contempsit, penetrare, atque rescindere jam exoptabat ambitum circulorum, vimq; gubernatoris praesidentis igni comprehendere. Quisve arbitrium, & potestatem omnium habuerat, in animantia mundi mortalia, & ratione carentia, per harmoniam emerfit, atq; exiit, penetrans, ac resoluens potentiam circulorum: ostenditq; naturam, quae deorsum labitur, velut pulchram dei formam. qui quum naturam contueretur mira pulchritudine praeditam esse, actionesq; omnes septem gubernatorum, atque insuper dei ipsius effigiem possidere, illi amore ingenti subrisit, utpote qui humanae pulchritudinis speciem in aqua specularetur, ejusdemq; admirationem quandam in terra conspiceret. Ille praeterea consecutus similem sibi formam in se ipso existentem, velut in aqua amouit eam, secumq; congregari concupuit. Effectus eius stigilo secutus est voluntatem, formamq; carentem ratione progeniuit,

genuit. Natura illud, in quod toto ferebatur amore, complexa, illi penitus sese implicuit, atque commiscuit. quandoquidē solus homo ex vniuersis terrenis animantibus duplicis naturæ censetur, mortalis quidem propter corpus, immortalis autem propter hominem ipsum substantialem. immortalis enim est, cunctorumq; arbitrium obtinet: cætera verò viuientia, quæ mortalia sunt fato subiecta, patiuntur. Non igitur harmonia superior obstitit, in harmoniā verò lapsus periclitatus, seruus effectus est. Hic & triusq; sexus fecunditate munitus, ab eo, qui aiborum, & riuorum fons est, vigilq; factus ab eo, qui est vigilans, continetur, atq; ejus dominationi subicitur. T R. Post hæc, mens inquam meæ rationis, ipse es. Tum Pimander: Id est, inquit, mysteriū, quod in hanc usq; diem genus humanum latuit. Natura quippe homini sese immiscens, miraculum attulit, quod omnium miraculorum vincit admirationem: nam quum septem illorum harmonia ipse jam fuisset imbutus ab eo, quem tibi paulo antè narraui, patre videlicet, atque spiritu, natura ipsa non restitit. Quinimmo septē protinus homines peperit, septem gubernatorum naturas, masculini pariter, ac foemini-

nini generis compotes, atq; sublimes. Ad hæc ipse sic intuli : O Pimander , ardenti desiderio nuper affectus sum,audire præterea reliqua cupio.quare,ne hîc me deferas, obsecro.Cæterum ille mihi: P I. Sile, nondum enim primum sermonem absolui. T R. Ecce jam taceo. P I. Horum septem (vt dixi) generatio in hunc modum effecta est.Fœmina enim aër,& aqua coëundi compos , ex igne maturitatem, ex æthere sumpsit spiritum, conglutinauitq; natura corpora ad hominis speciem effingendam. Non autem ex vita , & luce, in animam,mortemq; processit : vita quippe animam largita est,lux denique mortem. Talia profectò vsq; ad finē circuitus principiorum simul,& generum cuncta mundi sensibus membra manebant.Verùm audi jam reliquum,quem summopere cupiebas, sermonem.Expleto demum circuitu, omniū(volente deo)solutus est nodus. nā cuncta vtriusq; generis animantia vnā cū homine dissoluuntur , & mascula quidē ex parte, fœmineaq; similiter conficiebātur. Extēplo deus verbo sancto clamauit, pululate,adolesecite,propagate vnīuersa germina,atq; opera mea.Vos insuper quibus mentis portio cōcessa est,genus recognoscite vestrū , vestramq; naturā immortalē

considerate. Amore corporis, mortis causam esse scitererum omnium naturam discite. His dictis, prouidentia, per fatum, harmoniamque; confluxit missiones, generationesque; constituit, unde cuncta sunt secundum genus proprium propagata. Demum qui seipsum cognouit, bonum (quod est super essentiam) consecutus est. qui vero corpus, amoris errore, complectebatur, is oberrabat in tenebris, mortis mala sensu percipiens. **TR.** Quot tamen delinquent, ignorantes, inquam, ut ob eam causam immortalitate priuentur? **PI.** Videris, o Mercuri, non satis intelligere, quæ audieris. **TR.** Etsi nondum intelligere sum professus, intelligo tamen, ac memini. **PI.** Gratulor si, quæ dicta sunt, tenes. **TR.** Responde mihi quæso Pimander, cur digni morte sint ij, qui in morte jacent? **PI.** **MAN.** Quia præcessit proprio corpori tristis umbra, ex hac quidem natura humida. ex hac vero corpus in mundo sensibili constitit. ex hoc denique mors ipsa scaturit. Num hoc tenes Mercuri? Tenes etiam qua de causa, qui seipsum cognoscit, transit in deum, ut dei verbum tradidit? **TR.** Quoniam ex vna, & luce constat omnium pater, ex quo natus est homo. **PI.** Recte loqueris. Lux & vita deus est,

est, & pater, ex quo natus est homo si-
gitur comprehenderis te ipsum ex vita, ac
luce cōpositum, ad vitam rursus, lucemq;
transcendes. T R I S M. Hæc ait Pimander.

At ego: Adhuc mihi mens dicas oro, quo-
nam pacto ad vitam ascendere queam.

P I M A N. Deus ipse mens iussit, ut homo
mentis particeps, seipsum animaduerte-
re. T R I S M. Non ergo homines singu-

li mentem possident. P I M A N. Rectè di-
cis Mercuri, adsum enim ego mēs iis, qui
boni pii, puri, religiosi, sanctiq; sunt, pæ-
sentiaq; mea fert illis opem, adeoq; ut sta-
tim cuncta dignoscāt, patremq; pacatum,
& propriū habeant. Itaque gratias agunt
benedicentes piè, & hymnis solennibus
collaudantes, concedunt sanè corpus mor-
ti suæ, sensuum illecebras fastidiunt, ut-
pote qui clarè dijudicant, quàm lethifera
sint sensuum lenocinia. quinetiam ipsa
mens janitoris munere fungens, inciden-
tes in insidias corporis, haudquaquam
permitto finem consequi suum. aditus
enim, per quos turpes blanditiæ manare
solent, jugiter intercludo, libidinumq; fo-
mites omnes extinguo. Contrà, ab igna-
ris, improbis, ignavis, invidis, iniquis, ho-
micidis, impiis, procul admodum habito,
permittens eos dæmonis yltoris arbitrio,

Terre

A 4

qui

qui ignis acumen incutiens, sensus affligit, magisq; ad patranda scelera armat hominē, ut turpioris culpæ reus, acriori subplicio sit obnoxius: eumq; sine vlla intermissione, ad insatiabiles concupiscentias inflamat: cū eo pugnat in tenebris, peccatum examinat, & ignis impetū in ejus cruciatum mirum in modum concitat, atque adauget. T R I S M. Diligenter mihi omnia, o Mens, quemadmodum postulabam, exposuisti. Vtteriùs autem id responde, quid post ascensionem futurum sit.

Primū quidem (Pimander ait) in corporis materialis resolutione, corpus in alterationem labitur. species, quam antè habuerat, insensibilis delitescit in posterum. morum otiosus habitus dæmoni cōceditur, atq; dimittitur. sensus corporei partes animæ facti, suos in fontes refluunt, aliquando in suos actus iterum surrecturi: irascendi & appetendi vires in naturam conuertunt ratione carentem. itaq; residuum, tum per harmoniam recurrit ad supera. Primæ dehinc zonæ crescendi pariter, & decrescēdi officium reddit. Secundæ machinationem malorum, otiosumq; dolum. Tertiæ otiosam concupiscentiæ deceptionem. Quartæ imperiosam, atque inexplebilem ambitionem. Quintæ profanam

fanam arrogantiam, & audaciæ temeritatem. Sextæ occasiones diuitiarum prauas, itemq; otiosas. Septimæ zonæ mēdacium infitum. Tunc sanè animus harmoniæ motiones exutus, ad opratam naturam reuertitur vim propriam habēs, vnaq; cum iis, qui illic sunt, patrem laudat. ipsi quoq; in potestatum se numerū cōferunt, effectiq; potestates, deo fruuntur, atque id est summum bonum eorum, quibus cognoscēdi fors competit, deum scilicet fieri. Quid præter hæc ad te pertinet, nisi vt cuncta amplexus dux fore velis eorum, qui cura sint tua digni, vt humanū genus tuo munere diuinam salutem consequatur? Talia quædam effatus Pimander, in potestatum diuinarū numerum se reduxit. ego autem benedicens, ac gratias agēs vniuersorum parenti, surrexi jam corroboratus ab illo, totiusq; edoctus naturæ ordinem, spectaculum etiam clarissimum contemplatus. Hinc ipse cœpi hominib⁹, pietatis & sciētiæ decorem enunciare. O populi viri terrigenæ, qui vos ipsos ebrietati, somno, & ignorantia deditis, sobrij viuite, abstinete à ventris luxu, vos, qui irrationali somno demulcti estis. Illi autē exaudientes, mecum vnanimis cōuenere. Tunc rursus adjeci: Cur, ô viri terrigenæ præcipientes

in mortē ruitis, quum vobis haud quaquā
 desit immortalitatis consequendæ facul-
 tas? reuocate jam vosmet, qui laboratis
 inopia, ignorantia tenebris inuoluti: dis-
 cedite ab obscuro lumine, asciscite immor-
 talitatē, corruptionem fugite. Eorum ve-
 rò partim deridentes abscedebant, in mor-
 tis iter præcipitanti: partim autem ad pedes
 meos prostrati, vt eos instituerem preca-
 bantur. subleuans igitur eos dux humani
 factus sum generis. ostendebam quippe il-
 lis quæ ratio esset consequendæ salutis, sa-
 pientiaq; sermones illorū auribus infun-
 debam. quo factum est, vt illi ex imbrum
 procellis emerferint. tandem aduentante
 vespere, solisq; radiis occidentibus (vt deo
 gratias agerent) præcipiebam. Postquam
 verò gratias egerāt, quisque in proprium
 se cubile condebat. Ego autem Pimandri
 beneficium inscripsi penetrālibus animi,
 atque adeptus, quæ petieram, omnia, in
 gaudio requieui. corporis enim somnus,
 quū sobrietas extiterat, oculorum com-
 pressionē verus intuitus, silentium meum
 bonitatis fecunda prægnatio, sermonis
 prolatio bonorū omnium genitura. Hæc
 mihi contigerunt ex mente haurienti, id
 est ex Pimandro diuinæ potentia verbo.
 vnde ipse diuino afflatus spiritu, veritatis
 compos

compos effectus sum quamobrem omnibus animi viribus, patri deo gratias ago, Sanctus deus pater omnium: Sanctus deus, cujus voluntas à propriis potestatibus adimpletur: Sanctus deus, qui suis familiariibus innotescit: Sanctus es, qui verbo cuncta constituisti: Sanctus es, cujus imago est omnis natura: Sanctus es, quem nunquam natura creavit: Sanctus es omni potestate validior: Sanctus es omni excellentia major: Sanctus es omni laude melior. Excipe verborum sacrificia sancta, ab animo, & corde debito tibi manantia. Ineffabilis, solo silentio prædicandus ab eo, qui fallacias veræ cognitioni contrarias declinauit. Annue, corrobora me, atq; hujus gratiæ participes effice eos, qui in ignorantia versantur, cognatione quidem mihi fratres, tibi autem filij. Etenim fidem tibi præsto, testimonium de te perhibeo. In vitam, ac lumē assurge. Ipse pater es venerandus. homo autem tuus, sanctitate vnâ tecum potiri desiderat, quâ potestatem illi omnium, arbitriumq; concesseris.

C O M M E N T A R I A .

*In hoc primo ex quatuordecim dialogis
salua semper religionis pietate, videtur
Mercurius Mosaica mysteria tractare. Mo-
ses*

ses enim tenebras vidit super faciem abyssi, &
 spiritum domini ferri super aquas : hic verò
 umbram horrendam in humidam naturam
 migrantem, quam quidem humidam naturam
 verbum Domini fouebat. Ille potenti verbo Do-
 mini cuncta creata nunciat, hic verò verbum
 illud lucens, quod omnia illuminet, germen men-
 tis, filium dei esse assenerat, & mentem pa-
 trem, & verbum mentis filium natura non di-
 stare, consubstantialia, inquit, erat. vidit & ho-
 rum esse vnionem. Et si plenius desideras, &
 fas est viris ante verbi carneum velamen tan-
 tum diuine cognitionis ascribere, vidit filium
 ex patre nascentem, & spiritum ex patre, fi-
 lioq; miro modo procedentem, quò dixit : Mens
 autem deus vtriusque sexus fœcunditate ple-
 nissimus vita, & lux, cum verbo suo mentem
 alteram opificem peperit. Vidit & mentem
 exuberanti fœcunditate sui se ad externa por-
 rigentem, & ad sui diuini verbi exemplar for-
 mantem vniuersa, & vnicuique, in aëre, in
 aqua, & in terra, propriam secundum genus
 suum naturam dispartientem. mox hominem
 ad ipsius similitudinem, & imaginem factum,
 cuius vsui vniuersa sensibilia mens opifex sub-
 jecit, qui mox de intelligibili sphaera ad corpo-
 reorum, concupiscibilemque sphaeram prola-
 psus est, hinc quoque fomitus malorum contra-
 xit originem, & tandem homo, omnium (vo-
 lente

lente deo) solutus est nodis, mortuq; cum cæteris factus obnoxius. Quid hic aliud est, deum verbo sancto clamasse? pullulate, adolescite, propagate vniuersa germina, atque opera mea, quàm id Mosæicum: Crescite, & multiplicamini, & replete terram? Mox Mercurius nos instruit quâ pateat aditus ad mentem, & qui nos ab ea tandem malus auferat error, & quibus mens abundè bonorum largitrix adsit, quibus re pariter absit, & quo pacto quemadmodum certis gradibus ab intellectuali, immortalisq; natura labimur, degeneramusq; ad caduca, ita quoque certi, oppositiq; gradibus in priorem purgate mentis statum redintegramur. Moses diuino inscripto dux sit Hebræi gregi, Mercurius Aegypti, & nunc sancta institutione gregem suum pascit ætiam vitam viuens, nunc verò hymni, gratiarumq; actionibus rerum patrem collaudans, in contemplationis vitam, lumenq; assurgit. hæc Pimandri summa.

est.

Mercur.

ses enim tenebras vidit super faciem abyssi, & spiritum domini ferri super aquas: hic verò umbram horrendam in humidam naturam migrantem, quam quidem humidam naturam verbum Domini fouebat. Ille potenti verbo Domini cuncta creata nunciat, hic verò verbum illud lucens, quod omnia illuminet, germen mentis, filium dei esse assenerat, & mentem patrem, & verbum mentis filium natura non distare, consubstantialē, inquit, erat. vidit & horum esse vnionem. Et si plenius desideras, & fas est viris ante verbi carneum velamen tantum diuinæ cognitionis ascribere, vidit filium ex patre nascentem, & spiritum ex patre, filioq; miro modo procedentem, quū dixit: Mens autem deus vtriusque sexus fœcunditate plenissimus vita, & lux, cum verbo suo mentem alteram opificem peperit. Vidit & mentem exuberanti fœcunditate sui se ad externa porrigentem, & ad sui diuini verbi exemplar formantem vniuersa, & vnicuique, in aëre, in aqua, & in terra, propriam secundum genus suum naturam dispartientem. mox hominem ad ipsius similitudinem, & imaginem factum, cuius vsui vniuersa sensibilia mens opifex subiecit, qui mox de intelligibili sphaera ad corporeorum, concupiscibiliumq; sphaeram prolapsus est, hinc quoque fomitis malorum contraxit originem, & tandem homo, omnium (volente

lente deo) solutus est nodis, moriūq; cum caeteris factus obnoxius. Quid hic aliud est, deum verbo sancto clamasse? pullulate, adolescite, propagate vniuersa germina, atque opera mea, quàm id Mosaicum: Crescite, & multiplicamini, & replete terram? Mox Mercurius nos instruit quâ pateat aditus ad mentem, & qui nos ab ea tandem malus auferat error, & quibus mens abundè bonorum largitrix adsit, quibus re pariter absit, & quo pacto quemadmodum certis gradibus ab intellectu, immortalisq; natura labimur, degeneramusq; ad caduca, ita quoque certis, oppositisq; gradibus in priorem purgata mentis statum redintegramur. Moses diuino instituto dux sit Hebraei gregi, Mercurius Aegyptij, & nunc sancta institutione gregem suum pascit actiuam vitam viuens, nunc verò hymnis, gratiarumq; actionibus rerum patrem collaudans, in contemplationis vitam, lumenq; assurgit. haec Pimander summa.

est.

Mercur.

Mercurij ad Æsculapium Sermo
vniuersalis.

DEus atque ipsa diuinitas, dico nunc non quod genitum videlicet, quia ingenitum. Si ergo diuinum sit, essentia est: si deus, etiam super essentiam. Intelligibile autem id hoc pacto. intelligibilis enim deus primus non sibi, sed nobis existit, intelligibile quippe intelligenti per sensum subincidit. deus itaq; minimè sibi intelligibilis. non enim aliud quiddam existens, præter id, quod intelligit, intelligitur à seipso. est tamè differens quiddam à nobis, idcirco à nobis intelligitur. Quòd si intelligibilis logos, non deus. si ut deus, haud sanè ut logos, verbum tanquam discretus dicatur. Omne autem, quod mouetur, non in moto, sed in quodam stabili mouetur. ipsum quoque, quod mouet, etiam permanet. impossibile enim est cum eo simul agitari. **ÆSC.** Quonam igitur pacto Trisimègiste, ea, quæ in mundo sunt, mutantur vnà cū iis, quæ mouent? nam sphæras erraticas ab aplane sphæra moueri dicebas. **TRISM.** Iste non motus, ô Æsculapi, sed resistentia est. nō enim eodem, sed modo contrario gradiuntur, oppositio verò reuerberationem motionis stabilem cōtinet. repercussio enim stationis,

tionis, agitatio est. Ideoq; erraticæ sphæ-
ræ, cōtrario ac aplane, subalternè inuicem
discurrendo obuiatione contraria circa
oppositionem huiusmodi ab ea, qua per-
stat, agitantur. quod quidem aliter habere
se nequit. nam arctos ipsas quas nostri nec
exoriri vnquā, nec mergi, circa idem per-
petuò recurrentes, non moueri censes, an
consistere potius? A E S C. Moueri, ô Tris-
megiste. T R I S. Quonam motu Æscula-
pi? A E S C. Motione circa idem sempiter-
nè currente. T R I S. At verò circulatio il-
la idem, & circa idem: motus statione cō-
tentus. ipsum nāque circa idem prohibet,
quod super ipsum est. impeditum autem
id, quod super ipsum est, circa idem intat.
atq; ita cōtraria agitatio firma est, ab ipsa
oppositione perpetuò stabilita. Exempla
tibi ante oculos ponam in terris viuen-
tium, veluti dum homo quis natat (currē-
te nimirū aqua) manuum simul, & pedum
repercussio stare hominem efficit, ne cum
aqua pariter collabatur, aut mergatur in
eam. A E S C. Perspicuum ô Trismegiste,
exemplum in medium attulisti. T R I S M.
Quodcunq; ergo mouetur in statu, à sta-
tu mouetur. Motus itaq; animalis omnis,
quod ex materia constat, nequaquam fit
ab iis, quæ sunt extra mundum. cæterum
ab

ab internis ad externa, seu ab anima, siue à spiritu, siue ab animo quodam incorporali. corpus enim corpus animatum minime mouet, si neq; totum simul corpus, & si inanimatū existat. A E S C. Qua ratione id asseris, ô Trismegiste? T R I S. Ligna, & lapides, & cætera omnia quæcunque animam habent, non mouentur à corporibus, ô Æsculapi? Quid enim intra corpus mouens ipsum inanimatum? non utique corpus illud est, quo mouentur vtraque, & corpus ejus, quod fert, ejusq; quod fertur? Non illud quoq; quod dictum est, animatum est, ob eam potissimum rationem, quod mouet? Nonne ergo perspicis animam tunc onerari maximè, quando sola duo corpora sustinet? Quinetiam manifestum est, quicquid mouetur, in aliquo, & ab aliquo stante moueri. A E S C. In illo utique mutari oportet, quæ mutantur, ô Trismegiste. T R I S. Rectè dicis, ô Æsculapi. nihil est in rerū ordine vacuū, solum verò quod non est, quod priuatur existentia, vacuum nuncupandum. nihil enim reperiri potest, quod quum existat, vacuum sit. A E S C. Nonne reperiuntur quædā vacua Trismegiste? veluti dosium vacuum, vacuus puteus, & similia quoq; quamplurima? T R I S. Heu quàm procul à veritate vagaris.

vagaris ô Æsculapi quæ ampla, & maximè omnium plena sunt, ea tu vacua putas.

A E S C. Quomodo id ô Trismegiste? T R.

Aër profectò corpus est, id corpus reliqua penetrat, discurrēsq; replet omnia. corpus enim huiusmodi est, ex corporalibus non compositum. Quo fit, ut quæcunq; tu va-

cua nuncupas, plena sint aëris. Itaq; cōcava potius ista, quàm vacua nominari debent. nā & existunt, ac aëris, spiritusq; sunt plena. A E S C.

Inuicta atq; indubia hæc est ratio Trismegiste, aër corpus est. id corpus in reliqua permanat, atq; influens cōplet omnia. Locum, in quo omne mouetur, quid esse dicemus? T R.

Incorporeum ô Æsculapi. A E S C.

Incorporeum verò quid est? T R.

Mens, ac ratio sese complectens; libera ab omni corporis mole; ab errore aliena, impassibilis, intāgibilis, ipsa sibi assistens, purgans, atq; seruans omnia: cuius radij sunt bonū, veritas, principale lumen, primaq; animarum forma.

A E S C. Deus quid est? T R.

Quod nullum ex his est, horum tamen omnium, ut sit causa, præsens quiddam cunctis, præsens etiam vnicuiq; , neq; quicquam permittit nō esse. omnia ex iis, quæ sunt, procreantur. de nihilo autem nihil prouenit. nam quæ minimè sunt, naturā nullam habent,

qua

qua fieri valeant. contrà ea, quæ sunt, naturam non habent, per quam aliquando non existât. **A Z S C.** Quid igitur ais deum esse aliquando? **T R.** Deus profectò mens non est. at verò, vt sit mens, causa est. nec spiritus, sed causa, qua spiritus extat. nec lumen, sed causa, qua lumen existit. Vnde deum colere oportet duobus iis cognomentis, quæ soli competunt illi, cæterorum verò nulli penitus congruunt. Etenim ex iis, qui præter ipsum appellantur dij, seu dæmones, siue homines, nullus tam bonus esse potest, quàm deus vnicus. is enim ipsum bonum est, nec aliud quicquam præter bonum. reliqua omnia ab ipsa boni natura secreta sunt. Corpus quidem, & anima locum habent nullum, quo bonum capiant. tam ampla enim est bonitas, quàm existentia rerum omnium tum corporalium, tum etiam incorporealium, sensibilibium, & intelligibilium, id bonum est, id est, deus. Caue itaq; nequando dixeris aliud quicquam bonum: profanus enim hic foret error. Neq; etiam dixeris deum aliud quiddam præter solū bonum. in eandem quippe impietatem incideres. Sermone igitur ab omnibus bonum pronūciatur. quid tamen sit, ab omnibus non intelligitur. ideo Deus nō cognoscitur
ab

ab omnibus. Verū propter ignorantiam
rum deos, tum etiam nonnullos homines
bonos nominant. nunquā tamen esse bo-
ni possunt, nec etiam fieri. Reliqui igitur
dij cuncti immortales, honorati nomine
Dei. Deus autem bonū non secundū ho-
norationem, sed ipsa sui natura. Vna enim
dei natura est, ipsum scilicet bonū. vnum
quidē est in vtriusq; nominibus, vnde cū-
cta genera prosuūt. bonus enim porrigit
vniuersa, nec accipit quicquā. Deus exhi-
bet omnia, capit nihil. igitur Deus bonū,
ac bonum Deus. Altera dei appellatio pa-
ter est: ob eā causam, quia omnia gignit.
patris enim officiū est generare. Quapro-
pter præstans id in vita, censerur studium,
atq; ipsum apud sapientes, procreatio libe-
rorum. extrema verō omnium calamitas,
& impietas accidit illi, qui absq; filiis ē vi-
ta decedit. qua de causa, dæmonibus dat
pœnas post obitum. Supplicium denique
huiuscemodi est, vt sterilis anima in cor-
pus quoddā per iudicium migret, cui nec
maris, nec fœminæ natura insit, quod qui-
dem à sole eleuatum est, atq; connexum.
Igitur, ô Æsculapi, cum homine, qui nul-
los genuit filios, nullum habeto commer-
ciū. infelicitatis tamen ejus miserere, quū
noueris, quæ hunc mala post interitū ma-
neant.

neant. Tot igitur tibi, & talia dicta sint ó
Æsculapi, ex quibus præcognitio quæ-
dam omnium naturæ colligitur.

C O M M E N T A R I A.

Secundus differit deum rationali modo soli
homini intelligibilem esse: & ex centro, polo, lo-
co & rerum formis, venatur ipsum deum, circa
quem, in quo, & à quo mouentur omnia. Stabi-
lem, immobilemque, & jugiter sibipsi idem sem-
per permanere, & nihil in orbe vacuum esse
posse; verum ea, quæ inania esse videntur, sæ-
cundiore etiam plenitudine, summam emulari
plenitudinem. Mox quid non sit deus, quàm
quid sit, afferre facilius Æsculapio suis respon-
sionibus insinuat. deum tamen esse absolutum
bonum, & patrem, cujus officium est omnia gi-
gnere. quod de interna generatione, & quæ in
ipsa dei natura manet, intellectum, divinæ reli-
gionis pietatem affert. Quod nomen boni so-
li deo convenire contendit, huic Evangelica ve-
ritati consonat. Quid me vocas bonum? nemo
bonus nisi solus Deus. Et quod de extrema si-
ne liberis decedentium calamitate subjungit,
relatus sermo est. Non enim id de corporeo,
sed animæ partu concipere, cujus liberos, filios-
que virtutum partu purato, & masculam ad
deum, deique divinis potestates contem-
plandas sapientiam. quod aperte innuit, quum
inquit,

inquit, *Supplicium denique huiusmodi est, ut sterilis anima in corpus quoddam per iudicium migret, cui nec maris, nec fœminæ natura insit, quasi aperte diceret, per quod nunquam operetur bona, neque boni vnquam quicquam sit susceptura. Vos ergo summopere sterilitatem anime fugite, & prolem, quæ vos aliquando beatos effectura sit, gignite: patriq; semper gignentis fecunditatem quoad potestis, hoc patet vestre mentis imitamini fecunditate. Hæc Aesculapij summa.*

Mercurij sermo sacer.

111.

GLoria omnium deus: diuinum, diuina natura, principium vniuersorum, deus, mens, natura, actus, necessitas, finis, & renouatio. Erat enim ymbra infinita in abyssu, aqua insuper, & spiritus tenuis intellectualis, per diuinam potentiam in chaos inerant. Floruit autem splendor sanctus, qui sub arena, & humida natura elementa deduxit, dii q; omnes seminalem naturam deligebant. Quumq; indistincta fuissent, leuia postmodum in excelsum regionem prouolarunt, grauiam sub arena humida resederunt. Distinctis, libratisq; rebus, quæ igneo spiritu vehcebantur, emicuit cælum septem in circulos. Dij in astrorum ideis, cum signis eorum con-

spiciebantur. Dinumeratæ sunt stellæ secundū eos, qui inhabitant illas, deos. ambitus amplior, cursu suo, aëreo circulo, conspirante diuino spiritu vectus. Quisq; deorum ex interna virtute ascriptum sibi opus expleuit. Nata sunt ergo viuentia, quadrupedia, reptilia, aquatica simul atq; volātia. Satio item omnis per semina pululans, gramen, herba, atque germina florum, sementem quoque regenerationis intrinsecus comprehendebant. Generatio hominum ad diuinorum operum cognitionem, testimoniumq; naturæ, ad imperandum omnibus, quæ cælo teguntur, ad bonorum discretionem, ad incrementum generis, numeriq; propaginem. omnisq; anima velata carnis vmbraculo, ad cælestium deorum discursum suspiciendum, ad opera dei, & naturæ progressus, ad bonorum signa, ad potestatis diuinæ cognitionem, portio quædam tributa est ad bonorum malorumq; iudiciū, ac bonorū varium artificium inueniendum. incipit tamen in illis vivere, sapientiamq; nancisci, ad portionem cōtinuè cursus deorum circumueantium. resolui præterea in id, in quo ampla extabunt monimēta, admonitionesq; artificiorum super terram. his electis innouatione temporum, herbæ, generat

nerationesq; carnis animatae (tepefactis
sementibus fructuum, opificisq; naturae
& artis) rejuueneſcent. Denique vti ne-
ceſſitate, & renouatione deorum, curſuq;
circuli numeroſae naturae diuinum, ac ipſa
ſcilicet omnis conſpiratio mundi, natura
denuo floreſcente. etenim in ipſa diuinita-
te, natura etiam conſiſtit.

C O M M E N T A R I A.

*Tertius rurſum commemorat, ex infermi ma-
teriae ſinu formis ceu ſanctis ſplendoribus illu-
ſtrato, omnia ad ortum ſuo ordine proceſſiſſe;
& beatas calorum mentes opus ſibi à ſummo
patre commiſſum explere. Et hominem ad ge-
minum officiū natum, ad æternorum videli-
cet contemplationem, & ad boni, maliq; iudi-
cium, & rerum humanarum cum varijs artiſi-
ciorum inuentis, tum prudentia moderationem.
cui quidem contemplandi materiam, ſequē ad
diuina attollendi, calum, terra, herba, ger-
mina, & tota mundi conſpiratio, & rerum
pulcherrimus ordo, abundantiffimè ſuggerit.
eſt enim natura velut liber vnus diuinitato
plenus, diuinorumq; ſpeculum. hac ſermo ſacer.
Tertium tamen hunc dialogum cauſè legēdum
admoneo, nam gentiles planè gentiliſſe expo-
nunt, & faciunt quoddam ad ſuos errores
fundamentum, &c.*

ταύρα. Ad diuinationem omnem, ad idololatriam, orgia deorum, teleras, aut verius telothrescias, magias, theurgias, fatum, opifices deos, & huiusmodi impura, & nefaria quam plurima. nobis autem vnus deus est, qui fecit celum & terram, & omnia, quæ in eis sunt, & qui omnia, prout vult, in tempora mutat, & transfert.

Mercurij ad Tatum Crater, siue
Monas.

IIII.

VNiuerſum mundum verbo non manibus fabricatus eſt opifex. Ipſe verò ſic cogita, illum præſentẽ ſemper agentem omnia, deum vnicum voluntate ſua cuncta conſtituentem. Id enim ejus corpus eſt, non tangibile, non viſibile, non dimenſum, non diſtans, nec alterius cuiuſquam ſimile. nam nec ignis, nec aqua, nec aër, nec & ſpiritus. verùm ab eo hæc pendẽt omnia. bonum verò ita eſt, vt ſibi ſoli id comperat. Terram quoque ornatu quodam diuini operis exornare voluit. Dimiſit itaque hominem mortalis animantis, mortale animal, & mundus quidem reſertus animalibus viuẽtis mundi per intellectum, atque rationem. homo enim effectus eſt diuini operis contemplator, quod proſectò dum admiraretur, auctorem ejus agnouit. Sermonem quidem
ô Tati,

ô Tati, singulis hominibus deus impartit, inuentem verò nequaquam. non quòd inuiderit, quibus ne vtiq; inuider, liuor quippe ab eò non prouenit: sed illa quæ habitat cum animis hominum mente carentibus. T A T. Cur, ô pater, non omnibus deus mentem communicauit? T R. Quoniam voluit eam ô fili, in medio tanquam certamē, præmiūq; animarū proponere. T A T. Vbinam hanc locauit? T R. Quum craterē patulum hac impleffet, præconem misit, iubens talia quædam animis hominū nunciare. Mergat seipsam in hanc pateram, quæcunq; potest, quæ videlicet credit craterem animā ad eum, qui dimiserat, redditurū, quæve finem nescit, cujus gratia nata fuerit. Quicunq; igitur præconē exaudierunt, & sese miserunt in mentem, i) cognitionis participes effecti sunt, mentemq; suscipientes, in homines perfectos equalere. At qui præconium neglexerunt, ij sermonis quidem participes, mentis autem expertes, relictī sunt ignorātes, & cujus gratia, & à quo geniti fuerint. Horum præterea sensus irrationalis animantis sensuum similes, itaq; & cupidine impliciti, ea, quæ sunt digna conspectu, nequaquam admirantur. nam libidinibus corporis mancipati, horum causa natum

hominem arbitrantur. Quicunq; verò dei natura fulti sunt, ij, ô Tati, secundum operum comparationem, pro mortalibus immortales habentur. intelligentia sua cuncta complexi, quæ in terra sunt, & quæ in mari, & siquid est præter ea supra cælum. Atq; adeò seipsos erigunt, vt ipsum quoq; bonum intueantur. Quod sanè quū perspiciunt, eam, qua hîc vescimur, vitā, miseriam quandam arbitrantur, despicientes vtriq; , tum etiā corporea omnia, ad vnum solum feruntur. Hic, ô Tati, scientiam meritis est diuinorū, si contemplatio est intelligentia dei, diuino existente cratere.

T A T. Equidem, ô pater, hujus crateris lactice abluī cupio. **T O R.** Nisi, ô fili, tuū corpus oderis, te ipsum amare non poteris. quamprimū verò non te, sed deum ipsum dilexeris, mentem protinus consequēris. hanc denique nactus, scientiam euestigio nancisceris. **T A T.** Quonam pacto asseris hæc, ô pater? **T R.** Impossibile est, ô fili, vtrifq; simul intendere: mortalibus videlicet, atq; diuinis, nam quū duo tantū in ordine rerum inueniantur, corporeum, & incorporeum: & illud quidē mortale, hoc diuinū dicatur, electione vnus amittimus alterum: quotiesq; vnus cura remittitur, alterius actus intenditur. Potioris itaque optio,

optio, eligenti decora, non modò hominem, qui elegit, deū reddidit; verū impietatem erga deū ceteris quoq; demonstrat. deterioris autē electio, hominem quidem ipsum perdit, aduersus autem deum nihil præter id vnum delinquit, scilicet quòd quemadmodum pompæ per media trans-eunt, ipsæ quidē nullius actionis compo-tes, cæteros autē impediētes: haud secus isti pompæ instar vagantur, atque ob-errant, propter corporis voluptates. Quū hæc igitur ita se habeant, ô Tari, diuina officia præcedere, humana sequi debent. Deus profectò extra culpam malorum à nobis causa venit. nam mala bonis ante-ponimus. Cernis, ô fili, quòd corpora cæ-lestia transcendere nos opus est, quodq; choris dæmonū abesse, ambitumq; astro-rum, eorumq; progressus superare, vt ad vnum, solumq; deum tendamus. insupera-bile enim bonum est, sine termino infini-tum, quo ad se nunquam incipiēs, quo ad humanam cognitionem principium ha-bens. eiusmodi tamen cognitio non ejus initium est, sed nobis ipsius cogniti prin-cipium exhibet. Principium itaq; comple-ctamur: hoc enim cognito, vniuersa celer-rimè discurremus. Arduum autem est consueta, ac præsentia relinquentē, ad su-
per

periora se, potioraq; cōuertere. Illa enim, quæ oculis cernimus, nimium nos delectant: latentia diffidentia pariunt. parētia autem sanè mala sunt, bonū occultum iis, qui manifestis incumbunt. nec enim forma ejus vlla, nec figura. hac de causa sui tantū simile: cæteris horū verò dissimile. Etenim corpori incorporeū apparere non potest: hujusmodi est similis ad dissimile differentia, dissimilisq; ad id, quod simile est posteritas. Monas, id est vnitas omnium principium, radix, atq; origo, absque verò principio, nihil. Initium autem est nō principij, sed alterius. monas ergo principium, omnemq; numerum continet à nullo cōtenta, omnemq; gignit numerum nullo numero genita. Quicquid vtriq; genitum imperfectum, diuiduum, crescēs, atq; decrescens. ei verò quod perfectum, horum nihil accidit. id sanè quod augefcit, virtute monadis augetur. euanesceit autem imbecillitate propria, quū vlteriùs monadē capere nequeat. Hæc tibi, ô Tati, pro viribus imago dei subscripta sit, quam si diligenter consideraueris, oculisq; internis prænoueris, crede mihi fili, ascensum ad excelsa comperies. quinetiam imago ipsa te perducet: habet enim vim certam visio, cōsque, qui intuendi desiderio flagrant,

appre

apprehendit, eoq; trahit modo, quo lapis,
qui magnes dictus est, ferrum.

C O M M E N T A R I A.

*Quartus nos hortatur sapientiam capessere, quæ patulus est diuinæ mentis crater. in quem quacunq; anima se immergit, cognitio-
nis particeps effecta, mentem suspicit. ac verū
ut ad eam se attollat, ipsam celos transcendere opus est, & astrorum ambitum, eorumq;
progressus superare, & beatorum choros longè
infra relinquere. tunc ad vnum, solumq; deum
tendit, insuperabile, & sine termino infinitum
bonum: quod quum intuetur, corpora omnia de-
spicit, & vitam, quæ hîc vescimur, miseriam
reputat, solius incorporei boni desiderio intentæ.
Nullus tamen in diuino cratere se valet im-
mergere, qui suum corpus non oderit, & qui
non se, sed deum ipsum dilexerit, & qui non
mortalia negligens solis diuinis hæserit, solis
adsit, sola meditetur atq; flagret. Mox vnitatū,
& numerorum analogia, ad veram monadem
cogitandam, verosq; naturæ numeros nos eleuat.
Hæc Crater.*

Mercurij ad Tatium filium suum, Quodd deus
latens simul, ac patens est. v

H Vnc præterea sermonem apud te trā-
figam, ô Tati, ne præcipuum nomen
tibi

tibi desit, néve ignores id, quod plurimis occultum, videtur esse perspicuum. nam si nusquam pateat, nihil vtiq; erit. Quodcunq; se offert aspectui, genitū: quod verò latet, sempiternum, neq; enim opus est, ut appareat, quandoquidē esse nunquam desinit. ante oculos quidem id reliqua ponit, ipsum verò secretum manet, utpote quod vita fruitur sempiterna. Etenim phantasia solū circa quæ genita sunt, versatur, in qua præter generationem nihil existit. At vnicum id ingenitū incomprehensibile phantasiæ. Quū verò per ipsum cuncta clarescant, per omnia rursus atque in omnibus fulget. Hisq; præsertim apparet, quibus ipse notitiam communicare voluit. Tu igitur, ô fili mi Tati, in primis piis precibus obsecra dominum patrē vnicū vñū, & à quo vnus, ut sis illius misericordia dignus, sic tandē deū tantū percipere poteris, si vel vnus dūtaxat illius radius intelligentiæ tuæ benignè refulserit. sola siquidē intellectio latens, latētia perspicitur: itaque, si mentis oculis inspexeris, ô Tati, ille tibi (crede mihi). patebit. Deus sanè totius expers invidiæ, per singulas mūdi particulas vbiq; splendet, atq; ad eū se notū præstat, ut non intelligere modò, sed manibus etiā ipsīs (ut ita dixerim) liceat.

occat.

ceat attrēctare. nam vndiq; nostris oculis
ejus obseruatur, seq; obijcit, & inculcat
imago. Quòd si infimum te latet, quomo-
do aut respicium, aut eum iouenies? Deniq;
quū deū videre volueris, suspice syderum
ordinē reliquorū, quis agē perpetuū ho-
rum seruat ordinē? Ordo quidem omnis
numeri, loci limitibus terminatur. Sol
deus deorū cælestiū præstantissimus. Soli
cælites reliqui veluti principi, regi; pa-
rent. Sol tantus, terra simul amplior atq;
mari, minores tamē supra se stellas innu-
meras cōuerti patitur. Quem timeris, quē
veretur? O fili, diuersorū syderū sunt mo-
tus. Quis mensuram singulis motionis
assignat? T A T. Arcturum circa idem se
perpetuò vertens, totamq; trahens mun-
di machinam. T A I S. Quis hoc vitur
instrumēto? quis mare suis finibus circū-
scripsit? quis terræ pondus sistit, ac librat
in medio? Est certē aliquis, ô Tati, horum
auctor, ac dominus. Etenim, locū, vel nu-
merū, vel mensurā seruare absq; auctoris
virtute, impossibile est. Ordo fieri à defor-
mitate nequit. eger autem deformitas do-
mino, qui ordinē præbeat. Utinā tibi da-
retur, ô fili, facultas, vt alarum adminiculo
in sublimem aëris plagam volares, me-
diamq; inter cælū, ac terrā regionem for-
titus.

titus, cōspiceres terræ quidem soliditatē,
 maris diffusionem, fluxum fluminū, aëris
 amplitudinem, ignis arctam celeritatem.
 O felicissimum fili spectaculū, ô beatissi-
 mam visionem! Siquidem vno luminum
 motu seriē mūdi totius comprehenderes,
 immobilemq; factorem concitum, latentē
 quoq; perspicuū cerneres: quòd si per ea
 etiam, quæ terra sustinentur, fragilia, &
 aquæ profunditate conduntur, deū artifi-
 cem inuestigar● volueris: age fili, cū cun-
 spice humani corporis opificiū, cuius ad-
 monitione perdisce, quis tam pulchræ
 imaginis conditor, quis oculorum pictor,
 quis nares, auresq; tornauit, quis labia di-
 stendit oris, quis nervos tetēdit, atq; li-
 gavit, quis irrigavit venas, quis ossa con-
 gessit solida, quis carnem pellicula tenui
 circūtextit, quis digitos, articulosq; discre-
 uit, quis fundamēta pedum extendit, quis
 perforavit poros, atq; meatus aperuit, quis
 splenem coëgit, atq; compressit, quis py-
 ramidem impressit cordi figurā, quis je-
 coris porrò textit fibras, quis pulmonum
 sculpsit fistulas, quis aluo capacem ampli-
 tudinem tradidit, quis honoranda corpo-
 ris membra in propatulo figuravit, quis
 obscœna in obscuro prorsus abdidit, eaq;
 aspectu cernentium voluit secreta jacere.

Vide

Vide quorū diuinæ artis opera in vna materia demōstrantur, singulaq; pulchra, recteq; dimensa, necnon propriis inuicē officiis differentia. Quisnam singula finxit? qualis mater, qualis pater? nōne hæc solus ipse inuisibilis deus, cuncta propria volūtate molitus est? Et quum statuam, & imaginē absq; fabro & pictore fieri nullus asserere audeat, mirā mundi hujus constitutionē, sine conditore constituisse putabimus? O cæcum homunculū! ô nimis impium! ô profundis obrutū ignorantix tenebris! Caue, inquam, ô fili mi Tati, ne vnquam artificium priues artifice: quin immo congruo deū nomine præinuocato, patremq; esse propriū ejus existimato. quod si me quiddam audacius proferre coëgeris, hujus essentiā esse dicam concipere, ac facere singula. quemadmodū sine factore fieri quicquam nequit, ita deū existere semper, nisi semper agat omnia, impossibile est, in celo videlicet, aëre, terra, mari, in toto mūdo, in qualibet particula mundi, tum in quod est, tum in eo, quod non extat. nihil est in omni natura, quod ille ipse non sit. est ille siquidem, quæ sunt. est ea etiam, quæ minimē sunt. Quæ quidem sunt, deduxit in lucem, quæ non sunt, occultit in seipso. Hic deus, nomine melior.

lior. hic occulus, hic rursus omnium parentissimus, hic menti cōspiciuus, hic præsens oculis, hic (vt ita dixerim) multicorporeus. nam nihil in corporibus est, quod ipse non sit. omnia enim ipse solus existit. nomina insuper habet omnia, quoniam vnus est pater. Nomen quoq; nullum habet. quoniam pater est omnium. Quid ergo te laudabit, supra te an infra te positum? quò vertam oculos, vt te laudem, supra ne an infra, intus an extrà? Num modus, an locus circa te, num aliud quiddam ex omnibus? In te autem omnia, abs te omnia, præbes omnia, nihil deniq; suscipis. omnia quidē habes, quod autem non habes id ipsum nihil. Quando verò laudabo te pater? tempus & momentū tuum capere non valemus. Qua potissimū in re laudes cantabo tuas? num in iis, quæ creaueris, an in illis, quæ nō creaueris potius? num in iis fortè, quæ in lucem è tenebris eruisti, an in iis, quæ latent adhuc arcano sinu recondita? Per quid tandem hymnos tuos dicabo? nūquid in laudatione tali ego ipse mei juris existā, an potius alter efficiar? ipse profectò es quicquid ego sum, ipse es quicquid agam, ipse es quicquid deniq; dicā. Ipse enim es omnia, neq; aliud præter te quicquā. Quid sanè non

non es ipse? Ipse omne quodcunq; genitum. Es quidē intelligens pater, fabricans deus, efficiens bonū, bona faciens omnia. Materiæ nanq; purissimus aër, aëris anima, animæ mens, mentis deniq; deus.

C O M M E N T A R I A.

Quintus docet deum latere pariter, & per singulas mundi particulas splendere. res omnes, quæ se nobis obijciunt, ejus esse imagines, ita ut mirificus, perpulcherq; rerum ordo manifestè declares ordinantem, & res singule certis suis limitibus circumscriptæ, dominum declarent, & auctorem, cui sol siderum rex, princepsq; obsequitur, atque pares, quem times, quemq; veretur, & summatis vniuersa mundi structura suam declarat artificem. Mox de diuina interna generatione confidentius iudicium affert, dei esse essentiam concipere, ac facere omnia: ita ut deum existere, nisi semper omnia agat, impossibile sit. est enim sic diuinus logos omnia, ut nihil omnium, in quo corporeum, incorporeumq; ens, atq; nihil, in idem conspirant, atq; coincidunt. deinde Mensurine in diuinarum laudum cantibus, dialogum finit, & terminat.

Quòd in solo deo bonum est, alibi verò
nequaquam, ad Æsculapium. v 1.

C 2

Bonum

BOnum, ô Æsculapi, in nullo ponitur, nisi in vno deo, immo ipsum bonum deus ipse semper. Quamobrem essentiam omnis motionis, atque cognitionis, esse deum oportet. Hac essentia orbatum nihil. hæc circa se stabilem actum nullius egenum, infinitum, superabundanter porrigentem possidet. Vnum id vniuersorum principium, bonum porrigens, & effundens bonum. quoties nomino bonum, id, quod omnia bona, & quod bonum semper, intellige. hoc vnico deo adest. neque enim cuiusquam indigus est, vt adeptionem illius appetendo malus fiat, neq; iactura cuiusquam in eum vnquam, vt post datum dolore afficiatur. Major enim portione mali, nec est illo validius aliud, a quo expugnetur. in hunc injuria incidere nulla potest, qua irritatus, laceffitus, excandescat. Nihil ejus jugum subterfugit, quo contemptus indignetur, atq; irascatur: nec est sapientius eo quicquam, quod illi æmulationem incutiat. Itaq; quum hæc illi non accidunt, nihil ejus naturæ præter ipsum bonum restitit. Quemadmodum verò nihil eorum, quæ mala sunt, in hac insunt essentia, ita in nullo alio bonum inuenitur. In singulis enim reliqua insunt singula, tum in paruis, tum in magnis, tum etiã in

iis, quæ secundum vnum, & in ipso quoq;
animali maximo omnium, atq; potentissi-
mo, quod utiq; passionibus genita replet.
Nam generatio, passio quædam est. vbi au-
tem passio, nullo modo bonū: vbi bonum,
nō passio ponitur vlla: vbi dies, nullo mo-
do nox: vbi nox, neq; etiam dies: quapro-
pter in generatione bonū esse non potest.
restat itaq; in eo, quod ingenuū. Vt autem
materiæ concessa est omniū participatio,
sic quoq; boni participatione, mūdus bo-
nus. bonū dico, inquantū ipse etiā omnia
efficit, qua quidē ex parte bonus est mun-
dus, in reliquis omnibus nō bonus. passa-
bilis enim ac mobilis est, & omnium præ-
terea causa passionum. In homine insuper
cōparatione mali, bonū. Id quippe, quod
nō nimis malū, quodq; minus malū, bonū
in hominibus appellamus. quo fit, vt bo-
num nostrū nihil aliud sit, quā mali por-
tio minima. Vnde illud etiam sequitur, vt
bonum huiusmodi, à malo separatū esse
non possit. Inquinatur enim hoc bonum,
admissionē malorū, infectum verò, vltē-
rius bonū non permanet: sin minimè per-
manet, malum efficitur. In solo igitur deo
bonum ipsum existit. Quare solum boni
nomen homini adest, ô Æsculapi, natu-
ra boni nequaquam. neque enim id ca-

pere potest materiale corpus confectū vndiq; & oppressum prauitate, laboribus, doloribus, cupiditatibus, iracūdia, deceptio-
nibus, stultisq; opinionibus, ac nugis. Deterrimum tamen omnium id cenleo, Æsculapi, quod vnumquodq; eorum, quę dixi, summum creditur esse bonum. Fugien-
dum in primis malum est, ventris luxus
malorū omnium fomes: hinc error, hinc
boni priuatio. Et quidē ingentes deo gra-
tias habeo, qui de natura boni cogitanti
mihi sententiam hanc certā infudit, quod
in mundo bonū esse non possit. siquidem
mundus congeries est malorum. Deus au-
tem boni vel bonum, dei exuberans ple-
nitudo, supereminetia quippe bonorum
circa essentiam syncerē fulgentis, atq; pu-
rissimē. neq; fortē sunt essentia dei. Au-
diendum sanē id assero, Æsculapi, essen-
tiam dei (si vllam deus habet essentiam)
ipsum bonum esse. Pulchrum verò, & bo-
num in mundo, aut in mundi partibus in-
uenire non licet. Nam quęcūq; sensus mo-
uent, idola sunt, & vanę quædam admira-
tiones. quę verò sensuum organa subter-
fugiunt, ad pulchrum, bonumq; perti-
nent. Utq; acies oculi deum non cernit,
sic neque pulchrum, bonumq; cognoscit.
Hæ siquidem partes dei sunt, integerrimi-
q;

miq; illius propriæ, cognatæ, inseparabiles præcipueq; dilectæ: & ut has ipse deus amat, sic ab his ipse deus amatur. si deum percipere poteris, pulchrum quoque, bonumq; percipies, perfulgēs omnibus illustraū à deo. Pulchritudo enim sine comparatione, sine imitatione bonum. Deus enim comparationem, imitationemq; nullam admittit. Quemadmodū ergo deum pulchrum, bonumq; noueris, ita sanè & cæteris uiuentibus, quum deo cōferri nequeant, nunquam communicandum. Si deum quæsieris, pulchritudinem ipsam quæris. Quæ tandem ad id ferat, vnica via est, petas cognitioni conjuncta. Quapropter ignari mortales, & à pietatis semita deiij, hominem quoque bonum nominare non verentur, quum boni notitiā veram habere nullam possit, sed malis irretitus, & illaqueatus sit, malūq; bonum esse censeat, insanabiliterq; malis utatur, eorumq; iecturam, priuationemq; formidet, omnibus deniq; machinamentis, viribusq; contendat, ne vnico solū malo prematur, verū & in numerū mala, magnitudinemq; augeantur. Talia sunt, ô Æsculapi, deora hominum, atque bona, quæ nec fugee, nec odisse valemus. omnium nanq; difficillimum id existit, ob

eam potissimum causam, quia nos illis vi
oportet, atque vefci, illisq; orbatu viam
agere nullo modo possumus.

COMMENTARIA.

*Sextus hoc contendit, in solo Deo bonum bo-
niq; naturam, hoc est ipsam bonitatem repen-
pariter & pulchri potentis, sapientisq; natu-
ram. In mundo autem solum boni nomen esse,
& errorum cecos homines arguit. vitia abhor-
rere monet, & que via nos ad ipsam bona-
tem, ipsamq; pulchritudinem perducatur, docet,
pietas scilicet cognitioni conjuncta, ad quam
ignari mortales à pietatis semita devij, per-
gere valeant nunquam. Hec sextus.*

Quòd summum malum est homi-
bus ignorare Deum.

VII.

QUò ruitis mortales ebrij, quum erum
ignorantiæ combibistis? quum id fer-
re nequeatis, euomite. viuite sobrij, o-
culis mentis inspicite. Quòd si minus pote-
stis omnes, saltem qui possunt id agant.
Ignorantiæ pestis omnem terram subuer-
tit, animamq; corrumpit corporis vinculis
inclusam, neque finit eam saltem iter asci-
scere. ne permittite vos in laum corruptionis,
mortisq; submergi. Respirate jam, re-
spirate, ad fontem vitæ recurrite, illumq;
qui vos introducet in aditu veritatis, ca-
pessite.

peffite. ibi fulgidum lumen nullis immi-
 ſtum tenebris, ibi nullus ebrietate delirat,
 ſed omnes ſobrii vigilant, atque mentis
 oculis eum, qui videri vult, acutiùs in-
 tuentur. is nec auribus percipitur, nec cer-
 nitur oculis, neque ſermone profertur: ſe-
 la mens eum proſpicit, ſola mens prædi-
 cat. In primis autè oportet veſtem, quam
 circumfers, exuere, indumentum inſcitiae,
 prauitatis fundamentũ, corruptionis vin-
 culum, velamen opacum, viuam mortem,
 ſenſitiuum cadauer, ſepulchrum circũuer-
 tile, domesticum denique furem, qui dum
 blanditur, odit: dum odit inuidet. huiusce
 modi eſt, quo circumtegeris, umbracu-
 lum inimicum. Ad ſeipſum te deorſum
 raptat, ne forè conſpiciens veritatis deco-
 rem, atque proximum bonum, huius ode-
 ris prauitatem: nève huius inſidias, quas
 in te affiduè machinatur, aliquando præ-
 ſentias. hoc aciem interiorum ſenſuum
 hebetat, & obtundit: crassa illam materia
 ſuffocat, abominabili, ſaſtidiolaq; ebriat
 voluptate, ne audias vnquã, nève perſpi-
 cias ea, quæ jure & audienda ſunt, & in
 primis inſpicienda.

C O M M E N T A R I A.

Septimus conqueritur ignorantia peſtem,

c 5

que

quæ omnem terram evertit, animamq; corrum-
pit, corporis vinculis inclusam, & igno-
rantes hortatur resipiscere, & corpus mortale indu-
mentum iubet nos exuere, à quo præcipites in
ignorationem, mortemq; raptamur, & nos in
adytum mentis reuocare, quæ sola eum perspi-
cit, qui neque auribus perspicitur, neq; cernitur
oculis, neq; sermone profertur. Hæc septimus.

Nihil eorum, quæ sunt, interitus, sed muta-
tiones, decepti homines interitum nomi-
nant. Ad Tatum.

V I I I.

DE anima, & corpore, ô fili, dicendum,
quonam modo immortalis anima,
quantaq; sit agendi virtute in concretio-
ne, dissolutioneq; corporis. Mors ad ho-
rum nullum attinet. *θανάσις* enim, id est
mors, conceptus quidem est mortalis ap-
pellationis, vel vanum quiddam, vel per
ablationem primæ literæ, *θανάσις*, id est
mors pro eo quod dicitur *ἀθανάσις*, id est
immortalis. *θανάσις* enim interitum si-
gnificat. at nihil eorum, quæ in mundo
sunt, interit. Si enim secundus deus est mū-
dus, nec nō immortale viuens, impossibile
est immortalis animantis partē aliquam
interire. Quæcunq; mūdo insunt, mundi
sunt membra, homo præsertim animal ra-
tionale. Primus omnium verè sempiter-
nus,

nus, immortalis, ingenitus deus, omnium auctor. Secundus deinde ad illius imaginem, mūdus à Deo genitus, & ab eodem seruatus, nutritus, & immortalitate donatus, velut à proprio patre, viuens quidem semper, & immortalis: est enim semper viuens quidē, semper & immortalis. etenim semper viuens, & sempiternum hoc inuicem differunt, quia sempiternum quidem ab altero factum non est: sin autem fiebat à seipso, non ab aliquo factum fuit, quia sit semper. Sempiternum enim quatenus sempiternum est omne, pater autem ille sui ipsius sempiternus, at verò mundus à patre semper viuens, immortalisq; factus. Quantumq; materiæ fuerat subiectū patri, pater ipse corporeum agens, & in molem cōgregans, id totum sphæricum reddidit, imprimens qualitatem materiæ existenti immortali, rationeq; materiæ sempiternum habenti. Plenus autem ideis omnibus qualitates pater inferens in sphæram, velut in gyrum omni qualitate circumscripsit. Exornare autem voluit id, quod post ipsum est, quasi immortalitate fulciens omne corpus, ne materia ab huius congressu discedere volens, in suam deformitatem iterum resoluatur. quando enim incorporea erat materia, ô fili, de-
for

formior erat. Habet hæc quoque materia qualitates quasdam exiguas reuoluta crescendi pariter, & decreſcēdi natura, quam homines mortem vocant. Huiusmodi autem confusio circa terrena viuētia. Cælestium quippe corpora; vnum atque eundem ſeruant ordinem, quem ſcilicet primū à patre ſuo ſortita ſunt. Seruatur autem ipſe à reſtitutione cuiuſq; indiſſolubilis. Reſtitutio verò conſtitutionis corporum terrenorum, ipſaq; diſſolutio in corpora indiſſolubilia, & immortalia reſtituitur, atq; ita ſenſus priuatio fit, non deſtructio corporum. Tertium quoque animal homo ad imaginem mundi genitus, ſecundū patris voluntatem ſeſe habens, præter cætera terrena viuentia non modò cum ſecundo deo cognationem habet, verum etiam intelligentiam primi. Secundum planè deum vtpote corporalem, ſenſus comprehendit. Primum verò deum, vt incorpoream, bonamq; mentē, mēte conſurgit. T A T. Id ergo animal, nōne deſtruitur? T R I S M. Melius melius ominare, ô fili, ac inſuper meditare quid deus, quid mundus, quid animal immortale, quid animal diſſolubile. Scio quoq; mundum à deo ſimul, atq; in deo, hominē verò à mundo, & in mundo conſistere: principium

cipium autem, comprehensioq; omnium,
& constitutio deus.

C O M M E N T A R I A.

*Octavius edocet in primis celestia corpora
jugiter unum, eundemq; senorem servare, quem
primum à suo patre sortita sunt. Et mortem,
interitumq; primum circa terrena viuentia cor-
pora apparere, sed penè mortis nomen, atque
corporum interitus vanum esse: corpora siqui-
dem ipsa mutantur, non intereunt. verum qua-
litates ipsas idearum idola simulacraq;, quibus
deus ipsam exornare voluerat, immortalis ma-
teria permutat. Et homo immortale animal,
sed dissolubile, vniuersa natura vinculum, at-
que nodus, partim corporeus, partimq; incorpo-
reus, mentiq; capaxior alia, instar mundi geni-
tus est, ut sensibilem mundum comprehenderet,
& mente ad optimam mentem, felici contem-
platione assurgeret. Hec octavius.*

*Quod in solo Deo pulchrum, ac bonum,
alibi verò nequaquam, Ad.*

Æsculapium.

1. x.

HETI, ò Æsculapi, perfectam edidi
orationem, in præsentiarum autem
necessarium esse arbitror, ut de sensu bre-
uiter differamus. Sensus, ac motus in hoc
potissimum discrepare videntur, quia hic
quidem secundum materiam, ille autem
secundum

secundum essentiam est. mihi tamen uterque; conuenire videtur, neque; distingui in hominibus ratione. Intus animantibus sensus nunc vnitus est, in hominibus autem intelligentia. Ab intelligentia quidem intellectus differt, quemadmodum à diuinitate deus. Diuinitas enim à Deo, intelligentia verò ab homine prouenit. Hæc sermonis est soror, aut utraque sibi inuicem instrumenta. Nam neque sermo absque intellectione pronuntiatur, neque intellectio absque sermone prodit in lucem. Quamobrem sensus, & intelligentia in homine, tanquam connexa conspirant inuicem. Neque enim sine sensu intelligere, neque sine intellectu sentire villo modo possumus. Intellectionem tamen absque sensu intelligere possibile est, instar eorum qui in somnis phantasmata vident. tantum quoque videntur utraque; operationes in somniorum visionibus externis, sensum autem ex somno in vigiliam suscitari. In animam præterea corpus, homoque; vnitur: quotiesque; utraque; sensus particulæ sibi consentiunt, tunc intellectio concepta mente disponitur. Mens omnes notiones concipit. bonas quidem, quoties à deo semine infunditur: contrarias autem, quum à dæmonibus quibusdam spermata jaciuntur. Nulla profecto mundi pars est

est dæmonum præsentia destituta, horum lumen ab ipso deo totum descendit. Dæmon denique transfusus in hominem, semina propria notionis inspergit. Mēs autem conspersa seminibus prægnans, inde parit adulteria, stupra, homicidia, parricidia, sacrilegia, diuinorum cōtemptum, jugulationes, euersiones urbium, pestes hominum, & reliqua omnia quæcunq; malorum sunt opera dæmonum. Dei planè semina pauca, at illa quidē magna, pulchra, bona, virtus scilicet, tēperantia, pietas. pietas autē dei cognitio. Deum qui recognoscit, bonis refertus omnibus, notiones diuinas assequitur. notiones, inquam, haud multorum similes. Qua de causa, si qui huic se cognitioni dedicant, nec ipsi vulgo placent, nec vulgus illis. insanire dēmū putantur, risumq; reportant: interdum etiam odio habentur, contumeliis afficiuntur, vitaq; priuantur. Improbritatem enim hīc habitare diximus, terramq; illius esse prouinciam: terram dico, non mundum totum, vt impij quidam obloquuntur. Veruntamen homo deo deuotus, quamprimum diuinam prægustauerit visionem, obliuioni reliqua omnia tradit. atq; etiā, quæ reliquis hominibus mala sunt, huic vt bona contingunt. cōsulenti prudenter,

&

& ad scientiam singula referenti, quodq; mirandum est, mala semper in bona penitus conuertenti. Sed jam ad sermonem de sensu iterum redeamus. humanū est, sensum cum intellectu coniungere. nam omnes (vt supra retuli) homines intellectu feruntur. Cæterum secundum materiam vnus, alter secundum essentiam. Qui enim prauitatis seruus est materialis, à dæmonibus quoq; (vt diximus) intelligēdi semē accepit. At si qui bonitatis animæ cōpotes sunt, horum natura deus ipse vitur. Deus enim omnium auctor, efficiens autem omnia, sibi ipsi consimilia reddit. Quadā tamē genita bona in operationis vlu sterilia. Mūdi nanq; reuolutio generationes exagitans, qualitates efficit quasdā, inficiens, maloq; fœdans: quasdam defensans, bonoq; purgans. Mundus, ô Æsculapi, sensum, motumq; possidet, non humano sensui, motuiq; consimilem sed potentio- rem sanē, atq; admodum simplicio- rem. nā sensus, & intelligentia mundi, id vnum est, cuncta scilicet facere, ac resolvere. Diuinæ voluntatis organum, hac potissimum ratione constructum, vt à deo semina luscipiens vniuersa, eaq; toto sinu recondens, omnia quidem componendo producat, omnia rursus auferat diuiden-

do..

do. Atque instar agricultoris periri, quodcunq; nimis adultum est, amputat, ut statutis tēporum interuallis reuirescat. Nec est quicquam, cui vitā mundus ipse non præstet. simulq; vitæ locus est, est atq; etiā institutor. Corpora verò ex materia in differentiam constant: horum quædam ex terra, quædam ex aqua, ex aëre alia, ex igne quoq; permulta, vniuersa certè composita. Quædam tamen congesta magis, nonnulla verò simpliciora. Illa grauiā, hæc leuiā. Velocitas autem agitationis, illius varietate generationē qualitatis inducit. spiratio enim crebra existēs, corporibus qualitātē vnā cum superabundantia vitæ suppediat. Deus igitur Cosmi, id est mundi pater. Cosmus autem eorū, quæ in cosmo, & Cosmus quidem Dei filius. Quæ verò in cosmo, sub cosmi ditione consistunt, ac jure Cosmus appellatus est: omnia siquidem varietate generationis *γενεῖς*, id est exornat, necnō indefinēti vitæ operatione, perpetua necessitatis celeritate, elementorum commistione, ordine genitorum. Ipse igitur cosmus, id est ornatus, necessitate simul & meritò nominatus est, animantium omnium sensus & intellectio, quæ ex externis influunt ab eo, quod continet inspirata. Cosmus autem quæcūq; ab ipsa

orig

origine suscepit à deo , perpetuò seruat. Deus profectò,nō,vt quibusdam videtur, sensu, mēteq; captus est.illi enim miseria pressi,perperam obloquuntur. Quæcunq; sunt, ô Æsculapi, in deo simul atq; à deo dependentia,partim per corpus agentia, partim mouentia per essentiã animalem, alia per spiritum viuificãtia, alia verò receptacula defunctorum. Rectiùs autē dicemus deum talia non habere, sed, vt veritatē liquida exprimamus, ipsum esse cūcta fatebimur. Nec ea quidem ab extimis capere, ad extima nihilominus porrigentem, id est sensus, & intellectio dei. Vnde nulli vnquã futurum est tempus, in quo existētiū aliquid in nihilum euanescat. Quoties verò existentia dico, dei dico thesaurum : nam existentia ipse Deus amplectitur. Extra hunc nihil est, extra nihil, ipse. Hæc tibi, ô Æsculapi, intelligenti, vera videbuntur: ignorantia autem, incredibilia. Intelligere enim, ipsum credere est: at non credere, proculdubio ignorare. sermo siquidem meus ad veritatem vsq; euenit. Mens quoque ampla, & à sermone ad certum quiddam deducta , veritatem attingit: denique comprehendens omnia, eaq; inueniens consona illis, quæ interpretabatur, cuestigio credidit, & in ipsa fide decorat.

cora feliciter requieuit. Quæ igitur de diuinis dicuntur, intellecta creduntur quidem, non intellecta negantur. Hæc autem de intelligentia dicta sufficiant.

C O M M E N T A R I A.

*Nonus homines erudit, qui quum intellectio-
ne utantur omnes, materiales tamen ex demo-
num spermatibus, quorum præsentia nulla pars
mundi destituta vacat, concipiunt, & præ-
gnantes tandem adulteria, stupra, homicidia,
paricidia, & omne flagitiorum genus pariunt.
atque essentielles, spiritualesq; viri omne virtu-
tum ornamentum seminatore deo concipiunt,
& omne bonum virtutis officium pariunt. Sunt
enim dei semina pauca, at illa quidem magna,
pulchra, & bona, & vitiorum innumerosa
multitudini longè præstantiora: quæ tamen
qui sectantur, nec ipsi vulgo placent, neque
vulgus ipsis: insanire demum putantur, ri-
sumque reperiunt, quòd terra sedes improbi-
tati sit, & provincia. Mundus tamen ea
lege formatus est, ut à deo semina suscipiens
vniuersa, diuinitati dignum fieret organum,
& omnia in miro pulchra ordinationis deco-
re procederent ad ortum, in quo perseverent,
suumque tandem nanciscantur exitum. quod
perfecto fietes, nisi inimicus veniens, in medio*

*tritici superfeminaret Xizania. Vos ergo seli-
gite diuina semina spirituales facti, & malo-
rum semina demonum, qui nos materiali affe-
ctione dormientes occupare vigilant, cauti nunc
effugite. Hec nonus.*

Mercurij Trismegisti Clauis ad
Tatum.

x.

HElternum, ô Æsculapi, sermonē ascri-
psi tibi: vnde æquum est hodiernum
Tatio dedicare, eoq; magis id opera pre-
tium, quo disputatio præsens, omnium ad
illum a nobis antedictorum compendia-
ria quædam summa futura est. Deus & pa-
ter, & bonum, ô Tati, naturā eandē, imò
eundem actum habent. Illa siquidem au-
gmenti, diuinationisq; appellatio est, quæ
circa mutabilia, & immutabilia, id est hu-
mana, & diuina versatur. quorum unum-
quodque ille vult esse. alibi verò actum
(quæadmodum in aliis demonstrauius)
diuinorum atq; humanorū, quæ quidem
in hoc intelligere necesse est. huius actus
voluntas est, huius essentia velle cuncta
subsistere. Quid est Deus, & pater, & bo-
num, nisi ipsum esse horum omnium nō-
dum existentium. quinetiā existentia ipsa
horūdem sunt, id Deus, id pater, id bonū,
cui nihil aliud ex omnibus applicatur.
Mundus enim ac sol eorum, quæ sunt se-
cund

cundum participationem pater, non tamē
viuentibus vitę, bonitatisq; causa. quod si
hoc ita se habeat, comprehensus agitur à
voluntate boni, sine qua nec esse vnquam,
nec fieri potest. Cū filiorum pater, tum
procreationis, tum etiam alimenti, per so-
lum appetitum boni suscipiens (nam bo-
num actiuū est) id alteri conuenire quā
illi nequit. quod quū accipiat nihil; vni-
uersa vult esse. Non dico, ô Tati, vniuersa
facit: faciens enim, longo quodam tem-
pore deficiens, at indignum est. Siquidē in-
terdum facit, interdum cessat, egenū qui-
dem & quantitatis, pariter & qualitatis,
nonnunquam qualia, & quāta disponens,
aliās, horum contraria. Deus autem & pa-
ter, & bonum, eo ipso quod omnia est. Ta-
le igitur ei quidem ista præcipere potest.
etenim hoc vult esse, & est. Et ipsum ma-
ximè verò ipsi, nam cetera omnia propter
ipsum. Proprium quippe boni, ô Tati,
se se notum præbere. id bonum est, ô Tati.
T A T. Visionis pater, bonę & pulchrę
nos participes reddidisti, vnde meę men-
tis oculus visione quasi jam expiatus est.
T R. Neque verò, quemadmodum solis ra-
dius fulgore nimio corrūpit oculos, cali-
gantesq; reddit, sic ipsius boni conspectio.
illustrat enim, atq; oculi lucem eo magis

exauget, quo quis capere magis potest intelligibilis splendoris influxum. Velocior est, & acutior diuina lux ad penetrandum, innocētiaq; & immortalitate singula complens. Qui nitorem hunc à corpore vberius haurire possunt, obdormiunt sæpenumero à corpore ad aspectum pulcherrimum, quemadmodum Cælum, & Saturnus nostri progenitores assurgunt.

T A T. Vtinam & nos pater. T R. Vtinam ô fili. Adhuc tamen imbecilliores sumus ad conspiciendum. Tunc autem poterimus mentis oculos eleuare, bonumq; decorumq; incomprehensibilem prospicere, quū nihil de illo prorsus dixerimus. ejus cognitio diuinum silentium est, & intenta omniū applicatio. Qui id intelligit, nil potest aliud cogitare. Qui id intuetur, nil præter ipsum aliud intueri. Qui id audit, nil audire post ipsum, neq; corporis etiā sui mēbra mouere. vniuersis profectò corporis sensibus, motibusq; solutus, intrepidus, agit. nam qui totum circumlustrat, vndique mentem totam quoq; irradiat, animam abstrahit totam à corpore, totam in essentiam deniq; dei transfigurat. Impossibile enim, ô fili, animam hominis in corporis fœce jacentem, diuinā assumere formam. Neque licet etiam dei pulchritudinem

nem

nom contueri, nisi quis antè in deum fuerit reformatus. T A T. Quonam pacto id dicis, ô pater? T R. Omnis animæ distributio, ô fili. T A T. Mutationes autem quonam modo interim distribuens? T R I S. Num in iis quæ generatim diximus, audisti, quemadmodum ab vna mûdi totius anima, vniuersæ profluunt animæ per omnem mundum tanquã distributæ circûcurrentes? Hæc vtiq; animarum mutationes per multæ partim sanè in melius, feliciusq; partim autem in contrarium. Nam reptilium quædã in aquatilia transmutantur, aquatiliû animæ in terrestria migrât: terrenorû in volatilia scandunt, aëreorum vertûtur in homines, hominû deindè immortales animæ in dæmones transeunt, demum in deorum chorum feliciter reuolant. Chori deorû gemini, vagantiû vnus, non vagantium alter, atq; hæc est suprema animæ gloria. Anima verò in corpus humanum delapsa, si quidè mala perseuerauerit, non gustat immortalitatis quicquã, neq; bono etiam fruitur. reuoluto autem itinere in reptilia præcipitans. Hæc vtiq; adjudicatio, pœnaq; est animæ malæ, prauitas animæ, ignorantia. Anima naturæ rerum, boniq; inscia, orbata oculis, corporis sese passionibus implicat. Anima, ca-

codæmonjs, id est mali dæmonis ritu corrupta, seipsam ignorans abjectis corporibus, mōstrisq; deformibus seruit. Corpus suū velut onus infestū circūfert, non præfidens corpori, sed ob ignorantia subjugata. contra verò virtus animæ cognitio est. eruditus enim re vera, bonus, pius, diuinus. T A T. Quis hic est, ô pater? T R. Qui nec loquitur, nec audit multa, qui duobus sermonibus, seu dicēdis, siue audiendis intrēdit, & pugnat in tenebris. Nam deus & pater, & bonū, nec lingua pronūciatur, neque percipitur auribus. Quū hæc igitur ita se habeāt in omnibus, quæ sunt ex eo, quod seorsum ab illo esse nequeūt, sensus insunt. Inter cognitionem autē, ac sensum multū interest. Sensus enim superātis motus existit cognitio: sciētia, terminus. Sciētia dei donū. siquidem vnaquæq; scientia incorporea mente vtens, vt organo, mens autē corpore: quam obrem vtraq; in corpora, tum intelligibilia, tum etiā materialia recurrunt. Ex oppositione enim, & contrarietate constare omnia necesse est, neq; aliter se habere possibile est. T A T. Quis igitur materialis iste deus? T R. Mundus, pulcher quidem, non tamē bonus. etenim ex materia constat, passionibusq; subjicitur: primusq; est eorum, quæ patiūtur: secund

cundus autem eorum, quæ sunt. Indigus præterea suapte natura, factus aliquando, semper existens in generatione, atq; genitus, qualitatūq; , & quātitatū omniū genitura. Mobilis enim. Omnis autē materialis motio, generatio dici debet. Intelligibilis quoq; status, hoc pacto motū materialem agit. Quoniā mundus sphaera est, id est caput, nec suprà materiale quicquam. quemadmodū neq; aliud sub pedibus intelligibile, at materialia cūcta. Mens verò caput in circulū agitatū, id est, secundū naturā capitis motum. quocūq; igitur cōrīgua sunt, capitis illius pelliculæ, quæ sanē anima est, immortalia nata sunt, quasi corpus sit in anima constitutū, animamq; habentia plena sunt corpore. Verū quicquid à pellicula procul, in qua sunt, quæ magis participant anima, corpus existit. totū verò animal est. Itaq; mundus ex materiali quodam, & intelligibili compositus est. Mundus animal primū, homo secundum, post mundum animal, primū autem animalium reliquorum. quodcunq; verò animæ munus conceditur aliis, homo quoq; possidet, neque solum non bonus, sed malus etiam, utpote mortalis perpenditur. Mundus enim non bonus, quia mobilis. non tamen malus, quoniam immortalis.

Homo autē tum quia mobilis, tum etiam quia mortalis, malus esse censetur. Anima hominis in hunc vehitur modum. Mens in ratione, ratio in anima, anima in spiritu, spiritus in corpore. Spiritus per venas, arteriasq; , sanguinemq; diffusus, animal vndique ciet, molemq; corporis suspensam sustinet, atque circumfert. Vnde decepti quidam humorem sanguinis animam existimarunt; hos planè latuit, quia in primis oportet spiritum ad animam vsque manare. deinde sanguinem coalescere, venasq; , & arterias cauas extendi, demum resolui animal, eamq; mortem corporis esse. Ex vno autem principio cuncta dependent, principium ex vno, atque solo. Et principium quidem mouetur, vt rursus extet principium. ipsum tamen vnum præstat, nec ab vnitate de- cedit. Tria igitur hæc sunt, Deus pater bonum, & mundus, & homo. Mundum Deus habet, mundus hominem. Mundus dei filius, homo genitura mundi. Neque enim ignorat Deus hominem, sed curam ejus habet, ab eoq; cognosci se vult. Hæc vnica salus homini, cognitio dei, hæc ad olympum ascensio. Ex hoc vno duntaxat animā bona, neque interdum quidem bona, aliās autem mala, at secundum ne- cessit

cessitatem. T A T. Quomodo id asseris, ô mi Trismegiste? T R I S M. Hoc, inquam, assero, animam pueri contēplari seipsam, nondum ex natura sua propter corpus egressam, nondum corpus omnino compactum est, ac seipsam vndique pulchram conspiceret. Nam haud corrupta est adhuc à corporis passionibus, mundi totius anima, tuncq; dependens. Quū verò compactum est corpus, animamq; in sui molem dispergit, ac distrahit, tunc illa obliuioni subjicitur, pulchriq;, ac boni visione priuatur. Obliuio autem ipsa improbitas est. Idēque accedit iis, qui egrediuntur ex corpore. Recurrente enim anima in seipsam, spiritus in sanguinem, anima in spiritum contrahitur. Mens à velaminibus libera & diuina existens suapte natura igneum sortita corpus, per loca omnia circunuagatur, animamq; iudicio iusto, ac merito supplicio derelinquit. T A T. Quo pacto id ais ô pater? T R I S M. Mens quidem ab anima, anima verò à spiritu separatur. Indumentum mentis anima. Indumentum animæ spiritus. Cointelligere oportet, ô fili, cum dicente auditorem, atque conspirare, auditumq; acutiorem voce dicentis habere. Harum, ô fili, vestium conuolutio in corpore ter-

reno

reno conficitur. siquidem nudam secundum se mentē in terra sistere mole penitus impossibile. neq; enim potis est terrea fax mentem adeo diuinam suscipere, neq; tantum numen paribili cōfirmatum corpore sustinere. Assumpsit ergo mens animam velut amictum. Quinetiā anima diuina existēs, vehiculo spiritus vtitur. Spiritus animal totum percurrit. Itaq; quum primū mens à terreno corpore soluitur, proprium mox subit amictum, igneum videlicet corpus, quo sanē quandiu circumtecta est, in terreū corpus turgescere nequit. Terra nanq; ignem minimē sustinet, tota siquidē ab exigua scintilla cremaretur. Qua de causa terrenæ moli circumfusus est humor, quasi quoddam ad combustionem ignis obstaculum: qui quū acutissimus ac velocissimus, sic omnium diuinorum conceptuum, singulorum comprehendit elemētorum corpora: etenim ipse cælorum artifex, igne potissimū ad suam fabricam vtitur. Opifex quidē totius vtitur omnibus: omnis autem faber iis, quæ sunt circa terrā: orba nanq; igni mens hominis, ad humanamq; dispositionem duntaxat idonea, diuina cōstruere nequit. Humana certē anima, non omnis quidē, sed pia, beataq;, diuina. Postquā verò hujusmodi

modi anima per mortem à carcere corporis est exempta: quū omnis subierit virtutis, pietatisq; mādāta, certē aut mens, aut deus efficitur. Certamen autem religiosæ pietatis hoc est, recognoscere deum, injuriam inferre nemini: anima tamen impia in natura propria remanet, ac seipsam minimum cruciat, corpus quatit, quod ingreditur, terrenū & humanum. Aliud quippe corpus quā humanum, animam non capit humanam: neq; fas est in corpus animæ ratione carēris, animā rationalē corrūere. Lex enim diuina generationē tam nefariā prohibet. T A T. Quo igitur modo cruciatur, ō pater, hominis anima, quōdve suppliciū hujus animæ grauius? T R T S. Impietas, ō fili mi Tati. cujusnā ignis ardētior flamma, quā impietatis est? Quænam fera mordax ita corpus lacerat, ut impietas laniat animā? Nōne vides quot malis animus premitur impius? En sic, fili, vociferatur impius animus: Vror: absumor: quid agam nescio: deuorāt me miserum mala vndiq; confluentia: non video quicquam: heu miser, nō audio. Tales afflicti sunt animi voces: talis naturæ congrua mulēta: non qualē tu fortē fili, & alij quidam arbitrantur, quibus videretur anima nostra, postquam est humanam exuta

figur

figuram, in corpora degenerare brutorū.
 Hic enim impius error, verū castigationis ejus, modus alter. Mens utiq; , quū demon efficitur, ad obsequium dei jubetur igneum capeßere corpus : inde in animam transfusa nefariam, eam flagellis verberat peccatorum: his animus verberatus iniquus, ad neces, conuicia, objurgias, rapinasq; varias sese vertit, ad ea denique, per quæ delinquunt homines, vniuersa delabitur : at quum in sanctam mens influit animam, extollit illam ad sapientiæ lumen. Hæc anima postmodum nūquam somni torpore languescit, sed & verbis pariter & operibus humano fert opem generi, iuuatq; modis omnibus, suum semper æmulata parentem. Quamobrem oportet, ô fili, nos agentes deo gratias obsecrare, vt bonæ mentis participes efficiamur : in melius quidem anima migrat, in deterius nunquam. Est etiam animarum communio quædam. deorum animæ communicant hominum animis. Deus se communem singulis exhibet. præstantior enim cunctis ille. cuncta autem illo sunt imbecilliora. mundus deo, homo mundo, homini brutum subjiçiat. Deus super omnia est, & circa omnia. Dei radij, actus existunt. mundi radij, sunt natura:

æ: radij verò hominis artes, atq; scientiæ. Per mundum exercentur actus, iiq; in hominē per mundi radios naturales, descendunt: naturæ per elementa: hominis per artes, atque scientias. Hæc utiq; mundi totius administratio, ex vnius natura dependens, perq; vnā materiam rectè discurrens, quæ nihil validius, nihil diuinius, nihil denique magis vnitum. Hominum ad deos, ad homines decorum cōmunio. Iste bonus est dæmon: anima, quæ hoc plena est, beata est, misera verò vacuā. T A T. Quānam ratione id ais, ô pater? T R I S M. Scito, mi fili, quia anima omnis habet ipsum bonū pro mente. de hac enim præsens nobis est sermo, non de ministro huius, quē suprà diximus ex iudicio demissum ad inferos. Anima mentis præsentia destituta, nec agere quicquam, nec dicere potis est. Sæpe verò mens extra animam, quo quidē in tēpore, nec audit, nec videt anima, sed animali similis est ratione carenti. Tanta est potētia mētis, quæ animā huiusmodi deserit implicatam corpori, & ab eodē tractā ad infera. Talis anima, fili mi, mentem nullam habet, ideoq; nec hominem hunc appellare fas est. Homo siquidē animal est diuinū, nec est cum terrenis brutis, sed cum diis cælestibus comparandū.

parandus. Quinimo, si audendum est verum fateri, homo verus vel cælicolis est præstantior, vel saltem pari sorte potitur. etenim quicumque cælitum descendit ad terram, cæli limitem deserit. homo autem, ascendit in cælum, illudq; metitur: nec cum fugit quæ ima sunt, quæve sublimia, ac reliqua omnia diligenter inquirat. quodque majus est, terram quidem haud dimittens in cælum attollitur, tam ampla est humanæ naturæ potestas. Quamobrè audendum est dicere, hominem quidem terrenum, deum esse mortalem: deum vero cælestem, immortalem hominem. itaque horum virtute duorum, hominis scilicet ac mundi, gubernantur singula. vni demum cuncta subjiciuntur.

COMMENTARIA.

Decimus deum omnia absolute esse constanter asserit, quæ singula singularim participatione contrahunt. attamen deum patrem esse, et bonum eo ipso, quod ipse omnia est. Mox de anima in silentio raptu discutit. ubi quæ mentis oculis cernuntur, neque revelare fas, neque revelandi concessum est arbitrium. Quod autem de animalium transformatione subiungit, non verborum fictionem, sed fictionis allegoriam sequendam esse eiusdem Mercurij sequens sermo declarat, quum inquit: Aliud enim

enim corpus, quàm humanum; animam non capit humanam: neque fas est in corpus animæ ratione carentis, animam rationalem corrumpere. lux enim diuina generationem tam nefariam prohibet. Et paulò post subiungit: Talis naturæ congrua multa, non qualem tu fuisse fili, & alij quidam arbitrantur, quibus videtur anima nostra, postquam est humanam exuta figuram, in corpora degenerare brutorum. Hic enim impius error, quòd ei animam pueri causatur seipsam contemplantem. hoc viderint qui mentem intelligentiamq; abditam defendunt. Hac & similia Clauis.

Mens ad Mercurium.

x i.

DEsine tandiu differere, ô Trismegiste Mercuri. file jam, antedictorum reminiscere: etenim sensum tibi meum non pigebit exprimere, eoq; magis, quo multæ & variæ inter mortales de mundo, deoq; opiniones pererrant. **T R I S:** Equidè, vt ingenuè fatear, hujus rei veritatē nondum teneo ipse ergo, mi domine, purā exprime veritatem. nam vnicum te elucidare talia posse confido. **M E N S.** Audi me igitur, ô fili. tempus, deus, & vniuersum sic se habent. Deus æternitas, tempus generatio. Deus æternitatem, æternitas mundum, mundum.

mundus tempus, tēpus generationem efficit. Dei quāsi essentia est, bonū, pulchrum, beatitudo, sapientia, æternitas: essentia, ipsum idem. mundi ordo, temporis transmutatio, generatio, mors, & vita. actus dei, mens, & anima. æternitas, perseueratio, atque immortalitas, mundi institutio, & restitutio temporis. augmentū & diminutio, generationis deniq; qualitas. Æternitas ergo in deo, in æternitate mundus: tempus in mundo, in tempore generatio. æternitas extat circa deum, mundus in æternitate mouetur. tēpus terminatur in mūdo, generatio cōplectitur in tempore. Sors itaq; omniū deus, essentia verò æternitas. Opus æternitatis est mundus factus quidē non aliquādo, factus autem semper ab æuo. Quū verò nunquam cesset æuum, nunquam cessabit & mundus. Quumq; sit mūdos æternitate cōprehensus, nulla mūdi pars interit. T R I S. Dei verò sapientia quid est? M E N S. Bonum, pulchrum, beatitudo. omnis virtus, & æuum. vnde immortalitatem præstat æuum, perseuerantiam materiæ tradens. Origo enim materiæ pendet ex æuo, quemadmodū ex deo æuum. Generatio quidem, ac tempus naturæ geminæ, & in cælo sunt & in terra. in cælo sanè immutabilia sunt hæc duo,

duo, atq; immortalia : in terra mutabilia, corruptioniq; obnoxia : *Æternitatis anima* deus est, *anima mundi æternitas*, terræ anima cælum. Deus in mente, mens in anima, anima autē in materia : omnia verò ista per æuum, totum hoc corpus, in quo corpora omnia : anima mente, deoq; plena, intima mūdi replet, cōplectitur extrema, vitā omnibus hæc suggerit, extrinsecus quidem, ingēti huic, perfectoq; animali mūdi, intrinsecus autem cæteris, quæ insunt mundo viventibus. Supraq; in cælo quod idem est, omnia sistens : infrā verò in terra, generationē agitans. Mundum profectò cōtinet æuum, siue per necessitatem, seu providentia, vel natura : & siquid aliud quis cogitat, vel etiam cogitabit vnquam, id omne deus agit. Actio dei potestas insuperabilis, cum qua nec humanam, nec diuinam vllam comparare quis audeat. Caue igitur, ô Mercuri, nequid infernorum, nequid etiam supernorum dei simile censeas : nam à veritate penitus aberrares : nihil quippe simile est ei, quod dissimile, solumq; , & vnum est. Neque cuipiam putes eandem, quæ deo, vim adesse : quid enim post illum tale, & ad immortalitatem, & ad qualitatis transmutationē ? quid autem præter hoc aliud

deus efficiet: neq; enim otiosus est deus: nam otiosa forent omnia: cuncta siquidē plena sunt deo: otium verò in nullis mūdi partibus reperitur: nomen profectò vanum est otium, tum secundum id, quod agit, tum etiam secundum id, quod agitur: vniuersa fieri necesse est, ac semper fieri secundum loci cuiusq; naturam. Agens non vni præsens est tantum, sed omnibus: nec vnum duntaxat, verum vniuersa producit: nam efficax existens in seipsa potestas, in iis, quæ facta sunt, minimè sufficiens est: sub ipsa enim sunt opera ab illo progenita. Agè, contēplare, pro me subiectum tuo conspectui mundū, atq; ejus diligenter circūspice formam, inuiolabile corpus, quo nihil antiquius per omne quidem adultum, ac vires. Inspice præterea mundos septē suppositos, ornatu mirifico fabricatos, ordine sempiterno, cursu suo differēter complentes æuum, plena lumine singula, ignis verò in illis nullo modo. Amicitia enim contrariorum, dissimiliumq; cōmixtio, lumen instituit illustratū: atq; actu dei, bonorū omniū genitoris, totius ordinis principis, septemq; mundorū dūcis æterni: lunam verò cæteris præcurrentem, naturæ organum, inferiorem materiam transmutantem, terram in mundi medio.

medio sitam, pulchri mundi subsellium,
nutrimentum terrenorum omnium, ean-
demq; nutricem. Meditare numerū mor-
taliū, immortaliumq; viventium, me-
dium verò quasi confinium vtrorumque,
mortalium videlicet, atq; immortalium, lu-
nam ipsam circumeuntem. Anima rursus
omniū plena propriis ab ea moribus agi-
tata, partim quidē circa cælū, partim ve-
rò circa terram: nec ea, quæ dextra sunt, ad
sinistra, neq; læua ad dextra. Item nec su-
perna ad infera, neq; infera iterum ad su-
perna. Quòd autē hæc omnia genita sint,
ô dulcissime mi Mercuri, nequaquā nunc
opus est vt me differente perdiscas: nam
corpora sunt, habentq; animā, & mouen-
tur. hæc autem in vnū cōgredi absq; con-
gregantis virtute impossibile est. Opor-
tet igitur aliquem esse talem, ac penitus
vnum. Nam quum multi, variiq; sint mo-
tus, & dissimilia corpora, vnus autem or-
do velocitatis in omnibus, impossibile est
duos, aut plures esse factores: neque enim
ordo vnus probaretur in multis. Præterea
qui inter illos imbecillior esset, potentio-
ri nimirum inuideret, ex quo seditio quæ-
dam exoriretur. Itaq; si vnus eorum actor
mutabilium animalium extitisset, cuperet
quoq; immortalia gignere, quæadmodum

genitor immortalium affectaret mortalia? quin etiam una existente anima, unaque materia, ad quem illorum potissimum fabricatio pertinet? Quod si ad utrumque, ad quem provincia maior? sic autem cogita, omne corpus viuens, seu mortale siue immortale, ex materia constat & anima: omnia sane viuentia corpora animata sunt, non viuentia vero nuda pæne in omnia. Anima quoque similiter secundum seipsam suo propinqua parenti, vitæ causa est: vitæ autem causa est quilibet immortalium. Quonam igitur modo mortalia viuentia differunt à mortalibus? itemque ab immortalibus immortalia? esse itaque horum omnium actoris præ cæteris est præcipuum. Nam anima una, vita una, una quoque materia. Quisnam iste, quis alter præter vnicum deum? Num alteri cuiusquam quam soli deo conuenit procreare viuentia? Vnus itaque deus, mundum vnum est confessus, Solem vnum, vnicam Lunam, vnam quoque diuinitatem. Ipsum vero deum, vnum quidem credimus esse. Vnus igitur, singula facit in multis. Num censes arduum quiddam, & laboriosum deo vitam animam, immortalitatem, mutationemque efficere? Tu enim tot, tantaque potes, vides, audis, odoras, gustas, tangis, loqueris, graderis, spiras, intelligis. Neque
alter

alter est in te, qui videt, quive audit alter. Nec loquitur vnus, graditur alius, hic odorat, ille gustat, hic spirat, intelligit ille; at vnus hæc omnia præstat, neq; etiã possibile est illa sine dei natura fieri. Vt enim qui cessat ab iis, non est ampliùs animal, sic qui ab illorum constructione cessaret, minimè deus esset. id autem suspicari nefarium. Quòd si concessum nihil in rerũ natura consistere, cui non insit naturalis quidam agendi vigor, simulq; certi operis executio, quantò magis asseuerandum est, deo non deesse potestatem omnium, & effectũ? nam quicquid otiosum, imperfectũ, imperfectum dicere deum, nefas. facit igitur omnia deus. Nunc mihi id paululum temporis, ô Mercuri, totus adesto, ipsum te mihi dedito, opus dei confestim intelliges. Hoc opus adesse necessarium erat, vt essent ea, quæ fiunt, quæ'ue fiebant, & quæ fient in posterum. Id autem, ô suauissime mi Mercuri, vita est, id verò pulchrum, id autem bonum, id deniq; deus. Sin autẽ petieris, vt hæc tibi per exempla operum ante oculos ponam, aduerte quid tibi accidat generare volenti. non tamen illius hoc simile: ille siquidem non diffunditur voluptate, nō habet operis adiutorẽ. Suapte natura efficax, vi propria operans

uerfatur, in opere ſemper exiſtens ipſe, quodcunq; fecerit vnquam. Si à quodam influxum ſuum ille ſubtraxerit, deficiente vita in mortem corruent vniuerſa. Quum verò viuant omnia, vnaq; ſit vita cunctorum, vnus eſt deus. Rurſus ſi omnia uiuentia ſunt, & quæ in cælo videntur, & quæ jacent in terra, vna proſectò vita cunctorum manet ex deo, atq; ipſa & ipſe eſt deus, ab vno ſunt omnia conditore. Vita verò eſt vnio mentis, & animæ: mors autē non pernicies concretorum, ſed vnionis pluriū diſſolutio. Imago ergo dei æuum, æui mundus, mundi ſol, ſolis autē homo. At verò mutationem quandam, populi mortem eſſe arbitrantur, ob eam cauſam, quia moles reſoluitur corporis, & vita ſe reuocat in occultum. Equidem, o dilecte Mercuri, mundum quidem mutari hac te doceo ratione, quia quædam illius particulæ in occultū jugiter abeunt, nunquam tamen interire illum exiſtimato. Hæ proſectò mundi ſunt paſſiones, reuolutio ſcilicet, atque occultatio. Reuolutio quidem cōuerſio, occultatio autem renouatio eſt. Omniformis præterea mundus formas hauð ſanè aduentitias, peregrinasq; ſuſcipit. Verū ipſe eas in ſeipſo coagitat, etiam omniformis mūdi ſimilis erit: at ſi vnicam formam

formam habuerit, in hoc erit mundo deterior. Quid itaque dicemus ad hæc? ne obsecro in ambiguo resistamus. Quod enim in diuinis ambiguum, nodum cognitum: vnā igitur habet ideam: hujus autē idea propria, quā aspectū fugiat oculorū, incorporea est, formasq; per corpora singula exprimit. Neq; vlla te prorsus admiratio teneat, quia sit quædam incorporealis idea: est enim qualis idea sermonis, & inscriptionibus apices: videntur enim per multū excedere: planè tamen ex natura, leuesq; sunt. Meditare autem quod nunc dicitur audentius, quodq; verius etiā assertur, quēadmodum homo nequit sine vita viuere, ita nec deus viuere potest, nisi bona producat: Hæc enim dei vita, hic ejus actus, agitare singula, vitamq; omnibus inspirare. Quædam verò eorū, quæ supra diximus, certam quandam requirūt intelligentiam. Considera in hoc exēplo quid potissimū significare velim. Omnia sunt in deo, non tanquam in loco, posita. Locus enim corpus est immobile, atq; ea quæ posita sunt, motu carent. Locatur quippe aliter in corpore, aliter in phantasia. Cogita singula continentē; cogita nihil esse quā incorporalis natura capacius, nihil velocius, nihil validius, ipsumq; omnium

I S

capa

capacissimum, velocissimum, potentissimum. Sic iterum à teipso incipiens meditare, atq; animæ tuæ præcipito, quæ citiùs, quàm præcipies euolabit. Iubeto, inquam, ut transeat in oceanum, illa, priùs quàm iusseris, ibi erit, inde, vbi nunc est, nequaquam discedēs. Iubeto iterū, ut in cælum volet, nullis pennis egebit, nihil ejus obstabit cursui, non solis incendium, non ætheris amplitudo, non vertigo cælorum, non syderum reliquorum corpora, quin penetrās omnia, ad supernū corpus vsque transcēdat. Quinetiam si volueris globos omnes transire cælorum, quodq; superius est, inuestigare, id quoque tibi licebit. Aduerte quanta sit animæ tuæ potestas, quanta celeritas. Tūc potes ista, deus nō possit? Hoc igitur pacto contemplare deum, ut in seipso intelligētiās omnes habētem, habentemq; seipsum cœu mundum penitus vniuersum, nisi te deo æquaueris, deū nunquam intelliges: nam simile semper à simili suo cognoscitur. Extende teipsum in magnitudine sine termino, emerge ex corpore, totū supergredere tempus, æternitas esto: sic deum deniq; noueris, impossibile nihil in te ipso supponens. Teipsum immortalem puta, comprehendere cuncta potentem, scientiam omnem, atq; omnem
pari

pariter artē : omni sublimitate sublimior esto, omni fundo profundior, sensusq; factorum tuorum singulos in te colligito, ignis, aquæ, aridi, humidi, adesto simul mundi partibus omnibus, cælo, terræq; mariq;, per omnē ætatē, extra corpusculi tui vitæ habitato, per mortem nihil interire putato. Cuncta hæc simul cōprehendito, loca, tēpora, moles, qualitates, & quātitates, sic deum intelligere poteris. Contra, si animam tuā in corpus demerferis, ipsamq; abjeceris, iisq; te verbis in cœnū prostraveris, neq; scio quicquam, neq; scire etiam valeo, vastum horreo maris fundum, in cælum volare nequeo, non novi quid nunc sim, non novi quid sim futurus in posterū, quid tibi cum deo? neq; enim potes, quum sis malus, corporisq; fœtidi feruus, ipsum pulchrum, bonumq; percipere: extrema verò prauitas, non recognoscere deum. At verò cōfidere, atq; sperare se, bonum aliquando reperire posse, via quædam diuina est, ad bonum recto tramite ducens, facilisq;, & peruia, passim procedenti tibi semper occurreret, ambulanti, nauiganti, die, nocteq; loquenti, pariter atq; tacenti: nihil est enim in rerum natura, quod non aliquam præ se ferat diuinitatis imaginē. T R I S. Nōne inuisibilis deus?

deus? MENS. Religiosius loquere Trismegiste: nam quis illo lucidior? Ille quippe omnia ob eam causam fabricauit, ut eū per singula cerneret. Hæc dei bonitas, hæc ejus virtus est, illū fulgere per omnia. nihil est vel in incorporeis etiam inuisibile, mens ipsa intellectione videtur, deus autem in operatione conspicitur. Hæc hactenus enodata tibi sint, Trismegiste: cætera omnia ipse per te jam perscrutaberis, neque falsa veritatis imagine decipieris.

COMMENTARIA.

Undecimus de mente, diuino sermone plenus declarat eternitatem à deo, mundum ab eternitate, tempus à mundo, transmutationem à tempore, à transmutatione mortem, atque vitam pendere, insuperabili dei potestati nullam potentiam, nec diuinam, nec humanam, nec supernorum, nec infernorum comparabilem esse, quem unicum esse cum rationibus, tum analogis, grauissimè permonstrat: qui quum orisus esse nequit, semper omnia facit: quod de eterna verbi generatione dictum rectè concipias: ait enim quòd opus diuinum adesse necessarium erat, ut essent ea quæ fiunt, quæ fiebant, et quæ fient in posterum, id vita est, id pulchrum, id bonum, id denique deus, et vita cunctorum: sed quid hoc nisi quod alius

Euan

Euangelistæ tuba cecinit, quum inquit: In principio erat verbum, & verbum erat apud deum, & deus erat verbum. Hoc erat in principio apud deum, omnia per ipsum facta sunt, & sine ipso factum est nihil. quod factum est, in ipso vita erat. Cunctorum ergo vita, à deo manat, atque ipsa deus est. Quò fit, ut ea veramors, verusq; non sit rerum interitus, qui vulgò putatur, verum ea, qua viventium vita in abditum se reuocans, res deserit. Mira profectò proportionem ad eum comprehendendum vititur, qui omnem effugit proportionem, qui comprehensus incomprehensibilis manet, & qui omnibus incognitus, omnibus in rebus se præstat cognoscibilem. Vos ergo quicunque per huc toti nunc adesite, & mentis sermonibus vestram mentem inclinate, ut eum tandem cognoscatur, qui omnia ob eam causam fabricatus est, ut eum per singula cerneretis. Hac Mens.

Mercurij ad Tatium de communi.

XII.

Mens quidem, ô Tati, ex ipsa dei essentia, si qua tamen est ejus essentia, nascitur. Hæc qualiscunq; sit, sola seipsam sincera comprehendit. Mens igitur ab essentia dei nequaquam diuisa, sed illi potius eo modo connexa, quo Solis corpori lumen.

lumen. Hæc mens deus est in hominibus, atq; id circo nōnulli ex hominum numero dij sunt, eorumq; humanitas est diuinitati quàm proxima: etenim bonus dēmon deos quidem prædicat immortales, homines autem mortales deos. In animalibus autem irrationabilibus, mens illa natura est. Nam vbicunque anima, ibi quoque mens: quemadmodum vbicūque vita, ibi etiam anima in viuentibus: absq; rationis discursu, anima est vita vacua mētis: mens quippe adjutrix est hominum animarum, eas in bonum proprium reuocans. In animalibus ratione carentibus, quum natura cuiusq; operando concreditur, in animis hominū resistit interdum, atq; repugnat. Anima siquidē infusa corpori, à voluptate, atque dolore continuo deprauatur, ex corporis enim commistione voluptas, & dolor, ceu riuli quidā scaturiunt, in quos madens anima suffocatur. Quibuscunque igitur animis mens præsidet, suo illa fulgore illustrat, earum moribus, malisq; resistens: quemadmodum verò medicus eruditus ægrotantis corpus doloribus afficit, vrendo illud, atque secando, recuperandæ valetudinis gratia: eodem modo mens voluptuosam affligit animam, vt radices voluptatis euellat: ab hac enim omnis ani-

ma morbus: morbus animæ grauiſſimus, impietas eſt, opinio autem nō ad bonum prorsus vllum, ſed ad malum potiùs allicit. At verò mens illa repugnans, ſic animæ bonum procurat, vt ſanitatē corporis medicus. Quotcunq; hominum animæ mentem nequaquam ſortitæ ſunt gubernatricem, eadem, quæ & brutorū animæ, patiuntur. Dimittit eas mens cupiditatum imperio, ad quarum expletionem ardenti quodam impetu perferuntur, rituq; ferarū immoderatē & irāſcuntur, & cupiunt. Quodq; deterius eſt, nec finem imponunt libidini vllum, nec malorum inueniunt, paſſionumq; terminum. Hiſce velut liſtorem, vt vindicem deus legem propoſuit.

ΤΑΤ. Hic, ô pater, diſputatio illa de fato, quam in ſuperioribus imperfectam reliquimus, reuiuiſcit. Nam ſi decretum ſit quosdam adulteros, quosdam fore ſacrilogos, cur aliquis inde mulctatur, quandoquidem cōpulfus fati neceſſitate deliquerit? ΤΡΙΣ. Omnia ſunt fati opera filii: abſque illo nihil eſt corporaliū, non bonum ſine illo quicquam poteſt, non malum fieri ſine illo. Decretum eſt, eum, qui turpe quid commiſerit, pati: ille ob id committit, vt patiatur inde quodcunq; patitur, quando commiſerit. Cæterum de fati, ac delicto

delectorum suppliciis, in aliis diximus. Præfens verò nobis est sermo de mente, quid mens valeat, quàm differens in hominibus, ac brutis sit ejus instinctus. atq; iterum quomodo in brutis quidem non est mens ipsa benefica, in hominibus auté libidinis impetum cohibet, iracundiæ restinguit ardorem. ex quo sequitur, vt inter homines, irracionales quidam, nōnulli rationales existant. Cuncti verò homines fato, generationi, trāsmutationi subjiciuntur: initium quippe finisq; fati duohæc, generatio, scilicet, ac trāsmutatio. Et homines vniuersi id quidem patiūtur, quod instituit fatū. Verūm rationales illi, quibus diximus mentem ceu gubernatricē assistere, non eodem modo, quo cæteri patiuntur, imò ab improbitate alieni, existentesq; non mali, patiuntur minimè malum. T A T. Quomodo rursus hæc ais, ô pater? T R I S. Adulter nōne malus? homicida nōne malus? Homo non adulter patitur, sed quemadmodum adulter. Non homicida, sed quemadmodum homicida. Qualitatē trāsmutationis effugere impossibile est, sicut & generationis effectum, prauitatem verò mentē habenti vitare licet. Quamobrē ego, mi fili, bonū semper demonem audiui dictātem, qui

qui si literis quæq; monimēta mandasset, mira quædā in dies humano generi emolumenta conferret. Solus ille, mi fili, tanquam ipse pro me genitus Deus, vniuersa cōspiciens, diuina in nos effudit oracula. Nunc equidem audiui sic aliquando prædicantē, vnū omnia sunt, præsertim intelligibilia corpora: viuimus potentia, actu, æternitate. Mens hujus bona, quemadmodum & ejus anima bona: quū id ita se habeat, nihil est intelligibile ab intelligibili distās. Potest præterea mens princeps omnium, atq; anima Dei, quæcunq; vult efficere: hæc ille. Tu igitur ista considera, & ad hunc, quem inferam, sermonem de fato, mente, arrectisq; auribus adsta. Si diligēter litigiosas captiunculas euitaueris, inuenies absq; dubio, quod mens anima Dei dominatur omnibus, cum etiam legi, ac cæteris vnīuersis, neq; aliquid illorum, quæ ad fatum spectant, impossibile menti. Ideoq; humanus animus fato superior, non tamen, quæ fato subiecta sunt, negligit. atque ista sunt oracula boni dæmonis optima. T A T. Verè diuinè, atque etiam commodè tractasti hæc, ô pater. At illud insuper mihi declares obsecro. Mētem in brutis operari naturæ modo dixisti, cum illorum affectibus cooperātem. Affectus

F

autem

autem irrationalium (vt arbitror) passion-
 nes sunt: mens ergo passio quędam est, sic
 enim passionibus conformatur. TRISM.
 Euge, fili bone, quàm generosè rogas! æ-
 quum est vt tibi respondeam. Omnia, quę
 insunt in corporibus incorporea, patibi-
 lia sunt, imo passionibus propriè sũt. Omnis
 motus corporeus, in corpora quoq; mo-
 uetur à mente. motus autem passio. Vtra-
 que ergo, tum quod mouetur, tum etiam
 quod mouet, patiuntur: hæc quidem do-
 minans, illud verò subiectum. Quũ verò
 separatur à corpore, à passionibus libera-
 tur, imo nihil vsquam impatibile, fili: cun-
 cta enim patibilia. Sed passio & patibile
 in hoc maximè differũt, quòd vnum agit,
 alterum patitur: corpora verò secundum
 seipsa etiam agunt: aut enim immobilia
 sunt, aut mouetur: vtrum verò sit horum,
 passio est. Incorporalia autem operantur
 semper, proptereaq; patibilia sunt. Neq;
 te appellationes moueant. operatio enim,
 ac passio idem, vocabulo tamẽ magis ho-
 norando vti nil obest. T.A.T. Perspicuam
 de his rationem reddidisti, ô pater. T.R.
 Illud præterea considera, ô fili, quòd
 duo hæc soli ex omnibus animalibus ho-
 mini Deus ipse largitus est, sermonem
 scilicet, atque mentem. quæ quidem
 eiusdẽ

eiusdē(ac immortalitas)premiij esse cēsen-
tur. Lis quisquis ad id, quod decet, utitur,
nihil ab immortalibus discrepat. Quin-
etiā corporis solutus cōpedibus, ab vtrif-
que ducetur in chorū beatorū simul, atq;
deorum. T A T. Cætera præter hominem
animantia, nōnne sermone utuntur? T R.
Non, fili, sed voce. permultum interest vo-
cem inter, atque sermonem: sermo cun-
ctis communis hominibus, vox autem
propria cuiusque hominis, propria etiam
cuiusq; generis animantium. T A T. O pa-
ter, diuersa genera hominū, diuersis utun-
tur sermonibus. T R I S M. Diuersis, ô fili:
vnus etiam sermo, qui per interpretatio-
nem huc, atque illuc translatus, vnum de-
nique verbum existere reperitur. Verbum
idem apud Ægyptios, Persasq;, & Græ-
cos. Sed videris, mi fili, verbi virtutem, &
amplitudinem ignorare. Beatus Deus, dæ-
mon bonus, animā esse in corpore, men-
tem in anima, in mente verbum pronun-
ciauit: Deum autem horū patrem asseruit.
Verbum itaq; imago, ac mens Dei est: est
corpus quidem ideæ, idea verò anima est,
purissimaq; materiæ portio aër, aëris ani-
ma, animę mens, mētis deniq; Deus. Deus
verò circa omnia, simul atque per omnia,
mens circa animā, anima circa aërem, aër

circa materiam. Necessitas autem, prouidentiaq; , & natura , organa mundi sunt, ordinisq; materiæ. Etenim intelligibiliū vnumquodq; essentia , essentia verò illorum ipsum idem. At eorum, quæ mundo insunt, corporum, vnumquodq; est multitudo. Corpora composita ipsum idem habentia, atque inuicem mutuò transeuntia, immortalitatem ipsius ejusdem perpetuò seruant. In cæteris corporibus, quæ composita sunt, corporis cuiusq; numerus est. absque numero constitutionem, vel compositionem , vel dissolutionē fieri impossibile est : vnitates quippe gignunt, atque augent numerū, rursusq; solutæ, in se numerum retrahunt. Materia quidē vna, totusq; hic mundus, magnus est Deus, imago maioris, vnitus illi, patris ordinē, voluntatēq; seruans, vitæ totius integra plenitudo : neque est in eo quicquam per omnem æternitatē , restitutionemq; paternam seu ad totum, siue ad partem spectās, quod non vita fruatur: neque est vitæ expers in mundo quicquam , nec fuit antè, nec erit. Viuētem enim voluit pater ejus, quādiu est, esse mundum , vnde Deū hunc esse necesse est. Quomodo possunt, ô fili, in Deo , in totius imagine, in plenitudine vitæ, esse quædam vita carentia? Priuatio
vita

vitæ corruptio est, corruptio verò pernici-
 cies. Quonam igitur pacto, pars vlla ejus,
 quod incorruptibile est, corrumpi, vel dei
 quicquam destrui potest? T A T. Nónne,
 ô pater, animalia, quæ in mûdo sunt mun-
 di partes, intereunt? T R. Rectius loquere
 fili Erras enim in nomine: non moritur
 in mundo quicquam, sed composita cor-
 pora dissoluuntur: dissolutio mors non
 est, sed mistionis resolutio quædam: solui-
 tur autem vnio, non vt ea, quæ sunt, inter-
 eant, sed vt vetera iuuenescât. T A T. Quum
 fit quædam operatio vitæ, nónne motio
 quædâ hæc est, atq; idcirco, quid in mun-
 do immobile? T R. Nihil, ô fili. T A T. Nun-
 quid immobilis tibi terra videtur? T R.
 Minimè, sed multis motibus agitata, sola
 tamen hæc quodammodo stabilis. An nõ
 ridiculum esset ipsam nutricem omnium,
 concipientē, parturientemq; singula, mo-
 tu carere? impossibile enim aliquid absq;
 motu parere. Nec minus ridiculum illud,
 quàm id corpus sterile nuncupare: nihil
 enim aliud ipsius immobilis appellatio,
 quàm sterile quiddam significat. Totum
 hoc, ô fili, generatim considera, quod est in
 mundo, aut crescendo, aut decrescendo mo-
 uetur. Quod verò mouetur, id præterea
 viuit: singula tamen viuétia, haud eadem

esse necesse est. Simul quippe mūdus vnī-
 uersus existens, totus quidem immobilis,
 partes autem ejus agitabiles vndiq; , nihil
 tamen corruptioni subiectum, sed appel-
 lationes quādam falsæ homines turbant.
 Neq; enim generatio, vitæ creatio est, sed
 latentis explicatio vitæ : neque mutatio
 mors, sed occultatio potius. Quū hæc igitur
 ita se habeant, immortalia cūcta. Ma-
 teria quidē vitæ spiritus est, mens animæ.
 Ex mēte viuēs omne profluit. Omne igitur
 viuens per mētem, permanet immor-
 tale. Maximè verò omniū immortalis est
 homo, qui Deum capit, qui diuinæ cōfor-
 matur essentia. huic enim soli ex omni vi-
 uentiū genere, deus ipse congregitur, no-
 cte quidem per somnia, die crebrius per
 portenta, per quæ omnia sibi futura præ-
 nūciat, per aues, per intestina, per spiritū,
 perq; Sibyllam, propter quæ verè dicitur
 homo scire, Quæ sunt, quæ fuerint, quæ
 mox ventura trahantur. Illud autē in pri-
 mis animaduertas, fili mi, velim, quòd v-
 numquodque genus viuentium reliquo-
 rum, propriam mundi prouinciam habi-
 tat: humida quidem aquam, terrestria ter-
 ram, aërē volatilia: homo autem in omni-
 bus vitur, terra, aqua, aëre q; , & igni, cæ-
 lum suspicit, sensu q; illud attingit : Deus
 verò

verò circa omnia simul, atque per omnia, actus enim est omniū, atq; potestas. nam arduum quiddam est, ô fili, Deum percipere. Hunc quoties intueri volueris, aduerte mundi ordinem, atque ordinis ejus ornatum. Aduerte necessitatē eorum, quæ sensu percipiuntur, prouidentiamq; cunctorum, quæ facta sint antè, & quæ quotidie fiunt. Aduerte plenam vitæ materiam, talem, ac tantū Deum cum omnibus bonis, & pulchris diis dæmonibus, atque hominibus incedentem. T A T. At istæ, ô pater, operationes quædam sunt? T R. Ah fili, vnde hæc, nisi ab ipso Deo proficiscuntur? num ignoras, quòd quemadmodum mūdi partes sunt cælum, aqua, terra, & aër: eodem modo Dei membra, vita, immortalitas, necessitas, prouidentia, natura, anima, mens? Horumq; omnium participatio ipsum bonum: neq; fit aliud vltquam, nec est factum, vbi Deus ipse non adsit. T A T. In materia ergo pater. T R I S M. Materia, fili mi, seorsum est à deo, vt locus illi proprius assignetur. Quid aliud illam existimas, quàm rudē, indigestamq; congeriem hanc existere posse? ne secus credas nisi formetur. Quòd si formatur, ab aliquo certè formatur: operationes enim formandi, partes Dei esse diximus. A quo

ergo vita donantur animantia singula, à quo fiunt immortalia, quæ immortalitatis munere perfruuntur, à quo mutantur, quæ mutabilia sunt, siue materiam, seu corpus nuncupaueris, Dei actus esse memento. Actumq; materiæ, materiæ rationem: actum corporeum, corporum rationem: actum essentia, essentia rationem: idq; omne, neque quicquam est in omni quod non sit ipse Deus. Itaq; nec magnitudo, neque locus, neque qualitas, nec figura, neque etiam tempus circa Deum: omne enim est. Omne autē circa omnia, atque per omnia. Hoc verbum, ô fili, cole, atque adora. Cultus autem Dei vnus est, non esse malum.

C O M M E N T A R I A.

Duodecimus de inferiore mente, qua prima mentis imago, aut vestigium quoddam est prosequens post primæ mentis exactam determinationem, eam singulis animabus associat, sed in irrationalibus mens natura est, in hominibus autem ratio: cuius beneficio quicunque hominum deficiuntur, ritu ferarum flagrans quoddam impetu ad cupiditatum expletionem rapiuntur, nec finem suæ libidini statuunt ullum, nec sanctorum malorum inueniunt, passionumq;
termin

terminum, qui fato, diuinoq; decreto patiuntur, dantq; sua meritis ignorantia pœnas. Boni contra, quibus mens praesidet boni, pulchriq; imago, bona suscipiunt, quae illis constituerit factum. Minime ergo fatum effugies: lex siquidem diuina est fatum, mala tamen, pœnasq; prauitatis affeclas fugere potes. Mercurius oraculo plenus multa discuit, saepius oraculum infundentem audiuit. duo diuina in hominibus munera commendat, mentem, atque sermonem. Oracula boni demonis, vel, si mauis, celestis spiritus diuinitus afflanti aperit, de deo, de verbo, de mundo, de materia, nihil esse in mundo visa expers, nihil mortale dicendum, sed potius dissolubile, quid esse sentiendum, nihil immobile. Et soli dissolubilem homini Deum varijs modis congregi, & quo pacto ex sensibilibus ad Deum percipiendum homo assurgere possit. Hac duodecimus.

Mercurij ad Tatium filium suum, de generatione, & impositione silentij. X I I I.

TA T. In communibus pater sermonibus, per ænigmata quædam, ac sine declaratione vllius adjunctionis, de deitate tractasti, asserens ante regenerationem saluum fieri neminem. Equidem, dum ascendebas in montem, supplex tibi

tunc

tunc astiti, obsecrās, vt mihi regeneratio-
 nis rationem aliquādo reserares; id enim
 solum restabat tunc mihi discēdum. Tunc
 demum spondesti te reuelaturum, quū
 à mundo forem alienatus. Ecce jam para-
 tus sum, pater, à mente mea mundi dece-
 ptiones excussi. tu ergo serua promissa.
 Regenerationis modum vel palàm, vel
 clanculum; vt lubet, edissere. Ignoro, ô
 Trisnegiste, qua ex materia, quoq; semi-
 ne natus fuerit homo. T R. O fili, contem-
 platiua in silentio sapientia, semen ejus
 verum bonum. T A T. Quonam serente,
 pater? hoc enim ignoro. T R. Voluntate
 Dei, mi fili. T A T. Et quanti est, qui non
 est genitus? expers enim intelligibilis
 essentia. Quodd si aliter se habeat, qui gi-
 gnitur, Deus erit Dei filius. T R. Omne
 in omni, constans ex omnibus potestati-
 bus. T A T. Ænigmata fingis, ô pater, neq;
 patris more cum filio loqueris. T R. Hoc
 genus, ô fili, non eruditur. verbum quo-
 ties vult, sub insinuatione quadam in Dei
 memoriam reducitur. T A T. Impossibilia
 inferis, ac nimium violenta, quapropter
 his cupio contradicere. T R. Admodum
 discrepas à paterno genere Tati. T A T. Ne
 inuideas mihi pater, legitimus enim sum
 filius. Agè precor, regenerationis modum

me

me doce. T R. Quid dicam fili? quod dicam præter hoc nō habeo quicquā, quod verum cerno spectaculū, ex Dei benignitate mihi jam oblatū, vnde in corpus sum immortale translatus, sumq; non ille, qui prius fueram, ac mēs nuper effectus. hoc mysteriū non docetur. Vide hoc elemēto formato, per quod videre licet, per quod neglecta est à me prima cōposita species, non quod sim coloratus, tactumq; ac terminum habeam: ab iis enim in præsentiarum alienus sum. T A T. In furorem me, insanumq; mentis æstrum, ô pater, nimium concitasti, in præsentiarū me ipsum haud video. T R I S M. Vtinam, fili charissime, tu quoq; reipsum non dormiens transcurrisses, instar eorum, qui somno in somniis occupantur. T A T. Dic age, quis est regenerationis auctor? T R. Dei filius homo, vnius voluntate Dei. T A T. Nunc mutū, ô pater, ac stupidum reddidisti: ipse quoque à pristino statu mentis alienatus, eandem aspicio imarum rerum caractere magnitudinem, in eoq; mendacium. Mortalis enim species per dies singulos trāsmutatur, hæc ad tempus, vt pote falsa, in augmentum, detrimentūq; vertitur. quid ergo verum Trismegiste? T R. Quod non perturbatum, non determinatum, nō color

coloratum, non figuratum, non cōcisum, nudum, perspicuum, à seipso comprehensibile, intransmutabile bonum, ac penitus incorporeum. T A T. Infans jam re vera, mi pater, quumq; sapientem abs te sperassem me fieri ejusmodi cognitione, sensus obtusi sunt. T R. Sic accidit, fili. Nam sursum latum, vt ignis, & deorsum latum, vt terra, & humidum, velut aqua, necnon spirans, vt aër, quomodo ipsum sensu percipies, non durum, non molle, nō densum, non penetrabile? solum potentia, atq; actu considerandum. qui verò potest, oret, vt generationem, quæ in deo est, intelligat. T A T. Impotens ego sum pater. T R. Absit hoc, ô fili. recurre in teipsum, & consequeris, velis, ac fiet. Purga sensus corporis, solue te ab irrationalibus materiæ ipsius vltoribus. T A T. Num vltiores intra se sunt? T R. Non pauci, ô fili, sed horribiles, ac multi. T A T. Ignoro, ô pater. T R. En fili, hæc vna est vltrix, ignorantia: secunda, tristitia: tertia, inconstantia: quarta, cupiditas: quinta, iniustitia: sexta, luxuries: deceptio, septima: octaua, inuidia: fraus, nona: decima, ira: vndecima, temeritas: duodecima verò, malitia. hæc quidem sunt numero duodecim: sub his plures aliæ continentur, quæ per corporis

care

carcerem inclusum, tristem hominem sensibus pati cogunt : absunt autē istæ ab eo, qui est dei fretus clementia. Atq; ita constat regenerationis modus, ac sermo. Deinceps sileto, mi fili, deumq; silendo laudato, eoq; pacto diuina clementia nunquam à nobis aberit. Gaude deinceps, mi fili, nam potestate diuina in contemplationem es veritatis eleuatus. Descendit in nos cognitio dei : hac accedente, repulsa est ignoratio. Descendit in nos cognitio gaudij : hac præsentē tristitia penitus aufugit, in eosq; se vertit, qui ad eam parati sunt capiendam. Potestatem voco ad gaudium perducentem constantiam, cuius vis procul dubio suauissima est. Complectamur igitur eam libentissimè, fili: ea enim, quum primùm aderit, mollitiem omnem prorsus expellet. Quartā verò nunc continentiam voco, vim vniuersarum victri-
cem cupiditatum. Gradus hic, ô fili, iustitiæ fundamentum existit. Aduerte autem quo pacto à cunctis operibus iniustitiam expulit, iusti quidem effecti sumus, absente iniustitia, fili. Sextam voco potentiam in nos descendentem, communionē scilicet aduersus excessum, hac deniq; discedente, inuoco veritatem, aufugit mox deceptio, veritas adest. Vide quomodo ab-
solus

solutū est bonum, veritate præsente. Liur
 enim discessit à nobis. veritatis enim in-
 natum est bonum, cum vita simul & lu-
 mine, nec vltra iræ vindex accessit. Verū
 vltices omnes repentino quodam impe-
 tu rejectæ sunt. Intellexisti, fili, regenera-
 tionis ipsius modū, denario præsente nu-
 mero, intellectualis generatio composita
 est, quæ duodenarium numerū reiecit. Idq;
 ex ipsa generatione speculati sumus. Qui-
 cunq; igitur propter benignitatem gene-
 rationis, quæ secundū deum est, sensum
 amittit corporeum, seipsum cognoscit ex
 diuinis compositū, factusq; indeclius, di-
 uina potētia tota mente lætatur. T. A. T. O
 pater, concipio, non oculorum intuitu, sed
 actu mentis, qui per vires intimas exerce-
 tur: in cælo sum, in terra, in aqua: in aëre,
 in animalibus sum, in arboribus, in cor-
 pore, ante corpus atq; post corpus. At id
 præterea mihi dicas velim, quomodo vl-
 trices tenebrarum numero duodecim, à
 decem potestatibus repellūtur. Quis mo-
 dus Trismegiste? T. R. I. S. M. Tabernaculū
 istud, ô fili, est ex zodiaco circulo consti-
 tutū, qui ex duodenario numero constat
 illo. Numeriq; vndecim sunt, vnus omni-
 formis secundū ideas naturæ, ad homi-
 nis peruagationem, atq; circuitum. Itaque
 disug;

disiugatae quodammodo sunt ab inuicem
vtrices illae, in agendo tamen quodāmo-
do conjugatae, vt ecce inseparabile est ab
ira temeritas. Merito ergo secundum rectā
rationem eatenus interuallum, quatenus
à potestatibus decem, id est à denario nu-
mero repelluntur. Denarius, ô fili, animae
genitor est. Vita verò, & lux, ibi vnita
sunt, vbi vnitatis ipsius numeri sunt ex
spiritu nati: itaq; vnitas secundum rationē
denariū complectitur, rursusq; denarius
vnitatem. T A T. Eia, pater, vniuersum vi-
deo, meq; ipsum in mēte cōspicio. T R I S.
At hæc est regeneratio, ô fili, non adesse
vltcrius corpori, quantitate dimenso. Ob
hanc profectò rationem, regenerationis
mysterium protuli, ne simus calūniatores
totius aduersus multos, quos deus ipse
vult. T A T. Responde ad hæc, ô pater, cor-
pus istud ex potentia constitutū, num ali-
quando dissoluetur? T R I S. Caue ne id
vltcrius audeas. Impossibilia profers, ac
penitus erras, mentisq; oculis ita loquen-
do, impietate nimia profanaris. Sensibile
naturæ corpus ab essentiali generatione
procul admodū discrepat, vnum quidem
dissolubile, indissolubile alterum. Illud
mortale, hoc immortale. An verò igno-
ras, quod & deus, & vnus filius natus es?

T A T.

TAT. O quàm vellem, ô pater, analogiam illam per hymnũ, quem dixisti, audisse te à potestatibus, dum ipse in octonario essem. TRISM. Octonarium, ô fili, cecinit ipse Pimander. Vnde te decet vmbraculũ soluere: purus enim ille Pimãder, mens diuinæ potentix, non plura mihi, quàm scripta sint, aperuit, existimãs me reliqua scrutaturum, hortatus me est ad decora officia, ex quo omnes, quæ in me vires sunt, concinunt. TAT. O pater, audire hæc, & intelligere velim. TRISM. Quiesce, fili, quiesce, inquam, audies jam harmonicam cantilenam, regenerationis hymnũ, quem nunquam sic facile propalarem, nisi tibi conducturum considerem. Non docetur hoc, sed occultitur in silentio. Vide me, fili bone, obserua singula diligenter. Sic enim te quoq; decet orantem sub dio, occidente sole ad austrum, oriente verò ad eorum faciem vertere. Vniuersa mundi natura hunc audiat hymnum: Audi terra, audite turbines imbrium, ô filux filete, cantaturus sum creatorem omnium, totumq; & vnum. Audite cæli, quiescite venti, circulus immortalis dei orationem istam exaudiat. Cano jam creatorem omnium, terrarum distributorem, cælum æquilibrantem, iubentem ex oceano aquam vndique fluere

fluere dulcem ad hominum alimentum,
jubentem ignē fulgere supernè ad actio-
nes hominum, atq; deorum. Agamus illi
omnes vna voce gratias, trananti cælos,
naturamq; creanti. Hic mentis est oculus,
hic potentiarum benedictionem libenter
excipiet. O meæ vires, laudate ipsum vnū
& omne. Consonate voluptati meæ o-
mnes animi vires. Cognitio sancta, quæ
tuo lumine fulget, per te lumen intelli-
gibile cātans: gaudio mentis exulto. Omnes
potentiæ mecum vnà concinite. Constan-
tia canta mecum. Iustitia meæ, per me ju-
stum canat. Communio mea, totū ipsum
laudet, per me canat veritas veritatem.
Bonum nostrum, bonum denique canat.
O vita, ô lux, à vobis in nos benedictio
currit. Gratias habeo tibi pater, actus o-
mnium potestati. Gratias ago tibi deus,
omnium potestas actuum. Verbum tuum
per me te laudet, per me mundus verbo-
rum recipit sacrificium hoc, meæ vires
clamāt, totum cantant, voluntatem tuam
perficiunt. Tua voluntas abs te in totum,
sacrificium verborum, ab omnibus exci-
pe. O vita, totum, quod est in me, salua.
O lux totum illumina, spiritus deus. Ver-
bum tuum me regit spiritifer opifex. Tu
solus es deus. Homo tuus hæc clamat, per
ignem,

ignem, perq; aërem, per aquam, perq; terram, per spiritum, perq; creata. Ab æternitate benedictionē inueni, qua desiderio in voluntate tua quiescam. T A T. Noui, pater, hunc hymnū abs te ex volūtatis affectu cantatum, vnde mundū attingi meum. T R. Intelligibilē dic mundum fili. T A T. Intelligibilem dico pater. Ex tua siquidē cantilena, illustrata mihi mens est, quo fit, vt ipse quoque ardeam amore canendi. T R I S. O fili mi Tati, ne sine proposito laudes cantato diuinas. T A T. Ex mente cantabo mi pater. T R I S M. Quæ speculator infundo tibi, generationis progenitor Tati. T A T. Deo verborum offero sacrificia. ô deus tu pater, tu dominus, tūque mens, accipe sacrificia verborum, quæ requiris à me: te volente perficiuntur omnia. T R I S M. Offero, fili, hostiam patri deo gratam, orationiq; tuæ intentus esto. T A T. Gratias habeo tibi pater, quòd ista mihi prædicare volueris. T R I S. Gaudeo fili, quòd tibi bona quamplurima ex veritate, quæ sanè sunt immortalia opera. id à me discēs, silentiū virtutis annuncia, nulli communicans regenerationis mysterium, ne tanquam calumniatores quidam reputemur. Etenim vterq; nostrum ad sufficientiam meditatus est, ego
quid

quidem discens , tu verò condiscens , ex quo teipsum , patrémque nouisti.

C O M M E N T A R I A.

Tertiusdecimus est de arcano regenerationis mysterio , ante quam saluus fiebat nemo : cuius regenerationis auctor est dei filius homo , vnius voluntate dei : mysterium , quod non docetur , sed occultatur in silentio , & in silentio à sanctis veneratur. Tu , Christiane , cetera legito , & si noua regeneratione in deo per dei filium es reformatus , depulsis ignorantia , tristitia , cupiditate , iniustitia , luxuria , deceptione , inuidia , fraude , ira , temeritate , malitia , horribilibus duodecim tenebrarum vlticibus : decem oppositis dei pietate affectus potestatibus tota mente exulta , deo reformatore toto mentis vigore gratias agere memento , totus eius amore flagra , totus spiritus factus , & à spiritu regitus , pietatis hymnum concine , & regenerationis immaculatus pietatem retine. totus in deum parentem , & regenerationis auctorem eius filium conuersus , hunc ex hoc tertiodecimo fructum consecutus , vel saltem ad tam piè cogitandum mentis tue benignitate excitatus.

Motcurij ad Æsculapium Epilogus. x i i i .

G 2

Quon

Quoniam filius meus Tarius (te absente) naturam omnium discere voluit, cunctari verò me noluit ipse, utpote junior, ac nuper accedens, ad cuiusq; cognitionem, coactus sum plurima dicere, ut facilis illi foret, atque expeditus intuitus, operæpretium esse censeui, ut ex multis eligens potiora, summam nunc tibi disputationem præcedentem repetam. Licet enim tecum, utpote rerum naturæ perito, per mysteria quædam percurrere. Quæ sensu percipiuntur, facta sunt omnia, sicutq; quotidie genita non à seipsis, sed ab altero fiunt. Multa sunt genita, sensu patentia singula, differentiæq; nec omnino similia, quæcunq; gignuntur procedunt ab altero. Est ergo quis factor istorum, atque is ingenuus, ut genitis antiquior sit. Genita enim diximus ab alio fluere. Nihil autem præter ingenuum, genitis esse potest antiquius. Factor quippe potentior est, & vnicus, solusq; re vera sapiens vniuersa, quæ nihil omnino ipsum præcedat. Dominatur quoq; multitudinî, magnitudinî, actioni, continuâtari, genitorumq; omnium differentiæ. Præterea genita visibilia sunt: inuisibilis ille, ob id verò facit, ut visibilibus fiat, semper igitur facit. Dignum est intelligere, intelligendo mirari, admirando

sc

se beatum vocare, patrem legitimū recognoscentem. Quid enim dulcius parentē legitimus? Quis iste? Quomodo eum reperiemus? an illi appellationem dei, soli decens est attribuere vel factoris, vel patris? an tria pariter cognomenta? Deum ergo cognominato propter potentiam, factorē propter actum, patrem deniq; propter bonum. Est enim potestas à genitis admodum differens, actus autē in productione cunctorum. Quamobrem sermonis varietate, vanitateq; dimissa, duo hæc in primis meditari oportet, genitorem scilicet, ac genitū: horū nihil est mediū, nec quicquam præter hæc aliud. Quū ergo omnia intelligere volueris, horū recordare duorū, eaq; esse vniuersa memēto, nihilq; tibi erit ambiguum, nec supernorum, nec infernorum seu diuinorum, seu mutabiliū, aut patentium, aut eorū, quæ in tenebris delitescunt. Duo nempe cuncta sunt genitor ac genitū, nec secerni alterum ab altero potest: neq; enim genitorem absq; genito esse possibile est, vtrunq; illorum idipsum existit. Itaq; neutrum disūgi licet ab altero, quemadmodū neutrum à seipso diuidi: siquidē ipsum faciens, nihil præter ipsum, quod facit, est aliud: simplex enim est, vt semper est: ita semper est agens,

idemq; sibiipfi, & in existendo pariter, & in agendo. Nihil autem, quod genitū, à se ipso genitū est: non ergo seorsum factum à faciente: qui horum vnum subtrahit, perdit & alterum. Vnus quippe natura propria, naturam semper alteram respicit. Si itaq; duo concessa sunt, efficiens & effectum, vnita quidem sunt inuicē: sic tamen vt vnum præcedat, alterum verò sequatur: præcedens sanè deus efficiens, sequēs verò id, quod est effectum: Quicquid id deniq; sit, neq; diffidat quispiam iis, quæ diximus, varietate rerū perterritus, quasi tam diuersorum constructio vel ardua sit, vel indigna maiestate diuina. Vnica enim deo gloria, omnium constitutio: atque id est velut corpus dei effector. Ab ipso profectò factore, nihil malum, nihilq; turpe. Hæ siquidem passionēs sunt creata sequentes opera, quemadmodum æs rubigo, animata corpora limus. At neq; faber ferrarius induxit rubiginem, neq; animati corporis genitor cœnum, ac sordes: eodemq; modo, nec deus etiam malum. Generationis autem perseueratio, malū surrepere cogit, eaq; de causa mutationē deus rebus instituit, & ceu quādam generationis ipsius purgationē. Præterea eidem pictori figurare licet cælum, terram, mare, deos,

deos, homines, bruta, arbores, ac vita carentia: deo verò vni, talium deerit agendorum facultas? O dementem, ô cæcum, & totius diuinæ cognitionis expertem! Nihil est magis, ô Æsculapi, ridiculum, quàm quod huic accidit: nam dum se deū venerari fatetur, ex eo, quòd creandi negotio, curaq; liberet, deum ipsum prorsus ignorat, quodq; deterius est, mortalium illi passiones ascribit, inuidiā, superbiam, ignorantiam, imbecillitatem. Nisi enim faciat omnia, aut superbus est, aut potius imbecillis, quorum vtrumq; nefariū. Deus enim vnicam, propriamq; naturam habet, idq; bonum est. Bonus autem, nec superbus est, nec impotēs. Ipsum verò bonum, deus est. Bonum quippe, ipsa vis omnium agendorum. Quodcunq; genitum, à deo genitum, id est à bono, & ab eo, quod omnia potest. Vide quomodo ille quidem facit, quomodo etiam illa fiunt. quod si comprehendere velis, licet magnam rationem, perpulchram, atque simillimam intueri. Aspice precor agricultorem, semina in terræ gremiū diffundentem, hîc triticum, ordeum alibi, alibi verò reliqui generis semina, aspice eundē vites, malosq;, & ficus repastinantem, atq; amputantem. Eodemq; modo deus ipse in cælum qui-

dem ferit immortalitatem, in terram verò mutationem, in totum deniq; mūdum vitam, atq; motum. Hæc autem haud multa sunt, sed pauca, certoq; numero determinata. Cuncta enim quatuor sunt, ac deus, & generatio, quibus omnia comprehenduntur.

COMMENTARIA.

Quartusdecimus hæc asserit, quæ sensu percipiuntur, facta esse omnia, atque continuè fieri: nam quemadmodum ab alio fiunt, qui omnibus omnipotens rebus dominatur, ita quoque ea continuè sustinet, ne sua natura sui prona casu ruant in nihilum, cuius sola cognitio felicem facit, atque beatum, qui deus, omnium factor, atque pater est, & solus ipse genitor, & cætera omnia genita; interq; genitorem, & genitum nullum intercipi potest medium: & hæc duo, vniuersa sunt: sunt enim duo omnia, genitor, atque genitum. Præterea hoc asserit, malum à deo non pendere (vt neque à ferrario fabro, ferri rubigo) sed creata sequi opera. Et ex humana nos arte ad diuinam artem concipiendam eleuat, & deum ipsum in calo immortalitatem ferere, in terra mutationem, in toto verò mundo vitam, atque motum. Hæc Epilogus. Hæc pauca per modum argumentorum subiecimus,
quam

quamvis ingenuè fateamur singulum quenque
 dialogorum maiorem declarationis operam de-
 siderare, & longè præstantius, quàm nostra mo-
 dicula vires suggerant ingenium. Prodeat tamè
 Mercurius hic de diuina potestate nūc in lucem
 ad dei honorem, & ad illustrationē legentium,
 ex ijs præsertim, qui ex gentilibus prodierunt
 omnibus seculis insigni sermonum pietate con-
 spicui, cui deinceps librum eiusdem de volun-
 tate diuina subiungamus.

MERCVRII TRIS-

MEGISTI ASCLE-

PVS, LVCIO APY-

leio Madaurenfi Philoso-

pho Platonico in-

terprete.

*

CAPVT I.



Sclepius iste, pro sole mihi
 est deus: deus te nobis, ô
 Asclepi, vt diuino sermoni
 interesset, adduxit, eiq; tali,
 qui meritò omnium antea
 a nobis factorum, vel nobis diuino numi-
 ne inspiratorum, videatur esse religiosa
 pietate diuinior: quem si intelligens vi-
 deris, eris omnium bonorum, tota mente

6 5

plen

plenissimus, si tamen multa sint bona, & non vnum, in quo sunt omnia: alterum enim alteri⁹ cōsentaneū esse dignoscitur, omnia vnus esse, aut vnū esse omnia, ita enim vnum alteri connexum, vt separari alterum ab altero non possit. Sed de futuro sermone, hoc diligēti intētionē cognoscēs. tu verò. ō Asclepi, procede paulū, atq; nobis, qui intersit, euoca. Quo ingresso, Asclepius etiā Amnonē interesse suggestit. Trismegistus ait, nulla inuidia Amnonē prohibet à nobis: etenim ad ejus nomē multa meminimus à nobis esse scripta, sicuti etiā ad amantissimū, & charissimū filiū, multa de physica, exoticaq; quāplurima. Tractatū hunc autē tuo ascribam nomini. prāter Amnonem verò nullum voca alterum, ne tantę rei religiosissimus sermo, multorū interuētū venieptium, prāsentiaq; violerur: tractatū autem tota numinis maiestate plenissimum, irreligiosæ mentis est multorum conscientiaē publicare. Amnone etiam adytum ingresso, sanctoq; illo quatuor virorum religione, & diuina dei completo prāsentia, competēti venerabiliter silentio ex ore Hermū animis singulorū, mentibusq; pēdētib; diuinus Cupido sic exorsus est dicere.

TRIS. O Asclepi, omnis humana immortali

lis est anima, sed non vniformiter cunctę,
 sed alię alio more, vel tempore. A S C L E.
 Non enim, ô Trismegiste, omnis vnus
 qualitatıs est anima. T R I S. O Asclepi, vt
 celeriter de vera rationis continentia di-
 dicisti! Non enim hoc dixi, omnia vnum
 esse, & vnum omnia, vt quę in creatore
 fuerūt omnia, antè quàm creasset omnia,
 nec immerito ipse dictus est omnia, cuius
 membra sunt omnia. Hujus itaq;, qui est
 vnus omnia, vel ipse creator omnium, in
 hac tota disputatione, curato meminisse,
 de cęlo cuncta descendunt in terram, &
 in aquam, & in aëra. Ignis solũ, quod
 sursum versus fertur, viuificũ, quod deor-
 sum, ei deseruiens, at verò quicquid de al-
 to descendit, generans est: quod sursum
 versus emanat, nutriendum: terra sola in se
 ipsam consistens, omnium est receptrix,
 omniumq; generum, quę accipit, restitu-
 trix. Hoc ergo toto (sicut meministi)
 quod est omnium vel omnia, anima, &
 mundus à natura comprehensa agitan-
 tur. ita omnium multiformi imaginum
 æqualitate variata, vt infinitę qualitatum
 ex interuallo species esse noscantur, adu-
 natę tamen ad hoc, vt totum vnum, & ex
 vno omnia esse videantur. totus itaq; qui-
 bus formatus est mundus, elementa sunt
 quatuor,

quatuor, ignis, aqua, terra, aër, mundus, vnus, anima vna, deus vnus. Nunc mihi adesto totus quantum mente vales, quantum calles astutia: diuinitatis etenim ratio, diuina sensus intèrione noscenda, totæ simillima est fluuio, è summo in prouincium, præcipiti rapacitate currenti: quo efficitur, vt intentionem nostram non solum audiētium, verumetiam tractantium ipforum, celeri velocitate prætereat.

C O M M E N T A R I A.

Caput primum edocet, omnia vnus esse, & omnia vnum: vnus, vt à quo omnia: vnum, vt omnia effecta: in causa sunt vnum, animam humanam omnem immortalem esse, sed id diuersa esse sorte: de celo omnia descendere: quod descendit, generationem præstare: quod ascendit, sursumq; tendit, solum præstare vitam, id ipsum vnum, cuius sunt omnia, & quod est omnia mundum, & mundi formas omnes mouere, ex quibus coaluit mundus, ignem, aërem, aquam & terram esse: & sicut omnia corpora, vnus mundi corpus vnum efficiunt, ita quoque vult omnes rerum formas vnâ omniformem vnus mundi efficere formam, quam mundi vocat animam, quare mundus omnicorpus, atque omniformis: & hæc sunt corpus vnum, anima vna, mundus vnus,

*vnus, deus vnus, à quo diuina ratio, diuinumq;
verbum, torrenti fluuio è summo in prouin-
ciis precipiti rapacitate currenti simillimum, omnia
permeat, illabitur omnia, influitq; in omnia: Et
hac diuina ratio, diuinumq; verbum, quidnam
aliud obsecro quàm diuina sapientia, omnium
artifex? quæ (ut sapiens canit) omnibus mobi-
libus mobilior est, & quæ quum sit vna, omnia
potest, & in se permanens omnia nouat. Hæc
prima particula.*

CAPVT II.

Cælum ergo sensibilis deus, admini-
strator est omnium corporum, quo-
rum augmenta, detrimentaq; Sol, & Luna
fortiti sunt: cæli verò, & ipsius animæ, &
omnium, quæ in mundo sunt, ipse guber-
nator est, qui est omnium effector, deus.
A supradictis enim omnibus, quorum gu-
bernator est omnium, frequens per mun-
dum fertur influxio, & per animam o-
mnium generum, & specierum omnium,
perq; rerum naturam. Mundus autē præ-
paratus est à deo, receptaculum omnifor-
mium specierum: naturam autem per spe-
cies effigians, mundum per quatuor ele-
menta ad cælum vsq; adduxit. Cuncta dei
visibus placitura, omnia autē desuper pen-
dōtia, in species diuidūtur, hoc quo dictu-
rus

rus sunt modo : Genera rerum omnium
 suas species sequuntur, vt sit ita totalitas,
 genus:species generis particula: genus er
 go deorum, dæmonumq; genus : æquè &
 hominum : similiter & volucrum , & o
 mnium, quæ in se mūdus habet, sibi simi
 les species generat: genus est & aliud ani
 malis , genus sine sensibus quidem , att
 amen non carens anima. vnde beneficiis
 gaudet, & aduersis minuitur, atq; vitatur,
 omnium dico, quæ in terra radicum , stir
 piumq; incolumitate viuiscunt , quarum
 species per totā terram sparsæ sunt. Ipsum
 cælum plenum est deo : supradicta autem
 genera inhabitant vsq; ad loca specierum,
 earum rerum , quarū omnes immortales
 sunt species. Species enim generis est pars
 vt homo humanitatis, quam necesse est se
 qui qualitatem sui generis, vnde efficitur:
 vt quamuis omnia genera sint immorta
 lia, species tamen non omnes immortales
 sunt. Diuinitatis enim genus, & ipsum &
 species immortales sunt: reliquorum verò
 genera , quorum æternitas est generis,
 quamuis per species occidat, nascendi ta
 men fœcunditate seruat. Ideoq; species
 mortales sunt, vt homo mortalis, immor
 talis humanitas : omoibus tamen generi
 bus , omnium generum species miscen
 tur:

tur : quædam , quæ antè factæ sunt : quædam , quæ de his factæ sunt : hæc autem , quæ fiunt , aut à diis , aut à dæmonibus , aut ab hominibus , omnes simillimæ generibus suis species . Corpora enim impossibile est conformari sine nutu diuino , species figurari sine adiutorio dæmonum , animalia institui , & coli , sine hominibus non possunt . Quicumq; igitur dæmonum à genere suo defluentes , in speciem fortuito cōiuncti sunt alicujus speciei generis diuini , proximitate , & consortio diis similes habentur . quorū verò dæmonum species qualitate sui generis perseuerant , hi amantes hominum rationem , dæmones nuncupantur : similis est & hominum species aut eo amplior : multiformis enim variaq; humani generis species , & ipsa à prædicto desuper adueniens consortio : omnium aliarum specierum multas , & prope omnium per necessitatem conjunctiones facit , propter quod & prope deos accedit , qui se mente , qua diis junctus est , diuina religione diis junxerit , dæmonibus accedit , qui iis junctus est . humani verò , qui mediocritate sui generis contenti sunt : & reliquæ hominum species , iis similes erunt , quorum se generis speciebus adjunxerint .

COMMENTARIA.

Caput secundum. Pro presentium iuvanda intelligentia, & quorundam sequentium, latere haudquaquam debet, Mercurium longè alio significato vii vocabulo animalis, ac nos vii consuevimus, item & anima vocabulo: nam animam ex secundo Pimandri dialogo, motu definit: animal autem ex sequenti capite, anima definit, & corpore. quare quicquid vim motricem habet, sua quidem locutionis observatione, animam habet: quicquid autem animam, & corpus, animal est. animal igitur calum, mundus, planta, & elementa. Verùm nostra consuetudo est, id solum vocare animal, quod sit corpus animatum, sensu præditum: & animam non solum motu definimus, sed vita, sensu, ultroque motu, aut intellectu. Quam itaque animal audimus, non nostro, sed suo more intelligamus. at nunc ad dialogum. Contendit calum, celesteque corpus ad cætera sensibilia, ut homo ad cætera animalia: homo autem cæteris animalibus, ut animalis deus, calum verò cæteris sensibilibus, ut sensibilibus deus. At deum omnium rectorem, gubernatorem omnium esse, quæ sunt in mundo, nihil aliud esse crediderim, quàm deum omnibus providere, & omnia dispensare, per genera.

genera per species, quorum omnium mundus est receptaculum, & unicuique deus, ut apto instrumento, munus aliquod impartit, ut Sol, & Luna, ad rerum ortus & obitus, ad rerum augmenta, & detrimenta sunt diuinitatis organa, & homines per angelos, bruta verò per homines dispensat. At verò quod de demonibus dicit, species sine eorum adiutorio non figurari, & quosdam hasisse generi diuino, & proximitate, & consortio dñs similes habitos, quosdam verò in qualitate sui generis perseuerasse hominum rationem amantes: scimus ex sacris literis, angelos, qui non seruauerunt suum principatum, reliquisse suum domicilium, & in iudicium magni dei vinculis æternis sub caligine reſeruatos: qui, etsi ſimulent ſe hominum amatores, minimè tamen amant, ſed ad præcipitia pertrahunt, quod à principio fecerunt: amare enim ſimulantes, quum mortem hominibus intulerunt, dicebant nequaquam moriemini, ſed eritis ſicut dñs, ſcientes bonum & malum. Quæ igitur de demonibus hæc dicit, non ſatis accommodè videntur poſſe ad piam trahi intelligentiam, ſed errorem gentium ſequi: verum de hominibus, qui hærent deo, diuinos euadere: qui autem demonibus, in ſortes recipi demonum, demonibusq; iungi, qui in iudicium (ut dictum eſt) magni dei vinculis æternis ſunt reſeruati, ingenuè ſa-

H temur.

temur. Nam ex Dei ore pronunciatum esse cognoscimus, dicturum in iudicio ijs, qui in sinistra parte erunt, Discedite à me maledicti in ignem aeternum, qui paratus est diabolo & angelis eius. sed quoniam illi erunt, nisi qui demonibus in hoc mundo adhaeserunt? Hec pro secunda partitione.

CAPVT III.

Propter hoc, ô Asclepi, magnum miraculum est homo, animal adorandum, & honorandum: hoc enim in naturam dei transit, quasi ipse sit Deus: hoc dæmonum genus nouit, utpote qui cum eisdem ortum se esse cognoscat, hoc humanæ naturæ partem in seipso despiciat, alterius partis diuinitate confusus. O hominum quanto est natura temperata felicius, ac diis cognata! diuinitate coniunctius, partem sui, qua terrenus est, intra se despiciat, cætera omnia, quibus se necessarium esse cælesti dispositione cognoscat, nexu secum charitatis astringit, sicq; suscipit cælum. sic ergo feliciore loco medietatis est positus, ut quæ infra se sunt diligat, ipse à superioribus diligatur: colit terram, elementis velocitate miscetur,

tur, acumine mentis in maris profunda descendit : omnia illi lucent, non cælum videtur altissimum. quasi enim è proximo sagacitate animi intuetur. intentionem animi ejus nulla aëris caligo confundit : non densitas terræ operam ejus impedit : non aquæ altitudo profunda despectum ejus obtundit, omnia idem est, & vbique idem est horum omnium generum, quæ sunt animalia, desuper deorsum radices peruenientes habent : inanimalium verò de imo, in superna vna radice syluescunt, quædam duplicibus aluntur elemētis, quædam autem simplicibus. alimenta autē sunt bina, animæ, & corporis, è quibus animalia constant: anima mundi inquieta semper agitatione nutritur. corpora ex aqua & terra inferioris mundi alimentis augescunt. Spiritus, quo plena sunt omnia, permistus cunctis, cuncta vivificat, sensu addito ad hominis intelligentiā, quæ quinta pars sola homini concessa est ex æthere : sed de animalibus cunctis; humanos tantum sensus ad diuinæ rationis intelligētiā exornat, erigit, atq; sustollit. Sed quoniam de sensu commoneor dicere, paulò post & hujus rationem vobis exponā. est enim sanctissima, & magna, & non minor quàm ea, quæ est:

diuinitatis ipsius . sed nunc vobis expediam , quæ cœperam. dicebam enim in ipso initio rerum de conjunctione deorum, qua homines soli (eorum dignatione) perfruuntur. Quicunque etenim hominum tantum felicitatis adepti sunt , vt illum intelligentiæ diuinum perciperent sensum , qui sensus est diuinior in solo deo, & in humana intelligentia. A S C L. Non enim omnium hominum, ô Trismegiste, vniformis est sensus. T R I S. Non omnes , ô Asclepi, intelligentiam veram adepti sunt, sed imaginem temerario impetu, nulla vera ratione inspecta , sequentes , decipiuntur , quæ in mentibus malitiam parit , & transformat optimum animal in naturam feræ, moresq; belluarum: de sensu autem, & de omnibus similibus, quando & de spiritu , tunc totam vobis præstabo rationem. Solum enim animal homo duplex est, & ejus vna pars simplex est, quæ, vt Græci aiunt, *οὐρανός τις*, aut quam vocamus diuinæ similitudinis formam: est autem quadruplex quod *καθ' ἑμὴν* Græci , nos mundanum dicimus , ex quo factum est corpus, quo circumtegitur illud, quod in homine diuinum esse jam diximus. in quo mentis diuinitas recta sola, quæ cognatis suis, id est mentis puræ sensibus

sibus , secum ipsa conquiescat , tanquam muro corporis septa.

C O M M E N T A R I A .

Tertium caput effert hominis dignitatem, in qua summopere recognoscendus tantorum beneficiorum actor, ingentiq; amore, & perennibus gratiarum actionibus semper prosequendus: qui tantis, tamq; excellentibus donis hominem insignivit. nam, ut vult, effectus est homo, ut in divinam naturam transeat angelorum, demonumq; genus cognoscens, cum angelis nascitur, quos habet ab ipso natiuitatis exordio praesides, & custodes: naturam sortitus immortalibus cognatam, deiq; insignitam caractere, compositus ex mortali, & immortalis, terrena, & supramundana particula: qui verò diuinitatis doctes non ignorat, terrenam despicit, immortalis autem, & supramundana parte confidit, ad caelum suspirat, ut qui illic meliore sui parte, omnia sentiat affinia: attamen in mundi medio positus, cetera, quibus se diuina ordinatione necessarium esse cognoscit, secum nexu charitatis astringit, ut quae infra se sunt diligens, à superioribus diligatur. colit terram, elementis velocitate miscetur, acuminē mentis in profunda descendit, omnia illi lucent, caelum non videtur aliissimum, quippe qui quasi è

proximo, sagacitate animi, ipsum intuetur: intentionem animi eius aëris caligo non confundit. non densitas terræ operam eius impedit: non altitudo aquæ profunda despectum eius obtundit: & ex animalibus cunctis, Deus humanos tantum sensus, ad diuinæ rationis intelligentiam exornat, erigit, atque sustollit: intelligentia autem vel sola, hominis pars, ætheria, immortalis, & supramundanorum naturam sortita: attamen hominum quidam diuinum sensum adepti sunt, & felices quidem, qui pia mentis intentione in deum iugiter feruntur: quidam verò mundanam, & sensualem, umbratilem quandam veræ, diuinæq; intelligentiæ imaginem: quam qui sequuntur, errant. nam hac diuinæ intelligentiæ obumbratio in eorum mentibus, qui illam sequuntur, malitiam parit, & transformat hominem, natura quidem optimum, & diuinam animal, in naturam ferè, morèsque bestiarum. Hæc tertiæ particulæ summa.

CAPVT IIII.

ASCL. Quid ergo oportuit, ô Trismegiste, hominem in mundo constitui, & non ea parte, qua Deus est, eum in summa beatitudine degere? T R. Rectè quæris, ô Asclepi, & nos enim deum rogamus,

gamus, vt tribuat nobis facultatem reddendæ rationis istius. quum enim omnia voluntate ejus dependeant, tum illa vel maximè, quæ de tota summitate tractantur, quam rationem præsentī disputatione conquirimus: audi ergo, Asclepi. dominus & omniū cōformator, quem rectè deum dicimus, quum à se secundum fecerit, qui videri, & sentiri possit, eundem secundum sensibilem ita dixerim, non ideo, quòd ipse sentiat (de hoc enim, an ipse sentiat, an non, alio dicemus tēpore) sed eo quòd videntium sensus incurrit: quoniam ergo hunc fecit ex se primum, & à se secūdum, visusq; est ei pulcher, vtpote qui sit omniū bonitate plenissimus, amavit eum, vt diuinitatis suæ partem. ergo quòd tantus, & tam bonus esset, voluit alium, qui illum, quem ex se fecerat, intueri potuisset, simulq; & rationis imitatore, & diligentia fecit hominem: voluntas etenim dei, ipsa summa est perfectio: vtpote quū voluisse, & perfecisse vno, eodemq; temporis puncto compleat. Quum itaque *ἰσχυρὸς* animaduerteret Deus, non posse omnium rerum esse diligentem, nisi eam munda-no integumēto contegeret, texit eam corporea domo: talesq; omnes esse præcepit ex vtraque natura, in vnum confundens,

miscensq; , quantum satis esse debuisset. Itaq; hominem conformauit ex animi, & corporis, id est ex æterna, & mortali natura, vt animal ita conformatum vtrique origini suæ satisfacere possit, & mirari, atque orare cælestia, & æterna, & incolere, atque gubernare terrena: modò autem dico mortalia, non aquam, & terram, quæ duo de quatuor elementis subiecit natura hominibus. sed ea, quæ ab hominibus, aut in his, aut de his fiunt, vt ipsius terræ cultus, pascua, ædificatio, portus, navigationes, communicationes, commodationes alternæ, qui est humanitatis inter se firmissimus nexus: & pars est mundi, quæ est aqua, & terra: quæ pars terrena mundi, artium, disciplinarumq; cognitione, atque vsu seruetur, sine quibus mundum Deus noluit esse perfectum: placita enim Dei necessitas sequitur, voluntatem comitatur effectus. Neque enim credibile est deo displiciturum esse, quod placuit: quū & futurum id, & placiturum multò antè sciuerit.

C O M M E N T A R I A.

Quartum cap. discutit, cur Deus hominem non in intelligibilem regione, sed in mundo constit

constituerit, & aperta est discussio. Et etiam
 cur ex utraque natura, mortali, & immortalī,
 hominem temperauerit, & visionem diuinā si-
 militudinis formam, quamq; ad suam similitu-
 dinem, & imaginem creauit mentem, munda-
 no, corporeoq; contēxerit integumento. & vo-
 luntatem Dei, summam esse rerum perfectio-
 nem, quam necessitas sequitur, necessitatem au-
 tem comitatur effectus. nam Deus, voluisse, &
 perfecisse, vno, eodemq; temporis puncto com-
 ples: quod mundum secundum Deum & hic &
 cap. sexto appellat, perinde est, ac si diuitatem si-
 cundam appellas vnitatem. nam diuitas vna,
 vnuq; binarius. sed monas absolutè vna, binā-
 rius autem non absolutè vnus, sed participatio-
 ne, contractioneq; vnus, & secundus vnus. ita
 deus vnus, absolutè Deus: mundus autem non
 deus, sed participatione Deus, & sensibilibum
 rerum pulcherrimum Dei vestigium. Hac pro
 quarta Asclepij particula.

CAPVT V.

SEd, ô Asclepi, animaduerto, vt celeri
 smētis cupiditate festines audire, quo-
 modo homo cæli, vel eorum, quæ in eo
 sunt, delectum possit habere vel cultum.
 audi itaque, ô Asclepi, delectus dei cæli,
 cum iis, quæ insunt omnibus, vna est ob-
 sequiorum frequentatio, hanc aliud ani-

H 5 mal

mal non confecit: nec diuinorum, nec animalium, nisi solus homo: hominum enim admirationibus, adorationibus, laudibus, obsequiis, cælum, cælestesq; delectantur, nec immerito in hominum cœtum, musarum chorus est à summa diuinitate demissus, scilicet, ne terrenus mundus videretur incultior, si modulorum dulcedine caruisset, sed potius, vt modulatis hominum cātilenis, concelebraretur laudibus, qui solus omnia vt pater est omnium, atque ita cælestibus laudibus, nec in terris harmoniæ suauitas defuisset: aliqui enim, ipsiq; paucissimi, pura mente præditi, sortiti sunt cæli suspiciendi venerabiliorem curam. Quicunq; autem ex duplici naturæ suæ confusione, interiorem intelligentiam mole corporis resciderunt, curandis elementis, hisq; inferioribus sunt præpositi: animal ergo homo non quidem eo est minor, quòd ex parte mortalis sit, sed ex eo fortè aptius, efficaciusq; compositus ad certam rationē mortalitate auctus esse videatur, scilicet quoniam vtrunq; nisi ex vtraque natura sustinere non potuisset, ex vtraq; formatus est, vt & terrenum, & diuinum posset habere delectum: rationem verò tractatus istius, ô Asclepi, non solum sagaci intētiōe, verū etiam cupio te animi

mi viuacitate percipere : est enim ratio plurimis incredibilis , integra autem , & vera percipienda sanctioribus mentibus : itaque hinc exordiar.

COMMENTARIA.

Quintum cap. Instruit, musicam suauitatem, ad concinendas dei, celestiumq; laudes, hominibus indultam : quod et prophetas diuino spiritu plenos, precipere cognoscimus, quum iubilare, quum psallere deo, quum laudare dominum in tympano, in choro, in chordis, in organo precipiunt: hic enim musarum, totiusq; musica optimus finis. Litera de se conspicua.

CAPVT VI.

A Eternitatis dominus, deus primus est, secundus est mundus, homo est tertius. effector mundi, deus, & eorū, quæ insunt omniū, simul cuncta gubernando, cum ipso homine gubernatore composita: quod est totum suscipiens homo, id est curam propriè effecit diligentiae suæ, ut sit ipse, & mundus, uterq; ornamento sibi, ut ex hac hominis diuina compositione, mundus Græcè rectius *νῆος* dictus videatur. Is nouit se, nouit & mundum: scilicet ut meminerit quid partibus conueniat suis, quibus sibi utendum, quibus sibi
 infer

inferuiendum sit, recognoscat, laudes, gratesq; maximas agens deo, ejus imaginem venerans, non ignarus se etiam secundam esse imaginem dei : cujus sunt imagines duæ, mundus scilicet, & homo. vnde efficitur, vt, quoniam est ipsius vna cōpago, parte, quæ ex anima, & sensu, & spiritu, atq; ratione, diuinus est, velut ex elementis superioribus ascendere posse videatur in cælum. parte verò mundana, quæ constat ex igne, & aqua, & aëre, mortalis restet in terra, vt naturæ suæ omnia mūdāna vidua, desertāq; dimittat : sic enim humanitas ex parte diuina, & ex parte mortalis est effecta in corpore consistens : est autem mensura ejus vtriusq; id est hominis : ante omnes religio, quā sequitur bonitas : ea demū tunc videtur esse perfecta, si etiam cupiditatum, omnium alienarum rerum sit despectus, virtute munita. sunt enim ab omnib⁹ diuinæ cogitationis partibus aliena omnia, quæcūq; terrena corporali cupiditate possidentur : quæ meritò possessionum nomine nuncupantur, quoniam non nata sunt nobiscum, sed postea à nobis possideri receperunt. omnia ergo hujusmodi ab homine aliena sunt, etiam corpus, vt & ea, quæ appetimus, & illud, ex quo appetentiæ nobis est vitium,

desp

despiciamus : vt enim animū rationis ducit intentio , homo hactenus esse debuit , vt contemplatione diuinitatis , partē , quæ sibi iuncta mortalis est , mundi interioris necessitate seruandi , despiciat , atque contemnat : nam vt homo ex vtraq; parte possit esse plenissimus , quaternis eū vtriulq; partis elementis animaduerte esse formatum , manibus & pedibus vtrisque binis , aliisq; corporis mēbris , quibus inferiori , id est terreno mundo deseruiat . illis verò partibus quatuor , sensus , animi , memorię , atq; prouidentię , quarū ratione , cūcta diuina norit , atq; suspiciat . vnde efficitur , vt rerū diuersitates , qualitates , effectus , quantitates , suspiciosa indagine homo sectetur . Retardatus verò graui , & nimio corporis vitio , has naturæ rerum causas , quæ veræ sunt , propriè peruidere non possit , hunc ergo sic effectum , conformatumq; & tali ministerio , obsequioq; præposito à summo deo , cumq; competenter , mūde mundum seruando , deum piè colendo , dignè & competenter in vtroq; dei voluntati parentem , talem quo munere credis esse munerādum (siquidem quū dei opera sit mundus , ejusq; pulchritudinē , qui diligentia seruat , atque auget , operamq; suam cum dei voluntate conjungit , quum
spec

speciem, quam ille intentione diuina formauit, adminiculo sui corporis, diurno opere, curaq; cōponit) nisi eo, quo parentes nostri munerati sunt? quo etiam nos quoque munerari, si fuerit diuinæ pietati complacitum, optamus piissimis votis, vt emeritos, atq; exutos mundana custodia, nexibus mortalibus absolutos, naturæ superioris partis, id est diuinæ, puros, sanctosq; restituat. ASCLE. Iustè, & verè dicis, ô Trismegiste: hæc enim merces, piè sub deo, diligèter cū mundo viuētib; se-
 cus enim, impieq; qui vixerint, & reditus denegatur in cælū, & constituitur in corpora alia, indigna sancto animo, & fœda migratio: vt iste rationis sermo processit, ô Trismegiste, futuræ æternitatis spe animæ, in mūdāna vita periclitantur. sed aliis incredibile, aliis fabulosum, aliis forsitan videatur esse deridendū. Res enim dulcis est, in hac corporali vita, qui capitur de possessionibus fructus. quare animam ob-
 torto (vt aiunt) detinet collo, vt in parte sui, quæ mortalis est, inhæreat, nec sinit partē diuinitatis agnoscere, inuidens immortalitati malignitas: ego enim tibi quasi prædiuinās dixero, nullū post nos habiturum delectum simplicē, qui est philosophiæ, quæ sola est in cognoscenda diuinitate.

rate frequens obtutus, & sancta religio: multi etenim eam multifaria ratione confundunt. Quomodo ergo multi incomprehensibilem philosophiam afficiunt, aut quemadmodum multifaria ratione confundunt? T R I S. O Asclepi, hoc modo in varias disciplinas, nec comprehensibiles, eam callida commentatione misceres, Arithmeticam, Musicam, Geometriam. Puram autem philosophiam, eamque tantum diuina religione pendentem, tantum intendere in reliquas oportebit, ut apocatastases astrorum, stationes praefinitas, cursumque commutationis, numeris constare miretur. Terrae vero dimensiones, qualitates, quantitates, maris profunda, ignis vim, & horum omnium effectus, naturam cognoscens, miretur, adoret, atque collaudet artem, mentemque diuinam. Musicen vero nosse, nihil aliud est, nisi cunctarum rerum ordinem scire, quaque sit diuina ratio sortita. Ordo enim rerum singularium, in vnum omnium artificii ratione collatus, concentum quandam melo diuino dulcisonum, verissimumque conficiet. A S C L E. Quid ergo homines post nos erunt? T R I S. Sophistarum calliditate decepti, a vera, pura, sanctaque philosophia auercentur: simplici enim mente, & anima, diuinitatem colere, ejusque facta venerari, agere etiam dei volum

voluntati gratias, quæ est bonitatis sola plenissima, hæc est nulla animi importuna curiositate, violata philosophia. & de his sit hucusque tractatum.

C O M M E N T A R I A.

Sextum cap. differit, deum absolutè primum esse deum: mundum, secundum, non absolutè, sed participatione deum. ut qui sit prima absoluti dei imago: hominem, tertium, diuinitatis participatione deum, & secundum dei imaginem. deus autem non imago, sed imaginum omnium veritas. hominem, anima, sensu, spiritu, ratione, tanquam superioribus elementis, posse in celum ascendere. qua verò igne, aëre, aqua, terra coactus est, mortis obnoxium, terræ mundana omnia diuina illa parte viduata relinquere. Mensuram, ad cuius modum viuere debet homo, religionem esse, quam sequitur bonitas. & quæ perfectæ tandem esse videtur, quæ cupiditates omnium alienarum rerum virtute munita despiciat, possessiones, corpus, & ea omnia, quæ appetimus, & ipsum deniq; appetitionis sensum. homo enim hæcenus esse, diciq; debet, ut sua fert sententia, quatenus rationis intentio animum ducit; adeoq; ut diuinitatis contemplatione, eam partem, qua mortalis est, sibi quidem mundi inferioris necessitate seruandi, adiun-
cta

Et contemnat, atque despiciat. de posteris
 Aegyptijs diuinat Asclepius, nullum post eos
 futurum, qui puram, & de cognoscendo deo
 adipiscatur philosophiam. Mox Hermes redit,
 ad quid terra dimensiones, id est geometriam,
 qualitates, quantitates, maris profunda, &
 ignis vim, horumq; omnium naturam, id est
 vniuersam de numeris, caelestibus globis, re-
 busq; naturalibus philosophiam, discere homi-
 nem oporteat, sanè ut adiniretur, adoret, col-
 laudet artem, mentemq; diuinam, horum o-
 mnium artificem. hanc enim puram esse phi-
 losophiam, atque tantum diuina religione pen-
 dentem, hanc musicam, hunc concentum, nosse
 cunctarum rerum ordinem, quem quaeque res,
 diuina ratione sortita est, atq; in vitium ad o-
 mnium artificem rationem collatum, concen-
 tum quendam diuino melo dulcissimum, veris-
 simumq; efficere, & philosophiam nullam animi
 importuna curiositate vitiata, simplici men-
 te, & anima, diuinitatem colere, eiusq; facta
 venerari, agere etiam dei voluntati gratias,
 quae est bonitatis sola plenissima. Confirmatq;
 Asclepij vaticinium. Hæc sexta partitio.

CAPVT VII.

DE spiritu verò, & de his similibus,
 hinc sumatur exordium. fuit deus, &
 I. hyle,

hyle, quam græcè credimus mundum, & mundo comitabatur spiritus, sed nō similiter vt deo. nec deus sunt hæc, de quibus mundus est. idcirco non erant, quādo nata non erant. sed in eo jam tunc erant, vnde nasci habuerūt. Non enim ea sola nō nata dicuntur, quæ necdum nata sunt, sed ea, quæ tarent fœcunditatē generandi, ita vt ex eis nihil nasci possit. Quæcunq; ergo sunt, quibus inest natura generādi, hæc & generabilia sunt, quæ de his nasci possunt, tametsi ea ex se nata sunt: neq; enim dubitatur ex iis, quæ ex se nata sunt, facile nasci posse ea, de quibus cuncta nascuntur. Deus ergo sempiternus, deus æternus, nec nasci potest, nec potuit: hic est, hic fuit, hic erit semper: hæc ergo est, quæ ex se tota est natura dei. Hyle autem, vel mundi natura, & spiritus, quamuis nata videantur à principio, tamen in se nascēdi, procreandiq; vim possident, atq; naturam fœcunditatis: etenim initium in qualitate naturæ est, quæ & conceptus, & partus in se possidet vim, atque naturam. Hæc itaque sine alieno concepto est, sola generabilis: at verò ea, quæ vim solā concipiendi habent, ex alterius commistione naturæ, ita discernenda sunt, vt hic locus mundi cum iis, quæ in se sunt, videatur esse non natus,

tus, qui utiq; in se vim totius naturæ habet: locum autē dico, in quo sunt omnia: neque enim hæc omnia esse potuissent, si locus deesset, qui omnia sustinere potuisset. Omnibus enim rebus, quæ fuerunt, præcauendū est loco: nec qualitates enim, nec quantitates, nec positiones, nec effectus dignosci potuissent, earum rerū quæ nusquā sunt: sic ergo & mundus, quamuis natus non sit, in se tamen omniū naturam habet, utpote qui omnibus iis ad concipiendū sinus præstat fecundissimos: hoc ergo est totum qualitatis, materiæq; quæ creabilis est, tametsi creata non est. sicut enim natura materia qualitatis fecunda est, sic & malignitatis eadem est, æquè fecunda. Nec ego dixi, ô Asclepi, & Amnon, (quod à multis dicitur) num poterat deus incidere, atq; auertere à rerum natura malitiam? quibus respondendū nihil omnino est. Vestri tamen causa & id prosequar, quod cœperam, & rationē reddam: dicunt enim ipsi, deum debuisse omnifariā mundum à malitia liberasse: ita enim in mūdo est, ut quasi membrū ipsius videatur esse: prouisum cautumq; est (quantum rationabiliter potuisset) à summo deo, tunc quū sensu disciplina, intelligentia, mentes hominum est munerare dignatus. his

I 2

enim

enim rebus, quib² cæteris antestamus ani-
malibus, soli possumus malitiæ fraudes,
dolos, vitiâque vitare. ea enim qui antè
quàm iis implicitus est, ex aspectu vita-
rit, is homo est diuina intelligentia, pru-
dentiaq; munitus: fundamentum enim est
disciplinæ, in summa bonitate consistens:
spiritu autem ministrantur omnia, & ve-
getantur in mundo, & quasi organum, vel
machina summi dei voluntati subiectus
est. Itaque hætenus intelligatur à nobis
mente sola intelligibilis summus, qui di-
citur deus, rector, gubernatorq; sensibilis
dei ejus, qui in se complectitur omnē lo-
cum, omnem rerum substantiam, totamq;
gignentium, creantiumq; materiam, &
omne quicquid est, quantūcunq; est. spiri-
tu verò agitantur, siue gubernantur o-
mnes in mundo species, vnaquæq; secun-
dum naturam suam à deo distributam si-
bi. Hyle autem vel mundus omnium est
receptaculum, omniumque agitatio, at-
que frequentatio, quorum deus governa-
tor, dispensans omnibus rebus mundanis,
quantum vnicuique necessarium est, spi-
ritu verò implet omnia, ut cujusque na-
turæ qualitas est. Est enim caua mundi
rotunditas in modum sphaeræ, ipsa sibi
qualitatis, vel formæ suæ causa, inuisibilis
tota:

tota : quippe quū quemcūq; in ea summū
subter despiciendi causa delegeris locum,
ex eo inimo quid sit videre non possis:
propter quod multis locis instat, qualita-
temq; habere creditur: per formas enim
solas specierū , quarum imaginibus vide-
tur insculpta, quasi visibilis creditur: quū
depicta mōstratur, re autē vera est sibi ipsi
inuisibilis semper: ex quo ejus imum vel
pars (si locus est) in sphæra græcè ἀόρα di-
citur. siquidem ἰδν græcè videre dicitur,
quo visu imū sphærae careat, vnde & ἰδναι
dicuntur species, quòd sint inuisibilis for-
mæ: ab eo itaq; quòd visu priuatur, Græcè
ἀόρα, ab eo, quod in imo sphærae sunt, La-
tinè inferi nuncupantur. Hæc ergo sunt
principia, & antiquiora, & quasi initia, vel
capita omnium, quæ sunt, in his, aut per
hæc, aut de his. A S C L. Omnia ergo ipsa,
vt dicis, quæ sunt, ô Trismegiste, mūdana
(vt ita dixerim) specierum omniū quæ in-
sunt, in vniuscujusq; sicuti est, tota substā-
tia T A I S. Mundus itaq; nutrit corpora,
spīritus animas. sensus autem (quo do-
no cælesti sola felix sit humanitas) alit
mentem: neque enim omnes, sed pauci,
quorum ita mens est, vt tanti benefi-
cij capax esse possit, vt enim sole mun-
dus, ita mens humana isto clarescit lu-

mine, & eo amplius. Nam sol quicquid illuminat, aliquando terræ & lunæ interiectu, interueniente nocte, ejus priuatur lumine: sensus autem quū semel fuerit animæ commistus humanæ, fit vna ex bene coalescente cōmitione natura, ita vt nunquam ejusmodi mentes caliginum impediantur erroribus. vnde justē sensus, deorum animas esse dixerunt: ego verò nec eorum dico omnium, sed magnorum quorumque, & principalium.

C O M M E N T A R I A.

Caput septimum continet de genesi mundi, de Hyle, mundiꝑ; materia, de spiritu comitante, & de loco, velatam philosophiam. Omnia mundana in-mundo esse: mundum in deo: continens, locum appellat: proinde, locum mundi natum esse non vult: mundum autem natum esse, & non natum: natum quidem, si creaturarum opificium respiciat: at non natum, si opificij respiciat veritatem. Hyle enim & spiritus, mundus scilicet, & vis quædam diuina per omnia means, atq; diffusa, in mundi opificio non erant quando nata non erant, sed in eo (inquit) iam tunc erant, vnde nasci debuerunt: sed in quoniam erant, nisi in diuino illo verbo, per quod omnia facta sunt? & in quo, & quod factum

factum est, vita erat, & vnde tandem factum
prodijt quicquid est factum. Hylen facundam
esse equè qualitatis, quæ rationem boni habet,
& equè facundam malitiæ, quidd boni, ma-
liq; equè sit capax, ceu terra eadem, salutarium,
& noxiarum herbarum facunda est, idq; ha-
bet terra, tanquam proprietatis suæ membrum,
sic & Hyle. Attamen deum in hominibus pro-
vidisse (quantum rationabiliter oportuit) sen-
su, licet disciplinam, intelligentiam, aduersus
huiusmodi materiale proprietatem, ne ma-
litiæ nostram hylen occuparet, ceu noxia qua-
dam herba desertam, neglectam, incultamq;
terram. Insuper de spiritu in omnia diffuso, de
inferis, de sensu, qui est superiorum mentium
in humanas mentes illapsio, ceu radiorum lucis
in oculos, paucula quadam disceptat. hac septi-
ma particula.

CAPVT VIII.

ASCLEB. Quos dicis rerum capita vel
initia primordiorum, ô Trismegi-
ste? **T R I S M.** Magna tibi pando & diuina
nudo mysteria. cuius rei initium facio,
exoptato fauore cælesti. Deorum gene-
ra multa sunt, eorûmque omnium pars
intelligibilis, alia verò sensibilis pars. in-
telligibiles dicuntur, non ideo quòd putē-

tur non subiacere sensibus nostris (magis enim sentimus eos,quàm eos,quos visibiles nuncupamus) sicuti disputatio perdocebit, & tu,si intendas, poteris peruidere. sublimis enim ratio, eoq; diuinior vltra hominum mentes, intentionesq; consistens, si non attentiore aurium obsequio, verba loquētium acceperis, transuolabit, & transluet, aut magis refluēt, suiq; fontis liquoribus miscebit se. Sunt ergo omnium specierum principes dij, hos sequuntur dij, quorum est princeps οὐσία. hi sensibiles vtriusque originis suæ confimiles, qui per sensibilem naturam conficiūt omnia. altera per alterū vnusquisq; opus suum illuminans. cæli, vel quicquid est, quod eo nomine comprehenditur, οὐσπαρχὴς est iupiter: per cælum enim, iupiter omnibus præbet vitam. Solis οὐσπαρχὴς est lumen. Bonum enim luminis, per orbem solis nobis infunditur. x x x v i. (quorū vocabulum est Horoscopij) in eodem loco semper defixorum syderum, horum οὐσπαρχὴς vel princeps est, quem Pátomorphon, vel Omnimorphem vocant, qui diuersis speciebus, diuersas formas facit. septem sphæræ, quæ vocantur erraticæ, habent οὐσπαρχὰς, id est suos principes, quam fortunam dicūt, & μεταρρίθω, quibus immutantur

tantur omnia, lege naturæ stabilitate fir-
missima, & sempiterna agitatione varia-
ta. aër verò organum est, vel machina o-
mnium, per quam omnia fiunt. est autem
vfiarches hujus secūdus. mortalibus mor-
talia, & his similia. His ergo ita se habent-
ibus ab imo ad summum se mouētibus,
sic sibi connexa sunt omnia pertinentia
ad se naturaliter, vt mortalibus mortalia,
sensibiliaq; sensibilibus annexa sint: sum-
ma verò gubernationis, summo illi domi-
no paret, vt non multa, at potius vnum. ex
vno etenim cuncta pendentia, ex eo po-
tius defluentia, quum distantia videntur,
creduntur esse plurima diuisim. adunata
verò, vnum vel potius duo, vnde fiunt o-
mnia, & à quo fiunt, id est de materia, de
qua fiunt, & ex ejus voluntate, cujus nutu
efficiuntur alia. A s c. Hæc iterum ratio,
quæ est; ô Trismegiste? T R I S. Talis, ô
Asclepi. Deus etenim vel pater, vel do-
minus omnium, vel quocunq; alio nomi-
ne ab hominibus sanctius, & religiosius
nuncupetur, quod inter nos, intellectus
nostri causa, debet esse sacratum, tãti ejus
numinis contemplatione, nullo ex iis no-
minibus eum definîtè nuncupauimus. si
enim vox hæc est ex aëre spiritu percusso
sonus, declarans omnem hominis volun-

tatem, vel sensum, quem fortè ex sensibus mente perceperit, cuius nominis tota substantia paucis composita syllabis, definita atque circumscripta est, ut esset in homine necessarium vocis, auriumq; cōmercium, simul & sensus, & spiritus, & aëris, & omnium in his, & per hæc, an cum his nomen est totum dei? non enim spero totius majestatis effectorem, omniumq; rerum patrem vel dominum, vno posse quamuis è multis composito nomine nuncupari. hunc verò vno nomine, vel potius omni nomine (si quidè is sit vnus, & omnia sit) necesse aut omnia esse eius nomen, aut ipsum omnium nominibus nūcupari. hic ergo solus, ut omnia, vtriusque sexus fecunditate plenissimus, semper voluntate sua prægans, parit quicquid voluerit procreare. Voluntas ejus est bonitas omnis. hæc eadem bonitas omnium rerum est. ex diuinitate ejus, natura nata, ut sint omnia, sicut sunt, & fuerunt, & futuris omnibus dehinc natura ex se nascendi sufficiat. hæc ergo ratio, ô Asclepi, tibi sit reddita, quare, & quomodo fiant omnia vtriusque sexus. A S C L. Ergo deum dicis, ô Trismegiste. TRISM. Non solum deum ô Asclepi, sed animalia omnia, & inanimalia. impossibile enim est aliquid eorū, quæ

quæ sunt, infœcundum esse. fœcunditate enim dempta ex omnibus, quæ sunt, impossibile erit semper esse, quæ sunt. Ego enim & naturam, & sensum, & mundum dico in se continere hanc naturam, & nata omnia in se conseruare. procreatione enim vterq; plenus est sexus, & ejus vtriusq; cōnexio, aut (quod est verius) vnitas incomprehensibilis est, quam siue Cupidinem, siue Venerem, siue vtrunque poteris rectè nuncupare. hoc ergo omni vero verius, manifestiusq; mente percepto, quod ex omni illo loco totius naturæ deo, hoc sit cunctis in æternum procreandi inuentum, tributumq; ministerium, cui summa charitas, læticia, hilaritas, & cupiditas, amorq; diuinus, innatus est. & dicendum foret quanta sit ejus ministerij vis, atque necessitas, nisi ex sui contemplatione vnicuique ex intimo sensu nota esse potuisset. si enim illud extremum temporis, quod ex cerebro ad ritū peruenimus, vt vtraque in vtranq; fundat natura progeniem, animaduertis, vt altera alterius auidè rapiat semen, interiusq; recondat. deniq; eo tempore ex commistione communi, virtutem marium etiam fœminæ adipiscuntur, & mares fœmineo corpore latefcūt. Effectus itaq; hujus tā blādi, necessarij q; ministerij
in

in occulto perpetratur, ne vulgò irriden-
 tibus imperitis, vtriusque naturæ diuini-
 tas ex commistione sexus cogatur erube-
 scere. multò magis etiam, si visibus irreligi-
 oforum hominum subjiçiat. sunt au-
 tem non multi, aut admodum pauci, ita
 vt numerari etiam in mundo possint, re-
 ligiosi. vnde contingit in multis remane-
 re malitiam, defectu prudentiæ, scientiæq;
 rerum omnium, quæ sunt. ex intellectu
 enim religionis diuinæ, qua constituta
 sunt omnia, contemptus, medelaq; nasci-
 tur vitiorum totius mundi. perseuerante
 autem imperitia, atq; inscitia, vitia omnia
 conualescunt, vulnerantq; animam insana-
 bilibus vitiis, quæ infecta iisdem, atq; vi-
 tiata, quasi venenis intumescit, nisi eorū,
 quorum animarum disciplina, & intelle-
 ctus, summa curatio est. si ergo solis, &
 paucis hoc proderit, dignū est hunc pro-
 sequi, atq; expedire tractatum, quare scili-
 cet solis hominibus intelligentiam, & di-
 sciplinam suam, diuinitas sit impartiri di-
 gnata. audi itaq; deus pater, & dominus,
 quū post deos, & homines efficeret ex par-
 te corruptiore mundi, & ex diuina, pari
 lance cōponderans, contigit vitia mundi
 corporibus commista remanere, & alia
 propter cibos, victumq;, quem necessariò
 habemus

habemus cum omnibus animalibus communem. quibus de rebus necesse est cupiditatum desideria, & reliqua mentis vitia, animis humanis incidere: diis verò, utpote ex parte mundissima naturæ effectis, & nullis indigentibus rationis, disciplinæq; adminiculis, quâvis immortalitas, & vnus semper ætatis vigor ipse fit eis prudentia, & disciplina, tamen propter rationis vnitatem, pro disciplina & intellectu ne ab his essent alieni, ordinem necessitatis lege conscriptum, æterna lege constituit. hominem ex animalibus cunctis de sola ratione, disciplinaq; agnoscens, per quæ vitia corporum, homines auertere, atque abalienare potuissent, ipsos ad intentionem, spemq; immortalitatis prætendit. denique & bonum hominem, qui posset immortalis esse, ex vtrâque natura composuit, diuinâ, atque mortali, & sic compositum per voluntatem dei hominem, etiam constitutum est esse meliorem diis, qui sunt ex sola immortalî natura formati, & omnibus mortalibus. propter quod homo diis cognatione coniunctus, ipsos religione, & sancta mente veneratur. diiq; etiam pio affectu, humana omnia respiciunt, atque custodiunt: sed de hominibus paucis istud dictum est, pia mente præditis.

ditis. de vitiosis. verò nihil dicendum est.
ne sanctissimus sermo, eorum contempla-
tione violetur.

COMMENTARIA.

Caput octauum hac complectitur, de vfi-
archis, substantialibusq; principibus, quos
deos appellat: celi vfiarcham appellat Iouem.
vfiarcham solis, lumen. triginta sex ponit ho-
roscopios, id est horarum speculatores, syderum
semper in eodem loco defixorum: horum au-
tem principem Pantomorphon, id est omniformem.
septem sphaerarum erraticarum princi-
pes: ponit fortunam & fatum. ponit & aëris
vfiarcham. sed hæc demonum figmenta esse
videntur, & vana quedam involucria ad gen-
tilitios errores pertrahentia, & quæ in his diu-
tius immorantes vanescere cogunt potius,
quàm perficiunt. Hinc ad summi dei redit con-
templationem, ineffabilis, & innominabilis,
aut qui omnium nominatur nominibus, fæ-
cunditate plenissimi, à quo omnia id habent,
ut nihil esse possit infæcundum. hinc amor ille
procreandi, & iugens naturæ studium, nihil
prorsus fædum, nihil dedecorum in se habens,
dum religiosè cogitur, & de eo talis habeat-
ur sermo, tracteturq; non minus religiosè. est
enim

enim id indultum, ad diuine fecunditatis emulationem. verum quia maxima pars hominum mysteria ignorat, diuinas leges profanat, & belluarum more, insanè, irreuerenter, & quasi furibundi, & amentes illa tractant; ideo de talibus nunc vix aut cogitari, aut loqui præ verecundia quicquam audendum, quod inordinata illa, & hominum ille erga venerabundam dei ordinationem irreuerentia, sese sensibus, cogitatibusq; ingerunt, non autem illa pulchra, sancta, incontaminataq; dei ordinatio: & quia paucis concessum est, puros habere sensus, censeo paucis de talibus cogitandum esse, atque loquendum. Mox subiungit, deum solis hominibus intelligentiam, disciplinamq; esse impartitum, quo vitia, particula eius immortalis, & diuina deuitare posset: quæ alioqui admistione corporeæ molis incurreret facile. nam ratione corporis, & dissolubilis particula, necesse est hominum animi, cupiditatum desideria, & reliqua mentis vitia incidere. Hæc octaua particula.

CAPVT IX.

ET quoniam de cognatione, & consortio hominum, deorumque, sermo nobis inducitur, potestatem hominis, ô
Asclepi,

Asclepi, vimq; cognosce. dominus & pater, vel (quod est iustum) deus, vt effector est deorum cælestium, ita homo effector est deorum, qui in templis sunt, humana proximitate contenti, & non solum illuminantur, verum etiam illuminant, nec solum ad eum proficit, verum etiam cõfirmat deos. Miraris, ô Asclepi, an nunquid diffidis, vt multi? **A S C L E.** Confundor, ô Trismegiste, sed tuis verbis libenter assensus, felicissimum hominem iudico, qui sit tantam felicitatem consecutus.

TRISM. Nec immeritò miraculo dignus est, qui maximus est omnium deorum. Genus enim omnium sine cõfusione manifestum est, de mundissima parte naturæ propagatum. signaq; eorum, sola pro omnib⁹ esse quasi capita: species verò deorum, quas conformat humanitas, ex natura vtraque conformata est. ex diuina, quæ est prior, multoq; diuinior, & ex ea, quæ intra homines est, id est ex materia, quæ fuerunt fabricatæ, & non solum capitibus solis, sed membris omnibus, totòque corpore configurantur. Ita humanitas, memor naturæ, & originis suæ, in illa diuinitatis imitatione perseverat. vt sicuti pater, ac dominus, vt sibi similes essent, deos fecit æternos, ita humanitas deos suos.

suos ex sui vultus similitudine figuraret.

A S C L. Statuas dicis, ô Trismegiste? T R. Statuas, ô Asclepi, vidésne quatenus tu ipse diffidas? statuas animatas, sensu, & spiritu plenas, tanta, & talia facientes. statuas futurorum præscias, easq; fortè vates omnes somniis, multisq; aliis rebus prædicētes, imbecillitates hominibus facientes, easq; curātes, tristitiamq; pro meritis. An ignoras, ô Asclepi, quòd Ægyptus imago sit cæli, aut, quod est verius, translatio, & descensio omnium, quæ gubernantur, atq; exercentur in cælo? & , si dicendum est verius, terra nostra totius mundi est tēplum: & tamen, quoniam præscire cuncta prudentes decet, istud vos ignorare fas non est futurum tempus est, quum appareat Ægyptios incassum pia mente diuinitatem sedula religione seruasse, & omnis eorū sancta veneratio in irritum casura frustrabitur. è terris enim ad cælum est recursura diuinitas. linquetur Ægyptus, terraq;, quæ fuit diuinitatis sedes, religione viduata, numinū præsentia destituetur. alienigenis enim regionē istam, terramq; cōplentibus, non solum neglectus religionū, sed (quod est durius) quasi de legibus, à religione, pietate, cultuq; diuino statuetur. proscripta pœna, prohibi-

tio erit. tunc terra ista, sanctissima sedes delubrorum, atq; templorū, sepulcrorum erit, mortuorumq; plenissima. O Ægypte, Ægypte, religionum tuarum solæ supererunt fabulæ, & æquè incredibiles posteris suis, solæq; supererunt verba lapidibus incisa, tua pia facta narratibus. & inhabitabit Ægyptum Scythes aut Indus, aut aliquis talis, id est vicinia barbara. diuinitas enim repetet cælum, deserti homines toti morientur, atque ita Ægyptus deo, & homine viduata deseretur. Te verò appello, sanctissimum flumen, tibiq; futura prædico, torrenti sanguine plenus, ad ripas usque erumpes, undæq; diuinæ non solum proluetur sanguine, sed totæ rumpentur, & viuis multò major erit numerus sepulcrorum. superstes verò qui fuerit, lingua sola cognoscetur Ægyptius, actibus verò videbitur alienus. Quid fies, ô Asclepi? & his amplius, multoq; dererius, ipsa Ægyptus suadebitur, imbueturq; maioribus malis, quæ sancta quondam, & diuinitatis amantissima deorum in terra, religionis suæ merito, sola seductio sanctitatis, & pietatis magistra, erit maximæ crudelitatis exemplum, & tunc tædio hominum; non admirandus videbitur mundus, neq; adorandus: hoc totum bonum, quo

quo melius nec est, nec fuit, nec erit, quod
 videri possit, periclitabitur, eritq; graue
 hominibus, ac per hoc contemnetur, nec
 diligetur totus hic mundus dei opus im-
 mutabile, gloriosa constructio, bonū mul-
 tiformi imaginum varietate compositum,
 machina voluntatis dei, in suo opere sine
 inuidia suffragantis in vnum omnia, quæ
 venerari, laudari, amari deniq; à videnti-
 bus possunt, multiformis adunata conge-
 stio. Nam & tenebræ præponentur lumi-
 ni, & mors vita utilior iudicabitur. nemo
 suspiciet cælum. religiosus pro insano, ir-
 religiosus putabitur prudens, furiosus for-
 tis, pro bono habebitur pessimus. anima
 enim & omnia circum eam, quibus aut
 mortalis nata est, aut immortalitatem se
 consecuturam esse præsumit, secundum
 quod vobis exposui, non solum risus, sed
 etiam putabitur vanitas. sed mihi credi-
 te, etiam periculum capitale constituetur
 in eum qui se mentis religioni dederit. no-
 ua constituentur jura, lex noua. nihil san-
 ctum, nihil religiosum, nec cælo, nec cæ-
 lestibus dignum audietur, aut mente cre-
 detur. fit deorum ab hominibus dolenda
 secessio, soli nocentes angeli remanent,
 qui humanitati commisti, ad omnia au-
 daciæ mala miseros (manu injecta) com-
 pell

pellent in bella, in rapinas, in fraudes, &
 in omnia, quæ sunt animarū naturæ con-
 traria. tunc nec terra constabit, nec nau-
 gabitur mare, nec cælum astrorum cursi-
 bus, nec syderum cursus constabit in cæ-
 lo. omnis vox diuina, necessaria tacitur-
 nitate mutescet. fructus terræ corrupen-
 tur. nec fœcunda erit tellus: & aer ipse,
 mœsto torpore languescet. hæc, & talis
 senectus veniet, mundi irreligio, & inor-
 dinatio, & irrationabilitas bonorum o-
 mnium. quum hæc cuncta contigerint, ô
 Asclepi, tunc ille dominus, & pater Deus
 primipotens, & vnus gubernator mundi,
 intuens in mores, factaq; voluntaria, vo-
 luntate sua, quæ est dei benignitas, vitiis
 resistens, & corruptelæ omnium errorem
 reuocans malignitatem omnem vel allu-
 uione diluens, vel igne consumens, vel
 morbis pestilentibus vbique per diuersa
 loca dispersis, finiens, ad antiquam faciem
 mundū reuocabit, vt & mundus ipse ado-
 randus videatur, atque mirandus. & tanti
 operis effector, & restitutor Deus, ab o-
 mnibus, qui tunc erunt, frequentibus lau-
 dum præconiis, benedictionibusq; cele-
 bretur. hæc enim mundi genitura, cuncta-
 rum reformatio rerum bonarum, & natu-
 ræ ipsius sanctissima, & religiosissima re-
 stitutio

stitutio peracto temporis cursu, quæ est & fuit sine initio sempiterna. voluntas enim dei caret initio, quæ eadē est, & ubiq; est sempiterna. **A S C L.** Dei enim natura consilium est voluntaris, bonitas summa, consilium, ô Trismegiste. **τ ρ.** O Asclepi, voluntas cōsilio nascitur, & ipsum vel- le est ex voluntate. neque enim impensē aliquid vult, qui est omnium plenissimus: & ea, quæ vult, habet. vult autem omnia bona, & habet omnia, quæ vult. omnia autem bona & cogitat, & vult. hoc est autē deus ejus boni imago mundus. **A S C L.** Bonus, ô Trismegiste. **τ ρ.** Bonus, ô Asclepi, vt ego te docebo. sicuti enim deus omnibus speciebus, vel generibus, quæ in mundo sunt, distributor, dispensator q; est bonorum, id est sensus animæ, & vitæ, sic & mundus præstitor est, & tributor omnium, quæ mortalibus videntur bona, id est alternationis partium, temporalium fructuum, natiuitatis, augmentorum, & maturitatis, & horū similium: ac per hoc Deus supra verticem summi cæli consistens, vbique est, omniaq; circumspicit. sic est enim ultra cælum locus sine stellis, ab omnibus rebus corpulentis alienus. dispē sator, qui est inter cælum, & terrā locum obtinet, quem Iouē vocamus. terræ verò,

& mari dominatur Iupiter Plutonium, & hic nutritor est animantium mortalium, & fructiferarum. horum omnium viribus, fructus, arbusta, & terra vegetantur: aliorum verò vires & effectus, per omnia quæ sunt, distribuuntur. Distribuentur verò qui terræ dominantur, & collocabuntur in ciuitate in summo initio Ægypti, quæ à parte solis occidentis conderetur. ad quam terra, mariq; festinabit omne mortale genus. A S C L. Modò tamen hoc in tempore, vbi isti sunt, ô Trismegiste? T R. Collocati sunt in maxima ciuitate in monte Libyco. & hæc eousque narrata sint.

C O M M E N T A R I A.

Caput nonum hoc vniuersum, profanum est, quod & rectè coarguit Augustinus in libro de Ciuitate Dei. idololatriam probat, miris laudibus effert, predicat, casum eius deplorat. deum quendam supra cali verticem ponit cuncta circumspectientem, intra verò eum locum, qui calo, & terra continetur, Iouem ponit dispensatorem. Plutonicum autem Iouem, terra, mariq; dispensatorem, quasi alius Deus sit in calo, alius in aëre, alius in terra, atque maris quæ vniuersa ingentem continent errorum impietatem,

pietatem. nam ex divinis eloquijs, castè, pure, & sanctè sumus edocti, quòd Dominus ipse est deus, in celo sursum, & in terra deorsum, & quòd non sit alius. adversus verò idola, & idolorum latriam sapientia, & divini loqui propheta nos cautè pramonent, ne tanta impietatis macula inquinemur, ne tanto fœdemur errore. nam idolum ipsum quidem maledictum est, & qui fecit illud. & rursus: Infandorum idolorum cultura omnis mali causa est, & initium; & finis. similique modo, odio sunt Deo impius, & impietas eius. nam quòd factum est, cum illo, qui fecit, tormenta patientur. hæc, & pleraque alia de idolis, & idololatria ex Sapientia. Et in Levitico Deus ipse ex se precipit: Ego dominus Deus vester, non facietis vobis idolum, & sculptile: nec titulos erigetur, nec insignem lapidem ponetur in terra vestra, ut adoretur eum. Et de idolis Aegypti, precipit in Ezechiele: In idolis Aegypti nolite pollui. ego Dominus Deus vester. Et de cessatione, per eundem dicit: Dissperdam simulacra, & cessare faciam idola de Memphi, & dux non erit amplius de terra Aegypti. Quas autem Mercurius dicit idolorum, statuarumq; animas, sensumq; & spiritum, imbecillitates hominibus facientes, eaq; curantes, malos proculdubio cognoscimus esse spiritus, & indubitata fide eos esse, de quibus

Propheta ore veridico dicit : Omnes dñi gentium demonia. Hac pauca aduersus Mercurij, & huius nona particula impuritatem satis sint, nam ad eos habemus sermonem, qui veri dei cognitione sunt imbuti, quem (vt sapiens dicit) nosse consummata iustitia est, & eius iustitiam, & virtutem scire, radix immortalitatis. Lazareus hunc locum ad analogiam trahit, quasi idola apostoli sint: fictor homo, Christus: virtus desuper indita, spiritus sanctus: Aegyptus tenebra gentium, & persecutio discipulorum, apostolorum, & martyrum. lapides inscripti pia facta narrantes, posteritatis corda, non opera, sed sola verba fidei retinenda. hac excogitata pie, sed ad literam fortè violenta. lapsus Hermetis cum Augustino & in hoc, & in terzodecimo capite sentio. Id enim Gentium vates (vt Balaam, vt Sibylla) videntur habere: vt lucem patiantur, & tenebras, & lucida, & opaca varicinarum intervalle, puraq; interdum & nonnunquam impura. Hac pro capite nono.

CAPVT X.

DE immortali verò, & mortali, modo differendum est. multos enim spes, timorq; mortis vel æ rationis ignarus, excruciat. mors enim efficitur, dissolutione

lutione corporis labore defessi, & numeri cōpleti, quo corporis membra in vnam machinam ad vsus vitales aptantur. moritur enim corpus, quando hominis vitalia ferre posse destiterit. hæc ergo est mors, corporis dissolutio, & corporalis sensus interitus. de qua sollicitudo superuacua est. Sed & alia necessaria, quam aut ignorantia, aut incredulitas contemnit humana. A S C L E. Quid est, ô Trismegiste. quod aut ignorant, aut esse posse diffidunt? T R. Audi ergo, ô Asclepi. quum fuerit animæ à corpore facta discessio, tūc arbitrium, examénque meriti ejus transiliet in summi dæmonis potestatem: isq; eam, quum piam justamq; præuiderit, in suis competentibus locis manere permittet: Sin autem delictorum illitam maculis, viriisq; oblitam viderit, desuper ad ima deturbans, procellis, turbinibúsque aëris, ignis & aquæ sæpe discordantibus tradet. atque inter cælum & terram mundanis fluctibus, in diuersa semper æternis pœnis agitata, raprabitur, vt in hoc obsit animæ æternitas, quòd sit immortali sententia, æterno iudicio subjugata. Ergo ne his implicemur, verendum, timendum, cauendumq; esse cognosce. incredibiles enim post delicta cogentur

credere, non verbis, sed exemplis: nec minis, sed ipsa passione pœnarum. **A S C L.** Non ergo, Trismegiste, hominum delicta, sola humana lege puniuntur. **T R I S.** Primo enim, ô Asclepi, terrena omnia quę sunt, mortalia sunt. tunc ea etiam, quę sunt ratione corporali viuentia, & à viuendo eadem corporali lege deficientia, ea omnia pro vitę meritis, aut delictis, pœnis obnoxia, tantò post mortē sæuiores subiiciuntur, quantò inulta forsitan fuerint celata dum viuerent. pręscia enim rerũ omnium diuinitate, reddentur (perinde vt sunt) pro delictorum qualitatibus pœnæ. **A S C L.** Qui sunt digni maioribus pœnis, ô Trismegiste? **T R.** Quidam damnati humanis legibus vitam violenter amittunt, vt non naturę animam debitam, sed pœnam pro meritis reddidisse videantur. contrà, iusto homini in dei religione, & in summa pietate præsidium est. Deus enim tales, ab omnibus tutatur malis. pater enim omnium, & Dominus, qui solus est omnia, omnibus se libenter ostendit. Non vbi sit loco, nec qualis sit qualitate, nec quantus quantitate, sed hominem sola intelligentia mentis illuminans. qui discussis ab animo errorum tenebris, & veritatis claritate percepta, to

to se sensu intelligentiæ diuinæ commiscet: cuius amore à parte naturæ, qua mortalis est, liberatus immortalitatis futuræ concipit fiduciam. hoc ergo inter bonos, malosq; distabit. vnusquisq; enim pietate, religione, prudentia, cultu, & veneratione dei clarescit, quasi oculus vera ratione perspecta, & fiducia credulitatis suæ in tantum inter homines præstat, quantum sol cæteris astris lumine suo antestatur. ipse enim Sol, non tam magnitudine numinis, quàm diuinitate, & sanctitate, cæteras stellas illuminat. secundum enim deum hunc credo, ô Asclepi, cætera omnia gubernantem, omniaq; mundana illustrantem animalia, siue animantia, siue inanimantia. Si enim animal mundus, viuensq; semper & fuit, & est, & erit, nihil in mundo mortale est. viuentis etenim semper, vniuscuiusq; partis, quæ est in ipso mûdo, sicuti in vno, eodemq; animali semper viuentem, nullus est mortalitatis locus. ergo vitæ, æternitatisq; ipse esse debet plenissimus, si semper eum necesse est viuere. Sol ergo, sicuti mûdus, sempiternus est, sic & ipse semper gubernator vitaliũ, vel totius viuacitatis, eorumq; frequentator, & dispensator est. Deus ergo viuentiũ, vel vitaliũ, quæ sunt in mûdo, sempiternus gubernator

nator est, ipſiusq; vitæ diſpēſator æternus, ſemel autem diſpenſauit æterna lege cunctis vitalibus vitam præſtans, hoc more, quod dicam. In ipſa enim viuacitate æternitatis, mundus agitatur: & in ipſa vitali æternitate, locus eſt mundi. propter quod, nec ſtabit aliquando, nec corrumpetur aliquando, ſempiternitate viuendi circūual-latus, & quaſi conſtrictus ipſe mūdus. Eſt igitur diſpenſator vitæ, omnibus quæ in ſe ſunt, & eſt locus omnium, quæ ſub ſole gubernantur, cujus mundi commōtio, ex duplici conſtat. effectu: viuificatur enim ipſe extrinſecus ab æternitate, viuificatq; ea, quæ intra ſe ſunt omnia; differens numeris, & temporibus ſtatutis, atq; præfixis. cuncta per ſolis effectum, ſtellarumq; diſcurſum. omnia temporalia, ratione, diuinaq; lege conſcripta, terrenum autem tempus æris qualitate, æſtuum, frigorisq; varietate dignoſcitur, cæleſte verò reuerſionibus ſiderum ad eadem loca, temporali conuerſione recurrentium: & mundus eſt receptaculum temporis, cujus curſu, & agitatione vegetatur. tempus autem ordine ſeruatur. ordo & tempus innouationem omnium rerum, quæ in mundo ſunt, per alternationem faciunt.

COM

Decimum de morte, de examine anime, quum corpus excefferit, quòd magis puniantur post mortem, quibus iustè legibus humanis, præ scelerum magnitudine, vita adempta est. quòd iustis deus sit præsidio. de solis, & mundi diuinitate. ponit mūdum primum sensibilem deum, solem secundum mundum nunquam quieturum, nunquam corruptum iri. nos autem nomen dei incommunicabile, neque soli, neq; mundo tribuimus, mundumq; credimus aliquando soluendum. intellecta igitur hæc (ut simplicia sonant Hermetis dicta) errorem gentilium præ se ferunt. participatione tamen illis cew excellentibus operibus dei, diuinitatem tribuimus. Hæc partitio decima.

CAPVT XI.

CVnctis ergo ita se habentibus nihil stabile, nihil fixum, nihil immobile, nec nascētium, nec cælestium, nec terrenorum. solus enim deus, & meritò solus, in se, & à se, & circum se totus est plenus, atq; perfectus, isq; sua firma stabilitas est, nec alicujus impulsu, nec loco moueri potest, quū in eo sint omnia, & in omnibus ipse est solus. nisi aliquis audeat dicere, sui cōmotionem in æternitate esse, sed
magis

magis etiā & ipsa immobilis æternitas, in quam omniū temporum agitatio remeat, & ex qua omnium temporum agitatio sumit exordiū. Deus igitur stabilis fuit, semperq; cum eo similiter æternitas constitit, mundū non natum, quem rectè sensibile dicimus, intra se habens. huius dei imago hic mundus effectus est æternitatis imitator. habet autem tēpus stabilitatis suæ vim, atq; naturā, quāuis semper agitetur, ea ipsa in se reuertendi necessitate: itaque quamuis sit æternitas stabilis, immobilis, atq; fixa, tamē, quoniā mobilitate tēporis, in æternitatē semper reuocatur agitatio, eaq; mobilitas ratione temporis vertitur, efficitur, vt & ipsa æternitas immobilis quidē, sola per tēpus, in quo ipsa est, & est in eo omnis agitatio, videatur agitari. sic efficitur, vt & æternitatis stabilitas moueatur, & temporis mobilitas stabilis fiat fixa lege currēdi. sic & deum agitari credibile est in se ipsum eadē immobilitate: stabilitatis enim ipsius in magnitudine est immobilis agitatio. ipsius enim magnitudinis immobilis lex est. Hoc ergo, quod est tale, quod non subjicitur sensibus; infinitum, incomprehensibile, inæstimabile est. nec sustineri, nec ferri; nec indagari potest. vnde enim, & quo, & vbi, aut quomodo.

modo, aut quale sit, incertum est. fertur enim in summa stabilitate, & in ipso stabilitas sua, seu deus, seu æternitas, seu uterque, seu alter in altero, siue uterque in utroque sint. propter quod æternitas, sine definitione est tēporis: tempus autē, quod definiri potest, vel numero, vel alternatione, vel per alterius amplitudinē rediēs, æternum est. utrūq; ergo infinitum, utrūq; videtur æternū. stabilitas enim utpote defixa, quòd sustinere, quæ agitabilia sunt, possit beneficio firmitatis, meritò obtinet principatū: omnium enim, quæ sunt, primordia, deus est. & æternitas, mūdus autē quòd sit mobilis, non habet. principatum. præuenit enim mobilitas ejus stabilitatē suā in lege agitationis sempiternæ, habēdo immobilē firmitatē. Omnis ergo sensus diuinitatis, similis, immobilis, ipse in stabilitate sua se commouet, sanctus, & incorruptus, & sempiternus est, & si quid melius potest nuncupari. in ipsa dei summi veritate cōsistēs æternitas plenissimus omniū sensibiliū, & totius disciplinæ, consistens (ut ita dixerim) cū deo. sensus verò mundanus, receptaculū est omniū sensibilibium & specierū, & disciplinarū: humanus verò ex memoriæ tenacitate, quòd memor sit omniū, quas gesserit rerū. vsq; ad
humana

humanū enim animal sensus diuinitatis descēdendo peruenit. Deus enim sensum summum; diuinumq; cunctis cōfundi noluit, ne erubesceret aliorum cōmīstione animantium. Intelligētia enim sensus humani, qualis, aut quanta sit, tota in memoria est præteritorū. per eam enim memoriæ tenacitatem, gubernator effectus est terræ. Intellectus autem naturæ, & qualitatis, & sensus mundi, ex omnibus, quæ in mundo sensibilia sunt, poterit peruideri. æternitas, quæ secunda est, ex sensibili mundo, sensus datus, qualitasq; dignoscitur. at intellectus qualitatis, qualitasq; sensus summi dei, sola veritas est. cuius veritatis in mundo ne quidē extrema linea umbra dignoscitur. vbi enim quid temporum dimensione cognoscitur, vbi sunt mēdacia, vbi genitura, vbi errores videntur? Vides ergo, ô Asclepi, in quibus constituti, quæ tractemus, aut quæ audeamus attingere: sed tibi, deus summe, grātiās ago, qui me videndæ diuinitatis tuę, illuminasti lumine: & vos, ô Tati, & Asclepi, & Amnon, intra secreta pectoris, diuina mysteria silentio tegite, & taciturnitate celate. hoc autem differt intellectus à sensu, quòd intellectus noster, ad qualitatem sensus mundi intelligendam, & digno-

scen

scendam mentis peruenit intentione. Intellectus autem mundi peruenit ad æternitatem, & deos noscendos, qui supra se sunt: & sic contingit nobis hominibus, vt quasi per caliginem ea. quæ in cælo sunt, videamus, quantum possibile est per conditionem sensus humani. hæc autem intentio peruidens tantis bonis angustissima est. latissima verò quum viderit felicitate consentiæ.

COMMENTARIA.

Vndecimum cap. pandit, quòd solus deus immobilis sit, & stabilis, cetera autem mutabilia. deus infinitus, incomprehensibilis, inestimabilis, & qualis sit ignotus, de sensu dei sancto, incorrupto, & sempiterno: de sensu mundi: de sensu hominis: de differentia intellectus à sensu. Hæc vndecima particula summa.

CAPVT XII.

DE inani verò, quodq; etiam magnum videtur, esse quamplurimis, sic sentio, inane nec esse aliquid, nec esse potuisse, nec futurum vnquam. omnia enim mundi sunt membra plenissima, vt ipse mundus plenus sit, atq; perfectus corporibus, qualitate, formaq; diuersis, & specie suam habentibus, & magnitudinem, quorum vnus
 1. est

est alio majus, aut alio minus, & validitate, & tenuitate diuersa. Nā & quædā eorū validiora facilius videntur, sicuti & maiora: minora verò, & tenuiora, aut vix videri, aut omnino non possunt. quas solum res esse, attrectatione cognoscimus. vnde cōtingit multis credere hæc non esse corpora, sed esse inanes loci, quod est impossibile. sicuti enim quod dicitur extra mundū, si tamē est aliquid (nec istud enim credo:) sic ab eo, plenū esse intelligibiliū rerum, id est, diuinitatis suæ similiū, & hic etiā, qui dicitur sensibilis mūdus, plenissimus sit corporū, & animalīū naturæ suæ, & qualitati conueniētium. quorum facies non omnes videmus, sed quasdā vltra modum grādes, quasdā breuissimas, aut propter spatij interjecti longitudinem, aut quòd acie sumus obtusi, tales nobis esse videantur, aut omnino propter nimiam breuitatem, à multis non esse credantur. dico nunc demones, quos credo commemorari nobiscum, & heroas, quos inter aëris purissimam partem supra nos, & terram, vbi nec nebulis locus, nec ex signorū aliquorū agitatione cōmotio. propter quod, o Asclepi, inane nihil esse dixeris, nisi cuius rei inane sit hoc, quod dicis inane, prædixeris: vt inane ab igne, & ab aqua, & ab

& ab iis similibus. quod etsi cōtigerit videri, quòd inane possit esse à rebus huiusmodi quāuis breue sit, vel magnū, quod inane videtur, spiritu tamen, & aëre vacuū esse non possit. Similiter verò de loco dicendum est, quod vocabulū solum intellectu caret. Locus enim ex eo, cuius est, quid sit apparet Principali etenim nomine dempto, significatio mutilatur. Quare aquæ locus, ignis locus, aut his similiū, rectè dicimus. sicuti enim inane esse aliquid impossibile est, sic & locus solus, quid sit, dignosci non poreft. Nam si posueris locum sine eo, cuius est, inanis videbitur locus, quem in mundo esse non credo: quòd si inane nihil est, nec per se quid sit locus apparet, nisi ei aut longitudes, aut latitudes, aut altitudines, addideris, vt corporibus hominum signa. His verò sic se habentibus, ô Asclepi, & vos, qui adestis, scitote intelligibilē mūdum, id est deum, qui mentis solo obruitu dignoscitur, esse incorporalē, nec ejus naturæ misceri posse aliquid corporale, id est, quod possit qualitate, quantitate, numerisq; dignosci. in ipso enim nihil tale consistit. hic ergo mundus, qui dicitur sensibilis, receptaculum omnium sensibilibium specierum, qualitatum, vel corporum, quæ omnia sine

deo vegetari non possunt. Omnia enim deus, & ab eo omnia, & ejus voluntate omnia, quod totum est bonum; decens, & prudens, inimitabile, & ipsi soli sensibile, atq; intelligibile: & sine hoc nec fuit aliquid, nec est, nec erit. omnia enim ab eo, & in ipso, & per ipsum, & multiformes qualitates, & magnæ quantitates, & omnē mensuram excedentes magnitudines, & omniformes species, quas si intellexeris, ô Asclepi, gratias acturus es deo: sin totum animaduertes, vera ratione perdisces mundum ipsum sensibilem, & quæ in eo sunt omnia, à superiore illo mundo, quasi ex vestimento esse contacta. Vnūquodq; enim genus animalium, ô Asclepi, cuiuscūq; vel mortalis, vel immortalis, vel rationalis, siue sit animans, siue nō sit, prout cuiusq; est genus, sic singula generis sui imagines habet: & quāuis vnūquodq; animalis genus, omnem sui generis possideat formam, in eadem tamen sui forma singula dissimilia sunt: vt hominum genus quāuis sit vniforme, vt homo dignoscitur ex affectu possit: singuli tamen in eadem forma sibi dissimiles sunt. species enim quæ diuina est, incorporealis est, & quidquid mente comprehenditur. Quum itaq; hæc duo, ex quibus constat forma,

&

& corpora, & incorporalia sunt, impossibile est vnamquanq; formam alteri similimam nasci, horarum, & climatum distatibus punctis, sed immutatur toties, quot hora momēta habet circuli circūcurrentis, in quo est ille omniformis (quē diximus) deus. species ergo permanet, ex se toties pariens imagines tantas, tamq; diuersas, quanta habet conuersio mundi momenta, qui mundus in conuersione mutatur, species verò nec mutatur, nec conuertitur. sic generum singulorū formæ sunt permanentes, in eadem forma, sibi dissimiles. A S C L E. Et mundus speciem mutat. ô Trismegiste. T R I S. Vides ergo, ô Asclepi, tibi omnia quasi dormienti esse narrata? Quid est enim mūdus, aut ex quibus cōstat, nisi ex omnibus natis? A S C L. Ergo vis dicere de cælo, terra, & elementis. T R I S. Nanq; alia magis frequēter mutantur in species, cælū humescēs, vel arefcens, vel frigescens; vel ignescens, vel clarescens, vel sordescens, in vna cæli specie hæ sunt, quæ spēcic alternātur species. terra verò suæ speciei multas immutationes semper habet, & quum parturit fruges, & quū eadem partus nutritat suos, quū reddit omnium fructuum varias, diuersasq; qualitates, & quantitates, ac stationes, &

deo vegetari non possunt. Omnia enim deus, & ab eo omnia, & ejus voluntate omnia, quod totum est bonum; decens, & prudens, inimitabile, & ipsi soli sensibile, atq; intelligibile: & sine hoc nec fuit aliquid, nec est, nec erit. omnia enim ab eo, & in ipso, & per ipsum, & multiformes qualitates, & magnæ quantitates, & omnē mensuram excedentes magnitudines, & omniformes species, quas si intellexeris, ô Asclepi, gratias acturus es deo: sin totum animaduertes, vera ratione perdisces. mundum ipsum sensibilem, & quæ in eo sunt omnia, à superiore illo mundo, quasi ex vestimento esse contacta. Vnūquodq; enim genus animalium, ô Asclepi, cujuscūq; vel mortalis, vel immortalis, vel rationalis, siue sit animans, siue nō sit, prout cujusq; est genus, sic singula generis sui imagines habet: & quāuis vnūquodq; animalis genus, omnem sui generis possideat formam, in eadem tamen sui forma singula dissimilia sunt: ut hominum genus quāuis sit vniforme, ut homo dignosci ex affectu possit: singuli tamen in eadem forma sibi dissimiles sunt. species enim quæ diuina est, incorporealis est, & quidquid mente comprehenditur. Quum itaq; hæc duo, ex quibus constat forma,

&

& corpora, & incorporalia sint, impossibile est vnamquanq; formam alteri similimam nasci, horarum, & climatum distātib; punctis, sed immutatur toties, quot hora momēta habet circuli circūcurrentis, in quo est ille omniformis (quē diximus) deus. species ergo permanet, ex se toties pariens imagines tantas, tamq; diuersas, quanta habet conuersio mundi momenta, qui mundus in conuersione mutatur, species verò nec mutatur, nec conuertitur. sic generum singulorū formæ sunt permanentes, in eadem forma, sibi dissimiles. A S C L E. Et mundus speciem mutat. ô Trismegiste. T R I S. Vides ergo, ô Asclepi, tibi omnia quasi dormienti esse narrata? Quid est enim mūdus, aut ex quibus cōstat, nisi ex omnibus natis? A S C L. Ergo vis dicere de cælo, terra, & elementis. T R I S. Nanq; alia magis frequēter mutantur in species, cælū humescēs, vel arefcens, vel frigescens; vel ignescens, vel clarescens, vel sordescens, in vna cæli specie hæ sunt, quæ specie alternātur species. terra verò suæ speciei multas immutationes semper habet, & quum parturit fruges, & quū eadem partus nutrit suos, quū reddit omnium fructuum varias, diuersasq; qualitates, & quantitates, ac stationes, &

L 3 cursus

curfus ad omnes arborum, florum, bacca-
rum qualitates, odores, sapores, species.
Ignis etiã facit cõuerfiones plurimas, atq;
diuinas. Solis enim & Lunæ omniformes
imagines. sunt enim quasi speculorũ no-
ftrorum, fimiles imaginum fimilitudines,
æmulo splendore reddentium: fed jam de
alibus fuit fatis dicta talia.

C O M M E N T A R I A.

*Duodecimum differit, inane, vacuumq; in
rebus locum nullum habere, demones nobiscum
circa terram diuerfari, at propter nimiam sub-
tilitatem, à nobis imperceptibiles. Heroas pu-
riorem obtinere aëris portionem. Loci nomen
folitarium inane eſſe, quod ad aliquid fit, ſine
cuius intelligentia, quid fit locus intelligi non
poſſit, & id omnibus relatiuis commune eſt:
intelligibilem aſtruit mundum, quo ſenſibili-
mundus, & que in eo ſunt omnia, quaſi veſti-
mento contegitur, repote qui in mundo conti-
neatur intelligibili, uniformium generum ſin-
gularum quorumque diſſimiles eſſe formas, ut
hominum, & id ſecundum momenta, & horas
circuli, cui præſidet Pantomorphus, quem horo-
ſcopiorum diuis ſuperius eſſe deum. nos au-
tem deum illum ignoramus, & ſtultitia re-
linqui*

linquimus gentiliū, si qui adhuc vsque adeo manifestò desipiunt, ac delirant: at nobis iuxta beatissimi Pauli sententiam, Vnus deus est pater, ex quo omnia, & nos in illo, & vnus dominus Iesus Christus, per quem omnia, & nos per ipsum species & formas, id est ideas, de quibus apud Platonem, & Platonicos, tot & tanta, immutabiles quidem, & inuariabiles collocat in Pantomorpho, hinc nomen habente, quasi cūiformi, & omni ideali, à quibus singulis horis, & momenti, singula eadem quidem forma, sed variè format. cetera verò mutabilia esse, & mundum, & calum, & terram. verum sint, qui pantomorphon Mercurij, & ideam Platonis, inter figmenta reponant. Hec cap. duodecimi summa.

CAPVT XIII.

ITerum ad hominē, rationemq; redeamus; ex quo diuino dono, homo animal dictum est rationale. minus enim miranda, etsi miranda sunt, quæ de homine dicta sunt. sed omnium mirabilium vincit admirationem, quòd homo diuinam potuit inuenire naturam, eamq; efficere. quoniam ergo proavi nostri multum errabant, circa deorum rationem increduli, & non animaduertentes ad cultum, reli-

gionemq; diuinam, inuenerūt artem, qua deos efficerent. cui inuentæ adjunxerunt virtutem de mundi natura conuenientem, eamq; miscntes: & quoniā animas facere non poterant, euocantes animas dæmonum, vel angelorum, eas indiderunt imaginibus sanctis, diuinisq; mysteriis, per quas solas idola & benefaciendi, & malefaciendi vires habere potuissent. Auus enim tuus, ô Asclepi, medicinæ primus inuentor, cui templum consecratum est in monte Libyæ circa litus crocodylorum, in quo ejus jacet mundanus homo, id est corpus (reliquus enim, vel potius totus, si est homo totus in sensu vitæ, melior remeauit in cælum) omnia etiam nunc adjuncta hominibus præstans infirmis numine nunc suo, quæ antè solebat medicinæ arte præbere. Hermes, cujus auitum mihi nomen est, nōne in sibi cognomini patria consistens, omnes mortales vndique venientes adjuuat, atque conseruat? Isin verò vxorem Osiris, quam multa bona præstare propitiam, quantis obesse scimus iratā? terrenis etenim diis, atque mundanis, facile est irasci, utpote qui sunt ab hominibus, extraq; naturam facti, atq; compositi. vnde cōtingit ab Ægyptiis, hæc sancta animalia nūcupari, colliq;

liq; per singulas ciuitates eorum animas, qui ea conlecrauerunt viuētes, ira vt eorum legibus incolantur, & eorum nominibus nuncupentur, per hanc causam, ô Asclepi, quod aliis, quæ colenda videntur, atq; veneranda apud alios dissimiliter habentur, ac propterea bellis se laceßere Ægyptiorum ciuitates solent. A S C L E. Et horum, ô Trismegiste, deorum, qui terreni habentur, cuiusmodi est qualitas? T R I S. Constat, ô Asclepi, de herbis, de lapidibus, de aromatibus vim diuinitatis naturalem in se habentibus, & propter hanc causam, sacrificiis frequentibus oblectantur, hymnis, & laudib⁹, dulcissimis sonis in modum cælestis harmoniæ concinentibus, vt illud, quod cæleste est, cælesti vsu, & frequentatione illectum in idola possit lætum, humanitatis patiens, longa durare per tempora. sic deorum fictor est homo, & ne putes fortuitos effectus esse terrenorum deorum, ô Asclepi, dij cælestes inhabitant summa cælestia, vnusquisque ordinem, quem accepit, complens, atq; custodiens. Hi verò nostri, sigillatim quædam curantes, quædam sortibus, & diuinatione prædicentes, quædam prouidentes, hisq; pro modo subuenientes, humanis quasi amica cognatione, auxiliantur.

COMMENTARIA.

Tertiumdecimum caput hoc cum capite nono simili impuritate laborat, & in quo vult Mercurius hominem esse diuinissimum, & maximè admirandum, in hoc certè homo maximè impius est, atque profanus, quòd scilicet idololatriam inuenerit, quòd demonicos spiritus euocatos imaginibus indiderit, ritusq; & sacrificia addiderit. de Aesculapio, Mercurio, Iside, Osiride, qui ab Aegyptijs colebantur, de animalibus, quæ Aegyptijs sancta habebant, de herbis, lapidibus, & aromatibus, concentibus, & hymnis, quibus propitiarent spiritus illos statui, imaginibusq; inditos. quod adhuc facere solent nonnulli pythonici (ô seculum infelix) qui aut in annulis, aut vasculis se spiritus clausos habere putant, genus hominum impurissimum, deo, hominibusq; insensum, ac ex aduerso constitutum inimicum. & contra hunc profanum impietatis errorem, agis beatus Augustinus, & iure quidem agis, in libro de Civitate Dei, & pro veritate conuincit. Hac pro capite tertiodecimo.

CAPVT XIII.

ASCL. Quam ergo partem rationis angelus vel fata incolunt, ô Trismegiste,

megiste, si cælestes dij vniuersim dominantur, terreni incolunt singula, quam *ἀναγκὴν* nuncupamus? T R I S. O Asclepi, ea est necessitas omnium, quæ geruntur, semper sibi catenatis nexibus iuncta, hæc itaq; est aut effectrix rerum, aut deus summus, aut ab ipso deo, qui secundus effectus est deus, aut omnium cælestium, terrenarumq; rerum firmata diuinis legibus disciplina. Hæc itaque *ἀναγκὴν* & necessitas, ambæ sibi inuicem individuo connectæ sunt glutino, quarum prior *ἀναγκὴν* rerum omnium parit initia: necessitas verò cogit ad effectum, quæ ex illius primordiis pendent. has ordo consequitur, id est contextus, & dispositio temporis, rerum perficiendarum. nihil est enim sine ordinis compositione. In omnibus istis mundus iste perfectus est. Ipse enim mundus ordine gestatur, vel totus constat ex ordine. Hæc ergo tria *ἀναγκὴν*, id est factum, necessitas, ordo, vel maximè dei nutu sunt effecta, qui mundum gubernat sua lege, & ratione diuina. Ab his ergo omne velle, & nolle diuinitus auersum est totum: nec ira etenim cōmouentur, nec flectuntur gratia, sed seruiunt necessitati rationis æternæ, quæ æternitas, inauersibilis, immobilis, insolubilis est. Prima ergo

ἀναγκὴν

εἰς γενεάν est, quæ velut jacto semine futurorum omnium suscipit prolem. sequitur necessitas, quæ ad effectum vi coguntur omnia. Tertius ordo, textum seruans earum rerum, quas *εἰς γενεάν*, necessitasq; disponit. hæc est ergo æternitas, quæ nec capit esse, nec desinet, quæ fixa immutabili lege currendi, sempiterna commotione seruatur: oriturq; & occidit alterna sæpe per membra, ita vt variatis temporibus, iisdem, quibus occiderat, membris, oriatur. sic est enim rotunditas volubilis ratio, vt ita sibi coarctata sint cuncta, vt quid sit volubilitatis initium ignores, quum omnia se semper & præcedere, & sequi videantur. Euentus autem & fors, insunt omnibus permixta mundanis.

COMMENTARIA.

Caput XIII. de fatiis, quæ vocat *εἰς γενεάν*, necessitatem, ordinem, alij Clotho, Lachesis, Atropon. circa quæ non minus solebant ethnici ineptire, quàm circa reliquos, quos sibi finxerunt, deos, noua & miripotentia fingentes numina. velocius autem de his Mercurius & parcius, & quasi ambiguè, veluti tria hæc essent, præfinitio, prædestinatioq; mentis diuinæ, quam necessitas rerum, vt sint, sequitur, quas
demum

demum existentes, ordo conseruat, quemadmodum diuina, eternaq; lege sancitum est, ita ut primum factum, sit diuina præfinitio: secundum, verum consecutio: tertium, conseruatio. Et hæc tria aut diuina lex, aut seriem diuina legis comitantia, et definitarum, ac secundum naturam causarum, ordinem continent, atque et factum, in contingentibus rebus, indefinitas, præter naturam, indeterminatasq; causas etiam permittit: verum de his alij iudicent. Et hæc præ presenti partitione.

CAPVT XV.

Dictum est nobis de singulis, ut humanitas potuit, ut voluit, permisitq; diuinitas: restat hoc solum nobis, ut bene dicentes deum orantesq; ad curam corporis redeamus. satis enim de diuinis rebus tractantes, mentem velut animi pabulis saturauimus. de adyto vero egressi, quum deum orare cœpissent, in austrum respicientes erant. sole etenim occidente, quum quis deum orare voluerit, illuc debet intendere: sicut & sole oriente, in eum, qui subsolanus dicitur. Iam ergo dicentibus, precationem, Asclepius ait submissa voce, ô Tati, suggeramus patri, iusserit ut iure addito, & pigmentis precem dicamus deo. Trismegistus audiens, atq; commotus,

motus, ait, Melius, melius ominare, ô A-
 sclepi. hoc enim sacrilegiis simile est, quû
 deum roges, thus, atq; cætera incendere.
 nihil enim deest ei, qui ipse est omnia, aut
 in eo sunt omnia: sed nos agêtes gratias,
 adoremus. hæc enim sunt summæ incen-
 siones dei, quû aguntur gratiæ à mortali-
 bus. Gratias tibi agimus, ô summe, & exu-
 perantissime. tua enim gratia tantum su-
 mus cognationis tuæ lumen cōsecuti: no-
 men sanctum, & honorandum: nomen
 vnum, quo solus deus est benedicendus re-
 ligione paterna. quoniam omnibus pa-
 ternam pietatem, & religionem, & amo-
 rem, & quæcunque est dulcior efficacia,
 præbere dignaris, quum donas nos sensû,
 ratione, intelligentia. sensu, vt te cogno-
 scamus: ratione, vt te suspicionibus inda-
 gemus: intelligentia, vt te cognitione co-
 gnoscêtes gaudeamus: ac numine saluati
 tuo gaudeamus, quòd nobis te ostenderis
 totum, gaudeamus, quòd nos in corpori-
 bus sitos, æternitati fueris consecrare di-
 gnatus. Hæc est enim sola humana gratu-
 latio, cognitio maiestatis tuæ. Cognoui-
 mus te, & lumen maximum, solo intelle-
 ctu sensibile intelleximus te. ô viræ vera
 via! ô naturarum omnium fœcunda præ-
 gnatio! cognouimus te, totius naturæ
 tuo

tuo conceptu plenissime. cognouimus te,
æterna perseueratio : in omni enim ista
oratione, adorantes bonum bonitatis tuę,
hoc tantum deprecamur, vt nos velis ser-
uare perseuerantes in amore cognitionis
tuę, & nunquam ab hoc vitæ separari ge-
nere. hæc optantes, conuertimus nos ad
puram, & sine animalibus cœnam.

COMMENTARIA.

*Quintumdecimum caput dialogum religio-
sè finit, in gratiarum actionibus : adoratione
autem finita, & gratijs deo persolutis, Mercuri-
us, Asclepius, Ammon, & Tatius quatuor vi-
ri, qui sacrum adytum impleuerant, secundum
religiosum Aegyptiorum ritum se conuer-
tunt ad puram, & sine animalibus
cœnam. & hic Hermes
de voluntate dei
libelli*


FINIS.





A01 1154324











B72.

A.30